

現代論叢叢刊

宗子相集(上)

宗三撰

藝文閣(東京)發行所
昭和二十一年六月

明代論著叢刊

宗子相集(下)

卷三

上海古籍出版社

明代論著叢刊

宗子相集
(上)



偉文圖書出版社有限公司 印行

明代論著叢刊

宗子相集
(下)



偉文圖書出版社有限公司 印行

明代論著叢刊

宗子相集(上)

定價：新台幣 三〇〇元
美金 八元

出版者：偉文圖書出版社有限公司

撰者：宗臣

發行所：偉文圖書出版社有限公司

信箱：台北第六八一—九八一號

電話：五八一六九九五
五七一四七八五

郵撥：第三〇四〇四三號

美國辦事處
業務經理：Mr. Chun T. Lai

5 Beekman Street

New York N. Y. 10038 U. S. A.

TEL: (212)-233-1780 (212)-233-1781

印刷所：華信彩色印刷企業有限公司

台北市東園街一〇〇巷一六八號

中華民國六十五年五月

(本書係向國立台灣大學圖書館借用影印)

Published By *Wei-Wen Book & Publishing Co., Ltd.*

P. O. Box 68-981 Taipei, Taiwan, R. O. C.

Tel: 5714785, 5816993

明代論著叢刊

宗子相集(下)

定價：新台幣 三六〇元
美金 一〇元

出版者：偉文圖書出版社有限公司

撰者：宗臣

發行所：偉文圖書出版社有限公司

信箱：台北第六八一九八一號

電話：五八一六九九三
五七一四七八五

郵撥：第三〇四〇四三號

美國辦事處
業務經理：Mr. Chun T. Lai

5 Beekman Street

New York N. Y. 10038 U. S. A.

TEL: (212)-233-1780 (212)-233-1781

印刷所：華信彩色印刷企業有限公司

台北市東園街一〇〇巷一六八號

中華民國六十五年五月

(本書係向國立台灣大學圖書館借用影印)

Published by Wen Book & Publishing Co., Ltd.

P. O. Box 68-981 Taipei, Taiwan, R. O. C.

Tel: 5714785, 5816993

序宗子相集



皇明賜進士第文林郎巡按福建監察御史 吳雲山 吳國 吳

予稽姓籍竊嘆文人多不
幸豈獨遇不幸哉冒嫌觸
忌命數復奇則尤可嘆也

已逝才自班馬而下無論

王楊盧駱即李杜韓柳。

可言遇也嗟乎天分有限

人稟難齊造化若厚薄於

其間弗忍論矣子束髮時

嘗聞學士大夫多稱李何
二氏作者時得李何二集
讀之則沾沾喜已竊謂李
何寡儔也逮入仕寓京邸
有謝處士者與子遊間持

宗子相所為詩文示予予
讀之則大喜竊謂子相好
古惜未盡觀子相所長也
予按畿南時有過客語予
曰子相狂士不近人子衡

其言時猶未識子相意子
相不免以才蒙忌也嘉靖
三十六年秋子奉

命按閩適子相以吏部郎遷
閩藩叅議子與子相同行

部延邵間延邵故多山寇
民困財匱奸弊叢積予相
庶其狀輒語予以救濟之
術予即條其事以屬予相
而予相幹剔有緒民乃帖

德頌子相矣子時心異子
相子相輒以閩中大事語
子予亦不自知其不佞而
以閩事自試子相實助我
也越歲島夷大至容兵日

擾當事者既去予乃從戈
矛中密與子相議戰守而
子相亦以身任其事蓋毅
然偉丈夫矣亡何寇退兵
去予遂與子相同試壬辰

閣凡有論著子相多援筆
立就及分帙夜讀而子相
所得士尤稱高等既而子
相秉文衡益勵躬範諸生
士飭諸生誦法聖賢及稱

古豪傑所事事而諸生咸

悚服頌吾師云予觀子相

修雅然意氣多激昂不能

諧俗獨信其心淡然忘

毀譽也吏嘗告子過客

多持梁

肥獨子相臨郡

縣時衣

衣步除阻糲飯

蔬食惟携書數篋耳有司

餽之供具勿受即一楮不

妄受也惟覩民疾苦則語

肫肫不能已已復戚然嘆
無弗動協民愿者居嘗披
簡啜茗每吟哦四顧蕭然
立風日下出則整衣肅履
遇濁吏輒怒目去之然後

已嗟乎郵吏能道子相之
實至此而子相之心獨未
見知於世子與子相同事
幾三載則知子相之心者
非予哉予觀世人負才多

不羈或政事非其所長而
子相之才識政行兼之蓋
今之奇傑士奚但李何儔
也予意天將厚子相乃不
幸子相沒矣時年三十有

六耳無論其所遇乃其數
止此悲哉悲哉時諸生請
祀子相予從諸生言乃移
檄郡縣崇子相祀焉旣而
哀子相所遺

詩文類次成集不惟子相
之才名足稱千古而慷慨
特達之氣忠義廉正之操
又可槩見襯歸之日其尊
君履菴公以子知子相最


親遂馳使函書告予曰臣
兒不幸又不幸無嗣獨幸
有斯集在也愿公一言以
俾斯集不朽願子不文又
安能以其不文之言重子

相哉獨念子相之秉心持
行予旣從閩中獨知之而
世人之不知子相者將取
證於予言不獨以其文章
為足以傳世也若惟以文

章知子相則世之友子相
者咸能道之斯又奚待於
予言

嘉靖三十九年歲次庚申

九月望日



斗山公揭子相遺詩傳

嘗聞仙人丁野鶴化時有詩云懶散六十
三妙用無人識白雲歸去來虛空鎮長寂
人至今異之今子相所遺三詩視野鶴尤
異哉或曰子相儒宗也多為野鶴哉獨臨
逝時勿刺刺為兒女悲而詩情超曠殆遠
人矣然哉然哉予往問子相遊武夷而子
相教對予談仙事已而歷入遊觀上接筓
峯予與子相相攀援若履空子相輒語予

飛騰之志予時氣喘不能步子相輒先躡
其巔衣翩翩逼霄漢矣予心異子相無如
子相出也今讀子相遺詩誠有味乎其言
之也奚啻達者之作哉蓋益占子相爲謫
仙之死其逝而去也安知他日不鶴而歸
也孰謂子相亡哉予持此以告子相弟復
揭其詩於武夷止止庵中俾後人慕子相
者稱奇觀云

子相遺詩

其一

長嘯一聲歸去來，玉龍高駕彩雲迴。
獨留明月詩千首，萬古寒光燭上台。

其二

一謫人間四九年，青山萬里隔蒼烟。
子今更返華陽洞，子樹桃花待舉鞭。

其三

留別知己

四海相逢盡卧龍，清江夜夜採芙蓉。
我今先跨晴虹去，送爾崆峒第一峰。

斗山公送子相入名宦祠移文

巡按福建監察御史樊 爲祀名宦以彰
風化事照得按察司提學宗副俊才識高
明德器純厚文章素拔乎時髦政事又專
於民望清操備節貞教維風皆本院所素
知而心服者當其守武平而庶務咸備允
敦節愛司臬篆而群蠹率剔懋著精勤跡
其素履誠一世之名士寔將來之軌範也
今不幸齋志而沒切用哀痛更稽諸士論

輿情相應崇祀爲此案仰本司呈堂照依
事理即便備行後關府縣文到之日各掌
印官即製木主并具牲儀香幣率同僚屬
官吏師生里老導請本官神靈付該學名
宦祠崇祀各具行過日期并奠文稿繳查
勿致違錯抄案依准呈來

一木主式

稱存曰官銜

一木主後實錄

公諱居子相。嘉慶中，授府興化縣人。卷嘉

靖慶茂進士。由吏部司。嘉慶二十六年，夏，陞福

建布政司左叅議，分守武平。兼管汀州。三十八年，春

陞本省提學副使。年三十六歲卒。於嘉靖三十九年

二月十六日亥時。文章政行卓然。時望於本年三月

初一日入祀。

方城先生小像



方城先生小像贊

嗟哉先生 世仰才名
稀覯厥容 或觀其容
稀識厥心 一心有寄
千古為盟 嗟哉先生
士林偉範 藝圃都程

門人蕭時中頓首百拜撰

宗子相集目

一卷賦

釣臺

嘆逝

二卷古調歌

池上寄諸子二首

昔君別

今夕歌四解

招隱詞四解

昔思君

送將歸

一白頭吟三解

車遙篇

萱草詞四章

三卷古樂府

雉子班

戰戰南

君馬黃

巫山高

上陵

有所思

丹鷺

臨高臺

聖人出

思悲翁

長歌行 二首

艾如張

上之回

出塞曲

長相思

孤鳳篇

鳳笙曲

江南曲

龍笛曲

採蓮曲

採菱曲

遊女曲

朝雲曲

趙瑟曲

秦箏曲

陽春曲

關山月

出塞

寄遠曲

二首

自君之出矣

二首

江南曲

四首

寄衣曲

採蓮曲

相逢行

清夜曲

梅雪曲

月下曲

水中月 四音

採蓮曲

江上曲

長相思

江南弄

江南曲

春閨曲

楚陽曲

賣花曲

子夜吳歌九解贈李順德子鱗

四卷五言選詩

省中

秋夜省直

雜詩 二首

擬古 二首

歲暮

五子詩

簡吳明卿舍人

寄江鄉舊好

楊氏園亭

錢別謝
林二首

留別京洛諸游 三首

還至別業

五首

寄李順德于鱗 二首

贈三元吳 二首

山中與陸長庚

得吳明卿書

懷謝山人茂秦

寄子與

七哀詩為伊氏作

送睿

夏日池上坐

聞錢惟重

李伯章郵歸來訪

贈孫子升文學

又得明卿書

秋夜

秋夜寄陸子和

寓湖上東

高子明
徐養浩

雜詩

出郊訪黃山人

留別子培舍弟

晉七

湖上送徐子與

渡淮

淮上雜詩

三首

贈黃戶部

贈伊文學

贈施司封

三首

牛渚望謝眺

清一
二首

紫陽山

寄人

夜坐

江門有懷

以下闕
構未刻

過顏憲司公署

黃田驛夜泊

滄峽夜泊

有俊顏
使君

贈顏氏

三首

分水嶺

大安驛

三首

順昌公署

荈原

江上七夕

二首

水口夜泊

立秋夜燕

顏使君
池亭

夜至三華公館

王華雨中

同顏使
君酌

王華送

徐汀州北
上四首

飲張參戎

閏月七夕

復至江上

寄慰子與

四首

夜過滴水巖

回省顏使君追送

秋夜得曾

使君書有底

江上遇曾使君

溪上夜懷

芳草

江夜

不寐

五卷七言古詩

水頭遇雨

秋夜吟

明卿夜過

各賦長句

二華篇

有序

春日姚園同德甫明卿元孫

賦下字

秋塞曲

送王松州

金山篇送徐子與

薊門春望

同峻伯勅南

賦得春月

古劍篇有序

送白明府之汝南

歸嘆

寒夜偶遇吳峻伯讀具山中詩篇分賦

廬山歌寄贈吳明卿時以黃門讀詩州

湖上幽棲

賦得湖上幽棲

武陵歌有序

伯倫席上遇峻伯不至戲贈

送施子之豫章

寒夜借助甫集方懋 潘邸中各賦放歌

張園同高伯宗諸君餞朱主客于价

再餞朱主客 長安行寄人

元美將之青州書來約會已乃徑去

悵然席上賦此得寒字

小除夕借馬太史吳駕部集助甫宅

分得源字 席上賦

除夕放歌行同助甫賦

新春二日同助甫過峻伯夜酌

湖上行

桃源古城

何侍御談山東海之勝 五月歌

江上

山中夜坐

登江門諸山

江上訪朱氏

白氏園亭別袁詵

江門別歌

吳關吟

江上行

夜歌

湖上過子與
酌夜

酌洞口

貞白祠

江上送胡國子

上亭夜讌

既別子與憶之

白鷺洲夕泛

燕子磯

登方山

牛渚歌

新安道中

山中夜行

浙溪曉起

嚴州山行

月夜

湖上行

立春夜飲

六卷五言律詩

寄懷鄉園游好五首

送蘇生南歸

諸子有約未得赴

病中荅明卿

有寄
贈別吳子

同于鱗郊行二音

送張明府謫湖州

與錢惟重步月 歲暮

送王判 除夕荅謝徐見贈

送張簿之上饒 寄遠曲

問元美病二音 寄陸子

同李司封蘇文選遊聖禪寺

送周先生之寧海 荅袁子

遠思 夜過王元美

夜嘆

三月

天寧寺餞

梁公實
二首

送人

夜過元美

皇甫別駕夜集

寄黃山人

追送謝山人不及

月夜聞笛

懷願二丈

寄書

寄元美 二首

夜集懷茂秦

二首

寄黃先生 二首

對雪有懷

再得元美書

贈黃山人

過陸子和草堂 四首

過時寺

訪袁三
子敬

答周

府

訪陸長庚別業

元美有詩
采得赴三首

小園花開獨酌

有客

白馬湖泛舟

三首

寄吳人元美

雨夜沈二丈至

二首

不盡

中秋有懷茂秦

進艇

夜

入日寄吳明卿

陸長庚夜至

別袁使君

席上贈東麓

送馮尉

即事六首

寄子與明卿元美

寄真州張子

二首

元美見訪百花洲

四首

送徐山人還吳

三首

秋夜集碩二丈

二首

得徐子與書

簡陸子和

二首

中秋遣騎迎沈丈

中秋無月

一首

秋夜泛湖

黃山人夜坐

聞鴈

無月

山陵陪祀

二首

客夜

山陵道中

過明卿

憶弟

得于鱗書二首

吳舍人得子

八梁公實十首

初夏夜遊園亭

寄懷子與二首

再遊張園

問德甫病二首

立秋夜集

荅明卿給事

集明卿宅

諸子夜過舍中

聞子培又下第

九月驟寒二首

雪夜訪明卿

集明卿宅席上賦

賦得席上菊

九日

秋風

為東臯賦 四首

得子與消息

懷李伯章

簡陳使君

送別于鱗席上賦

得元美書

同金山篇寄子與

同峻伯夜過 助甫

發京

鄉游既別憶之

渡江

渡江得子與書

句曲七夕大雨

聞明卿移南康 二首

燕子 二首

荅五岳山人

南陵道中聞閩寇

七卷七言律詩

春日

送人還楚

寄趙山人

省樓春集

午日諸子同集

送施明府之蕭山

秋日寄袁二丈

二月三日

三首

寄許發卿

寄沈二丈

寄懷子培舍弟

省中齋居貽諸子

送熊守之太倉

吳明卿席上賦

望蜀

送冒明府謫教

杭州

得黃山人書

送方行人還蜀

寄馬明府

客舍新遷有賦

送陳君還楚

寄陸子和

送陳生南還

送李虞部之杭州

旅懷

二音

除前錢惟重夜至

寄陸長庚

常氏池亭賦

四音

寄陳使君

送王參軍之橫州

西來

諸子夜集

雨中得家書

再寄袁二丈

人日氣揚子

寄懷趙子盛

送人歸淮南

春興一首

江村

寄顧純一

寄袁二丈一首

同子與登文游臺

趙山人至

贈凌文學

拱極臺

萬里

符元美不至一首

真州

寄茂翁

送人南歸

贈吳子

寄李于鱗

暮春

飲江漢京洛舊好

寄袁三子敬

雨中

二月五日

謝沈二山人

送太史李公還朝

顧一丈夜集

懷公實

席上贈劉一丈

過揚州

早春寄明卿還楚

春日

真州謁文丞相祠

得元美書

冬至夜集諸子

懷余德甫北都

諸子夜集寄長庚

七夕

寄錢惟重還吳

得方山人書

子與約訪特之

病起

頻年

得明卿還京消息

袁二丈夜訪山館

孫子升過訪

蜀道

渡河

舟夜夢顧一丈

登景山落霞寺

南旺湖夜泊

八卷七言律詩

諸子夜集明卿

天壽山

送劉武庫使幘

送黃先生之江西

寄贈子培赴試

七夕同諸子

其酌張園

送嚴博之浙

同元美夜集明卿

送張肖甫調粵

答明卿齋居

寄于鱗

與明卿對月

送許先生

送人之河南

送朱邑博

徐子與夜集

再集子與

寄贈姜使君

二首

送卞從事

送唐參政之山西

諸子夜集德甫

送玄陽山人歸吳

同諸子別于鱗

送王比部之呂梁

送趙子隆下第

同明卿送孫子升

送李僉事入浙

送別明卿給事

携酒視元美

夜過况吉夫膳部

荅方懋藩見贈

山陵陪祀二首

送萬公子南歸

大雪張助甫同賦

和朱主客韻

寄贈王侍郎

待元美不至

吉夫席上別諸君

荅子與見贈

二首

上巳夜留別諸君

得袁二丈書

得袁三子敬書

與徐養浩泛湖

二首

贈陳隱之

曲句道中值雨

二首

積翠亭子與晚酌

同子與登茅山

既別子與憶之

登觀音山

登俯江亭

過涇訪王九江

二首

聞子鱗謝病

以下開稿未刊

懷元美兵憲

寄峻伯督學

寄李吏部一元

送曾使君北上

寄李司熱謝病

借子與登朝斗歲

碧雲洞同子缺

同顏使君飲張參

秋夜有懷明卿

歲暮再飲顏使君

寄劉南康

立春夜飲顏使君

九日余德甫夜酌

贈徐比部

登玉華懷于鱗

得趙太僕滁陽書

明卿再謫寄訊

舟中望武夷

酬斗西見贈

寄題龍沙草堂

九卷五言排律

人日諸子惜集

聞家君赴蜀

傷春四首

同茂秦南溪泛舟

病中二首

送沈儀部

送朱郎中使浙

午日同于鱗

岸天寧寺

病中茂秦見過

賦得邊馬有歸心

寄魏山人

聞陸子携家金陵

送王中丞

巡撫山東

送宗四道丈南歸

送胡比部

喜雨

湖上晨起

遊山人再訪溪南

冬夜集芙蓉館 別顧國子

訪長庚不遇 同何侍御遊大雲寺

送萬彥和僉憲 省中夜直

德甫明卿夜至 秋夜寓張園

夜過明卿 秋夜集諸子

別吳峻伯 以下闕
稿本無 立春日讌紫微堂

送周大叅北上 飲顏使君池亭

十卷五言絕句

題畫四首 春望

送吳山人

聞鴈憶子培弟

雪山

聽笛

寄陸子

郊行六首

贈人之河汾

送人之江南

湖上雜言

千首

得余德甫書

古意簡伯章

懷高子明

夜立

遲養浩不至

寒夜見盆草

四首

席上送朱主客

四首

餞朱主客南還

夜月席上賦

四首

伯倫席上賦古

謝

贈吳張二子

茶洋聽泉

大德以下周
禮樂刻

九曲夜舟

再宿武夷宮

武夷對月懷德甫

建陽夜過滄州

北望曲

延平公署對梅

石盂水

又書茶洋壁

二絕

秋江

五絕

九龍書院

夜渡

十一卷七言絕句

送王比部元美

六

塞上歌

十首

再送王元美

四首

贈余德甫

四首

得顧洛陽書

四首

送葉令之蒲圻

送袁令之夔州

寄陸長庚

明卿書

二首

酬朱丈得蘿字

酌岐伯得屋字

相逢曲

酬助甫二首

題方懋藩邸中

明月曲四首

新春贈李司封

夜月懷明卿

同助甫過李子藩

得子與晉寄贈

四首

寄贈方隱

六首

峻伯夜過各賦

五首

月夜再別諸子

華陽明月曲

六首

華陽道中別子與

蕪湖遇陳山人

三首

過采石懷李白

懷海樵山人

聞張山人在蕪湖

涇縣望桃花潭

仙人石

王子夜半有贈

夜召明卿

人日大雪

四首

席上酬耿甫

耿甫宅見盆梅

白雲樵者

青霞樵者

以下闕稿未刻

逸平道中

賞當嶺懷子與

酬子與龍灘見懷

三華館

白蓮驛過雪

順昌道中

西征曲

古言有舟

石牛驛懷子與

懷仙館

附錄

五子述

五子詩

全書

四懷詩

全書

七子篇

十二卷文部上

袁尹傳

王夫人傳

重修城隍廟碑

刻文訓敘

贈沈太醫敘

贈董先生之考城

杏莊贈言錄敘

贈顧母八表

送許簿之海寧

贈趙公敘

贈曾公敘

陽山王公傳

房隱丈傳

何孺人傳

贈陳大夫之平

贈查大夫報績

桐鄉縣城記

遊燕子磯記

武進白公集敘

長庚母夫人敘

跋文義公手帖

贈徐文徵授良醫

劉一犬像贊

贈金丈亭

贈陶令之封川

贈鮮公借壽序

送顧時可之

陸

縉雲令王公志

十三卷文部下

甌寧令胡公碑

西門記

七月西征記

九月西征記

遊滴水巖記

登平遠臺記

二曾夜談記

東臯徐公墓志銘

吳叟傳

福建鄉試錄序

福建武舉錄序

福建貢士錄序

刊藝圃櫨華序

讀太史杜李三書序

重刊中庸一助序

贈督臺王公序茂

贈周憲長入粵

贈楊方伯之廣東

贈劉大叅之江浙

贈趙方伯入計

贈徐子與入計

贈巡臺樊公序茂

胡公生祠記

贈袁憲長之雲南

移和邑學文二首

又總約八篇

十四卷書部上

報阮督學

報張範中三

報王元美三

報梁公實

報元美

報袁二丈

報徐子與

報顧國子

報唐丈

報姜使君三

報徐子與

報何侍御三

報吳明卿

報徐子與

報何侍御

報陳駕部

報劉子鱗

報劉一丈

報徐丈

報陳丈

簡沈丈

報沈二丈

簡袁二丈

報袁子敬

報袁四子隆

報袁文學

報唐丈

報唐子晉

報徐二丈

報趙子隆

報解應堅

報解應儒

報陸子和

報陸長庚

報李伯章

報高子明

報徐養浩

報顧二丈

報顧純一

報舒惟弘

報許性之

報房齋隆

報楊國子

報盧子明

報姚子南

報潘子欽

報陸從周

報秦子韶

報卜子定

報胡文學

報王子仁

報成國子

報沈潤甫

報鄒翊明

報李翊文

報王一丈

報王先生

報徐中丞

報趙山人

報李于鱗

報鄭侍御

報陶明府

報王侍郎

報朱職方

報鮑山人

報王保定

報王侍郎

報沈二丈

報朱職方

報萬按察

報孫子升

報陸長庚

報劉按察

報顧國子

報凌文學

報管明府

報趙山人

報惲按察

報劉按察

再報孫子升

報陸子和

報宗丈

報陳使君

報于鱗

報顧丈

報于鱗

報劉明府

報袁使君

報鄉中父老

報王司馬

報沈二丈

報陸子和

報高子明

報顧純一

報李伯章

報于鱗凡三

報王司馬

報元美凡三

報王司馬

報于鱗凡三

報元美

報明卿

報黎惟敬

報子真

再報明卿

報元美

報于鱗凡三

報元美凡三

報王司馬

報元美凡四

十五卷書部下

報肖甫

報子與

報元美凡三

報姜使君

報子與

報明卿

報吳峻伯

報張助甫

報伯倫

報高伯宗

報白伯倫

報元美

報白伯倫

報施貞外

報顧一丈三

報子與

報元美

報李子藩

報徐中丞

報子與三

報明卿

報子與

報曹明府

報明卿

報子與

報阮中丞

報子與三

報太僕黃公

報李于鱗

報吳督學

報王元美

報李吏部一元

報子真三

報顏使君

報子真

報黃真門

報阮中丞

報顏使君九二

報查大常

報汪水部

報諸吏部

報李明府

報學士李公

報學士董公

報余德甫

報方武庫

報何中丞

報顏使君九二

報子與

報薛刑部

報子與生二

報周憲長

報尤憲長

報德甫

報方武庫

報並吏部

報白伯倫

報子與

報周憲長

報顏使君

報子與

報黃光祿

報趙太僕

報明卿

報方駕部

報謝山人

報子與

報泉州諸公

報德甫凡一

附

傳

公舉鄉賢呈移

墓誌

宗子相集賦卷之一

門人

林朝聘
黃中

黃才敏
朱應遇

陸望棟
謝符

同校刊

趙日新

陳汝揚

鄭克曾

釣臺賦有序

余聞嚴子釣臺舊矣丁巳秋余以叅
藩赴閩取道兩越始登厥臺裴回焉
商飈西來萬山颯搖我心傷悲爰申
厥詞把酒放歌白雲莽互豈君之聞
歌而來哉

恭承 帝命以南邁兮弭吾節於富春
儵微霜之隕百草兮何芳杜猶菲菲其襲人
睇嚴陵之舊里兮釣臺鬱而嶙峋屯飄風
其相薄兮吹石瀨之磷磷宿莽搖落而變
衰兮余又安得問夫白蘋余將懷椒糈而
噉臆兮蹇吾馬之逡巡而不前豈以沉淪
之俗羈兮乃不得以揖高士而執鞭唯炎
德之中天而與兮紛衆芳之雜糅以比肩
何佳人之夸姣以抗行兮乃獨抱狷貞

自全究冕黼黻之玄以章兮，孫獨愛夫辛
裘，衆鴻鵠之高翔兮，聊寄吾跡於汀洲。昔
傅岩之坂築兮，武丁肖形以資厥猷。非熊
之協帝夢兮，渭叟起而佐周。何帝之手詔
以忬慤兮，羗獨偃蹇而夷猶。故人之不志
舊權兮，情恍惚而至乎帝庭。何帝腹遽以
足加兮，太史奏之客星。咄咄子陵之不肯
為理兮，帝何獨惜夫沉冥。繇何高蹈而不
顧兮，乃長揖以謝夫天子朝。發軔於漢宮

兮夕稅駕於江沚有君如此其忍負兮蓀
豈亡親于厥旨痛韓彭之竟以烹醢兮勒
何辜而卒不免乎姜里念盛名奇績之不
可以善終兮是用忍情而惜此蘭芷鳳凰
之回翔而不肯下兮豈網羅之所能施使
蛟龍可得而常服兮又何以卑牛馬而下
之睇江河之趨下兮喟高風日逝而不可
追撫故迹而連蜷兮悵吾生之獨後時往
者既已不可復兮冀來者之猶可為奏余

珮之陸離兮掛吾冠於南斗之墟
擲長虹以為衣兮拾青露以為
琚托微誠於浮雲兮蓀其攢
珠華而遲予望美人而不見兮
羗獨立以蹶躅亂曰維江有蘭
美人植兮白雲茫茫歸何晏兮
平楚落日怨青楓兮歸來乎山
中吾與汝嬉以遊兮

嘆逝賦

代作

嗟天命之浩蕩兮總萬品而為
型唯一炁以回薄兮慨靈華之
不可以計停睨衆卉

之峻茂兮芳草紛而獨馨何微霜之未墮
兮而馨溢其先零君燁燁其少揚兮握赤
珠而馳騫朝飲馬于文苑兮夕弭節於玄
圃既謁帝之閭闔兮儼天門而廣步振
瓊英之雜佩兮散瑤華於中路奄分符以
南邁兮宰蒼生於東越遵邵杜之遺則兮
民蒸蒸其無艱鴻碩鬱其上聞兮爰降命
于北闕司寇之典邦禁兮惟女庶幾其慎
罰何君之蹇蹇以高厲兮拍鳴佩於上宮

返初服之江籬兮尋舊侶之桂叢志士不
能忘君兮念國事之倥傯羗重入乎承明
兮陪謨謀之從容錯帝章之璀璨兮統神
人而旁達爰申命于金馬兮日垂紳于紫
闥儼夔龍於天上兮攬芙蓉於池末艷球
琳之可拾兮紛組纓之可掇富貴之易以
盪情兮君獨守乎故常奉星辰之晨華兮
依日月之隆光當青鬢之盛年兮奄乘雲
以歸帝鄉悲回風之搖落兮攬木葉而霑

裳豈厭世之溷薄兮乃投情於幽渚將逐
吳雲以南征兮或戀燕都而北止或上而
獨駕乎玄螭兮將下而隨流乎赤鯉幽明
聚散之永隔兮余誠不知其故令名之庶
壽考兮自古以為難期回憲之不得永齡
兮千祀之所共悲余獨惜此芳草兮乃不
得與衆卉而共萎陳一詞以耗浮雲兮聊
寄余之遙思

宗子相集右調歌卷之二

門人

林朝聘
黃中
趙日新

黃才敏
朱應遇
陳汝揚

程望棟
謝一符

同校刊
鄭克魯

池上歌二首寄諸子

芙蓉搖落兮驚素秋
簫鼓殷殷兮泛中流
瞻彼滄洲兮狎白鷗
美人不見兮使我愁
安得與美人相逢兮
採萱草以忘憂

薰葭蒼蒼兮露為霜
秋風颯颯兮明月光
四顧天地兮何微茫
美人不見兮使心傷

安得與美人相將兮折桂枝而徜徉

昔君別

昔君別我兮春草萋萋今我思君兮秋雨
霏霏春秋既已改序兮君胡為兮不歸昔
君別我兮江月陰陰今我思君兮海日深
深日月忽其不停兮君胡為兮無音

今夕歌

今夕何夕兮星稀月明今夕何夕兮得與
美人同行蟋蟀在床兮淒淒則嚙江水浩

湯兮泠泠其聲何接美人之慙慙兮乃使
我惆悵而愴情

今夕何夕兮露下庭荷今夕何夕兮得與
美人同歌山有木兮木有柯水有鳥兮鳥
有羅何接美人之慷慨兮乃使我泪下而
滂沱

今夕何夕兮日居月諸今夕何夕兮得與
美人同車前有溪兮溪有魚後有園兮園
有蔬何接美人之珮環兮乃使我氣結而

欵欵

今夕何夕兮飛鳥鳴禽
今夕何夕兮得與美人同斟
奉清醴兮彈素琴薦上玳瑁兮揚
華音何接美人之周旋兮乃使我情結而
霑襟

招隱詞

歸來乎山中他鄉莫久滯
君莫慮無衣山

中有蘿薜一解

歸來乎山中他鄉莫久繫
君豈慮無舟山

中有蘭桂 二解

歸來乎山中他鄉莫久延君豈愿無飲山

中有甘泉 三解

歸來乎山中他鄉莫久羈君豈愿無殮山

中有紫芝 四解

昔思君

昔君與我兮同心結髮今君與我兮參商
胡越昔君與我兮鴛鴦同池今君與我兮
南北異枝昔君與我兮月明星燦今君與

我兮風流雨散

送將歸

客子遠役兮駟馬馳駕言長往兮適郊圻
念我同心兮悵有違送君河橋兮牽君衣
問君去兮何時歸恨無羽翼兮同君飛歲
暮不歸兮當誰依

白頭吟

君從何處來遺我明月珠明珠亦何為可
以照光儀光儀君不顧照之令心悲一解

君從何處來遺我綠綺

聲亦何為可

以揚芳音芳音君不聽彈之傷我心二解
君從何處來遺我紫鸞笙鸞笙亦何為可
以揚清聲清聲君不聆吹之感我情三解

車遥遥篇

車遥遥兮馬駸駸送君行兮河之陰望而
不見兮傷我心車遥遥兮馬蕭蕭送君行
兮河之橋望而不見兮俾魂消車遥遥兮
馬翩翩送君行兮山之巔望而不見兮涕

留連車遙遙兮馬駢駢送君行兮江之磯
望而不見兮酒沾衣

萱草詞四章為伊母夫人賦

萱草離離兮山之陽朱為衣兮青為裳嗟
彼秋風兮起大荒伴其花日飄泊而不可
見兮何以慰此心之彷徨

其二

萱草菲菲兮山之曲曳紫霞兮綴紅玉嗟
彼秋風兮振庭綠伴其葉日凋零而不可

尋兮何以慰此心之躑躅

其三

萱草芬芬兮山之側對芳芷兮遠叢棘嗟
彼秋風兮還以仆俾其枝日偃蹇而不可
起兮何以慰此心之嘆息

其四

萱草萋萋兮山之隅雜玄芝兮間綠蕪嗟
彼秋風兮遽以枯俾其根日蕭索而不可
保兮何以慰此心之踟躕

宗子相集古樂府卷之三

明人

林朝礪
黃才敏
黃中

朱應遇
陳汝揚

莊望棟
謝符

同校刊
鄭克曾

雉子斑

雉子斑斑乃游水湍朝游水北暮游水南
五色其羽文何翩翩嗟彼王孫來游江干
頃臯盼之忽焉見殘雉子向言有鳥在天
爾胡我殘有鴻在沼爾胡我殃嗟稚子爾
無言爾懼我殘爾懼我殃誰令爾斑

君馬黃

君馬黃臣馬青二馬並進臣馬停臣馬停
君馬行飛塵走電過龍庭一鞭胡騎驚再
鞭胡塵平錦泥玉障垂勲名吁嗟乎荆棘
滿山山路黑君王未可馳八極

戰戰南

戰城南望城北城北陣雲紅城南陣雲黑
生當封侯死當廟食一戰天門青再戰天
門赤揮金戈確雕戟馬走韁人失魄百戰

熊羆二時什歸來麟閣名觀者坐太息戰
城南望城北

上陵

上陵何所見但見栢與松栢枝一何盛松
枝一何青白楊在其上秋風蕭蕭鳴金為
闕玉為楹石為馬銅為龍重泉一以閉萬
古不可磷悟彼泉下仙喟然動中情今日
樂且樂延年萬壽春

巫山高

巫山高上摩千層之青天下渺萬丈巫峽
之重淵雲胡為哉生其巔朝飛去暮來旋
登山步雲令人神飛白日可摩玄龍可騎
下視浮世千萬里蒼茫浩蕩空煙水

冊鷺

冊鷺冊鷺不在天不在渚飛君堂爲君鼓
倡君歌起君舞玉戟升朱矛舉燕明堂耀
神兵享有道征不庭棲鳳羽布龍城一人
瘦四海寧

有所思

有所思乃在大海南
海路一何長
海水一何寒
迢迢千萬里
上有蓬萊山
山中有真人
顏色如渥丹
青霞為君衣
紫霞為君餐
桂枝夾道旁
上長青琅玕
群仙三五人
游戲青雲端
赤螭為前驅
蒼龍護其闕
月下散瑤步
玉聲何珊珊
我欲往從之
道路阻且難
中心悵有違
慷慨起長嘆

思悲翁

思悲翁悲何極朝相思暮相憶今者華昔
者黑白日難東黃河難北思悲翁悲何極

臨高臺

臨高臺高臺何崔嵬南望羅浮東望蓬萊
恒岳與秦華颯颯雄風來一顧青雲飛再
顧白日摧三顧天門忽以開仙人三五輩
冉冉霓宮迴仙人向我言君胡來君胡來

聖人出

聖人出應昌期龍來游鳳來儀天地並日

月齊統六合化九夷產朱草芬玄芝延年
壽萬歲期寄謝許由與巢父及今不出待
何時

艾如張

艾如張張而羅羅在山鳥則羅之羅在地
鴻則羅之翩翩者鳳萬里一去千年来過
艾如張張而羅柰此鳳者何

上之回

上之回駕雲車格皇心降帝圖上之回来

甘泉仁聖德萬邦傳上之回臨三關走九
夷服八蠻上之回歸明光千萬年樂無疆

長歌行二首

秋風蕭索百草斑黃沙飄颻青海灣良人
昔從征西班一六十載不知還驚鷗傳檄
雲霄間胡塵渺浩難重攀昨日寄我雙玉
環萬里相將道路艱我欲為君整雙鬢空
閨顯報摧朱顏心如車輪不暫閑不覺涕
淚衣端爛征人一一歸故山爾獨何辜阻

玉關

秋山搖落秋夜長
皋蘭寂寞被凝霜
中夜起視明月光
蟋蟀蟋鳴我房
良人遠遊在他方
道路一望阻且長
聞君有期歸故鄉
為君旭日修新粧
鏘鏘珮環曳鳴璫
盈盈移步來中堂
望君不見心彷徨
不覺淚下霑衣裳
忽見雲間雙鳳凰
長天萬里同飛翔
安得羽翼同頡頏
延頸悲鳴到君傍

出塞曲

壯士懷慷慨高義貫長虹甘心報國誓自
矢忘屨躬遠望邊塵起萬里揚悲風拔劍
出門去驅馳遠從戎昔為千人英今為萬
夫雄單于來接戰殺氣衝蒼穹黃塵不可
見白日忽以蒙一戰馮塞清再戰龍庭空
歸來報天子獻捷甘泉宮

長相思

涼颼起高閣凝露被華滋庭前有玉樹冉
冉寒風吹搖落愴中懷芬芳難獨持嗟彼

陰陽速嘆此相莫棄攬衣起太息惆悵令
心悲君心妾不見妾心君誰知尺書不我
將何以慰別離俯仰清川流仰視白日馳
願隨白日照君見光儀

孤鳳篇

紫庭有丹鳳羽翮何翩翩朝游華山雲暮
宿蒼梧煙一朝失其凰嗟哉相棄捐彷徨
四海求何當待米旋采采琅玕實顧影徒
遷延豈無鴻鵠群而非情所憐悲鳴入赤

青翱翔不計年千載覽德揮耒儀聖明前

鳳笙曲

翠管參差明月弄高臺忽起雙飛鳳彩雲
縹緲華山洞華山洞華山磯朝同出暮同
歸

江南曲

碧草萋萋籠紫煙蘭橈桂楫清江遠吳歌
越吹太可憐太可憐後可妬飄深紅曳輕

素

龍笛曲

高樓縹緲流玉音梅花零落寒江深江中
隱隱雙龍吟雙龍吟吟未已朝霞紅暮霞
紫

採蓮曲

紅粧翠袖歌採蓮三三兩兩閑嬋娟欲行
不行落金鈿落金鈿垂玉指發青蘋照綠
水

採菱曲

湖上菱花落復開
蘭舟荏楫去復來
妖童艷女行相催
行相催不可住
羅衣寒碧水綠

遊女曲

翠鬟玉珮遊春風
百花拂袖來湖東
朱顏灼灼驚飛鴻
驚飛鴻耀明月人
不見心如

結

朝雲曲

朱雲縹緲來神霄
人間天上俱迢遙
欲來

不來巫山高巫山高高無極夢和見晝相
憶

題瑟曲

邯鄲美女類似王翠袖朱絃理新曲寒月
泠泠江水綠江水綠江雲停誰為此湘妃
靈

秦箏曲

翩翩羅襪明珠光抱得秦聲上高堂調絃
促柱移清商移清商翻翠袖

斟曲曲

奏

陽春曲

春華燦灼春月明朱唇玉頰揚哀聲淒淒
切切動君情動君情得君悅流青雲飛白
雪

關山月

良人一別妾長劍遠從戎涕淚青樓裡音
書熬塞東關河秋色動機杼月華空亦有
寒衣在年年望北鴻

出塞

青海傳烽燧，黃沙入鼓鼙。
單于屯塞北，大將出遼西。
落日胡笳慘，涼風漢馬迷。
燕將有奇石，勒筆待君題。

寄遠曲

秦塞君投筆，章臺妾倚欄。
鴈書何寂寞，龍劍有艱難。
烽燧春華暮，琵琶曉淚寒。
自知容色落，不忍對花看。

其二

青海風煙迥黃沙
信息稀徘徊空夜月
顛顛任春衣漢將頻營壘
胡兵未解圍近來
常涕淚不獨為郎揮

自君之出矣

自君之出矣消息阻
風煙柱嶺花頽落榆
關月自圓

其二

自君之出矣幾度寄春衣
春色年年老良人歸不歸

江南曲四首

瑟瑟江上風
密密山前雨
風雨莫少停留
得郎舟住

其二

春江君自去
春閨儂自愁
儂心似江水
日夜伴郎舟

其三

綠窓春鳥聲
思君淚如
潮人來淚不收
却道思家苦

其四

歡比堤上絮如泥亦如雪儂比鏡中花可
見不可折

寄衣曲

征人夜度遼寒衣今去洛妾恐如寒衣春
來不堪着

採蓮曲

蓮花比妾貌妾貌花不如蓮子比妾心妾
心應更苦

相逕行

昔與汝相逢今與汝相別相逢萬山雲相

別千山雪

清夜曲

明月期故人相對坐清夜濯纓綠水前散

髮青松下

梅雪曲

山上雪如梅山下梅如雪寂寞對空山坐

香共誰折

月下曲

月下吹紫簫雲間整玉珮
顧見鴛鴦鳥一

一自成對

水中月四首

嫦娥三五月玉露千萬秋
久居天上苦暫
向水中遊

其二

嬈嬈青山雲湛湛清江水中天
落玉鉤魚
龍驚不止

其三

雲歛波還淨
雲開影自隨
綠萍與青荇
相傍桂花枝

其四

南山亦有羅
北山亦有羅
王兔滄波裏
羅兮奈爾何

採蓮曲

採蓮莫採蒂
蓮蒂絲難吐
採蓮莫採子
蓮子心中苦

江上曲

青波遠泛舟碧石朝逢雨不見江上人惟
見江上樹

長相思

昔與汝相思今與汝相見相見已秋鴻相
思又春燕

江南弄

簾櫳上夜珠闌干倚寒玉客子在天涯相
思春草綠

江南曲

客去悲江左書來滯隴西
相思若春草無路不萋萋

春閨曲

華枕為誰施華衾為誰卷
妾腸非道路日夜車輪轉

楚陽曲

官府一開倉含情向兒女
公者猶可遲教者不可已

古詩集 卷之三
十三
東村有客到相留問烹鷄婦言且莫烹租
吏到河西

昨者聚新婦布裙止兩褶租吏呼典衣婦
在窓前泣

賣花曲

長安買花者數株千萬錢道傍有饑者一
錢不相捐

子夜吳歌九解贈李順德于鱗

于鱗上計上都余以職事直省中允

再易朔不得通一語輒為之賦時命
侍子歌之以通其恨恨焉

出門望所歡零雪忽盈尺豈曰沾吾衣畏
此雪上跡一解

與若生別離三年參與商誰謂三年久不
如茲夜長二解

夜半倚梧桐明月何歷歷梧子在其上可
見不可摘三解

芳草五驂騮熠熠朝元者不分黃金鞭出

入依君馬四解

自幼能採蓮蘭揖蕩前渚如何蓮子心于

今更覺苦五解

聞君有瑤琴來自崑崙域雖未聽其聲時

時白雲色六解

玉樹抽新條炎炎困赤土日望天上雲不

得階前雨七解

自與君相別剪刀日夜利君有雲錦裳吾

當為君製八解

手中珊瑚枝光華掩白日恐君一見之疑
作君家物九解

宗子相集五言選詩卷之四

門人

林朝聘 黃才敏
黃中 朱應遇
趙日新 陳汝揚

莊望棟
謝符

同校刊

省中

鳴珮下紫霄巖巖府中趨冠蓋燦以繁羣
吏肅前隅晨風振遠楹宿鳥鳴高梧起步
忽不愜嘆此中懷孤楊雄草太玄相如奏
子虛執戟亦云晚遊梁意何迂西京有七
貴黃金步天衢朝權泆車馬夕燕紛笙等

富貴誰可常為樂亦須更嗟彼榮華觀耽
此寂寞塗取舍一何戾志各有所須烈士
多苦心斯言良不誣

秋夜省直

驅馬叩高扃秉燭照清池冉冉見芙蓉白
露被華滋仰見明月光三星燦以垂蟋蟀
鳴重階繁聲一何悲感之長嘆息嗟此陰
陽移鹿鳴思野草宿鳥懷故枝人生貴遠
志羈柙亦何為行行返舊服去去清江湄

此意良未申空令達士嗤

雜詩二首

結髮專明主忠義諒獨持出門遠眺望荆
棘生路岐路岐阻且深惆悵何所之中心
既不回艱危何足辭不暇恤其躬安能顧
所私譬彼東流川九折常如茲昔為志士
模今為壯士規寸心明白日比德于園葵

其二

灼灼園中葵結根高樹林綠葉粲紫芬芳

華人所歛白日豈不照高林
蔭其陰中懷抱赤素誰為見
子心子心何足惜惜此日
西頽白日如可待高林有時摧

擬古二首

冉冉江上蘭芙蓉江中是我友
遠行役駕言遶江汜江汜波浪深
嘆息從中起昔別眷卉敷今思
赤旣蒸遊子不旋歸浮雲日
千里

其二

驅車事行游巖畔見芳草芳草綠以萋採
之遺所好徘徊歲云晏悠然傷我抱不畏
芳草歇畏此關山道關山阻且長客子行
將老

歲暮

歲事聿已暮百卉何摧殘驅車臨長河悲
颺激飛端欲濟無方舟行路一何難陶潛
耻折腰貢禹彈其冠出處各有性焉能遠
所安不見飡霞子飄飄青雲端

五子詩

謝山人榛

謝生隱者流，偃蹇來京國。朝遊燕山東，暮遊燕山北。悲歌慨以慷，驚飈奮孤翼。興詞日百篇，一一作者則。嗟彼雕蟲子，不得施顏色。常褐以掩形，藜藿不充食。榮華燁人世，匪其心所惑。盧生罹世網，棘之一何力。卒能脫其患，言者長嘆息。非君策高踪，斯義久荆棘。

李郎中攀龍

大雅久寂寥作者徒縱橫之手起海嶽吾
道維其盟中心寡所諧長揖謝羣英眷言
二三子斗酒懽相迎冥思何可測奇語頻
自驚仰並雲霞翔俯與江河傾高冥墜白
日非君誰與擊瑤篇一以出紛紛出特名
譬彼韶護齋缶音空爾鳴功名亦垂世無
乃非其情

徐比部中行

律哉麟鳳不婉彼蘭蕙質含英難獨持芳
華耀朝日策馬入金閨聲名從此溢冠蓋
豈不榮而獨耽著述結藻何翩翩札札弄
緗帙駕言發藝林彷徨求侶匹隻言不中
諧帳望如有尖燦爛繁星垂名篇諒非一
律呂聞凄鏘管彼清廟瑟詞賦千載謀斯
人已入室

梁比部有譽

瞻彼飡霞子萬里來羅浮結束長安陌和

以寄薄遊中懷既不開兀坐生羈愁俛仰
一世間局促何所求鬱靈遂成篇燦燦雲
霞流淩厲起高唱作者徒悠悠人生易奄
忽焉得無深謀黃庭一以悟萬事良蟬蛸
振衣馭天風長逝不可留吐吐迷途客栖
遑良足羞

王比部世貞

天地亦寥寥斯人懷苦心於冠厲高羽翩
翻翔藝林玄構入幽眇龍淵浚其深拂鬱

神氣動萬象，俱蕭森閉門。一停思，白日常陰陰。雄視百代間，豈復論古今。高歌以慷慨，願盼酬知音。不測心所之，世人空追尋。富貴亦云樂，而非情所欽。寄謝當途子，無徒耀華簪。

簡吳明卿舍人

巖巖京洛間，天門儼九重。中有纓弁客，翼翼從飛龍。朝聽北里竿，夕聽南隣鐘。嗟哉楊馬才，斯人不見容。偃蹇以薄遊，朝餐夕

不似批翰燦春華，揚藻凌高峰。昔為一時重，今為萬世宗。作者豈無傳，誰能撻其鋒。寄謝同心人，斯理諒可從。

寄江鄉舊好

故人渺天末，江湖阻書告。忽接瓊瑤音，綿綿來遠道。言採畹上蘭，用以遠相報。豈無他物貽，將接君所好。

楊氏園亭餞別謝榛二首

名園開綺酌，芳榭停軒車。飛蓋凌青雲，丹

舟振華裾尊酒以斟酌豐饌米中厨秦箏
奏我旁吳歌慘不舒借問遠行子離思竟
何如倦此燕山遊去彼漳河居南北各萬
里佇望沾裳衣

其二

離思忽超越道遥事行游散步過華池笑
蓉夾芳流悲乳蟪蛄鳴嘯切動我愁凝霜
莽零落明月澹飛樓感此歲華暮耿耿生
百憂居者不可去行者不可留去留雨不

惟何以慰綢繆

留別京洛諸游三首

迴颺振蘭皋秋氣何蕭森
神龍思遠波猛虎戀茂林
駕言返故鄉念子思難任
握子不能別淚下沾衣襟
四顧何茫茫誰為相知音
一為鴻鵠吟道遙內傷心

其二

與君結交心世人非所窺
如何金石謀忽忽生別離
羶娛不可再沉思令心悲
君還

法言通言
一
處金閨予將天一涯江湖渺浩蕩會面茫
無期行人從此去彷徨亦何為君其愛玉
體慰我長渴飢

其三

天風西北來蕭蕭動高樓搖落愴中懷何
以慰離憂念我平生親涕淚不能收豈不
憚往路為君暫淹留執手對長河情思良
悠悠願言俱努力千載崇良謀

遠至別業五首

游子倦行役歲暮返舊疆
舊疆鬱壘壘觀者嗟道旁
入門見所親涕下各霑裳
束髮去家鬪骨肉參以商
山川阻悠邈一別未相望
何晤今茲夕還復登高堂
兄弟勅中厨堂上羅酒漿
酒中阿母言見汝重徬徨
汝今幸來歸汝久在何方
聞之益隕涕四座莫不傷

其二

父老聞我旋走書來相存長者趨貂黻幼
者奉衣巾盤飧多豐膳絡繹在吾門倉皇
出爾客具我平生親長揖失次第各各叙
寒溫坐中起相勞行路多風塵如何客子
額反若生陽春自汝遠行游鄉園難具陳
豺虎滿路衢白日愁行人朝餐藜與藿夕
卧無安衾飢寒且不保骨肉舍苦辛父老
重起詞方與子所云子其勿語人恐令長

吏嗔

其三

結髮游藝林翩翩二三子聞我返田廬亦
復來相視我我切雲冠蹙蹙東郭屨入門
將我衣嘆息傷情理長跼前謝客故人心
乃爾昔者遠行邁悠悠三千里寒暑忽以
流眷念桑與梓况我同心者捨悽何能已
客請勿復嘆主人聊唯唯堂上列旨酒堂
下薦嘉鯉今日樂且樂懽娛從此始

其四

驅車出郭門遠望陌與阡四顧以徬徨我
馬忽不前別家僅俯仰所歷何推遷高臺
或為池崇岡或為田墟里千百家蕭條無
人煙壯者日以衰老者長相捐紛紛少年
子白馬鳴華鞭旦夕成老醜短褐不被有
昔者人所歛今者太可憐見之感我心泪
下如流泉

其五

駕言俯長河行行至南浦荆棘一何深沒

我舊時渡三年滯行旅今日返其素階止
蘭蕙花是我昔所樹搖蕩蕭艾旁芬香日
以故洲渚鬱蒼蒼瞻彼鷗與鷺若或見其
儔翩翩翔且顧往者不可追來者猶可悟
行矣事春耕秉耒躬晨霧寄謝逍遙子與
爾諧中路

寄李順德于鱗

聞君出帝關手控五馬符朝發廬龍溝夕
息逐鹿途白玉掛君衣黃金耀君軀志意

殊揚揚千騎為前驅雄聲滿四隅英名照
八區觀者擁長路皆言使君殊使君自有
志豈為功名圖一麾乃出守悲哉吾道孤

其二

煌煌京洛游四顧浮雲色興詞攜雄藻千
載無終極悲風起中天奄忽乖羽翼伊予
歸舊疆之子相去萬餘里慘惻動

心臆登高遠眺望惟見荆與棘日落豺豕
吟狐狸潛道側願保金石軀慰我長桓憶

贈王元美二首

送子上河梁悲風下天荒右顧渺太華左
顧迷扶桑振衣千仞巔風塵杳微茫爾獨
事遠役駕言還帝鄉對酒不能飲慷慨情
內傷送君日以遙思君日以長安得凌風
翼與子共翱翔

其二

執手重行行步出城南隅飛蓋凌青雲良
馬躍長衢行人不可留中心鬱以紆子如

雲中鴻子如汀際鳧浮沉既異勢羽翼何
時俱努力事功名宏此壯士圖願言俟嘉
譽慰我心區區

山中與陸長庚

秋日事行游游此清江湄俯視青鳥翻仰
見白日馳人生寄一世風塵豈足羈貧賤
安其常富貴令身危浮雲起西北帝鄉不
可期甘此茂陵渴愧彼首陽飢商山有同
調行行歌紫芝

得吳明卿書

瞻彼雙飛鴻羽翼何參差哀鳴下前庭素
書忽見貽開函長跪讀一一故人詞相遠
日已遠猶能憶吾私忽思疇昔容惆悵使
心悲受君雙文綺報君雙桂枝此物未為
貴聊結山中期

懷謝山人茂秦一首

驚蹙動四野白露下前除攬衣起四顧悠
然懷所思所思亦何在乃在漳南居朝諒

穆生醴夕曳鄆陽裾西園事行游飛蓋列
應徐近者日以親遠者日以疎不念同心
人所須在音書音書不一寄何以慰躊躇
三復游燕篇躊躇聊以舒

寄子與

清晨發東郊蘭蕙何灼灼採之遺我友我
友在京洛道路邈以修羽翼誰能托但恐
霜露垂馨香日零落

七哀詩為伊氏作

驚聽動高林荆榛迷路岐中有愁思婦哀
嘆三何悲借問悲何為乃為良人思良人
一以逝十載守空帷十載何足言千秋常
若斯風波一朝起骨肉以相疑生者不可
拒死者不可追寧使妾身捐豈使妾行虧
痛哭迴白日慘黯黃雲垂青山一慣絕重
泉以為期寄謝朱顏者貪生良足嗤

送客

客子向何方車馬朝日馳執手野彷徨送

君清江涓江水一何長悠悠繫我思出門
有岐路世情多險巇黃塵摧人顏玄霜切
人飢去去勿復陳願君愛光儀

夏日池上坐

朱華粲清漪庭草淒已綠歲月忽以馳流
光傷局促古人亦有言夜游當秉燭感此
傷我心前修以自勗逍遙放情志胡為自
躑躅結廬在崇門極眺滄浪曲朝游濯吾
纓夕游濯吾足自知非至理聊以從所欲

聞錢惟重使楚寄贈

清夜事行游去上西山址百卉何腓腓荆
榛被廣路明月照我懷浮雲莽不止對此
感我思嗟彼遠游子遠游在何方乃在瀟
湘裏道路阻且修相去萬餘里願瞻雙飛
鴻眷言未能已

李伯章歸自郵來訪

秋飈厲長空鴻翼已高翥渚蕙日夜零庭
臯被白露攬衣起長望同心忽相顧入門

見顏色慰我遙思慕我有一尊酒聊以結
歡娛君其勿遽行豺席滿中路

贈孫子升文學

故人何處來車馬忽東驚別後髮空短花
前首重聚送君江上舟徙倚江上樹江闊
正風波君且未可渡

又得明卿書

秋色滿天地悲風動高臺浮雲慘不舒白
日忽已摧遠念客游子鼓楫瀟湘回北顧

金馬門東望滄海隈不念舊所懽棄置如
塵埃傳我尺素書抽翰空徘徊歷歷天上
榆舟丹庭前梅相思難重陳嘆息生鬢衰

秋夜

秋風起高閣明月照芳池俯視清波添仰
見羣星垂翩翩池上鳥羽翼何參差攢衣
起四頰白露被華滋丹丹青桂叢采采梅
花枝鳳凰久寂寞紫簫三自吹

秋夜寄陸子

和

攬衣步前除，白露被高桐。枝葉薜零落，大地回悲風。明月起夕愁，東壁鳴寒蟲。四時一何速，天地無終窮。嗟彼客游子，終歲常飄蓬。十月無寒衣，沒藿腹不充。何事不歸來，孤此青桂叢。欲寄尺素書，不見雙飛鴻。

游湖上東高子明徐養浩

伊予好幽棲，江湖任所適。風起萬波驚，日落千山寂。悠然命朋好，中流藉畫鷁。紫石亂葦葭，明月散蘆菽。散髮事道遙，停觴恣

探歷山上落梅花坐中翻玉筍誰共續紉
子世略任憂戚

雜詩

古來有志士壯心驚自竒仗劍倚天外蕭
颯雄風吹遠望一世間荆棘生路岐不若
棄之去身世交相遺南山可採薇北山可
採芝結東向風塵惜哉爾空為接輿歌衰
鳳菲周畏為犧二子有至意可為達士規

出郊訪黃山人

驚言發壯郊芳草萋已暮晨風叩石門
聽此樓霞客翩翩倚杖迎嗟扎髮何白
携手入中洲四顧感疇昔君着東郭履
我着東山屐行採山上芝坐倚山中石
客有一尊酒相藉終日夕醉來自盡觴
君其勿相迫

留別子培舍弟七首

驅車上河梁顧瞻舊鄉國倉卒骨肉親
彷徨徃動顏色子亦竟以南子亦竟以北
本是

雙龍居胡為垂羽翼送子從此歸涕下不能食予其從遠猷慰我長相憶

相憶在何所乃在河中洲結廬俯曲沼芙蓉夾清源飛蓋凌朱霞逍遙事行游白鷺翔我側鷲鳧戀其儔駕言邁遠役嘉會難再留引領內感傷行行懷百憂

百憂何殷殷坐令忍懷抱况乃歲云暮霜雪被長道遠望何蕭條驚風摧百草當此別離情沉思令人老歲月不相待所欽在

蘭深雲霄有遐路致身胡不早垂堂占所
戒畏途慎自保

自保良才易致身諒獨難豺虎在人群平
吾有波瀾躑躅紛四顧終歲甚艱難君子
懷厥趨取舍從所安艾蕭滿中路涉江多
芳蘭不見採蘭者萬古起長嘆

長嘆何終極感此人生累貧賤俗所輕富
貴俗所忌豈知達者心志各有所寄冠蓋
五陵豪華若朝露墜能仰一世間慘淡起

五言詩
遐思文章以經國千載無終始去去勿復

陳真化青雲

青雲終四極不翳明月光高臺一以眺遠
思從蒼茫鴻鵠在中澤豈為謀稻梁神哉
蛟龍志尺瀆寧終歲丈夫志四海廖廓相
翔翔朝遊過崑崙夕游畧扶桑無學兒女
仁白首恋故鄉

故鄉不可望錦江迤邐深

深

深東西渺無極

傷此遠別心寒風下庭樹宿鳥棲高岑對

酒不能酌為子鳴瑤琴琴聲一何悲
月下誰能任慰此骨肉懷款誠惠我音

湖上送徐子與使君

別君金馬門逢君大河陽相看動惆悵
涕淚沾衣裳斗酒且為樂清歌夜未央
念子遠行役道路一何長嚴冬萬木落
白露為玄霜搖落愴中懷起視明月光
携手復行行南北各一方風波不自保
天地遙相望念此傷我心對酒不盡觴
願為雙黃鵠與

子共翱翔

渡淮

白日下大川飄飄御方舟波浪漫浩浩蕭
鼓發中流中流振天風魚龍莽沉浮恍惚
對混沌頃刻過千觴黃河天马来奔湧不
可留萬生起寒色浮雲黯不浹范生思攀
楫伊尼嘆乘桴窠窠千載後壯氣復此游

淮上雜詩三首

攬轡登崇崗車馬何縱橫王侯有第宅長

衢耀飛纓堂上列吳謳堂下鳴秦箏豪華
竟何在今古惟枚生都尉豈足數為郎亦
何榮偃仰一世間長揖傲公卿獨負詞賦
才千載垂芳名對此長太息聊以舒鬱情

其二

寂寞韓侯居奕奕韓侯祠晨風動高林落
葉何紛披侯也未遇時偃蹇何足奇伏劍
逢真主百萬驅熊羆英畧照中原雄心狹
四維惜哉壯士規乃為兒女欺楚漢分鼎

立侯也胡其疑英雄偶失策萬古有餘悲

其三

世人重結交紛紜騁路衢貴者日以近賤者日以踈嗟哉漂母心乃與世人殊壯士困風塵誰為識雄圖况乃飢寒色一飯立相呼一飯何足言感此心區區千金以相贈華名照四隅何世無英雄接劍疑投珠瞻彼垂綸者泪下連衣裾

贈黃戶部

主人敬愛客招我清江濁悲風起天末白
鷺羽參差方舟揚素波簫鼓傳山陂中厨
出豐膳華筵列芳卮秦箏奮新聲凄凄一
何悲歌者歌自苦知音竟為誰懽樂不可
常去去從此辭風塵愴中懷令德以相期

贈伊文學

故人亦何在乃在青山東山家何寂窳高
樹來天風貂裘日以敝龍劍何其雄下可
制巨鯨上可斷長虹風雲起一朝寧復嗟

五言詩
送窮去去重相思寄言雙飛鴻

贈施司封三首

涉江見芳草春華被遠岑薄言採其華將
以貽所欽顧念客滯子分符越江潯江水
東南流波浪阻且深涼飈摧百卉孤芳孰
能任置之在懷袖無令歲寒侵日月忽以
適馨香紛至今非君垂末顧誰能識子心

其二

音君守南服伊子還舊磯沉浮既異勢音

告乖以遠袖中有尺素遲彼雙鴻飛雙鴻
不可見嘆息霑裳衣思子忽若渴望子忽
若飢豈以負薪累甘貽伐木譏中心諒無
他願君察其微

其三

清夜良燕會零霜下前除堂上羅酒漿堂
下薦嘉魚鳴琴雜清商音響一何舒酒中
客起言責我愚且疎主人前謝客茲夕且
惟娛金石昔所敦蘭芷昔所貽中心既以

王...
諧豈為形迹拘古來重結交終始貴不渝
垂紳戒朝夕君言宜重書

牛渚望謝朓青山二首

歲暮遠行役睠此清江湄顧瞻江上峰白
雲何歲蕤伊人昔結宇英詞光陸離歲月
不相待高踪邈何之采采山上蘼輝輝山
下芝芳菲未終夕白露忽已滋江流漫浩
浩佳人歸何遲山川無終極人生會有時
願言崇遠業千載與子期

與子期何方，咫尺在青山。址白石，何磷磷。照
此澄江水，下山潁江華。上山尋石髓，高風
一以遊。浮雲日千里，荆棘滿山隅。巖洞日
凋毀，玄夜啼猿狸。白日行豺兕，我欲往蕭
湘。採彼蕙，與芷採之欲遺誰。之子不可起，
悠然傷我心。嘆息滿江汜。

紫陽山

驅車上崇岡，紫陽何崔嵬。石壁倚萬尺，悲
風日夕來。吹彼蘭蕙花，馨香莽以摧。哲人

昔遁世結茅茲山隈微言破萬象精靈遍
九垓山鬼夜不至天門白日開玄風忽已
邈流光照高臺不見松與梓唯見蒿與萊
浮雲黯以寂泠泠山泉迴俯仰長太息千
載有餘哀寄謝山中人漱石掃蕪苦他日
息吾軫晞髮信悠哉

寄人一首

浮鷗動廣野白日慘無色之子在萬里山
川渺難極豺狼滿路衢况復荆與棘我欲

往從之惜無晨風翼因風寄瑤華歲事日
云夕去往渺惟悰撫膺長嘆息

夜坐一首

燁燁江上蘭冉冉山中桂春風發華滋琪
以結吾佩如何蕭與艾忽然滿中路徘徊
不可問潛鳥空隕涕

江門有懷

辞彼青瑣闥還予紫石磯駕言遠行邁晨
曦凄以微如何金石交一旦阻音徽江山

脩以逸寸心詎能遠南山亦有蕨北山亦有薇不見夷齊子嘆息將安歸

宗子相集七言古詩卷之五

門人

趙秉忠
王同讚

鄭應齡
篇時中

謝
王

同校刊

水頭遇雨

滄海何年落
離浦芳草碧
盡綠苔古我携
春色帝城來
共駕長虹擊
鼙鼓青山拂袖
玄猿呼白波
搖空憶龍舞
黑雲一片落吾
盃馬上行人
怨風雨

秋夜吟

七言古詩
烟烟晨星稀復稀
明月滿天垂紫薇
靈瑟風生帝女至
金莖露冷仙人歸
漢庭朱鴈去已遠
昆池碧鷄竟誰依
仰天長嘯好自去
十年吾負山中衣

明卿夜過各賦長句

胡鷗亂捲星如雨
子歸淮南君去楚
明月浸冷廣陵船
綠蘋愁絕瀟湘渚
尺書在袖數鴈鴻
美人中夜怨砧杵
乾坤日遠欲問誰
閭闔天高重一遇
女一咲浮雲墜青天
五

斗金塋聽白芋萬片龍鱗
取天河煮共向天門騎白螭
肯向人間問腐鼠醉來高卧
北斗旁無數松篁月下語

二華篇

有序

嘉靖丙辰九月濟南李君鑿龍由順
德守擢為陝西提學副使余為之賦
二華之篇夫二華西北巨鎮也往歲
秦地大震山缺河溢壞廬仆人二千
里人煙幾絕則二華之故乎君往矣

即二華猶有不若者君何辭焉

我聞西極之精忽墮地化為巨石如天長
孤根倒插黃河底竒峰直聳天門旁天門
牛女不敢渡斗域羲龍那得翔上帝聞之
惡其彊擘為二華遙相望大者在西少者
東千崖萬嶺盤晴虹東來不得數泰岱西
去那復誇崆峒中有紫髯白首三五公手
持綠玉披芙蓉有時踏天跨白鹿鎮日鞭
石揮青龍零露不斲仙人掌古雪常吹王

女峰忽見悲風萬里來蒼螭赤蛟何雄哉
金鱗乍開似飛電怒角並聞如奔雷驚沙
飄忽天柱動狂飈迅急坤軸摧玉女散髮
亂峽走仙人赤腳滄海回地顛山愁千萬
里竒峰片片下沉水黃河直上峰頭坐忽
散人家室屋裡徃徃屋上遊赤鯉千門萬
戶半作鬼廣廈高宮盡成土白日不聞父
老哭青天唯見魍魎舞二華二華誰能主
我聞李侯佩玄珠截日飛霜天下無侯今

躍馬函關去，豈隆招搖為前驅。千峰明月
亂相逐，萬里白雲驚且呼。侯之往矣何為
乎，為我停車華山偶。手挈蛟螭山下趨，仗
劍一一數其辜。山之摧者叱其立，黃河在
手如持盃。山上芙蓉色不枯，仙人玉女復
來吹玉筍。侯也與之長相須，千秋萬載同
歡娛。侯向二華去，聽予二華歌。二華未到
歌先到，石走龍吟侯柰何。

春日姚園同德甫明卿元美讌集分

賦下字

帝遣春風來薊門吹作藤蕪綠遍野我本
商山采薇客遇爾瀟湘佩蘭者鞭龍直上
碣石宮披雲高卧崑崙下袖裏瑤華寒不
開洞口新松翠可把一酌滄江破几筵片
語青山隨杯斝君不見長安意氣五陵豪
咲殺文園病司馬

秋塞曲

塞雲垂天胡草肥胡兒牧馬向金徽赤城

刀斗日夜急黃沙羽檄縱橫飛漢皇立下
明光詔將軍起披金鑑衣熊羆百萬夜出
塞驃騎尋常朝解圍捷書一日走千里試
問三軍歸未歸

送王判之裕州

使者金羈佩紫貂高楊繫馬寒無條勸君
為我且停盃朔雲滿地西風驕與君結交
非一朝君方綠鬃子垂髻父子兩世共蔭
芷英雄二十猶漁樵山中蘿薜日携酒江

上芙蓉夜放橈愧予已上長楊奏今君亦
結河陽綬浮雲回首有窮通丈夫得志無
先後只今南北講戈眷至使瘡痍盈宇宙
東吳未見淨江氛中原且復憂山寇為今
之計惟民牧知君久抱青雲志乘時即把
蒼生袂憶君先子大夫才每每逢予青眼
開冀北聲名昔無比劍南父老今猶衰青
天白日同崔嵬君之往矣何愧哉富貴祗
如天外雲功名應比庭中槐循良漢詔下

蓬萊遲君躍馬黃金臺

金山篇送徐子與奉使江南

昔日秦王鞭石過東海大者並立小者卧
東風一夜拔扶桑片石忽走江中坐千年
海若呼不回一線滄江從此破滄江之水
何處來瀟湘洞庭蒼梧開驚濤巨浪幾萬
里排空拍斗如奔雷吁嗟此山何雄哉白
日不動天崔嵬下攬吳越荆楚之秋色上
標鍾山渤海之朝虹立可峰三百倒懸水膏

楓碧樹搖玲瓏金刹瓊宇不知數一一能
掉馮夷宮有時電鼉逐麋鹿鎮日魚鱉追
鳶鴻忽然相遇不相識莫不駭訝狼藉號
天風白日滾滾去不窮明月復爾臨高空
萬頃珊瑚碎江水鮫人龍女紛然起以手
捉之不可得嫣然一笑滄江底恠龍忽上
崖頭舞似聽山僧讀禪語龍珠上與月華
爭明月不得復為主當時赤手縛龍珠夜
半空江驟風雨一自此龍失其珠日日江

頭怒且呼金山晝夜叫猿鶴丹陽南北愁
振蒲徐卿仗節徃三吳渡江先上金山途
江中恠龍遠相避山前明月高自孤妙高
亭上千江秋千江直與天門浮峰頭明月
能我留與卿同為汗漫遊上令星辰不敢
收下令江海不敢流龍兮龍兮遁去不知
幾萬里即有明珠還自投金山金山慎莫
愁

薊門春望

薊門春
皇春冥冥黃鸝交坐啼不醒尊前
楊柳洒人綠江上蘼蕪愁自青
楚人瑤瑟怨湘雨漢室漁竿垂
客星誰其採藥向滄溟
遲我巖前紫石屏

同峻伯助甫賦得春月

席上賦

瑤天霜白綵雲歇東風吹出海門月
紫微仙人醉相逢摘來掛在黃金闕
千頃琉璃散萬家直從燕趙望吳越
白榆浸濕雲孫衣蒼梧泣冷湘君髮
玉兔高啼驚夜烏青

桂低垂碍春蕨何當捉爾泛溟渤夜夜老
龍哭深窟

古劍篇

有序

嘉靖丙辰十月吳郡王君世貞由比
部郎中出為山東副使督戎青州其
友人廣陵宗臣贈以豸衣一襲腰帶
一束古劍一口又為之賦古劍以遺
之其詞曰

赤堇使者昆吾子碧眼炯炯虬髯紫手持

雙劍下山麓上有蛟龍缺其齒道上相逢
忽相贈恠雲悲風生席几胡僧為製珊瑚
鞘南海琅玕襲其裡佩之朝夕不離身
遊燕趙南江汜江上秋風倚劍行波濤上
沸如山峙老鯨毒螫數千尺金甲火鬣中
流起刺來一一烹其髓鮫人終夜泣瑜珥
况復山中豹與兕又况人間鹿與豕自吾
佩此二十年處處江山半戎壘明時不得
抱鼓旗腐儒空復談簞簞國讐未報壯士

恥永夜高歌常拊髀劍乎劍乎吾負汝吾
今有友吳郡生鬃豸朱纓乘騾駟青天開
府泰山巔落日飲馬蓬萊北吾辭一劍贈
生去星辰亂落莽不止生乎坐乎吾語汝
左挾圖書右弓矢豺狼只在大道傍魍魎
豈必深山裡生乎此劍一在握上天入地
任君使只恐風雷日日生海上千闕盡掩
耳天吳海若俱遠徙真宰聞之或棄喜鳴
呼古來神物有離合斗間紫氣無終始他

日中原倘相遇雙劍雌雄各相砥與汝並
驅千萬里世上風塵空復爾

送白明府之汝南

昨日逢君薊門東千家楊柳春雲碧今日
送君薊門西匹馬翩翩夏雲白白雲一去
二千里君亦隨之渡汝水汝水照人明月
寒君家心事亦如此聞君昔締瀟湘符風
流文雅寄蒼梧黃金燕市大如斗遲尔雲
霄雙玉鳧

寒夜偶過吳峻伯讀其山中諸篇分

得天字 席上賦

北風吹折西山巔
長安有酒斗十千
下馬逢君輒成醉
北斗倒插闌干前
主人為我開瑤編
讀之一一山中篇
滿地龍蕤走白石
四壁紛紜行紫煙
天目之峰幾千萬
忽然並掛金華箋
冷冷屋上鳴飛泉
滾滾盃中注百川
使我對此心茫然
當時我有百花洲
垂楊十里滄江邊
織女為我栽白榆

太乙為我裁青蓮狂時上抱明月舞醉來
忽枕浮雲眠有時赤腳踏龍淵蛟龍窟宅
時時遷只今一別三四年風塵車馬徒相
牽梅花歲歲怨其主芳草日日私自憐欲
歸不歸誰之愁何時與君同上江門船二
十四橋歌婢娟直棧白浪尋青天千秋萬
載凌飛仙

歸嘆

薊門春盡雲陰陰倚杖出門愁暮禽千金

裘馬只自好，萬里江湖誰復尋。武陵一別
桃花深，欲歸不歸傷我心。青楓未老楚月
白，吾將長嘯投吾簪。

廬山歌寄贈吳明卿時以黃門謫豫
章後事

南斗日夜敲太白，化為五老八萬尺。並跨
古螭下九江，猛風吹作倚天壁。手懸石鏡
照天門，日月東西亂相射。香爐之峰挿其
南，星辰燒作珊瑚赤。青天忽墜金芙蓉，

十九峰破江碧峰頭白鹿銜紫雲紫雲片
片大如席石梁瀑布天上来百折寒濤瀉
琥珀玉虹雙夾孤電翔急雷長聞銀河并
佛手巖前石鼓高有時擊鼓天烏號三五
仙人驚且起東方先生騎紫輦帝前太醉
黃姑醪復向瑤池竊三桃手把瓊枝雲中
翱下視八荒如秋毫帝也聞之惡其豪一
朝謫下廬山去九華之冠赤霜袍腰間雜
佩金錯刀彩霞捲地飄組練蒼烟控馬排

旌旄直上峰頭叫五老五老却立呼其曹
客來餐之白鳳膏醉持龍角如持螯江間
古龍聲嘈嘈倒鞭白鹿滿山走白鹿夜夜
哭且吼赤松不敢與之遊黃石不敢與之
友樹杪九江如一線織女抽來綉吾綬東
折扶桑煮天潢白霧金莖日五斗西方之
琴摘為箒掃盡闔闔萬古之浮雲攬盡瀟
湘萬里之秋色一一掛之千楊柳我欲白
日借羽翰尋爾彭蠡之左鄱陽之右不

爾駢白鹿來北極又恐封狐嘯君前雄虺
跳君後我亦竟不夫爾亦竟不來袖中彩
繩十萬里直繫廬山入酒杯竒峰峻嶺收
崔嵬白鹿暫卧玄圃臺與爾共醉三萬六
千日池上蟠桃十度開五老隨之日日哀
長跼求歸日百迴然後放爾廬山大江去
東方先生還蓬萊共駕燭龍遍九垓他日
倘過廬山側江頭拳石何有哉

湖上幽棲四章為沈二丈賦

玉結屋楚江曲身披薜荔坐空谷青天
雙眼望鴻鵠春風一夜開石門萬里薜蘿
散新綠

白雲薜荔行山阿北窓踈篔簹高枕多赤日
紅塵將柰何天風忽送千江雨為尔巖頭
洗薜蘿

瑶天露白彩雲沒細掃青松烹紫蕨中夜
星華濕秋髮波間古龍忽秋歎人極滄海
弄明月

三五幽人踏月華
湖南湖北尋梅花
相逢疑到赤松家
中流一曲寒江笛
吹落崑崙萬片霞

武陵歌

有序

武陵者顧子別業也
顧子讀書溪上
二十載今歲始薦于鄉
鄉書至時余
夜借諸省郎直省中也
一覩顧子名
則頓足起命侍子舉白
援筆成篇時
嘉靖乙卯冬十月望日

武陵倒插西湖邊
明河吹碎瑪瑙圓
桃花千樹墜
紅雨垂楊十里排
蒼煙中有紫髯
白誓之神仙
手抱明月湖上眠
玉華蕉者
時送酒綠蘿漁子歌
採蓮檻外星辰大如
石床頭蛟龍細似蟬
秋風吹出紫霞去
赤手駕鰲滄江前
忽向月中拔青桂
千枝萬枝泣
嬋娟三五仙人騎古雲
北斗錯落衣翩翩
坐令相揖不敢先
捷書一夜飛天門
漢家天子坐甘泉
朱衣侍者人一編
我得

聞之心茫然武陵之卧二十年昔者何為
與世遺今者何為與世憐十月冰霜塞大
川長安美酒斗十千黃金駱馬白玉鞭遲
君鳴珮共朝天以恐武陵春色怨其主落
花千尺啼曉鶻令君欲歸歸不得楚江楓
冷釣漁船明月來移北山篇

伯倫席上遲峻伯不至戲贈

銀河凍裂明月哭君胡獨抱浮雲宿我遣
明月坐君屋屋下浮雲亂相逐縱有仙人

渡銀河明月不出君柰何為君呼月還上
天君胡不來愁嬋娟

送施子之豫章

我聞李白遊江海西愛匡廬東九華九十
九峰江上青五老香爐飛紫霞今君家在
九華住時與仙人數落花一日拂袖起為
吏復得廬山對官衙人生出處貴適意區
區剋蓋何足誇唯得名山共朝暮翠屏錦
障天之涯豫章之牘紛如麻君其理之勿

怨嗟只今海中之寇數百萬日日江門喧
鼓笳西望豫章僅千里一朝可以飛浮槎
紫微群貴芙蓉夕君其豫言勿復惜九華
匡廬動顏色

寒夜借助甫集方懋藩邸中各賦放
歌分得陽字

驚風吹破明月光
琉璃片片成胡霜
胡霜落地幾千尺
白虹亂走凍且僵
今夕何夕登高堂
入眼拳石裂崑崙
搖星勺水添瀟瀟

湘相逢意氣何飛揚為君呼明月坐君床
吹白虹飲君觴床頭魍魎不敢哭孟中江
海波顛狂三五仙人歌春陽發下不下愁
霓裳忽然夜半叫鸚鵡恍疑天外趨鳳凰
明珠乍落三石梁奔龍飛電鳴千將明月
不肯住白虹且欲藏吾將直跨白虹去青
天手抱明月翔他時訪我天河旁與汝散
髮抽扶桑

張園同高伯宗諸君餞別朱主客子

价得山字

君握瑤華米天關天關夾龍振金環掀鼻
大呼夾龍走星辰亂落供奉班金莖拔倒
仙人掌零落吹亂玉女鬟手持北斗叫閭
闔足踏銀河奔潺湲河邊白榆不敢發海
上青鳥那得閑若乎胡為忽歸去胡霜日
夜彫朱顏唯有明月可贈君隨君直到江
門山江門之山千萬峰春風吹出百草斑
百草那比青桂枝千秋萬載誰能攀君乎

君乎何時還至今方朔遊人間

再餞朱主客得動字

北風倒天天河凍長安萬戶走虹竦使君
且莫據雕鞍主人復爾開金甕四嶽同懸
平子愁五餌又抱賈生慟謁帝聊與千鷺
翔乘雲誰把群龍控杯外星辰寒不收江
南楊柳春先動我有秦時白玉簫仙人寄
我華陽洞仙人一別幾千里今日臨蛟為
君送君去清江時一弄為君白日出雙鳳

鳳兮鳳兮胡不來白雲愁殺金陵臺

長安行寄人

長安客子傷春情出門愁聽朝啼鶯關山
作客胡不去梅柳向人春又生江頭蘿荔
裏楚佩席上夔龍愁漢纓胡馬至今日夜
急塞鴻何事東南征人生去住不得意愧
尔山中餐石英

元美將之青州書來約會已乃徑去
悵然席上賦此得寒字

天風吹落九塞寒使者高標切雲冠夜半
騎馬如跨龍白玉之鞭黃金鞍馬首明珠
聲珊珊赤髯綠眼光走電提戈百萬俱材
官忽然紫氣逼長安聞君已到使君灘望
而不見空長嘆朝趨碣石暮邳邳何當白
日生羽翰尋爾直上青雲端雲中吹蕭弄
紫鸞仙人授我金液丹洗之天河吹波瀾
波瀾一洗天河乾支機之石日夜殘縱有

女媧不得完，手持明月如美丸。下照人間
千琅玕，人間天上長交歡。永無離別摧心
肝，君不見雙劍精靈千萬丈。至今人向斗
牛看。

小除夕借馬太史吳駕部集助甫宅

分得源字

席上賦

自吾高歌踏紫垣，胡霜朔雪愁天門。玄冥
走天鰲，上帝帝遣青皇下。雲根放爾霜雪
歸故山，手携春色來乾坤。寒雲只尺即相

別春風已坐千門喧人生三萬六千日日
日催人白髮繁青皇暫且停高軒吾將乘
槎上河源天河在手星辰翻夜半雲問泣
雲孫九鳥不敢上扶桑六龍空復怨崑崙
主人今夜開金樽樽中北斗明黃昏來朝
栢葉不須辨遠天椒花那足殮春風苦意
不相放吾其遲爾桃花園不然待爾楊柳
村楊柳學人舞桃花作人言願君留春似
留寒千山萬山啼曉猿

除夕放歌行同助甫賦

北斗沉天海，雲黑群星亂。落化為魃萬丈，
寒光忽相通。碧眼小兒驚，且惑胡霜朔。雪
高如山入，門長強泪沾臆。一自逢君坐天
門，夜夜為我生顏色。今夕辭君歸故域，何
以贈之寄相憶。霜華雪片五千石，留君篋
笥充君食。令我聞之長太息，床頭雲白天
地開。青春已駕雙龍翼，吁嗟東風一何力。
一夜吹破扶桑國，走天直把青春縛。携之

懷袖光如扶薜蘿。叱向盃前生楊柳。只在
手中植翩翩。春衣雲錦章呼爾。雲孫為子
織明月為車。如為軼駕之。可以凌八極。何
問江南與冀北。

新春二日同助甫過浚伯夜酌共賦

洽字

席上賦

青皇日與青春狎。酒星夜勸青皇洽。斜抱
金烏日觀歌。倒騎玉鰲天柱壓。下視九合
三。何狹斗柄為鋤箕。為鍾楊柳萬樹天。河

排風吹新葉落人問織女為我裁春袷着
來與爾上崆峒何人不訝蒼龍甲

湖上行

湖南湖北雲陰陰石門曉開千樹林日月
雙摧綠髮短江湖獨與青春深楊柳垂絲
為誰結藤蕪千里傷予心落花流水去不
返武陵桃源何處尋道路只今亂赤羽乾
坤何處非黃金日暮聊為楚澤吟慨慷流
涕霑衣襟

桃源古城

桃源城頭萬木秋
桃源渡口黃河流
黃河一去不復返
天風萬里吹古愁
荒郊莽蕪走狐兔
石棟曲屈盤龍虬
天下英雄言莫劉
虎臣矯矯何所謀
中原未復壯士去
至今精靈耿耿光
神州千秋桃花不
復發
臥龍何處聲啾啾
秦人到此不須住
野燐夜夜吹枯樹

何侍御為予談泰山蓬萊東海之勝

令我飛動輒賦長篇

三年不見金門客走馬相見清源陌自言
前上泰山顛東海蓬萊皆所歷人傳泰山
高比天層崖曲磴路轉窄振衣直山最高
頭恍然一躡天門白天門東西相對開星
斗髣髴落吾額悲風搖落吹骨寒雖着重
裘似絺綌三峰插入青雲中巉磊突兀倚
天壁日觀峰頭望晨日晨日沉沉起深澤
須臾忽上如奔馬天地四方俱色赤破竹

裂木不可當恍惚半空飛霹靂杖策携壺
行復立一一詢茲今古迹漢皇尚留封禪
碑秦人猶剩紀功石蓮花桃花千百峰隱
隱四出如列戟南望吳越西望秦萬里青
天起寒色迴駕又登蓬萊山蓬萊迺在東
海側東海一去何終窮浩蕩微茫湛空碧
仙人共把珊瑚枝白日觀潮夜觀汐忽然
長風振天末兩儀不辨海雲黑驚波巨浪
排空來恠石竒巖怒且激蛟龍奮起不可

刺神魚動尾幾千尺左右大呼東西走令
我欲歸不可得廣陵狂客心頗雄聞此意
氣滿胃臆長劍欲摧玉女峰短釣直下蛟
人宅海中魚龍手可搏山中虎豹力能射
何時拂袖謝塵世與君散髮步天極坐看
萬古乾坤自開闢

五月歌

五月淮南尋舊廬百花洲上楊柳疎故人
朝對白蘋渚健兒忽傳赤羽書二山燧燧

照蘆荻滿地干戈盡
樵漁孤舟江海欲何
之
雙眼乾坤空泪子
東南半作斜扉窻
閻
閻忍使蛟蜃居蒼生
之血
泚水赤
請問將
軍意何如

江上行

浮雲壓地烏夜啼
家家人聽作天鷄
王孫何事復遠遊
江南芳草春萋萋
陶令亦有五柳宅
秦人常憶桃花源
英雄偃蹇何不可
顏色肯為時人低
君看眼底相逢者
詩

似江流不肯西

山中夜坐

朔風亂掃江雲飛
山人為予開石扉
一斗胡麻煮未熟
散髮千峰歌采薇
吳江楓落客已遠
楚塞秋深鴻未歸
明月墮地白如水
水濕爾巖頭蘿薜衣

登江門諸山

山頭日白雲英英
千峰倒插千江明
手把芙蓉步石壁
蒼翠亂射狡鳥驚
誰其雲外

吹紫笙欲來不來空復情
天風吹我佩簫瑟恍疑身在崑崙行

江上訪朱氏

黃雲墮地秋離離
西風搖落千楊枝
白蘋已老暮汀遠
滿日丹楓胡鴈悲
孤舟一夜相思發
寒江明月吹參差
天末佳人猶未歸
江頭解佩欲遺誰

白氏園亭別袁戶部

石門斗酒開夕筵
杜花欲開秋蘿鮮
崑崙

片碣挿根底滄溟勺水流尊前落日千江
送蜃氣高樓百尺搖寒煙今夜共醉廣陵
月明朝又上丹陽船人生聚散若萍梗相
思寄我停雲篇

江門別歌

千山白雲吹暮晴江間古龍啾啾鳴山人
乘虹出石屋贈我萬片秋菊英令我餐之
霜雪清何以荅之千丈蘅風塵半世滿鬢
髮愧爾煙霞凌太清長波東去有萬里吾

欲乘風濯吾纓

吳關吟

孤槎昨夜叩吳關
天風吹度茱萸灣
人生聚散忽如雨
更聞斗酒秋雲間
山中細草綠於髮
江上驚波高似山
使人對此愁朱顏
勸君何事不早還
君不見赤城明月白
可掃夜夜仙人吹
珮環
况有瑤草可同攀
君胡自令雙鬢斑

江上行

揚子江頭春雨殘，
黃陵城外暮潮寒。
美人不見空捐佩，
極浦逢春誰采蘭。
山中碧草有何意，
江上梅花只自看。
一片孤帆掛河漢，
直須尋爾洞庭灣。

夜歌

萬片浮雲墜江白，
江上青楓愁楚客。
天風忽送明月來，
為我山中掃蘿石。
醉把長簫石上吹，
散盡長空一碧。

湖上遇子與舟中夜酌放歌

射陽湖上逢徐卿揚旌走馬來江城袖中
慷慨出新詩異哉擲地金石鏗海內交游
別離久一一感嘆詢其名為言謝生白髮
甚李生慘淡違世情梁鴻尚滯羅浮南王
吳跋扈馳西京西南忽有一二子世人往
往傳先聲文章不朽之盛事肯使此輩相
持衡瓦缶紛紜塞天地英雄負慨何時平
徐卿徐卿且莫嗔與君今夜開金罍一斗
百篇不足數啗啜叱咤雄風生長空日落

波浪黑匣中神劍銷鏘鳴忽然一躍太湖
去天門日月雙珠明倉卒波底走毒鯢須
臆天外飛長鯨鯨鯉操曳幾千尺搏來一
烹作羹徐卿亦卿未可行東吳戰鬪勤
天兵閭闔擬上賈誼策轅門欲請終軍纓
男兒苟不封侯食萬戶區區富貴何足榮
不若與爾西極上訪長庚精扶搖萬里來
蓬瀛醉時一酌滄溟枯狂來一嘯華山傾
更須共說天河水洗盡紅塵千古清徐卿

七言古詩云
慎勿忘斯盟
嗚呼徐卿慎勿忘斯盟

酌洞口

華陽洞前秋如霰
華陽洞裏光走電
聞道寒雲深復深
石壁一竅細如線
吾來大呼石壁開
綠眼仙人夜相見
留之三日不出門
咽盡桃花千萬片

貞白祠

華陽山前貞白祠
貞白先生騎赤螭
白雲茫茫去不返
天門秋冷雙虹垂
吾來山頭

尋紫芝紫芝蕭索令人飢出門白石爛如
泥切來好煮青松枝與君大餐各五斗千
山萬山隨所之

江上送別胡國子北上

建業城南江草碧楊子渡頭江雨白青山
雙屐曉逢君明月孤帆夜催客英雄四十
困樵漁於今謁帝承明廬燕市黃金大如
斗袖中一片賈生書

上亭夜讌放歌

仙人好乘白鹿車相逢要我飯胡麻石壁
千尋掃落花落花萬片下人世一一疑結
為紫霞只今已到赤松家山頭瑤草如薰
葭米之兩袖白如雪須臾五色生天葩滾
滾床頭走白沙為我種棗大如瓜銀河千
尺墮几席取之石鼎烹為茶門外蛟龍時
一吟恍若春江聽鳴蜺醉來直走萬山頂
吸盡瑤天明月華與爾天漢凌仙槎

既別子與憶之一首

白鷺洲夕泛

楚客扁舟晚，何適千峰萬峰秋。欲滴一尊
落日墮，歸鴻萬片斷。虹隨暮鷁，美人何處
摘蘭茗。白鷺千行起，蘆荻明月偏。思廣陵
簫，梅花又落江城笛。與君一醉大江頭，醒

後天河掛東壁

燕子磯

燕子一去滄江濱
燕子之磯石磷磷
滿江波浪近
愁客永日蛟龍常
傍人白雲對酒
不知脫高蘿
盈砌今幾春
洲邊芳杜還憶
楚洞口桃花未
識秦吾將買尔
磯頭一片石
歲歲孤舟垂釣
綸

登方山

短筇匹馬迎天風
千山萬山江之東
秋飈

一夜起大壑白雲無數汝情空幽人石路
贈瑤草楚臣江上愁青楓高歌明月聽湘
瑟斗酒胡霜飛塞鴻王孫何事不歸去搖
落淮南芳桂叢

牛渚歌

采石磯頭問牛渚渚上虬螭作人語賣鮓
歲歲泣鮫人弄珠夜夜悲龍女太真一去
雲離離至今秋色天門垂我行亦有赤犀
在明月照君君不知

新安道中

天風吹落千楊柳，晴虹萬丈垂鷗首。水中
亂石怒且待大者，虬螭小蝌蚪六尺榜人
雙胡髯直掛孤帆石上走。長風激浪勢若
舞，崑崙碣石繫兩肘。何當駕此去八溟，直
至蓬萊酌南斗。

山中夜行

明月在天明星稀，仙人夜半歌紫微。黃鶴
一去無消息，崑崙崙玄圃將安歸。四夜寒光

透人肌千山蒼翠濕吾衣下山忽遇天風
起一一化作浮雲飛

浙溪曉起

天門不關飛早霜晶晶水簾浮日光水面
雲華濕不起魚龍吹沫穿石梁波間石苔
綠於髮裊裊漾之千尺長微風千里湛空
碧孤槎疑是來瀟湘

嚴州山行

處處青山雲萬重山前駐馬春茸茸手持

芳草不知曉踏破嚴州千萬峰峰頭新月
起長笛洞口流泉隨短筇吾欲金華訪赤
松與爾雲外騎雙龍

月夜

嚴州城南秋雨繁嚴州城外波濤喧兩岸
人家住楓橘千門秋色分蘼蓀楚臣在愛
薜荔佩秦人莫愛桃花源相逢今夜關山
酌千山蒼翠流空樽醉來高卧明月裏
有白雲來候門

山行

大江以南山作野客予况復愛山者日日
山巔弄流泉百丈銀河向人瀉蒼龍翠虬
滿山立近之迺是梧與檟惟石千尋聳欲
墮往往遊人下駐馬

真州夜泊

江頭明月白浩浩江上行人怨芳草長波
風急龍卧遲遠塞霜飛鴻到早誰家砧杵
衣正單十里芙蓉秋未老玉人吹簫向何

處扁舟愁絕廣陵道

寄懷長安舊游

殘春匹馬辭建章天南冀北遙相望
游子衣裳滯江雨故人劍珮鏘
胡霜三程忽訝芳草暮客心有似浮雲
長安得雙鴻起天際相思寄尔明月璫

期黃山人不至

誰其蘭佩三十秋華髮蕭然卧滄洲
晴霞常護釣者石明月買斷長江流
白露冷冷

下梧楸美人不來生我愁
一曲樵歌起天末白雲搖落萬山頭

湖上行

湖上人家開夕陽
湖南漁者歌滄浪
蒹葭一雨遠江白
楊柳千條秋浦長
松逕夜掃
蓬幽客石門高
啓流玄霜天末浮
雲莽不止
慎勿蔽此明月光

宗子相集五言律詩卷之二

門人

趙秉忠
謝嗣讚

謝懋德
蕭時中

謝騫
魏廷言

同校刊

寄懷鄉園游好五首

浮雲日萬里，空復滯燕臺。
朋好寧相負，音書自不來。
吾慚歌鳳侶，君等卧龍才。
悵望青山裏，薔薇幾度開。

最憶論心者，乾坤一草廬。
開尊銷夜燭，聽雨長春蔬。
作客殊寒暑，憑誰共起居。
翩翩

北來鴈似有故人書

那堪千日別，直使寸心違。
望極頻驚杖，情深自布衣。
偶看長路草，髣髴故山薇。
客思將江水，春來滿釣磯。

即有鴻書去，其如鳥道長。
春來楊柳徑，日憶芰荷裳。
鷗鷺應無色，田園豈盡荒。
雞將尊酒意，一聽楚歌狂。

貧賤有情在，風塵一病深。
向人歌白雪，畏路失黃金。
爾輩甘雲雨，吾生肯陸沉。
故園

松菊在早晚問投簪

送蘇生南歸

短髮不堪數孤舟何太頻客塗空歲月江
國有緣綸劍在猶干楚書成更上秦嶺表
曾季子莫問下機人

四月一日十鱗子與元美約南溪之

游偶以事羈悵然有感

殘春已昨夜初夏自流年朝謁誰能倦松
蘿爾輩偏孤舟凌細雨積水下寒煙遠憶

臨溪者何人不可憐

解佩豈朝客持竿遂釣徒
年華過燕雀春色尚蘼蕪
赤水心頻切紅塵爾自拘
茲遊且不得何更問江湖

不分林塘好偏令爾輩遊
花枝晴自動草色暮堪愁
俯仰聊停騎行藏且狎鷗
茫然心共折何處是滄洲

病中荅吳明卿見贈

一病秋能抱孤吟夜可殘
採芝吾未得視

草爾其難。瑤瑟人間。思金莖露下。看廣陵
濤足賦。江色不勝寒。

其二

伏枕花頻改。登樓月乍圓。宦情疎病後。世
事得愁先。才已金門隱。名非白雪傳。新詩
酬偃蹇。三嘆暮雲前。

有寄

憶爾辭燕甸。逢人賦楚騷。芙蓉千水暮。薜
荔萬峰高。秋月驚紈扇。寒雲落布袍。愁心

不可問孤鴈滯江臯

贈別吳子

問尔何年至還能幾日留
尊開朱鴈夕心折紫萸秋
歲月餘孤鬢關山任散棗
漁竿如可飭遲我狎江鷗

同于鱗子與元美郊行二首

誰識冠纓者常投水石間
春風吹大道紫氣照西山
松徑荒難度楊枝亂可攀
相逢勿遽返世路正摧頽

去去春羅好行朝雨寒路迷頻勒馬
塵起一彈冠究轉溪園出依稀江路
看所嗟情不愜無處問漁竿

送張明府謫教湖州

自古悲行路于今更畏途才名收倚馬
宦計失飛鳧白日晴開越青山亂入吳
傳經稍欲慰咫尺對西湖

與錢惟重步月下

秋風何處起茲夕倍堪嗟不見碧雲色
難

禁孤月華客愁驚蟋蟀鄉思忽薰葭誰謂
天河遠翩翩漢使槎

歲暮

霜雪不堪暮陰陽莽自過淚偏兒女盡情
為歲華多留滯非吾意淒涼柰爾何寸心
無可折落日滿庭柯

送王判

可嘆日為別兼之歲欲殘青袍今作吏白
髮已盈冠鴻鴈千門夕梅花一騎寒風塵

好自愛行路古來難

除夕答謝茂秦徐子與見贈

今夜為誰永清尊只自持歲華明日異旅
思故人知坐待青春色行傳白雪詞梅花
空復好愁絕楚江枝

送張簿之上饒

送君燕市北作客楚江西日月千山濶星
辰一劍低馬蹄仍遠道鳳翼且單栖芳草
天涯綠相思祇杖藜

寄遠曲

秦塞一投筆章臺日倚欄
鴈書何寂寞龍劍有艱難
烽燧春華暮琵琶曉淚寒
自知容色落不忍對花看

青海人頻去黃河信轉稀
徘徊空夜月顛顛任春水
漢將頻營壘胡兵未解圍
近來常涕淚不獨為君揮

問元美病二首

倦遊吾未敢抱病爾何心
萬里靡蕪色秋

風一夜深長嘯豈不得悲歌直至今茂陵
消渴日還聽白頭吟

爾已青雲薄誰其白眼偏一身詩作僻萬
事酒相捐枕簟踈秋雨江山隔暮煙登樓
知有賦莫向衆人傳

寄陸子

何時重把袂茲意有沾巾春去悲遊子書
來見故人風塵虛倚劍日月負垂綸一別
清江上年華幾白鬚

同李司封蘇文選遊聖禪寺一首

有寺焚香在何人結駟來靈花如雨落貝
葉不春開聽法龍依水窺禪鳥下臺塵心
忽到此那得遽如灰

送周先生之海寧

彩筆時難見青檀爾白尊一官聊日月雙
鬢自乾坤雪後西山賦風前北海樽因君
寄鄉思好去過江門

答袁

別思將春起鄉心與日推已經三載別猶
有一書來我愧思鱸者君誠倚馬才黃金
似芳草又滿郭生臺

遠思

歸期不可問客思坐紛紜白髮兩舞隔青
猿何處聞日推蜀道險雲逐楚江分尺素
看鴻鴈高秋或一羣

同李于鱗徐子與梁公實夜過王元
美

一尊那忍負
未夜坐堪酬
鳳豈吹簫落人
疑鼓瑟遊江湖
青桂暮關塞
白榆秋明月
無南北
冷然萬里愁

夜嘆

纖月稍稍起
寒霾細細分
窮途惟白雪
異路是青雲
豈作鴝鴻侶
難期鹿豕羣
平生霄漢思
汨沒向時氛

三月

三月忽云暮
一年空見春
不堪垂柳色
似

與客愁新慘淡時名棄迂跡長吏嗔清江
有鷗鳥恠爾未歸人

天寧寺同于鱗子與元美餞別公實
各賦二首

孤臣辭上國匹馬自秣園樹影僧窺日鐘
聲客到門江湖難寓目天地易銷魂行念
中心約相思且勿論

分襟即此地握手更何年詞賦吾甘後煙
霞爾最先世情頻按劍生事欲逃禪今夜

南樓月凄凉空自圓

送人

歲暮豈不苦離愁那可銷
僅辭燕市酒已犯浙江潮
明月帝鄉滿梅花客路遙
豈能因五斗楚澤負漁樵

于鱗子與元美夜過時元美將有江
南之役矣

今夕復何夕相看又此亭
金樽隨明月銀漢倒繁星
吾已甘多病君今幸不醒
胡笳

中夜起凄惻若為聽

亭花新午落砌竹遠生陰砧杵秋城急煙霞故國深不堪惆悵色薰入別離心去住傷萍梗茲期未易尋

皇甫別駕初至夜集得歸字

君自何方至憐才意久違朔雲停暮展漢月照春衣江左時名重人間雪調稀燈前出瑤草坐客不能歸

寄黃山人

已厭時人目翻生古道悲
洲中鸚鵡賦臺上鳳凰詩
風雨客多病江湖莫有絲
長途且萬里無夢寄相思

追送謝山人不及

白髮久為客青春忽與歸
馬衝燕雪盡心逐塞雲飛
天地飄蓬甚河橋折柳遠
離情堪涕淚此際倍沾衣

月夜聞笛

暮雨浮天去寒雲歸峽遲
青山饒遠色紫

菊把新枝何處風前笛頻停月下卮關河
已搖落故向客愁吹

懷願二丈

客久春如失愁深夜不開眼看鴻鴈去書
對白雲栽叢桂迷淮甸長楊識漢才江東
秋色好消息幾時來

寄書

別已三年久情堪萬里餘常勞燕塞鴈不
到蜀江魚浩蕩心中事遲迴紙上書白頭

還好在一泪滿朝裙

寄元美二首

念爾行搖落何心堪寂寥
凌風雙鬢短畏路一身遙
薜荔亂江雨魚龍犯夜潮
廣陵明月好曾聽玉人簫

客久非吾意愁來獨爾思
寸心今已折尺素忍教遲
風雨相如病江山宋玉悲
淮南行落日惆悵桂枝詞

夜集懷茂秦二首

得爾漳南信，愁予冀北天。
蹉跎春事晚，懶慢世情捐。
日落黃河遠，秋驚白髮先。
狂歌對明月，莫受人憐。

聽雨詩仍在，開尊事已遙。
以予愁劍佩，嘆爾得漁樵。
茲意浮生失，何時客淚消。
淮南行結隱，不待楚詞招。

寄黃先生二首

憶與先生別，乾坤各泛萍。
可憐雙鬢綠，僅對一羶青。
雲落仙人洞，天寒吏隱亭。
相思

若江水日夜向南溟

塵路一知已浮名遂此生嶺南天共遠
冀北日為情首荷春堪長芙蓉夜與清尺書
那不寄白鴈滿江城

對雪有懷于鱗子與明卿元美四子
暮雪一何急玄雲莽欲垂誰為黃竹詠千
載有餘悲鴻鴈稍疑羽關河驟失岐薊梅
寒入酒曾共故人持

再得元美書

楚日吾家到吳門使者來書纔片紙讀淚
已萬行摧佩有蘭堪贈衣知薜共栽梅花
江路滿一酌向誰開

贈黃山人

羨爾逃名者蕭然卧遠臯綠綸江艇闊蘼
薜石門高白已殘雙鬢青猶戀一袍不堪
搖落後重讀楚人騷

出郊過陸子和草堂同太史李公文

學顧丈

王言有詩
進艇吾能遠携尊客許同青天開萬象白
浪失千鴻葦莢細堪數蘼蕪寒幾叢漁歌
稍稍起知在石湖東

並入無新好相逢况故園看山頻紫翠在
野易黃昏柳折風前笛蘭開月下樽起來
望北斗歷歷見天門

孤燈深入坐稚子遠相看月動前江白星
垂大澤寒魚枯終有鯨鵠蔽不辭冠喙爾
屠龍者清時只釣竿

清夜豈堪別長愁欲盡消
梅花春未折叢桂賦還招
白鷺暗驚棹青藜危度橋
月華散蘆花寒思莽蕭蕭

過時寺訪袁三子敬

向客春鴻起逢僧夜磬前
慈雲垂大地慧日暗諸天
酒至堪浮白吾來獨問玄
孤亭入微雨似欲長青蓮

答周明府

相望一江暮難期對月明
青山移病遠白

雁繫書輕天地看喬島兵戈阻漢纓秋風
散麋鹿憶爾闔閭城

春夕同舒子房子子培訪陸長庚別
業

暝色戎戎亂春陰慘慘生孤村流水夜一
酌故人情雪積天愈白江寒月較明綸竿
吾欲把頗恠楚漁驚

元美有江上之約未得遽赴悵然有
思

亦自悲春暮居然負所期
金山一柱立滄海萬波隨
征鴈群群急浮雲日日吹
濤留吾有待吾愛桂花枝

去路惟楊柳吾衣况薜蘿
如何明月夜不作片帆過
紫氣星辰動青天吳楚多
尊鱸秋正好知爾醉漁叢

小園花開悠然獨酌

避世誠何意為園信有才
陰晴三月暮遠近百花開
春訝林塘遍時愁風雨來
酒杯

吾共女日日好登臺

有客

豈亦沉淪者頻來問釣磯
青天雙鳥去白髮一漁歸
忽雨新楓猶如雲長蘆
薇山花似留客隨處傍人衣

白馬湖泛舟

究竟春潮入紛紛上客從湖
今蕩白馬棹恐碍遊龍折柳
晴相媚携尊日可重君眷
十水外已自長芙蓉

何限人同在心知我獨來孤峯雲不薄萬
象日頻開稼穡山中計鷓鴣水上杯桃花
忽如雨髣髴到天台

青蘿堪作服白鹿遂為群江樹低從密溪
流曲更分停盃生桂月掃石起松雲徒倚
悲歌去翩翩向紫氛

吳中兵亂海上徵援感事賦懷因寄
元美

世變忽如此天心那可知蛟螭江欲裂戎

馬地堪支當日銷金甲斯人遂赤眉群奴
把蘆管應向闔閭吹

獨吟心欲折南望首頻搔鼓角鯨如立樓
船蜃自高青天失戰馬落日慘狂袍稍幸
王開府臨戎有佩刀

傳檄紛天地徵兵到薜蘿愁來失俯仰書
去畏江河痛哭千村暮橫行萬騎多滄洲
狂容在應悔罷鳴珂

不盡黃塵起重鷺亦羽馳無書問消息有

淚到瘡痍家國愁，兼入行歲事可疑。浮生
司遠近斟酌向鷓鴣。

雨夜沈二丈至

裊有何人下君能，此夜過寒蟬。吳客賦衰
鳳楚狂歌，兩氣千江入。秋聲萬木多，明朝
寒浦望。搖落有漁簑。

樹色迷寒渚，江流沒石梁。驚風孤鴈下，聽
雨一燈長。蟋蟀夜堪賦，薜蘿秋可裳。相看
愛容鬢，時序有新霜。

不盡

不盡梅花路其如桂樹叢天高片雲紫木
落萬山空砧杵自秋葦關河有塞鴻何人
抱瑤瑟今夜月明中

中秋有懷茂秦

日落寒江上尊開北斗前高秋中夜減孤
月兩鄉圓人隔黃河遠書無白鴈傳謝莊
應有賦何得問嬋娟

進艇

白苧聞歌好滄波進艇遲暮雲殘薜荔秋
水夫鷓鴣日落中原紫天高北斗垂梅花
已零亂玉笛莫頻吹

夜

明月有如此况從湖上看驚蘆秋鴈起把
酒暮鐘殘楊柳垂垂暗龍蛇去去寒夜來
新水闊吾欲飭漁竿

八日寄吳明卿舍人

尺素不相寄孤鴻那可聽瀟湘秋水曲何

處白雲停滄海又人日金門自歲星鳳凰
池上草應只為君青

陸長庚夜至

戎馬暗江國君從何處來門驚芳草遍尊
對早梅開雨雪春衣短魚龍夜笛象中宵
撫長劍惜爾陸雲才

別袁使君

久應郎官宿猶乘使容槎宦情摧郡縣畏
路莽龍蛇海外珠含日天南梅正花壯遊

千萬里且莫問煙霞

繫鷁殊方路聽猿故國情關河同汨遠楊柳共愁生攬轡江雲暮停車嶺月明冷冷鴈湖水人比使君清

席上贈東麓山人

茫茫飄素髮曲曲到寒扉亂石蘼蕪徑殘春薜荔衣一尊青鳥去雙袖白雲歸九十猶能賦如君世更稀

送馮尉

一尉爾何有孤槎路最便關山寒食後風
雨暮笳前入夜江看月行春路拂煙青蓮
幕下客來徃日翩翩

即事六首

詎知烽火色亦到海門東九市旌旄立千
家杼軸空漁樵新授甲都護驟從戎寂寞
江天上驚看一劍雄

白日頻搔首青山一杖藜星厓千騎入風
雨萬家迷有路難舟楫中天急鼓鼙愁心

與芳草江上共萋萋

赤羽遙傳越黃霾近接吳夷歌分鼓吹野
哭散藤蕪日落江流急天高海氣孤中原
有庶頗爾輩敢長驅

虜騎縱橫甚將軍轉鬪頻兩間迷白晝萬
象失黃塵江海遂流血弓裘豈著身招魂
誰與賦洒淚寄青蘋

時王洪二將軍戰死

華夏翻連寇江淮遂苦兵鯨鯢揚子渡日
月棘門營俠氣荆卿劍雄心漢吏纓爾曹

何足慮流涕此蒼生

坐嘆兵機失兼憂國計存干戈在淮海消息已乾坤投鉞曾諸將宵衣獨

至尊定知哀痛詔早晚下江門

寄子與明卿元美三子

同心久相失羈思近何如星出窺龍劍天長阻鴈書滿江紛甲鼓落日泣蕉漁去任情無苦奚方定卜居

豈乏青雲侶其如白雪盟一分燕楚關三

見柳梅生眼底簪袍計
身前詞賦名放歌
當落日的的爲誰明

寄真州張子

世路驚投璧君才類握珠
談經深歲月垂
釣任江湖落日千峰紫
長天一劍孤凌風
有羽翼與爾立相須

一望隋堤草孤吟楚岸花
賦成似班馬身
在只煙霞夜月浪湘夢
秋風進漢槎斗間
垂氣色吾欲問張華

元美訪我百花洲上夜集四首

君來何節鉞，秋到正江湖。
斗室群星聚，天門二曜孤。
古人窮抱玉，吾道忌投珠。
歲晚魚龍寂，臨流未可呼。

終日不得醉，相看獨柰何。
狂心知爾甚，青眼向人多。
席已移星月，衣猶掛薜蘿。
興來歌楚調，雪色滿江河。

坐對百花落，孤登萬里樓。
醉開吳楚色，狂失鳳麟愁。
握手青燈少，論心白日浮。
相思

曾往昔泪逐大江流

雙眼人何白
孤懷爾獨長
相看鴻鵠志不
厭芰荷裳
黃菊紛垂露
丹楓莽下霜
湖南泛明月
髣髴對瀟湘

送徐山人還吳

問君何處去
一騎大湖邊
久客青春暮
多愁白髮先
征衣裁薜荔
長劍倚風煙
江上波濤急
新詩莫浪傳

去住悲生事
乾坤總畏途
梅開春到楚
柳

折曉歸吳倚棹江雲亂傳書海月孤知君
饒雅思早晚著潛夫

秋夜顧二丈來集二首

少別已殘暑相看失舊容秋衣下風露夕
草亂芙蓉世故尊前盡鄉愁雨後重徘徊
望北斗明月照千峯

一徑陰陰入孤煙去去斜江亭頻載酒巖
桂正逢花吹笛驚黃鳥持竿散赤霞看君
靈氣甚早晚問仙槎

得徐子與書

不分黃塵色稍驚白馬音傳書燕塞遠落
日楚江深戎馬乾坤泊豺狼道路心聞君
待漢節松下擬抽簪

簡陸子和二首

歲月仍吾病風塵柰爾何青天應自問白
雪向誰歌夜立殘砧杵園行久薜蘿相逢
恨咫尺况乃隔江河

握手朱明過驚心白露溥江平低鴈翼潮

落進漁竿野色蘼蕪淨秋聲蟋蟀寒相思
對新月疑在異鄉者

中秋遣騎迎沈二丈北莊

遙憐滄海上獨對白鷗群客自殊方到秋
看此夜分凌風孤騎遠掃徑一鴻聞明月
湖南早君無待暮雲

中秋無月呈席上諸公

翩翩携杖至愛此河中洲不見關山月空
分天地秋魚龍潭水黑松挂石門幽瑤瑟

何人抱湘靈未易求

寂寞自松逕蒼茫任草廬高雲莽不止明月竟何如席上頻窺酒盤中僅辨蔬天風如可馭吾欲攜蟾蜍

秋夜同李伯章高子明徐養浩泛湖
高沙迴白鷺遠水到青天棹恐群星亂盃
驚孤月圓秋聲來薜荔夜色淨嬋娟玉笛
君能把吾樽弄紫煙

黃山人夜坐

日散千峯紫煙收萬樹青高雲去莽莽猿
月寒冥冥歲序已新鴈江沙空亂磴餐霞
真愧汝徒復問黃庭

聞鴈

一枕何能得長愁至不禁魚龍殘夜笛風
雨急秋砧天入蕭森氣人暮去住心湖南
有新鴈作意送悲音

無月

可怪清秋月難看永夜輝蟾蜍高不落烏

鵲暗能飛迷徑頻呼燭驚寒驟問永群公
未應去雲色漸霏微

客夜

歲暮青山遠天空白鴈殘孤舟凌夜發長
劍共誰看鼓角高城急星辰大地寒中宵
起遙思倉卒負漁竿

山陵陪祀二首

閭闔門重啓星辰地一隅寂寂群籟動慘
淡百靈趨劍佩當風亂松楸上月孤他年

神武氣或恐未荒蕪

石馬鳴何日金鳧起別宮關山不改色天地自相雄惆悵君臣禮淒涼歲序同

秦陵千古泪一灑翠華東

山陵道中四首

處處春雲色相逢上翠微
扮榆向人發鴻鴈背天飛
列驛松為蓋群峰霧作衣
歲華空浩蕩難問故山薇

吾愛天門近何妨日馭斜
愁暈歸燕雀意

外避龍蛇不辨層崖樹難逢三月花向來
胡騎入滿路散悲笳

路迷人屢問石險騎常停折柳新能綠看
山近失青峰高天兀兀泉細日泠泠何處
無春色吾今愛地靈

馬遲榆柳徑人指鷺鷥班諸帝留弓劍
千官肅佩環風雲回紫塞日月滿青山王
氣中天在朝朝護漢關

過明卿

頻來春騎遠最苦夜孟得深語江河在雄
心日月前十秋難自定萬事竟誰先豈作
巴渝客常騎白雪篇

得于鱗書二首

重來擊筑飲編憶和歌人明月漳河夕
花碣石春愁難千里破情到尺書真誰不
疑斯道君當愛此身

舊侶淹漳水新詩寄漢關
鳳麟千古色鶴鷺衆人班
易側乾坤日寧開寧牘顏寒

猶有賦落日太行山

憶弟

忽是青春別難堪白日移江山一弟遠鴻
鴈尺書遲湖上又芳草淮南多桂枝池塘
尊酒夜知爾重相思

吳舍人得子

待我百年意看君一日情人間麟趾少池
上鳳毛生桂發燕山色珠采合清明他時
弄環語應令楚妃驚

哭梁公實十首

當日梁鴻去青山弄紫煙形容疑好在消息是誰傳鷓鴣鳥豈來舍龍蛇或值年倉皇不可問墮涕五噫稿

使者春江到傳君隔歲書關函生氣色數字慰躊躇日月孤冷失河山一病虛皇天深忌汝竟不免蕉漁

徘徊南斗下歷歷少微星一夜因風墮高人遂不醒孤雲垂慘淡萬象墮沉冥莫問

西樵柱千秋空復青

羅浮不可望鎮日紫霞封爾把金光草行
吟第一峰驚颺殘薜荔驟雨泣芙蓉恐逐
仙人去青天跨白龍

汝去亦何速人生良已浮蒼梧一灑淚赤
石萬峰愁才或雲霞妬名非劍佩收知無
封禪草漢使不須求

五子中原得千秋僅一麾壯心何遽折吾
道益堪悲大海東南去天風日夜吹獨留

龍劍在紫氣千間垂

長安曾落日為爾抱瑤琴一鼓秋雲白
瀟湘寒色深斯人遂不見是物可無音坐憶
龍門曲潛然淚滿襟

少別即成古相逢豈在今黃河難止注白
日似東沉天地冥鴻志文章逐鹿心悲風
吹大壑夜夜助蕭森

漢省空題柱文園早閉關生難看白髮死
豈負青山天柱浮雲色茫茫去不還肯思

黃石仙萬一到人間

浮世誰能免如君獨可哀
荒榛滿天地玉樹莽塵埃
裘馬偏窮路江山不盡才
更憐擊筑者蕭索薊門臺

初夏夜同明卿元美遊張氏園亭

塵途忽到此世事頓相違
月色輕隨馬松枝亂拂衣
相逢青滿眼並坐綠成圍
便作幽棲得何須問釣磯

倏爾過山雨蕭然對石欄
雙衣絺綌薄五

五言古詩
月薜蘿寒高竹翠難把新松秀可餐吳歌
况在耳真作故園看

一逕杳然入叅差絕可憐古臺荒自出石
磴曲相懸林密難窺月枝高易破天誰能
吹玉笛吾欲弄蒼煙

太虛何必問一壑坐相收猶袖山形古藤
蘿石壁幽盃疑天外把人似月中道莫作
雲裳曲翩翩不可留

夜色亂相射幽人那可禁天流孤月白庭

落大槐陰忽起千秋思能空萬里心長吟
一汗漫纖露下衣襟

聞島夷將逼湖州寄懷子與

兵已蒼生苦書仍赤羽愁風吹遠海立潮
壓太湖湧鼓角天應裂鯨鯢日不收桃花
藏戰色慎莫問漁舟

汝在登天目春來似綠林荆榛黃鉞入烽
遠白雲深百戰江山色千家隴敵心當年
一乞首應或作龍吟

同余德甫吳明卿王元美再遊張園
為愛林塘好頻從馱馬來僅成三日別復
作一尊開橋憶牽衣草度思待月梅昔心
還鹵莽此夜重徘徊

畏客雙尊在留人一榻憑浮雲去萬里明
月更嬋娟細柳風藏碧新榴夜失妍無能
永茲夕心折薜蘿前

不盡山靈僻難持幽思翻星辰莽相照鳥
雀一何喧竹葉傳金甕松花落石門危峰

一長蕭鬢第是崑崙

何處陽春調來同此夕歌地能燕市有人
得楚狂多把盞青天墜題詩紫石磨一呼
去飄飄片語即江河

零露隔金掌長天轉玉繩夜驚群象遠狂
得寸心憑高樹歌能立危巖暗可登何當
謝塵網日日白雲層

問余德甫病二首

浩蕩俱燕市蕭條自馬卿茂陵拾瑤草消

王言
渴望金莖夕，異裁詩短秋。
雲伏枕生南樓，今夜月故向客愁明。

獨憐青桂侶，高卧白雲樓。
見爾能稱病，何人肯倦遊。
星河雙杵夕，風雨七陵秋。
且莫歌芝曲，商山不易求。

立秋夜明卿元美米集

塵心不自好，歲序莽相催。
風起千門亂，秋隨二客來。
絺衣雲共白，紈扇月同開。
且莫悲搖落，吾慙作賦才。

酒至期晨漏風來破夕陰
星辰垂戶小
蟋蟀語庭深
白眼千年思青天
一夜心併隨
秋色動四顧
起蕭森

荅明卿給事

世事憑誰問
浮生得爾同
有心俱欲折
無路不歸窮
戰伐乾坤色
安危將相功
君看鳴玉者
楚楚日華東

蕭然雙鬢短
莽矣百憂新
白雪孤調世
黃金巧識人
勢應駭積羽
心或急批鱗
遂恐

風塵色難圖蘿薜身

明卿宅分得宮字

翩翩傲世者馬上落青楓把酒長安月殘
秋碣石鴻玄芝紛下蔡白羽急西戎向夜

寒起

漢宮

德甫明卿元美肖甫夜過時肖甫將
有使命矣得來字

借問此何夕秋高冀北臺浮雲萬里去明
月幾時來莫惜黃金盡其如綠髮摧相逢

不成醉鼓角道途衰

聞子培又下第賦此寄之

憐汝不得意上書今又回秋風江色暮愁
見菊花開抱玉時堪泣投珠夜更衰薊門
看白鴈曾否故園來

九月驟寒二首

頗怪雷仍起還驚雪乍飛陰陽曾世變順
逆總天威白馬紛傳檄黃龍正合圍北風
休更急漢卒夜無衣

搖落一何甚西風起大荒黃霾吹欲立白
鳥急分行倚檻深看雨懸燈數問觴流離
滿天地茲夜不堪長

雪夜訪明卿病時有客因簡元美

伏枕寒仍立傳盃深可停雪吹天地白山
掩薜蘿青耳日子今病浮沉爾昨醒客言
能鼓瑟或恐是湘靈

夜色流燕樹寒霾失薊門子難歌白雪
豈妬清尊日月憑雙眼乾坤阻片言坐來

心萬里忽欲問崑崙

明卿宅同元美分賦得席上筍

一月破雲根千行碧玉新
湘痕知有日孟
泣豈茲辰酒對殊方夕
盤留故國春吾將
竹風兩片片作龍鱗

賦得席上菊

一枝吾在把不必向籬東
秋色近相媚寒
香夜可終酒來疑泛白
燭滅似愁紅好為
携懷袖玄霜下遠空

九日

九日吾家會遙憐骨肉歎一身懷橘負群
弟把茱萸蜀道向愁險楚江今更寒白雲
空荏苒可得故園者

秋風

秋風吹萬里一夜過扶桑落葉碎難掃孤
鴻高自翔登樓來朔雨倚劍下胡霜聞道
榆關使飛書入建章

東臯隱居為子與尊人賦

一逕斜臨水長汀曲抱沙古來鴻鵠侶雲
上白雲家種橘開新溜尋芝數落霞武陵
溪不遠石壁有桃花

天目三千尺高樓第一峰瀑來飛萬馬石
削起雙龍白日江華細朱霞海色封行歌
秋更好散髮弄芙蓉

亦抱祀人念其如茗水幽手携青玉杖坐
老白蘋洲萬象秋如滴群峰日亂流太湖
三百頃處處不驚鷗

避世亦何甚空山一釣臺幽人瑤琴至稚
子石門開白髮照秋水青天落夜盃近雲
常五色或恐漢麻茅

得子與離家消息

使者發湖千山搖歲寒漁樵心或負烽
燧鬢應殘青雀凌風上黃河落木看貂裘
須早御朔雪滿長安

懷李伯章

故園棲隱處何得爾為群握手先朝雨論

心到暮雲江湖鬢短日月兩秋分豈有
同心者令予不念君

簡陳使君

父老書頻至瘡痍嘆未醒長懷閩日白難
照楚山青野兇稍離室河魚更入庭怨歌
滿天地不遣使君聽

同明卿子與送別于鱗元美席上得
天字

春色何堪問開尊是別筵中原送二子北

斗散高天薊日愁難緩吳歌泪與傳千山
分馬首那忍遂揚鞭

得元美書

使者春何往吾徒日轉孤屢書心盡折一
字眼堪枯未測皇天意其如壯士圖自知
寒色甚不敢怨明珠

既賦金山篇寄子與復系之此詩

寄尔金山賦登山莫自歌恐驚明月去其
奈白雲何夜棹鯨波急秋衣屢氣多憑誰

憑搖落滿目是江河

同峻伯夜過助甫得鐘簫二字

以我天涯泪洒君庭下
松寸心燕市筑雙鬢
薊門鐘明月還依馬
浮雲欲作龍相思
如有贈慎莫問芙蓉

蒿柳催吾別孤槎去國遙
主恩還劍珮
春色豈蘭若白雪寧誰妬
黃金任爾驕美人
從此隔忍聽廣陵蕭

發京

十載侍青瑣殘春出薊門浮沉原宦計遠
迹摠君恩芳草愁邊綠燕花泪共繁
心似列宿常傍太微垣

長庚純一舜隆既別憶之

一別不自意茫然空復愁孤舟仍盜賊多
病已春秋明月一江遠故人何處樓風塵
雙泪眼為我寄滄洲

渡江

秋風高不極破浪片帆輕鴻鴈衝沙起蛟

龍傍檻鳴愁人芳草遠落日一江明十載
風波事茫然空復情

渡江得子與書

亦有華陽在誰其汗漫遊書傳天目雨客
到秣陵秋江遠芙蓉細山低蟋蟀幽此懷
吾不淺直欲醉丹立

句曲七夕大雨不得子與消息怪之
七夕憑誰問雙星柰爾何劫來行暮雨早
已失天河不見停梭去寧知乞巧多盈盈

五言集卷之三
一水者人世更蹉跎

江上聞明卿量移南康二首

復得南康信
匡廬遂爾狂
詩仍官長罵
名或簿書強
暮雨湘潭近
秋風楚塞長
江流如可返
為我到潯陽

西望楚天碧
茫然空暮霞
寸心隔江海
雙淚滿蒹葭
白鹿誰為客
青山尔即家
武陵溪尚在
不必種桃花

燕子磯

解珮掛蘿薜翩翩凌紫氛乾坤雙眼盡南
北一江分麋鹿散秋草牛羊下夕雲瑤華
如可拾即此好遺君

荅五岳山人見寄

片雲何處至為爾獨依依寄我青山賦悲
愁采石磯九華明月在五岳幾時歸蕭索
長途客玄霜未授衣

南陵道中聞闖寇

到處蒼生泪那堪白羽驚寸心折淮海群

盜駐延平客有祀人抱誰其漢吏纓百年
雙眼在可得見休兵

宗子相集七言律詩卷之七

門人

林朝暉
黃中

黃才敏
朱應遇

沈望棟
謝雲符

同校刊

春日

帝里頻看柳色新，那能金馬坐沉淪。
誰家羗笛吹明月，無數梅花落早春。
群盜烽烟時更急，五陵冠蓋日相親。
故園歲事滄江上，腸斷孤舟起釣綸。

送人還楚

七言律詩
薊門搖落朔雲秋。爾去千山落日愁。白髮
行藏孤劍在。青楓舟楫大江流。楚人昔有
懷沙怨。湘水今還鼓瑟留。念我好傳鴻鴈
曲。月明應醉庾公樓。

寄趙山人

別來音書何太稀。塞南日日秋鴻飛。青山
一去誰消息。白髮雙垂今是非。歲月祗窮
詞客路。薜蘿難負楚人衣。故園剩有滄浪
水。寒雨江楓吾賦歸。

省樓春集

朝來鳴珮散長安。漢署千花覆石欄。把酒
逢君敬北鴈。上書有客泣南冠。萬家芳草
悲春暮。三月高松過雨殘。欲寄愁心與白
日。浮雲滿日不勝寒。

午日同于鱗子與集公實時值雷雨
薊門芳草逐人來。午日新蒲對酒開。沉陸
揔為方朔侶。懷沙獨惜楚臣才。人間魍魎
雷堪走。海上蛟龍雨不回。夜半浮雲難去

女更堪孤角鳳城哀。

秋日寄袁二丈

清秋何處問吾廬。落日他鄉淚滿裾。胡馬
頻年為客計。塞鴻八月故人書。白蘋江上
共誰把紫葢。山中好自鉏。只恐凌雲稱賦
者。漢家久矣待相如。

送施明府之蕭山

馬上秋風吹客纓。送君千里越中行。芙蓉
落日憑誰語。楊柳寒江非世情。群盜羽書

仍北向、頻年將相議、南征、白雲茂、宰今者
女莫問、飛鳧向、帝京、

二月三首

二月春華滿、鳳城萬家楊柳共愁生、烽高
紫塞愁都護、詔下甘泉議止征、昨日羈縻
胡市馬、西風蕭瑟漢臣纓、瓊衣玉札殊恩
澤、早犯勳勞荅、聖明、

蘄門芳草滿、長衢是處黃金不可無、西入
羽書三輔急、北方龍氣七陵孤、天王按

劍思臨塞大將觀兵豈條胡報主憂時今
更切敢將心事問江湖

聞道元戎出帝畿
即看遠道耀軍威
漢金百萬朝通使
胡騎三千夜解圍
塞上烽煙
何日定山中麋鹿計
全非
由來天意高難
問徒自燕雲滯客衣

寄許殿卿

聲名歷下共羊何
海岱秋雲幾度過
燕市黃金圖駿少
齊人白石飯牛多
山中夜賦

深風雨醉後春衣泣薜蘿
聖世才賢俱
近幸碧池芳草待鳴珂

寄沈二丈

長髯短髮近何如
湖北湖南定卜居
琴裏澹湘中散曲池
邊風雨右軍書
秋來雙逕誰看菊
月下清尊自摘蔬
舊日綸竿還好
在豈能終負楚江漁

寄懷子培舍弟

故園春草日依依
別後池塘今是非
明月

江楓頻憶弟，清秋塞鴈一沾衣。病多客枕
餘芝朮，書去名山問薜薇。聞道滄洲新水
澗，可憐鷗鷺滿漁磯。

省中齋居貽于鱗子與公實元美四

比部

向夕停珂省闕幽，吏人猶自進春裘。蓬萊
雙闕金莖遠，閭闔千門紫氣流。明月在天
誰命駕，白雲垂戶好登樓。明朝獻賦甘泉
者，漢時秦祠非昔遊。

送熊守之太倉因使省覲

美爾新分刺史符南方千騎亂平蕪瀟湘
天濶春歸楚震澤風高曉入吳父老幾年
憂戰伐使君到日問樵蘇薊門舊侶能相

憶八月雙鴻起太湖

吳明卿席上有賦

陌上黃金俠者遊，
蘄門春草暮堪留。
一尊破爾青山喜，
萬里懷人落日愁。
鸚鵡昔悲湘客賦，
鷓鴣初典漢臣裘。
酒闌忽聽孤笳起，
腸斷胡雲出塞秋。

望蜀

華髮蕭然寄一官，
于今蜀道更艱難。
北來戎馬應看劍，
南去萑蘆好掛冠。
楊柳豈堪

巫峽暮薜蘿空對錦江寒東山舊日饒書
札夜夜燈前拭淚看

送冑明府謫教杭州

匹馬天風聽暮笳尚醉故園花尺書
在袖逢江鴻萬里揚帆似漢槎帳下談經
餘首蒨湖中對客半蒹葭錢塘歲歲春堪
卧莫憶漁竿返玉華

送方行人使魯還蜀

仙吏朱衣下紫霄天書親捧翠微遙梅

花一夜飛羗笛明月千山護使輶魯甸王
程逢鴈盡劍門鄉思聽簾銷送君雙淚悲
游子白髮清江正寂寥

得黃山人書

昨日傳書到漢京幾年為客向江城
夜雨孤尊在聞爾秋霜兩鬢生
半世行藏頻倚劍
各天消息一沾纓
何時共逐華陽侶
手把芙蓉對月明

寄馬明府

秋雲何處寄相思華髮知君滿面垂去國
柴桑陶令醉還家蕙苾漢臣悲竟無尺素
傳朱鯉或與仙人種紫芝一自滄江分折
柳十年搖落鹿門期

客舍新遷有賦

如何一別淮南桂竟日淹留冀北花九塞
烽煙仍抱病三年京洛屢移家人間歲事
催黃鳥江上春衣阻赤霞骨肉音書常不
斷白雲依舊是天涯

送陳使君還楚

使君匹馬向河梁，此去江鄉即帝鄉。
楚客多才見鸚鵡，漢旌何日渡瀟湘。
山中杜若迎新綬，渚上芙蓉念舊裳。
京洛交游俱近，幸逢君秋色賦長揚。

寄陸子和

江門一別又秋分，何處風煙不憶君。
人客衣裳鶉自結，舊游尺素鴈為群。
十年世路彫青鬢，三嘆斯人卧白雲。
羽翼南溟最相

近未須重勒北山文

送陳生南還因寄江鄉潯好

薊北秋高起夕峰
送君南去楚雲重
市中五斗新豐酒
醉後三年長樂鐘
耕隴未須悲燕雀
涉江何處採芙蓉
寄言舊日猿霞侶
曾不天台訪赤松

送李虞部之杭州

一尊宸散帝城遊
萬里江雲擁去舟
楚國芳荃難汝別
薊門朝雨為誰留
萬家燈燭

胡纓夕八月薰葭海戍秋使者無須頻止
顧浮雲何處不堪愁

除前錢惟重夜至

朔雪千門擁騎過西風捲落罷鳴珂
愁邊鴻鴈中原去眼底龍蛇畏路多
闕塞豈無胡馬策江湖真負楚漁歌
衣家歲暮吾將換好與青山長薜蘿

恭懷二首

遠塞風高暮角哀浮雲終日去燕臺
百年

月鴻書隔歲來錦水即從

巫峽出青山定向劍門開獨傷人事多留

滯萬里停

幾迴

客計年來尚卜居楚工漁父意何如茂陵

肺病長卿賦漢帝心知賈誼書天地一身

惟報一烽烟雙眼正愁予秋風萬里吹南
國叢桂花開滿故廬

寄陸長庚

天涯一自失論文豈有同心不憶君孤客

逢秋悲薊草尺書經歲阻江雲清時易別
煙霞路明月難隨鹿豕羣便欲投簪滄海
去兵戈消息不堪聞

韋氏池亭四首同于鱗子與元美賦
城上春山並騎來曲池芳草好僚盃鸞鴉
水淨窺人立燕雀風高逐岸回

玄草在帝京三見紫微開吾嶼

賦惟爾臨岐候吏催

雨過林塘花正飛高松細石俯漁磯扁舟

明月堪長往，萬里滄江所不歸。猿鳥經秋
分客淚，薜蘿他日只吾衣。相逢未可輕相
負，一到紅塵事事違。

重來常曲解春孺，碣石華陽望不孤。萬里
天風吹短髮，千家涼雨颯高梧。青山祇負
漁樵問，玄鳥深知日月徂。一醉殘邊濯吾
足，却疑身世即江湖。

出門駐馬飲平川，為爾徘徊下夕煙。捐珮
不堪芳草暮，沾衣吾得紫霞篇。漁陽戍鼓

東何急易水悲歌昔所憐更欲開尊待新月
浮雲容易妬嬋娟

寄陳使君

春日春風太可憐憂懷別緒俱茫然江南
涕淚望松梓冀北花鳥空雲煙鴛鴦誓解
仙子珮蓼莪應廢門人篇袖中尺素向誰
寄不見雙鴻飛暮天

西來

西來秋色滿燕山昨夜平胡使者還白羽

八黃

班竟何漢

卒屯青海難信班生老玉關聞說單于頻
出獵相逢馬上看刀環

送王叅軍之橫州

中原落日怨離群萬里關山路又分亂後
誰為驃騎使征南吾憶伏波軍湘妃班竹
行秋雨帝者蒼梧起暮雲銅柱高標猶在
眼好將勲業答明君

諸子夜集

鳴珮朝來散紫宮相逢意氣為誰雄一尊
醉憶江湖上三月春殘風雨中消渴文園
卧司馬題書碣石問冥鴻青山南北豈將
往肯向人間泣路窮

雨中得家書

走馬歸來袖自寬愁邊蕭索漢庭冠葵襖
不落十枝淨風雨頻生六月寒客到庭階
驚自出書傳兄弟淚難看兩鄉白髮關河
阻日日江鴻愧羽翰

再寄六二丈

高秋搖落薊門城，萬里相思對月明。
人在薰葭歌白苧，病中風雨望金莖。
關山尺素時堪寄，南北孤鴻暮不征。
聞說子雲能獻賦，長楊羽獵古今名。

人日東楊子

游子頻年棲漢庭，又看春事落階蓂。
乾坤雙眼逢人日，江海無憐是客星。
病起鬢毛知汝白，愁邊楊柳為誰青。
風烟況復音書

隔向夕征鴻不可聽

寄懷趙子隆

當日相携十二橋
寒江東接廣陵潮
青雲客計龍門策
明月誰家鳳女簫
久別書來愁鴈驚
故園秋盡憶蘭苕
長安新柳黃金色
暉爾看花匹馬驕

送人歸淮南

燕市六月芳草斑
落日忽驚游子顏
騎發邯鄲逢趙壁
雨來桐栢近淮山
黃河日夜

去仍急滄海東南浩不還秋到正逢叢桂
色王門諸客共誰攀

春興八首

往歲含香紫禁東千官環珮散天風茂陵
病逐樵人去淮海春殘桂樹叢宦計雲霄
惟敝鳥主恩日月在冥鴻簡書使者江
亭滿可得相逢問漢宮

滄洲生事起垂綸蜀使西來淚滿巾萬里
書傳巫峽雨幾時歸摘楚江蘋青猿知在

關山聽白髮應催日夜新人世百年堪俯
仰薊門一別五經春

遙傳塞上又徵兵使者飛書入漢京邊馬
不歸青海戍朔雲常斷玉關纓七陵松檜
今開府三輔河山夜勁營自是群公能策
虜即看赤羽莫深驚

建業春雲咫尺看雲中宮闕舊長安
壽陵只在鍾山上紫氣遙憑白日寒劍珮千
秋還鳳吹關河四顧自龍蟠至今父老談

神武匹馬侍書定契丹

石門草色曳春裾
愁裡春花滿舊廬
計吏徵求那太急
蒼生顛顛竟何如
黃河北注魚龍泣
赤壤終年稼穡虛
天上近傳優恤詔
可能一夕起樵漁

中原五子送將歸
十二峰頭拾紫薇
別後何人鸚鵡筆
書來念我薜蘿衣
邗溝明月行將開
鴻鵠天風高自飛
南北岐途兩無賴
江門烽火照漁磯

高楊亂石把雕弧有客頻過問杜圖落日
中原停萬騎悲風萬里下三吳臺前麋鹿
秋相泣海上鯨鯢夜自呼聞道中丞新授
命急將戎馬採姑蘇

司馬提兵夜渡河羽林諸將擁雕戈青山
一戰殘鼙鼓落日千家泣綺羅盜賊似聞
能漢語東南何地不夷歌浮生轉覺江湖
窄難把衣裳任芟荷

江村

西風朝散漢臣班，萬里江村一夜還。
題柱聲名空畫省，採芝歲月有青山。
烟開曲水頻垂釣，日川蒼梧不掩關。
直欲天台拾瑤草，何人遞我白雲間。

寄顧純一時客于揚

自君去矣湖之濱，日夜湖南生白蘋。
江雨千家任伏枕，潭雲百尺堪垂綸。
書傳孤鴈正明月，病起空山愁暮春。
苑花流水可避世，武陵樵者今何人。

寄袁二丈

孤鴻不到海門煙
別後音書動隔年
江上暮雲空復好
湖上新月爲誰圓
懷人竟負看梅曲
卧病長歌來蕨篇
咫尺山陰飛早
雪可能一卜剡溪船

九月寒花照客盃
故人何處獨登臺
霜華好與青楓落
秋色能堪白鴈催
鼓角孤城猶自急
干戈雙眼共誰開
知君近有江南賦
千古深知庾信哀

同子與使君登文游臺臺在高郵

何處星槎使者迴
孤城寒吹共登臺
湖間明月雙珠出
雨後青山萬井開
鑠石汝從天目到
觀濤誰更廣陵來
越吟楚曲俱搖落
江左新驚鼓角哀

趙山人至

千行垂柳暗江村
江上何人到石門
倚杖弄華垂素髮
登樓雨色滿清尊
驟雷似有蛟龍怒
落日愁聞豺虎喧
只此漁舟堪結

日
三
年
信
云
侶未須楚水問桃源。

贈凌文學

有客問予青鷺洲當年遇汝蕪城秋一尊
樓閣短簫發十里芙蓉片月留別後素書
不肯寄袖中白筥何所投明朝江路嘆遊
子莫遣霜華盈敝裘

拱極臺

高臺此 眺中原臺上空驚夜色繁人生
千峰明月裏天垂列宿紫微尊秋水蒨荔

真吾計早歲漁樵亦
主恩即擬尋仙向
五岳烽烟猶自帶江門

萬里

萬里青楓悲素秋千門風急楚雲流江南
涕淚重城急海上親朋暮角愁西入戰烽
迷漢騎年來漁父失江鷗寄言諸將須深
策早把新軍駐石頭

待元美不至

書來有意問滄波曉
起柴門撫舊柯孤楫

中流楊子暮白雲西去秣陵多雙龍一別
各風雨五斗相逢今薜蘿寄語湖邊垂釣
者好尋蝦菜待君過

誰傳消息到湖西欲來不來空杖藜昨日
石門開枳橘早時孤艇散鳧鷖愁人碧草
戎戎短候客清尊夜夜携二十四橋今寂
寞不應重為玉簫迷

真州

十月秋城鼓角哀悲風搖落此登臺山形

西罈千虹立濤色東驅萬雷開日下白雲
鐘阜起江南紫氣漢陵來臨流惟尔鮫人
詔一夜乘潮能百廻

寄茂秦

與君秋別薊門鐘每見秋雲不可從雜佩
相貽仍蕙芷美人一水隔芙蓉月明江上
歌梁甫病卧山中擬蜀龍盡道漳河成獨
往十年高味在青松

送人南歸

楚天搖落欲何之把酒青門泪並垂漢署
昔題金馬賦淮南秋問桂花枝還家客夢
寒蟬急去國君恩白髮知歲晚衣裳仍好
製扁舟隨處有江灘

贈吳子

廣陵城西江可憐廣陵城北草芊芊余省
鴻鴈歌明月爾客崑崙今幾年湖上一尊
開橘柚人間雙泪墮嬋娟相逢總是淮南
侶莫負秋風桂樹篇

寄李順德于鱗

憶爾狂歌滿帝京，春來紫綬寄專城。
漢庭詔下二千石，良吏人傳卓魯名。
日落盧龍寒朔騎，風高涿鹿斷胡纓。
塞帷定有江門思，碣石青天是舊盟。

暮春

莫向桃花又問津，只今已是武陵人。
經旬芝朮還歌枕，細雨林塘不住春。
一入青山踈故舊，千秋素業在沉淪。
湖邊似有漁舟

路急與秋風長綠蘋

江上秋高有懷京洛舊好李王南北
梁謝飄零獨子與明卿在馬俯仰傷
情賦此寄題

荆高一去燕市虛獨留爾輩空躊躇黃金
七首今安在擊筑悲歌忽自踈千古英雄
堪俯仰一朝聚散有樵漁江山南北秋華
濶腸斷孤鴻八月書

寄袁三子敬

去年握別楚江流一夜新霜拂去舟人隔
蕪葭滄海暮書來風雨白蘋愁茂陵消渴
還稱賦明月聽砧獨倚樓知爾詞華干氣
象于今莫厭鹿門遊

雨中聞島夷消息太劇

一雨滄江起杖藜愁邊芳草正萋萋天門
石裂雙雷下海國烽高萬象迷百戰蒼生
鮫室裏頻年赤羽鳳城西謝安莫負東山
望昨日徵書到會稽

二月五日

今年春事何太遲二月五日寒如絲細雨
忽見芳草色晴雲猶護梅花枝鼓吹長江
日夜急羽書匹馬東西馳天時人事且如
此忍向青山歌紫芝

送太史李公還朝

楚江二月送朱輪江上千家長白蘋宮錦
尚留叢桂色仙舟不住廣陵春雲間鷓鴣
含香入日下夔龍佩玉新一自周南歸太

更石渠視草更何人

北去樓船向紫垣長途芳草日開樽漢房
秋問仙人掌方朔才高金馬門群盜兵戈
無上策蒼生顛覆滿中原安危將相須公
等宵旰于今獨至尊

酬沈二山人

夜夜西風吹客纓江湖只尺有離情高秋
伏枕黃柑盡明月懷人白髮生雨後桑麻
頻入寇年來畎畝只談兵亦知已作漁樵

伴未必深山好避名

顧一丈夜集

江上草堂開夕陽寒波十里即滄浪西湖
客到扁舟雨故國鴻歸昨夜霜一別鬢殘
胡馬後兩秋書隔楚雲長相逢斗酒且沉
醉草

懷公實

梁鴻一跡向樵漁予亦歸來掃敝廬青笠
孤丹空自遠黃金大藥竟何如桂琴滄海

秋移病草碧羅浮夜夢書三十六峰明月
裏相逢亦有紫霞臨

席上贈劉一丈輝石

滿目垂蘿青不收
何人日日問群鷗
尊前細雨千峰暮
天外明星萬樹流
歲月豈能殘楚佩
行藏且莫問吳鉤
憐君空抱蒼生策
一卧江門四十秋

早春寄明卿舍人時以使事還楚

湖南湖北春氣鮮
渚鷗沙鷺何翩翩
梅花

千嶂暮不落芳草雙江寒可憐漢使近持
金馬節楚漁難別洞庭船醉來偃蹇三湘
裏更是何人白雪篇

過揚州

湖上行吟落日邊

蕭索倍凄然燕城

舊識叅軍賦玉樹

帝者篇隋苑雲殘

楊柳色邗江夜斷菰蘆煙可憐白舫青叢
者尚有漁歌似昔年

青楓滿目生悲涼二十四橋空石梁明月

玉簫何處聽寒江秋草為誰長西雲獨照
崑崙紫古道頻吹杜若香世故客愁那有
極欲憑尊酒問垂楊

真州謁文丞相祠

文相祠前楓樹丹真州城外送波瀾千秋
不盡中原泪此地真成故國看一自燕雲
孤騎入至今龍氣大江寒客游莫聽胡笳
起白日青天處處殘

春日

春風冉冉吹山亭春日娟娟迴翠屏淮浦
又見桂枝發江洲重入薜蘿青落花流水
去杳杳石泉飛雨寒泠泠愁來甘卧茂陵
病寂寞雲霄空客星

冬至夜高子明陸子和子培舍弟集

小館

孤夜羣星聚此筵寒梅細石晚相鮮兩儀
消息還長日雙缺追隨自昔年人世歲華
空鬢髮江門戎事正風煙哀時詞客無今

古久矣吾悲度信篇

得元美書

江上孤槎憶送君
薊門消息阻秋分
驚風萬里吹胡馬
錦字千行墜楚雲
竝極頻頒龍武詔
東吳新控伏波軍
漁樵舊業無須問
處處青山泣紫氛

懷余德甫比部

一別垂楊秋又分
楚材原自豫章聞
七陵寒吹歌明月
列署秋衣生白雲
病乞薜蘿

空使遠日看麋鹿遂為群尺書未報燕南
使何處聽鴻不憶君

諸子夜集因寄長庚

萬里西風吹急湍
菖堂幽事起憑欄
客尋玄草頻捐佩
醉倚青松不著冠
漁父暮歸雙艇急
鮫人夜語一江寒
聞君已作滄霞侶
石上瑤華只自看

七夕

今年七夕又山家
散髮孤吟到暮霞
天上

雙星罷撥杵湖南斗酒出蕪葭白雲中夜
來江色紫蘆清秋長石華萬里天河寒在
眼何人只尺問仙槎

寄錢惟重時以使事還吳

使者持節瀟湘回三吳消息愈堪哀蛟螭
盡飲太湖水麋鹿又上姑蘇臺組練徵兵
已百戰艱危報主須群才君看眼底紛紛
者躍馬卧龍安在哉

得方山人書

憶昔同登冀北臺黃金識爾入燕才
三秋消息胡雲斷十月音書楚使來
落日中原猶作客扁舟滄海負停盃
青楓莽莽孤鴻暮何處臨高首重回

子與投書約訪山中賦此以待

聞君遙別薊門樓錦纜牙樯漢使舟
昨日書來桐栢水西風病目廣陵秋
霜前鴻落雁相問江上龍歸空復愁
昔者淮南招隱後幾人能問桂枝幽

病起

病起蕭然一鶻冠
年年春事鹿門看
長堤芳草愁邊綠
落日梅花笛裏寒
吳使傳書多戰伐
楚人貽佩只椒蘭
武陵稍隔滄浪水
遲爾秋風把釣竿

頻年

頻年客淚滿蓬蒿
是處生涯半羽旄
漢詔北來戎馬急
楚江南去陣雲高
三軍歲晚悲蘆角
諸將秋深損戰袍
百計艱危君莫

問宵衣此日

聖躬勞

袁二丈夜訪山館劉一丈借集二首

湖北湖南落日斜誰來題竹野人家自言
海上多秦石始信河邊有漢槎斗酒共聽
今夜雨江梅曾對十年花別來玄草今何
似容易秋風老歲華

石門寒雨永茲宵多病文園起寂寥已分
白頭仍進履相逢青眼自垂髫時來蕭艾
徧多色歲晚魚龍自太驕偃蹇楊雄終

賦西風莫問赤城樵

得明卿還京消息却寄

憶尔孤帆落日遙
洞庭秋色莽蕭條
幽蘭雜佩湘君贈
暮雨高唐楚客驕
方朔已歸金馬詔
枚乘空賦廣陵潮
悲歌舊侶相逢日
何處胡姬醉紫貂

孫子升過訪

四海賓朋舊不疎
可憐踪跡斷樵漁
白蘋客到秋江雨
赤鴈吾愁隔歲書
湖上一尊

停夕吹山中十日把寒禔知君即草明光
賦空有相思到救廬

蜀道

蜀道之難自古今豈令華髮獨能任思家
多少玄猿淚解綬徘徊赤子心秋落舟航
巫峽險人言風雪錦江深坐來萬里誰消
息明月關山處處砧

渡河

孤舟東望淮水潯長空搖落千樹林關塞

蕭條紫極遠魚龍
浩蕩黃河深中流
羯鼓起還色萬里
天風吹夕陰
懷抱鬱鬱復為
容白石滄江遠寸心

舟夜夢顧一丈

呂梁之水青石磯
中天寒月何霏微
梅花寂寞有誰賦
芳草飄零胡不歸
江海故人忽入夢
英雄白首空霑衣
明朝懷袖有天
素安得雙鴻雲際飛

登景山落霞亭

雪後登山落木繁
朱霞猶自出天根
竒峰斷石頻停馬
絕壁枯枝亂掛猿
桂樹千秋懷舊國
浮雲何處望中原
蓬萊東去未為遠
吾欲乘風叩日門

搖落青楓此上臺
石門雙磴倚崔嵬
河流南注崑崙折
龍氣西看芒碭摧
十月衣裳寒杵急
孤城睥睨暮笳哀
故山麋鹿還誰主
楚水淮雲首重回

甯王湖夜泊

落日孤舟下石梁
蕪葭寒色起蒼茫
青天忽墮大湖水
明月長流萬里光
中夜鷓鴣迴朔氣
南來鴻鴈亂胡霜
他鄉歲暮悲游
子涕淚時時滿客裳

宗子相集七言律詩卷之六

門人

林朝鳴
黃中

黃才敏
朱應過

莊望棟
謝符

同校刊

同余德甫王元美夜集明卿得何字
長安花落柰春何夜夜春亭載酒過駿去
難逢燕市骨鳳衰重聽楚狂歌青天短髮
垂今古明月孤笳散薜蘿醉後莫言歸騎
晚浮雲猶自滿關河

天壽山一首

匹馬千峰曉度關相逢俱是紫宸班
帝

比言律言三
宮闈闔開今日天柱華夷見此山萬里鴻
歸滄海路七陵龍護白雲間漢家原廟松
楸古夜夜西風吹珮環

送劉武庫使雲中便道還楚

使君西問玉關遊關吏應知紫氣流三晉
暮雲停漢節七陵斜日攢吳鉤馬廻塞北
青楓老人到湘南紫橋秋一醉洞庭明月
裏可能不動薊門愁

送黃先生之江西

帝城楊柳何陰陰送客城南傷客心
片帆斜掛九江碧明月一魄三楚深
叔度西遊竟何意梁甫日暮空苦吟
高原忽憶美人遠愁見滿山楓樹林

寄贈子培赴試

赫陵佳氣即蓬萊湖上孤帆幾日開
謝草常生康樂賦吳雲重見士龍才
鷓鴣新翼江風起鴻鴈天書秋色采
萬里風烟頻極目遲君匹馬郭生臺

張肖甫初至七夕同諸子酌之張園
細雨林塘花氣流長安片碣即丹丘羣公
解佩山雲起七夕開尊桂樹幽玉杵聲殘
河漢語紫簫吹落蘊門秋乾坤此會誰能
負吳楚兵戈日日愁

同元美夜集明鄉值雨

秋雲此日滿長安那肯相逢不夜關風雨
驟隨雙騎到薜蘿况對一尊寒愁心獨有
中原在俠氣君從北斗看戎馬關山餘涕

淡十年空負漢庭冠

送嚴博之浙

憐尔頻年任道塗又携雙屐下江湖向人
白髮時時短作客青山夜夜孤賦裡秋雲
迴鴈蕩愁邊明月失龍珠燃藜起草聲名
在未許嚴陵問釣徒

送張肖甫奉命督租閩粵

高天落日照中原匹馬凌風出薊門赤羽
頻年荒稼穡蒼生何處問鷄豚七閩雨雪

王程急百粵樓船 帝使尊長孺不妨仍
矯詔寬租曾識漢庭恩

武夷西望即羅浮南斗雙垂寒不收使昔
珮環青桂色山家鐘磬赤霞流投鞭滄海
龍堪起掃石天門鹿豸游知汝未能添結
隱乾坤烽燧使人愁

荅明卿齋居見贈

紫微夜燦建章開 聖主親祠太乙迴禁
月千門龍馭肅宮雲五色鳳笙來金莖秋

落仙人掌白雪歌殘楚客才莫謂汾陰能
獻賦漢皇當日問蓬萊

寄于鱗

請郡當年意君何使君猶自滯關河客游
五馬黃金妬書去盧龍白雪多千堞戰烽
迷碣石萬山落木下滹沱建章遲爾朝天
者芳草春雲聽玉珂

與明卿對月得山字

與君共拾長安月照我千秋壯士額中夜

玄猿猶自泣西遊黃鵠幾時還玉關戍客
仍刀斗石室仙人空珮環便欲乘風凌汗
漫浮雲何處是天山

送許先生之任

南去孤帆逐塞鴻一尊寒雨薊門東
電裾鄒客明珠在作賦梁園白雪工
日落瀟湘尋太岳秋高荆楚過新豐
長沙不必嗟留滯賈傳聲名自漢官

送人之河南

匹馬翩翩不可留
垂楊醉色滿神州
千年詞賦人遊洛
十月關山雪滿裘
翠壁天開中嶽色
黃龍日抱大河流
知君萬里中原思
不到長安舊酒樓

送朱邑博之滎陽

當年赤帝困滎陽
使者黃金計獨長
自關山盟白馬
千秋楚漢只垂楊
君今忽向大河曲
懷古行歌明月光
華髮傳經知不恨
相如詞賦重遊梁

徐子與至京夜集

去年握別贈江籬今日相逢又桂枝越使
樓船羣盜出漢家簪綬五陵悲關山烽起
秋仍急鷓鴣雲寒夜不垂莫向天門歌白
雪人間楚曲正堪疑

再集子與得山字

七首胡霜照客顏相逢俠氣滿燕關荆軻
西去此其輦易水東流不可還天地只今
飛赤羽江湖何處問青山悲歌忽憶行歲

計為爾雲霄愁珮環

寄贈姜使君二首

搖落西風舊紫貂一朝歸去逐山樵郡中
旌旆愁相失道上豺狼任自驕三楚白雲
停涕泪九江秋月卧蘭茗北來父老頻相
問或有徵書自 聖朝

傲吏當年罷節旄西風卧病廣陵濤空亭
獨對開名酒落日相看贈佩刀彭澤千秋
樵徑在匡廬昨夜客星高尔家最近瀟湘

諸莫為時人著楚騷

送卞從事之廣東

長安落日照胡纓君去才高從事名
匹馬關山衝薊雪五羊人吏識江旌
署中夜嘯芙蓉暮海上春衣翡翠明
驛使廣陵如可到梅花今滿粵王城

送唐叅政之山西

搖落西風舊漢冠當年奏草並琅玕
朝辭燕甸胡霜闊春到龍門朔雪殘
行省紫薇

羣吏夕嚴關亦緣萬峰寒使君頻擁旌旄
出多少澹煖夾道皆

同諸子夜集德雨

華陽之館雲叅差誰其召我金屈卮出門
寒月一何白握手明星薺欲垂有客自負
鸚鵡筆為君獨把珊瑚枝相逢今夕且意
氣世路風塵安可期

送玄陽山人歸吳

高楓搖落蒨門遊把酒青天夜倒流世路

百年孤鳳曲霜華十月滿貂裘去燕寧為
黃金盡過趙誰能白壁留君到故園春草
暮姑蘇麋鹿正堪愁

同子與明卿元美席上賦別于鱗得
雲字

使者衣冠凌紫氛五陵春色坐紛紜中原
獨洒蒹葭泪落日相逢猿鶴群
未夜列星垂薊野西方千騎辭胡雲
太行咫尺愁風雨何處晴虹可贈君

送王比部之呂梁

南望黃河亦壯哉
呂梁之水如奔雷
飛流萬里崑崙下
急峽千峰日夜摧
漢署君為滄水使
徐方人識濟川才
登臨莫作觀濤賦
恐有魚龍處處哀

席上同明卿送孫子升得春字

二月逢君帝里塵
一尊且為駐征輪
長卿白壁誰留趙
季子黃金又去秦
短劍不開閩闔雨
孤舟猶及廣陵春
江門十里垂楊

色莫把時名負釣綸

送趙子隆下第南歸

閭闔天高急暮笳
一尊芳草又天涯
短衣孤劍且辭國
駐馬聽鴻日憶家
淮浦當年曾桂樹
楚江三月正桃花
君歸好擬長楊賦
豈向西風問鈞槎

送李魚事入浙

送別都門金盃使
君去矣問青驪
劍分紫氣星辰在
裘上霜華日夜吹
南去羽書

猶未息中原豺豹尔何為江頭諸將勞
訊百戰勲名孰肯垂

席上同子與德甫伯倫送別明卿給

事赴謫豫章得書字席上賦

柳色千門照別裾片帆西去是匡廬洞中
白鹿知誰待醉後青雲任爾踈落日薰葭
三楚客高秋風雨九江書漢庭多少夔龍
在獨有文園負子虛

元美自塞上歸躉駐城西携酒出視

重來握手薊門城，落日悲歌淚滿纓。使者
關山愁綠草，人家霜雪暗金莖。尊開片石
雙蛟下，電走長松萬馬鳴。此夕相看不成
醉，明朝白髮為誰生。

同李伯承比部夜過况吉夫膳部得

真字席上賦

陌上鳴珂散紫宸，相逢意氣轉相親。清尊
細菊堪銷夜，走馬傳書易隔旬。九月衣裳
同在客，千江烽燧遠愁人。憑君莫灑憂時

淚無數秋風白髮新

荅方懋藩見贈

卜年裘馬薊門烟一日逢君北斗邊念我
遙傳秋夜曲開函半是白雲篇歲寒蘭芷
猶堪結雪後琅玕倍可憐聞說詞臣俱近
幸楊雄何日賦甘泉

九日陪祀

山陵二首

九日山陵木葉丹北來秋色抱長安天開

紫極羣龍起月照蒼梧萬騎寒絕壁正當
胡馬路西風不落漢臣冠青萸黃菊年年
事誰擬今從北斗看

捫蘿直上最高頭萬里蒼茫生客愁白露
衣袍千嶂夕紫微環珮七陵秋月明遠塞
知胡遁風急長楊恐帝遊天末彩雲如
有意至今常傍翠華流

大雪張助甫席上同子畏賦得胡字
一夜西風吹大都相逢朔雪滿長衢衝泥

匹馬時時立入座寒雲片片孤萬里長途
驚白髮千山一望斷蒼梧可憐漢卒無衣
者猶自持戈夜徭胡

送萬公子歸豐城

青袍綠髮儼琅玕歲晏趨庭去住難 帝
苑佩聲天外盡豐城劍氣斗間看尊前明
月雙鴻暮江上梅花一騎寒共說甘泉能
獻賦春風明日滿長安

和宋主客冬至雪後早朝

茲年茲夕又春陽
千騎朝天總建章
金馬垂搖蒼佩入
銅龍高傍紫微翔
斗間雲氣垂
鳩鵲池上星華滿
鸚鵡何處詞臣歌
白雪知君此曲自三湘

寄贈王侍郎時總戎薊鎮

相國提兵驅紫氛
年來羽檄罷紛紜
下峰夜戟吹胡雪
萬里秋笳斷薊雲
驃騎長呼遼左戍
單于三折漠南軍
麒麟錯落尚書省
青鬃歸來奉聖君

待元美不至同吳峻伯席上賦

塞上音書胡不傳
遲君明月幾嬋娟
袖中芳草寒相負
馬首梅花春自憐
孤角千家滄海戍
故人雙鬢薊門煙
褰帷莫訝星辰亂
知我行吟入斗邊

况古夫席上留別高伯宗吳峻伯汪正叔李伯承張子畏諸君得西字

相逢春草忽萋萋
何限離情落大堤
楚客朝來歌白雪
胡奴星下問青驪
一尊明月

愁環珮孤禫晴雲入鼓鼙縱有武夷秋可
寄天風不到薊門西

上巳夜汪正叔宅留別諸君得寒字
三月三日開春盤入門解珮聲珊珊晉人
曲水空芳草楚客征衣自澤蘭明月蕩家
沉鼓角銀河千尺墮闌干酒醺莫遣離歌
越滿目江湖風雨寒

荅子真見贈

建章風雨怨春芬卽有梅花雞寄君客計

艱危羣盜在 主恩流落七閩分
古來詞賦悲玄草 亂後江山斷白雲
莫羨幔亭霞石曉 恐應先駐伏波軍

扁舟憶爾阻江濤 江上憑誰問楚騷
碣石空摧雙鬢短 武夷曾憶片雲高
芙蓉歲暮堪垂綬 羶廬山深有佩刀
聞說烽烟今滿眼 可能一慰聖躬勞

夏日得袁二丈書

浮雲望斷滄海邊 尺書西來誰與傳
眼前

盜賊至今日賦裏江山非昔年清世何人
洗兵馬孤城有客愁烽煙紫芋黃菊漫消
息秋風欲上湖東船

又得袁三子敬書

別君已是三載餘歲歲梅花空泪子千江
盜賊偶停騎六月鼓鼙還寄書窮途青眼
憶阮藉茂陵病肺愁相如天時人事且盃
酒他年遲爾承明廬

與徐養浩湖泛

湖上扁舟今又歸，湖南生事日且微。
白蘋盈把客携酒，青薜滿山吾製衣。
烽燧秋高淮海路，兵戈天急射陽圍。
滄江何限垂綸者，搖落西風舊釣磯。

短笛長簫何處船，草堂只在大湖邊。
蒹葭十里吹晴雪，蘆荻千村生紫煙。
世路關心羣盜在，茂陵多病一尊前。
子雲自有長楊賦，肯向青山獨草玄。

贈陳隱君

有客有客歌采薇六十翩然華髮稀桃花
千世憶秦水蘿薜滿山栽楚衣石上黃精
歲歲長爐中白雪時時飛崑崙玄圃好同
往鴻鵠天風歸未歸

句曲道中值雨時赴子與之約

垂楊孤騎出江門西望鐘山帝極尊萬
里浮雲摧短劍千峰秋色越中原及時風
雨一何急入夜蛟龍任自翻不分南州徐
孺子華陽三日獨開樽

少文自昔耽卧遊徐卿東來何所求穿雲
漱石不知暑碧草青蘿今始秋大風欲拔
衆山去驟雨如决千江流明日峰頭弄笛
者高歌能不生我愁

積翠亭子與晚酌

華陽風雨晝冥冥一日登山秋滿亭洞口
高松垂地暗尊前古壁挿天青千巖積雪
照吾酒萬片浮雲吹客醒莫恠烟霞莽搖
落峰頭今夜卧雙星

與子與登茅山絕頂風雨驟至

並騎華陽踏紫氛振衣今日謁茅君石門
曲閉仙人掌天柱高留帝女雲萬里江湖
秋不斷二儀風雨晝難分山中瑶草如堪
問吾欲常隨鹿豕羣

既別子與憶之

華陽十日醉不醒華陽一別天冥冥眼底
烟雲失萬象向來風雨迷千靈捫蘿到處
坐石壁走馬忽然聞翠屏江國美人去已

遠誰與玩此芳草青

登觀音山

一上孤峰破大荒
吳山楚水共蒼茫
雲間棟宇垂天渚
江上雷電吹石梁
絕壁晝開風雨色
斷虹秋掛薜蘿長
吾將從此尋瑤草
黃鵠天風好共翔

登俯江亭

帝城秋色逐人來
吳楚東南首重回
風起大江龍抱石
日高天柱客登臺
一尊芳草

晴相媚十里芙蓉秋未開酒罷忽歌湘水
曲浮雲何處不堪哀

過涇訪王九江二首

二十年前讀子虛茂陵今得謁相如秋來
萸菊頻携酒病起江山獨著書四海蒼生
憂戰伐中原高士困樵漁武夷有約休相
負歲晚芙蓉日夜疎

一尊秋色起蒹葭涇水東流走白沙黑髮
孤臣悲去國青雲兩世見通家幾人江上

貽芳草九月山中問桂花步利淮南賦招
隱與君終日美烟霞

宗子相集五言律卷之九

門人

趙秉忠
王同讚

鄧應愈
蕭時中

謝
魏注

言同
校刊

黃其暉
王

人日謝茂秦李于鱗徐子與梁公實
王元美借集席上口占得風字

雪霽燕山北梅殘漢苑東客星開夕燕人
日聽春鴻綠髮愁堪短青雲計未工年華
雙鳥去歲事一尊同湖海烽煙裏乾坤聚
散中金花遙對月玉樹迥含風筆共江淹

卷之九

七



俊途俱阮藉窮中原携救子去矣上崆峒
樓中閑望家君報已赴蜀矣即悵然
有賦焉

登高心易折望遠思難窮萬柳風新碧千
花雨較紅亂山吹夕燦絕壁墮晴虹蜀道
西南入荆門灑瀕通獨將華髮意長嘆錦
江中抱玉頻甘拙辭金久失子官情摧白
眼歸思滿青楓早晚音書到關心碣石鴻

傷春四首

歲華何在苒芳草又參差雲斷関河色烽
連楊柳枝羽書千里急鼓角萬山悲紫陌
紛相問黃塵失所之羯胡頻聚散大將總
安危多少関心事空將涕泗垂

鴈塞燒焚後狐城水旱餘荒涼自我馬戰
伐且關閭赤子瘡痍滿黃金貢賦虛星辰
開將蠱風雨急軍儲 聖主憂方切羣公
計莫踈振衣空太息慙愧賈生書

北闕平臨漢西山迥接秦風塵偏作吏梅

柳異逢春盜賊滄江起征輸赤縣頻生涯
俱浩蕩世路正艱辛日月餘愁髮乾坤有
病身何能遂倚劍祗自失垂綸

野濶時仍鳥山寒晝不花最憐簪冕客何
事管絃家馳馬去朝日登樓起暮霞青門
懸萬里白髮阻三巴天地方戎服江湖况
使槎獨將留滯色凋悵對春華

同茂秦千鱗南溪泛舟

昔賢悲曲水今日俯長河路險難車馬橋

荒先薜蘿亂青來澗草新綠散渠荷千嶂
尊中落孤槎天上過醉餘燕市酒狂識楚
人歌鴻鴈飛何急琵琶恨與多雲隔仙客
履日落野漁簑風雨蕭然至吾如幽思何

送沈儀部子文之留都

送君春雨後把袂暮雲前綠鬢同禁日青
袍共住年人言能拾紫吾意在談玄漢苑
長楊賦吳門新柳篇才名時輩重世俗宦
情偏梓里今垂綬花巖昔問禪橋從烏鵲

入臺是鳳凰傳早晚貽瑤草雙鴻遲北燕

病中二首

浮世豈非昔長愁直至今風塵游子病藥
草故人心白日銷危坐青山入苦吟簾窺
新竹細臺惜落花深畏路甘名隱浮生肯
陸沉獨將酬主念久矣負投箸

茂陵消渴夜漢園倦遊年日月愁中惜形
骸病後憐鄉心時萬折客淚晚雙懸人老
猶西蜀春歸尚北燕音書嗟白鴈歲序怪

立蟬獨抱無窮事徘徊玉漏前

送朱郎中使浙

鳳書天上至龍節日邊催
兩越乘槎使三
都作賦才路經芳樹
浙心逐暮江迴綠水
樵人宅青蘋釣客臺
山寒金粟落巖靜玉
華開月照方窮谷春
深已劫灰觀風尋禹
穴題石向天台多少
長安富者君奏草來
午日同李于鱗游天寧寺

得爾遊名者今辰又少林
山高楊柳細路

險薜蘿深古塔已凋翠祇園曾布金談經
羣鳥下聽法一龍吟舍利光難滅菩提跡
豈沉空虛能悟性清淨不依心雲竹窺禪
相風篁度梵音僧來看果結酒至對蒲樹
世事形骸苦浮生日月侵慈航如可渡同
此謝朝簪

賦得邊馬有歸心

萬騎下青海三軍赴紫荊浮雲朝出塞細
柳夜歸營漢劍繁星墜胡笳落月驚千金

長筆吏百戰棄繻生賤骨凌烽火雄心老
甲兵長堤遍芳草何處識咸京

病中茂秦見過

兩月文園病千門落葉聲客能携杖至誰
復倒衣迎日月朱顏失行箴短髮生芙蓉
消渴採蟋蟀向愁鳴几上分芝朮江間憶
社齋青編妨吏事白雪損時名久卧知朋
好何才答 聖明未應滄海路終負野鷗

盟

寄觀山人

誰識忘機者當年削跡人
羊裘寧負漢龍劍不游秦
明月青藜杖秋風白鷺巾
江華能自主世故久相賓
玄髮三千丈浮生六十春
少微久寂寞今復在垂綸

聞陸子携家之金陵感而有賦

聞君棲海上何意赴江東
况復青袍舊其如白髮窮
龍蟠天府杜鳳去古臺空
日月悲歌裡關山涕泪中
賦成三楚遠名並兩

都推書已留懷袖春難問鴈鴻相思南去
苦多難向來同漢苑搗詞者看君慰轉蓬

送王中丞巡撫山東

聖主開皇極明公翊帝謨朱衣持節苦紫
詔錫恩殊涕淚思酬國艱難在徭胡兵戈
千嶺急保障一身孤豹略雄三輔鴻聲照
八區燕幽方整轡齊魯復長驅地入閩河
迥春迴草木枯雲霄迎劍鳥日月擁師徒
臺靜惟聞鳥山空不見狐功名懷呂尚道

術陋夷吾海外寧干羽天邊望斗樞運看
鱗閣上早晚列新圖

送宗四道丈南歸


如何避世者對此薊門煙賈誼浮湘日長
鄉授簡年畏途殊慘淡末路遂逆邇雙翼
莽垂白孤棕惟問玄道遙疑悟道清淨類
逃禪跡豈漁樵隱名將鹿豕全紫霞隨意
好明月向人圓不得從君去羈愁信可憐

送胡比部之留都

吾憶同游日君今獨往悲朱華韋云暮綠
酒不堪持雙劍看星動孤槎卧雨邊才名
青瑣客吏隱白雲司鳳去仙臺古龍蟠帝
宇垂三山天浩蕩六代草參差

張衡

賦澄江謝眺詞芳蘭如可折千里尉相思



湖上晨起

碧石高成削江流直浸園鷗鷺猶渚宿
雀已枝喧北斗青天墜東溟白日翻
秋聲起橘柚曉色出雞豚玉露淒松
逕高霞落石門漁舟忽停棹髮鬢是
桃源

喜雨劉沈許李四丈偕集

千家迷曉日萬壑下秋陰地迥浮雲直
亭高驟雨侵羣鷗寒自立一水坐能深
波動魚龍氣天流鴻鴈音榮枯芳草色
憂喜故

園心長嘯無賓主，高談失古今。開尊憐阮籍，作賦見陳琳。豈作商霖望，聊為梁父吟。

趙山人再訪溪南

思鱸來釣者，題鳳向山家。樓入千村樹，池開六月花。停盃去黃鳥，掃石散朱霞。白髮便幽事，青袍駐歲華。病惟求杞菊，語必及桑麻。江水秋方濶，還期泛夕槎。

冬夜沈辛陸禹盧潘諸文學同徐山

入集芙蓉館，分得前字。

客到孤城暮亭開萬水邊晴虹標野渡巖
雪動平川吾愛滄浪曲誰聽白石篇羣鷗
驚落木孤鴈下新煙楚澤樵漁在吳雲涕
淚偏一尊聊永夕雙鬢任摧年春入寒水
後歌停夜漏前出門者嶺月任爾妬嬋娟

通州顧國子訪山中臨別成篇

相思曾漢苑相見此江城楊柳春山細
蕪夜雨生鳳題今日字龍卧昔人名世事
猿心在霜華兩鬢驚艱危吾抱病流落尔

何情作賦看霞墜開尊坐月明雙鴻聘晚
暮尺牘廣陵行莫忘滄浪水紅塵滿客纓
出訪陸長庚不遇

出郊頻繫艇築室不依山樵者千林下人
家一水間巖花春更碧渚草夕仍斑汝謂
長逃世吾將共閉關豈乘黃鶴去何意白
雲還龍劍斗邊古漁竿石上閑玄芝應自
摘叢桂好誰憐惆悵當年語丹書次第刪

同何侍御遊大雲寺十二韻

寺在清源

駭騎中原下，招提絕域遶。黃金原布地，青石正春天。齊魯停盃外，蓬萊落鴈前。沙平樓閣直，路僻斗牛偏。法有玄猿聽，經知白馬傳。慈雲千嶺合，慧日萬家懸。樹結空中果，池開定後蓮。晨鍾飄積雪，夕梵度輕煙。羣鳥頻窺偈，雙龍欲護禪。陰陽悲菟砌，今古慨桑田。岱色東無盡，河流西可憐。問君逃苦海，何似賦甘泉。

送萬彥和僉憲之廣東

為郎依北斗作賦重西京雲裏金莖詔愁
邊滄海行星文開鳳節秋色動羊城桂葉
雙旌轉梅花列戟迎接章孤鳥入攬轡曲
江平紫氣朝看劍蒼梧夜勅兵迴風五嶺
振飛雨百蠻驚潮起魚龍偃珠來日月明
羅浮高可立溟渤遠能清吳楚干戈泪乾
坤竹帛名縱橫粵王壘慷慨漢臣纓萬里
還相憶寥寥今古情

省中夜直

紉薇朝散暑玉珮夜分曹明月天河白時
雲漢闕高春知摧糞寒未却衣袍羽檄
心恒折関河首重搔世途趨水火兵氣散
蓬蒿流血滄江滿燃眉赤縣勞誰人甘馬
革諸將豈龍韜嗟爾平夷畧空予賦楚騷

余德甫吳明卿夜至賦得虛字

羨爾荆高輩頻年燕市居悲歌人不問擊
筑意何如愁得尊前緩春從柳上舒庭飛
梁苑雪吾憶楚江漁寂寞思玄賦蕭條諫

獵書誰其鴻鵠志俗已夙麟踈兵革中原
滿星辰北斗虛相看千古色涕泪滿長裾
秋夜張園遇談玄者有贈

萬里秋雲下雙峰夜月初空梁寒螿蟬曲
沼亂芙蓉仙路青芝隔玄亭古木踈浮生
俱客計斯意久吾廬白雪爐中藥黃庭石
上書簫聲何處起髮髯紫霞裾

夜過明卿遲元美不至得令字

楚客如看昔燕歌遂至今羣情宜齒莽斯

意轉蕭森狂甚憐吾在愁來獨爾尋雙珠
明月動一酌暮鐘沉天地逢人少冠裳避
世深窮途惟白雪失計自黃金詞賦偏生
色風塵易折心不知王子晉何處夜抽簪

秋夜高伯宗徐汝思李伯承汪正叔

張子畏况吉夫來集賦得難字

群公何處至鳴珮各珊珊繫馬秋雲落張
燈夕吹殘賓筵惟首宿客贈有琅玕月照
千門白星垂九塞寒雙鴻迷碣石斗酒自


邯鄲岩菊今逢紫江楓昨憶丹誰家龍出
笛吾計鷓為冠蟋蟀尊前度芙蓉句裏看
吏情同去住世路異悲歡他日思瑤草乾
坤此會難

將發京夜別峻伯得湖字席上賦

握手殊不盡論心日轉紆更誰憐鳳鳥為
爾繫驪駒明月慘相照浮雲寒不徂客塗
從浩蕩帝里只須臾豈為蒼生出寧言壯
士圖安危群貴在去住二人俱君莫嗟齊

惡香將卜楚巫椒蘭徒自結魑魅作人趨
漁父何方去靈均未可呼宦情餘棘莽生
計久菰蒲黑髮從今變黃金自昔孤叢裘
辭北斗短棹入西湖倘遇尋秋色悲歌問

玉壺



宗子相集五言絕句卷之十

門人

趙秉忠

鄭應齡

謝璠

王同謙

肅時中

魏廷言同校刊

陳學嶠

黃其嘯

王基

題畫四首

山徑度青波石門暎白日客到不披衣春

風理瑤瑟

暮嶂遠含青春江空帶碧細掃風前花拋

書枕蘿石

冥冥沙上鷗潔潔雲間鶴秋風厲羽飛空

山鷺寂寞

雨落千山南月照千山北
山上把芙蓉蒼蒼動秋色

春望

聞道春可憐春今竟何許
石竹煮家煙海棠三月雨

送吳山人

黃菊故人杯青山游子路
匹馬向垂楊日暮首燕雲暮

聞鴈憶子培弟

秋雨千峰散寒雲萬里間不知天際鴈幾
日故園來

雪山

急雪冥冥至玄雲黯黯垂青山亦白髮莫
惟鬢成絲

聽笛

客有羌中笛十月吹揚柳揚柳不可見春
色在君手

寄陸子

白鷺三洲遠青山萬樹低
相思惟夢到夜夜鳳臺西

郊行六首

連騎出孤城揚鞭一相語
楊柳遍春山應從何處去

去去城南路我馬忽以停
知爾不行意春原芳草青

不識南溪路借問道傍子
荅言從此去桃

花隔春水

昔聞南溪名今識南溪路去城不十里今
我來何暮

溪上有雙橋一一龍鱗石白髮倚春風愧
爾樵人色

高柳與新松鬱鬱滿前渡故園春不見見
此故園樹

贈人之河汾

鳥道下層雲龍門倚積石太平上書者曾

是布衣客

送人還江南

行藏新白髮
歲月舊青袍
又向江門去
秋風荔薜高

湖上雜言二十首

冥冥江雨飛冉冉江雲細何處見春華
靡靡滿幽砌

人自湖南卧春還湖上看桃花千樹落
柳絮萬家寒

白髮持竿者江華坐晨日垂釣勿太深
恐落蛟龍窟

白雲有樵者携酒至山家春風好同來
為吾掃落花

散步至西園草莽充庭際
稚子好為除恐
有草中蕙

荷芰滿橫塘出水一何長
風雨莫太驟吾
欲製吾裳

熠熠草間螢穿楊復入柳
誰取向山為星
辰四壁垂

赤日澗大江家家泣禾黍
如何千峰雲不
作千峰雨

百花耀朝日日中常五色
君看向日者唯

有葵心赤

清風下滄洲冷然六月秋錯疑白石走乃是夜行鷗

山前摘松子山頭拾桂花月明聞玉笛秋色在誰家

幽人夜不眠松下倚寒石秋月落江潭千里湛空碧

千澗起秋陰萬山驚夕暝松風何處來悠然飄夜磬

明月下大川孤鴻依淺浦不見舟中人但
聞舟中語

秋江一夜雨鱸魚處處多漁人走相約晨
日理青箬

秋雲下斷鴻暮雨鳴叢竹湖上一尊酒共
酌寒波綠

風起萬林寒月出千峰白門外蒼松影疑
是卧龍跡

寒飈暗夕林中夜忽以朗晨起開石門雪

花大如掌

冉冉山上梅皎皎山中月月下摘梅花幽
香滿肌骨

白雪滿湖村夜深仍出門湖邊千樹林一
一玉龍蹲

得余德甫書

使者自南來投書報江渚把讀滄波上蛟
龍作人語

白紵好裁衣長短與身稱豈無舊所著貴

自故人贈

古意簡伯章

美人隔江洲咫尺不得渡
不畏石上霜但畏草間露

懷高子明

作客清江遠傳書白鴈邊
山中有芳草遲爾把春卮

夜立

秋風天外聲明月江中影
幽人把桂枝露

下水裳冷

遲養浩不至

山中白日遲湖上青春早美人不我期誰
與玩芳草

寒夜同助甫訪子畏見盆草有歲寒
之感馬逢人賦之

長安十丈雪寒色滿荆榛唯君只尺地留
得故園春

十月見薜蘿青青似春浦豈子歌陽春春

色不敢去

百卉皆零落如何爾獨存豈無冰雪苦一
意遲王孫

自與美人期芳草日轉碧今日凌寒者豈
獨松與栢

已訝雪中在况逢燈下看酒闌相把贈疑
是翠琅玕

席上送朱主客符蕭春青西四字

朔雪尊前亂西風馬上驕胡笳中夜起不

似廣陵簫

孤拆那堪夜垂楊不肯春白雲何處至吾
欲贈歸人

雙樽行壯斗一騎望南星春色隨君去靡
無日夜青

君到滄江上桃花亂馬蹄相思知有路明
月蘄門西

張助甫席上同吳峻伯白伯倫再餞

朱主客南還賦得江飛競渡日草見

王
下
五
踏青心十韻

席上賦詩成三更矣

為惜美人去看梅到曉窓明河忽倒地疑
已入滄江

朔雪寒無賴胡雲凍不飛海門波浪急莫
使近春衣

夜夜歌陽春青皇失其柄君携瑤草歸靡
蕪孰敢競

君來楚水寒君去燕關暮黃河十丈冰孤
槎未可渡

郢客何方來為君鼓瑤瑟席上走楚雲
孟中落湘日

孤鴻碣石西匹馬長安道王孫及早歸
綠遍江門草

寒飈晝相憶悲歌夜相見斗室豈天台
落盡桃花片

停杯問明月明月不能答相隨下江潭
夜把蒼龍踏

一酌寒仍綠千峰夜失青逢君能幾日
摘

五言絕句
九
盡薊門星

北風送君去
吹我故園心
直掛廣陵樹
春來亂鳴禽

臘月十七夜月同峻伯助甫席上賦

胡霜日夜驕
吹破薊門月
月色幾時圓
待

爾照春髮

得月字

西風裂天荒
銀河翻巨浪
殘月東海頭
至

今不敢上

得上字

寒飈蕩月華
桂樹漸無葉
一葉落人間
變

作階前美得華年

既喜明月來復惜明月去吾欲破青雲坐

爾月行處得去字



白伯倫儀部移居夜階助甫司封訪
之席上賦得卜居赤甲遷居新兩見

巫山楚水春十四韻

席上賦登卷
漏下三鼓矣

客子騎明月主人開石屋銀河即爾家宣

待成都卜

卧君白雲床讀書紫霞書桃花亂墜酒疑
是武陵居

童子摘松枝敲冰煮白石萬里天風來吹
作珊瑚赤

龍劍削芙蓉十載閉其匣壯士為爾開滿
地走鱗甲

醉爾華陽館如登崑崙巔白雲一長嘯青
山日夜遷

君試探玄草吾能把素書問奇頗載酒真
作子雲居

朔雪不肯去客衣何處新尊前歌綠草愁
殺薊門春

聞君佩玄珠明月中夜朗莫作江湖遊白
日愁閑雨

美人隔江千只尺不相見終日望秋鴻忽
已來春燕

客言湘水至綠雨泣蒼梧恐是懷沙泪雙

垂問大巫

夜呼洞庭君明月破三楚開門拾楚雲片
片作人語

問君何所愛庭戶滿西山夜夜仙人至時
時拾珮環

主人出家醅千酌葡萄紫不問江南人知
是江南水

落月頻催酒群星低送人句中揚柳色不
是五陵春

贈吳張二子

望君白雲邊
逢君明月下
明月豈銀鞍
去住隨君馬

自我遣明月
終夜照君屋
蟬娟未辭情
只在階前宿

宗子相集七言絕句卷之十一

門人

趙秉忠 王同謙 陳學鱗

鄭應齡 肅時中 黃其暉

謝廷言 魏廷言 蔡

同校刊

送王比部元美使江南六首

薊門秋草萬山青送爾天風下滌溟紫氣

從今蔽南斗何人更識使臣星

千門羽檄正紛紜搖落西風此送君匹馬

關山秋色裏胡笳吹斷萬峰雲

北斗天門高自看銀河錯落滿闌干何當

折贈秋江去白露青楓夜夜寒

使者金羈控紫騮月明瑤瑟共登樓酒酣
一鼓湘靈曲天外星辰忽倒流

袖中雙劍削芙蓉到處秋雲幾萬重南去
不須頻出視恐令白日下蛟龍

大江中斷是金山山上瑤華廟獨攀明月
天高秋萬里何人不作弄珠還

塞上歌十首送王侍郎赴薊鎮

司馬頻年西破戎詔書又下九華宮親提

萬卒如風雨一夜來屯塞東

塞南塞北盡烽煙胡騎縱橫二十年報道
今秋須遠徙漢庭司馬日行邊

千里關山擁帝京萬村烽火照連營天高
王塞朝催戰日落黃河夜勅兵

榆關北望陣雲高五月天風吹戰袍共說
總戎王相國十年身佩舊戍刀

揚旌出塞擊樓蘭把劍胡天萬里寒紫氣
憑陵邊月色兩軍驚傍斗牛看

躍馬提戈佩紫貂漢關那數霍嫖姚護軍
飛將龍庭滿縛得名王不敢驕

塞外群山落日登黃沙縹緲白雲層天連
睥睨盤三輔地坼龍蛇奠七陵

悲風搖落大荒迷白草黃雲散鼓鞞直遣
漢南無隻騎燕然不羨漢臣題

白羽親成露布文滿天愁色結寒雲三軍
盡賞葡萄酒九塞傳敬虎豹群

山前漢使尺書飛山外胡兒匹馬稀擊鼓

吹笳醉邊月今年無事着戎衣

再送王元美四絕

漢使朱衣塞上行
燕關落日照長纓
酒酣忽嘯青天色
坐使浮雲不敢狂

吳鉤錯落白如霜
腰下龍珠夜月光
今日贈君春草去
一天風雨下漁陽

春風千隊簇芙蓉
白馬長驅似白龍
君到榆關歌出塞
萬家明月泣胡烽

太行斜壓萬峰低
北斗天門咫尺迷
爾去

七言絕句
高歌逢五馬白虹雙掛石梁西

送葉令之蒲圻

錦水曾傳茂宰名分符又向武昌城
瀟湘春色隨君到千里蘼蕪一夜生

停車無限楚山青芳草春雲接洞庭
縱有瑤琴君莫鼓萬家風雨失湘靈

贈余德甫奉使兩浙四首

天風匹馬向西湖明月千家醉白榆
莫上釣臺聽夜笛霜華吹破客星孤

赤城霞起是天台
明月簾聲落早梅
昔日胡麻君莫問
桃花不放石門開

秋雲鳴珮入金華
綠眼仙人掃落花
無數石羊餐古雪
知君已到赤松家

鴈蕩千峰插斗墟
彩雲終夜護丹書
月華萬片寒相逐
拾得天人白玉裙

得顧洛陽書却寄四首

長安風雨怨離群
何處看梅不憶君
使者青函天外至
開書片片落嵩雲

七月垂纓出建章
薊門秋草怨胡霜
相思化作長堤柳
一夕春風遍洛陽

洛陽城北春雲稠
洛陽城南伊水流
伊水冷冷去不返
千山萬山明月愁

青天直渡大河津
河上傳經莫白鱗
田百千峰桃李色
知君愁殺武陵春

顧子別業在武陵溪上

送袁令之夔州

送君何處折梅花
南去關山多暮霞
漢使由来能化蜀
馬前春色動二巴

春風二月到瞿塘
白帝城邊春草長
不必桃花滿千樹
他人亦比河陽

寄陸長庚

江上茆堂倚石孤
清尊紫菊歲相呼
別來千里看鴻鴈
明月愁心落五湖

得明卿書却寄二首

逐臣西去楚雲長
猶有音書到帝鄉
莫訝開函龍氣滿
知君六月過濠梁

憶爾秋風滿敝裘
計程應醉百花洲
如何

七言詩卷之三
徑作瀟湘去洲上芙蓉日夜愁

酬朱夫得蘿字

射陽湖上春水多射陽湖北長青蘿君歸
莫向湖中卧恐有蛟龍不得過

酬峻伯得屋字

山人十載出山屋手把瑤枝騎白鹿風雷
一日走千里雙龍夜夜愁天目

酬助甫得送字

白雲忽向黃河送黃河至今不敢凍盡道

河中走蜀龍只今席上行秦鳳

相逢曲

千騎東來紫電生西風吹雪滿胡纓將軍
且莫工恩澤聞道單于未罷兵

酬助甫二首得楚圻二字

君昔驅龍下三楚湘妃漢女愁江渚豈有
高歌散白雲至今老樹作人語

赤珠射斗牛欲圻相逢疑是鮫人宅忽然
洒洒作江湖明月長吹千里碧

題方懋藩郎中小石

仙人鞭石過滄溟，片碣千秋落此亭。
昨夜白龍驅不去，天風吹出武夷青。

明月曲同峻伯助，甫席上賦得深字。
飛來明月掛千林，滿地霜華吹客心。
故國魚龍何處卧，白雲愁殺楚江深。

得歌字

露下金莖吾自歌，與君中夜踏天河。
可憐一片長安月，曾向江門照薜蘿。

得書字

吾欲驅龍走太虛為君赤手摘蟾蜍天首
三十六峰裡何限仙人把素書

得虹字

薊門朔雪亂天風風落千家走白虹馬上
月明揮不去知吾夜夜醉新豐

新春贈李司封子藩用助甫韻

李白逍遙供奉班高歌白雪向人間家須
採作長安曲恐有青春不入關

綠玉仙人截海過石梁千尺駕黿鼉相逢
贈我金光草處處青山愁薜蘿

鳴環踏月拾婢婚雙劍驚逢北斗前紫氣
朝來垂馬首何人不作五陵煙

海南巨浪抱群星海上愁雲日夜停豈謂
芙蓉春不度短簫吹破萬峰青

春風走馬玉華東腰下明珠浸碧空疑是
羅浮山上月為君終日控長虹

夜月懷明卿

逐客音書久不聞
天風吹斷楚江雲
相思惟有長安月
拾得娉娟難寄君

處處青楓急暮砧
萬山秋色怨瑤琴
美人只隔湘江水
江上浮雲愁我心

正月十二日夜同助甫過李子藩賦
得湖西二字

孟中明月醉屠蘇
南去晴雲夜可呼
聞道五陵歌玉樹
家家拾得紫珊瑚

紫簫吹散夜烏棲
萬戶春星濕馬蹄
玉女

霓裳知有曲春風莫到帝城西

得子與書寄贈四首時子與駐節句

此

聞君逸住三茅峰峰上傳書遺白龍携得
江南春色到開函飛出紫芙蓉

春雲控馬入華陽千尺晴虹跨石梁倘遇
赤松歌夜月知君十日醉玄霜

何處高歌踏紫氛袖中瑤草白紛紛夜深
忽弄崑崙笛驚破仙人五色雲

貞白祠前掃赤霞大江明月走晴沙天風
吹落陽春曲散作千門楊樹花

寄贈方隱君六首

隱君家在九華山夜夜春風吹佩環雙袖
白雲留不止化為龍氣滿天關

碧溪之上何者磯銀河倒夾青天飛中流
短笛弄明月驚起玉鰲無處歸

日日騎雲向武夷芙蓉千尺挿天池池邊
白鹿春無數叱向高巖耕紫芝

山中高卧六十霜青雲為珮霞為裳南溟
六月赤虹起群仙跨之來翱翔

九鯉湖邊黃石家安期之棗大如瓜割來
釀作崑崙酒醉殺桃源萬樹花

洞簫吹破嶺雲高玉女峰前採碧桃三十
六天風露冷臨行解贈赤霜袍

峻伯夜過遲助甫不至各賦嘲之

胡雲片片亂胡霜匹馬東吹明月光何處
美人期不至漢家歌舞在平陽

席上畝別高伯宗四首分韻

仙人掌上別金莖露冷千家醉月明天外
武夷君莫問春風無限薊門情

萬里江花拂石橋孤槎去弄廣陵潮雲中
倘遇崑崙子寄爾秦時碧玉簫

大江南去片帆輕江上浮雲日夜征回首
帝鄉春色遠萬家楊柳為誰生

振策天風下七閩當歌愧爾楚江人夜深
忽鼓湘靈瑟處處梅花愁遠春

月夜再別諸君二首

何處簫聲墜月明天風吹亂武夷情嬋娟
萬里秋如水吾欲乘槎問太清

露下金壘鵝鵲愁銀河倒逐絲雲流携君
一片長安月去醉千江白鷺秋

華陽明月曲同子與賦

月滿空山青不流仙人來贈紫雲裘一尊
高卧藤蘿上醉殺華陽萬里秋

百尺銀河叱作橋看予直度赤城標雲中

雙鳳翩翩下秦女何方弄玉簫

無數星辰檻外看月中環珮近珊珊天風
忽送霓裳曲搖落千峰翡翠寒

青天倒挿石門高夜半仙人獻碧桃萬頃
烟雲蕩松檜為君山上起江濤

玉露清秋啼夜鳥高空明月萬山孤嬋娟
忽墜珊瑚影處處幽人尋白榆

月華萬片散天門拾得清光滿客尊醉起
白雲如可駕吾將乘此去崑崙

華陽遺中奉別子與

三日高峰坐碧梧
西風明發問驪駒
袖中一片華陽月
贈爾揚帆過太湖
共持瑤草下天關
萬里秋風吹別顏
馬上白雲晴不散
知君到處問青山

蕪湖遇陳山人鶴席上分韻贈之

江雲萬片落胡床
斗酒高吟明月光
自逢君出玄草滿
天霜色似華陽
得陽字
白鴈青楓楚客悲
相逢猶及桂花枝
萬山

明月孤帆色送爾江湖隨所之得悲字
相逢秋色起蕪關明月千峰未可還莫恠
征衣霞氣滿知君家在會稽山得還字

過采石懷李白卜首

閭闔天門夜不闕酒星何日謫人間為君
五斗金壘露醉殺江南千萬山

憶君乘月下金陵何處吳山不夜登一曲
瀟湘秋萬里至今疑在白雲層

楚水秋風薜荔高千帆明月大江濤娥眉

亭下芙蓉色猶似當年宮錦袍

夜夜銀河倒不流長虹西掛彩雲愁醉來
江底抱明月驚落天門萬片秋

到處秋槎秋萬重滄江終夜卧魚龍天風
驅盡瀟湘色祇為仙人破醉容

秋山萬仞落秋潭無限青楓好駐驂君跨
長鯨去不返獨留明月照江南

采石磯頭坐白雲歸來珠草亂紛紛夜深
吹笛江亭上明月窺人恐是君

楚江南折是天門江上蛟龍日夜喧為爾
左帆開暮雨至今秋色鎖雲根

短筇踏破楚山青日日蒼梧醉洞庭何事
淹畝姑孰水千秋風雨怨湘靈

西望匡廬接九華當年醉色傲煙霞可憐
一片寒江月猶為千峰護落花

聞張山人在蕪湖不得見懷之

采石磯頭秋雨晴蕪湖城外暮潮生美人
只在江波上十里芙蓉愁月明

懷海樵山人

海樵山人雙紫髯道上相逢開石函贈我
芙蓉千萬片至今秋色滿江商

涇縣望桃花潭

即李白題詩
贈汪倫處

桃花潭水近陵陽潭上春風滿石梁流水
不隨仙客去秦人何必渡三湘

仙人石

秋風夜渡仙人石百尺奇峰掃天碧我欲
捫蘿枕石眠明月偏醉廣陵客

王子夜半來過席間有贈走筆相答
秋雷一動蛟龍走王生夜半尋五斗把酒
向天天忽開星辰錯落亂吾手

夜召明卿報言病目畏燈火走筆戲

簡二絕

秋雲落盡瀟湘曲更有何人抱寒玉堂前
銀燭豈黃塵相逢不肯開君目

昨日見君雙眼青今日見君雙眼赤江南
百戰天地摧豈應欲化養弘碧

人日大雪峻伯助甫來過賦得榆愁
門陽四字

七日之春春可呼相逢斗酒醉屠蘇却疑

金勝天門墮把向階前成白榆

已知青帝坐青陽玄冥使者猶飛揚不是
春風吹不去知吾欲跨白虹翔

春色尚閑楊柳園楊花柳絮何翩翩胡奴
繫馬庭前樹疑是王龍來叩門

凍雲裂破青春流天門牛女爭春愁剪碎
銀河幾萬片一宵白盡青山頭

席上酬勗甫

檻外春雲控紫騮腰間明月冷吳鈞酒酣

把贈天風起吹作湘江白鷺秋

助甫宅見盆梅同子藩賦之得東愁

二字

徑尺蒼虬墜碧空天風吹作玉玲瓏
簞前明月爭相拾恐逐仙人過海東

斗室梅花玉笛愁相逢疑在赤城頭
何當擲爾瀟湘去處處鮫人驚白鷗

白雲蕉者

赤城花落掃春氛夜夜仙人弄白雲
雜佩

幽蘭何處得洞庭明月問湘君

十日峰頭摘白雲月華相逐夜繽紛曉來

片片晴虹氣恐是仙人素練語

青霞熱者贈助甫

何處樵人拾古沙石門風雨閉桃花相逢

為製秋江笠摘盡峰頭萬片霞

附錄

五子述

姑蘇俞允文

山東李于鱗憲副名攀龍為文刻意尚古不樂
貴任一曰輒自稱病免出杜門自脩不詭于
時有耿介之操

吳興徐子與太守名中行夷度醞藉製清融得
其藻蔚言議津津靡見乏源尤喜為篤厚之
行而不自盛滿元美云子與性味如醞醕無
處不入余每謂之知言

荆楚異明可給事名國倫負不羈之才好自為
悞世雖屢邁抑歇而奇篇彌出抑亦亭伯之

流也

廣陵宗子相學副名臣倜儻閭悻搢管興文殆
無留思當之者辟之小巫而見大巫便欲神
氣俱盡

吳郡王元美憲副名世貞神儀俊朗雄志邁倫
合組聯繡惟其所長其意以為兩司馬而下
勿論也假令詞其才力豈可量哉

右五子者皆當世名士也余始與五子之徒
元美友善而明可時以中舍請京師道經吳
郡見余所為贈元美詩遂乘扁舟訪余不遇
而去時有縣令要之不得而余亦不知明可
之嘗至至今未得接識明可也後三年而子
與以比部郎中錄囚按縣遂辱枉車騎述叙
高旨有加平生之歡比子與又云子相在閩
中每相念之明可亦秋時詣京師當復方舟
而來也今獨于鱗抗志屏跡山川阻脩元美

在青州以家難亦輒自免去淪漂燕齊之間
足惋惜耳初五子同官京師以不能苟合取
容相繼遷轉咸離隔遠至數千里或終歲乃
得問焉而余負瘵蓬室跼蹐而屢徃徃徒以
聲氣相吹嗟尤令人歎慕深也竊又以為人
之趣舍異塗雖結髮以至白首而不相知情
意氣懸合則窮山極海僅有聞焉誰能間之
是以火井沃泉而彌列靈鍾應霜而自鳴氣
之感也豈以其跡之相比哉是余與五子不

必盡識也撰五子述

五子詩

謝山人榛

李攀龍

謝生吾黨彥輾軻京洛陌不惜黃金去但傷朱
顏擲帝帝豈盡愚咄嗟名士籍握手金閨人中
情多所適目若營儔匹躑躅難自釋脫屣公卿
前符鬚坐其席冠蓋羅長衢染翰日相索遂令
清廟音乃在褐衣客一出遊燕篇流俗忽復易
還顧望鹿門矯矯青雲翮

徐比部中行

徐生一何俊本自青雲姿十年住天目含意多
素辭既聞風雅音三歎文在茲矯矯顧尚書
眇昧惠前綏念為理清曲高言唱者誰躑躅流俗
間携子不相疑時髦滿要路各謂中心私世人
豈同爾吾道欲委蛇黃金買大藥朱顏庶可持
物理率如此和光難獨窺

梁比部有譽

梁生起南海負氣柯倜儻北交中原士徘徊得

吾黨高名崑宿著一朝奮鴻響時俗既清濁振
衣念獨往禮法難為工苟促向天壤王喬可等
期服食理非枉引領還羅浮願言稅塵鞅俯視
大河流逶迤浮雲上盛衰隨物化世情自鹵莽
吾意當告誰黃金如偃仰

宗考功臣

婉婉維揚士早歲絕人識結撰有至思先民乃
遺則時俗徒噉噉此物知者得鬱鬱獨往心百
折江河力披覩他自媚我意安所測言念携手

好榮名與令德浩蕩陰陽移吾道相終極語及
千載事愀愀動顏色中懷誰可喻文章亦經國
一為麟鳳言三歎加餐食

王比部世貞

元美何翩翩夙昔秉靈異京洛多冠蓋操觚各
自媚所遇無此物識曲聽其偽大雅久沉邈時
清作者至俛仰知音稀含竒未伸意但坐奮逸
響側身向天地虛名喜誤人依依千載事浮雲
相攬持白日一高視四顧命儻匹中懷誰可致

凌厲子長氣文章此未墜

謝山人榛

徐中行

落落滄海客高視翰墨林披褐登燕臺悲風吹
我襟躑躅冠蓋間四顧營知音遙思構篇章一
一郢中吟交李道益廣救廬義何深中懷皎白
日末俗徒黃金妻子且不問况乃腥腐侵食膽
豈不苦斯文故難任茫茫四海內獨用千古心
不學蓬蒿士悠悠空陸沉

李郎中攀龍

此物孕靈造顯晦洵有神疾冥漢魏後迺復挺
斯人矯矯秉孤尚流俗誰相因直視千載前識
曲辯其真昌運幸中啓群英咸來臻玄夜昇海
日昭灼開迷津衆星何歷歷周環隨北辰遂令
同心者周旋若一身白日發高唱青天氣益振
側身望泰華可以表嶙峋

梁比部有譽

梁生南海彥早歲握明珠滔蕩秉大節深湛思
獨殊獻賦聊薄遊偶與同好俱揚摧得冥筮清

響奮天衢大雅一以振巴人空濫竿濁世多苟
促中懷慄不舒振衣謝塵網逝將還舊廬增城
與羅浮僊人可等期伊余薄世戀風昔同玉趨
步得凌風翼與爾長相頤

宗考功臣

吏部信瑋傑洞識一何早岩廊豈不逢藝苑從
所好佳時美瑋遊清飈灑蘭藻握手時髦前論
心感同調矩矱懷先民努力肆探討嘆息白日
馳健翮凌風矯探珠萬仞淵倏忽得至寶傷彼

擊缶徒悠悠亦空老首為金石盟海內存此道
時難交彌敦歲寒共相保

王比部世貞

元美自名家弱齡騁高步
躬蕩尚書省深秉柁
詞賦雅鄭難為聽
龔俗多所誤寥寥韶夔音師
洎獨早悟卓犖李中郎
携手即廣路騏驥意服
驥千里不反顧高歌送浮雲
陰陽莽回互調笑
天地間焉知中所慕
千載亦溟史寧論貴與富
惟有瓊瑤篇可以垂竹素

謝山入隸

梁有譽

矯矯被褐者江海自淪跡貧賤心所安頗領豈
摧抑用拙不求羸憂在騷雅熄窮來抱影居澹
詞蘊古色耿耿烈士心更著排難力恩銜越石
徒友道不荆棘恥貸監河粟甘從於陵食佻首
問妻子汝胡饑寒逼蹈海迺何人長嘯吾自得
富貴與榮名松菌固殊域燕石誠可唾口珠盡
堪盡今古自一時鴻冥詎能弋

李郎中攀龍

大雅日已遠斯文競馳騫如何捨周鼎泮濁寶
康欬李生奮東海深湛託毫素凌厲百代前詞
源盡傾慕智用脩綆汲道由鄞輪悟繁聲盡指
屏至樂在韶護刻商雜流徵哀耳信驚怖悠悠
獲何言耶鄆躑其步浮沉將安之歲月不我顧
漢署共遨遊相期保中路瓊珮紛偃蹇美人恐
遲暮八極自揮斥先民有遺度

徐比部中行

徐子負逸氣本自吳會奇邂逅協心許在昔未

遇時夙有餐霞情空抱世網悲揆余秉微尚
魚傷暮知握手自高吟一一金石辭賦客盡傾
倒珠光炫陸離詞園豈浪名作者見於斯立言
多苦心河清詎可期荃蕙化為茅陳詞欲訴誰
驟乘賦已遠執戟志仍疲感彼同懷人愧無雜
佩貽勉哉体明德歲寒良不欺

宗考功臣

吏部慷慨人早歲孰著作所得皆經奇鬱鬱濟
世略高視凌千載詞賦悼寤冥結藻燦國章著

論麗丹樓感時賦長揚菁華歎昭燭龍耀天
街部屋徒螢燭復古力何雄憐才意不薄末俗
振風騷平生重然諾莫逆今昔希詞盟欣有託
古來賢達士道在從龍變瞻彼肅肅羽萬里翔
寥廓邴生宦業微懷恩向立壑

王比部世貞

籍甚天下士王生名曰振玄成有世業江左挺
斯人早窺竹素園作賦揚馬倫新菴扣哀玉激
烈此鬼神酒後雅吳詠俠氣陵高旻傲倪天地

間誰知肝膽親詞人久衰謝栢梁徒塵埃生也
抗高義斯道不緇磷禹鉉期俊功揚聲天路津
豈學蓬蒿子白首徒苦辛余慚梧臺石君邁連
城珍用舍固殊轍感贈以書紳

謝山人榛

王世貞

脫屣平原客振衣燕昭臺吾人寔龍矯白日天
崔嵬廣陸奏清商悲風四垂來俯仰狎世觀一
二當中懷拯厄不顧知中介有餘諧親者無愧
親排者任其排蕭索一帚裳傲睨千古才擾擾

冠蓋徒零落青門埃

李即中攀龍

織阿出溟渤皓魄中天發列宿豈不顯杳然精
靈攝竄蜀甫也神遷竒自禹穴斯豈一世尊流
行神不沒夫子揚嘉馨千載馭鸞軌思排入淵
曠象成自昭晰至理中所賞胡然見時悅夫子
乃沉淪紛紛亦奄忽六合慄淡間微生借虛拂
並肅倚崆峒蒼蒼極秋色上有三危露芝菌芳
樛結攀英啜其滋虹霞動靈宅却咲羨門者長

生等澌沫

徐比部中行

藹藹洵吉士產秀自天目泠泠穆風披青陽振
亭馥調氣翫時人幽懷彼商曲藉甚揚珊瑚離
哉思鴻鵠諧予既以遘為歡數代燭柔條沃嘉
霖雖罷中所欲良璞困鑿錯連城謝其琢異志
理無涖頽言重相勗

梁比部有譽

大溟湛珊瑚陸離灼叢條龍伯何神舉弱絳連

六鰲之子為國經含英奉清朝汎瀾先民蘊眷
念首陽板內神形俱斂匪戰理自超崇賤或千
鈞青若等逝風羅浮七十二一一摩層霄玉笈
子長徃金徽予罷操

宗考功臣

伊人璿璣彥履盛無嬰躬豈鮮盈門執匪其經
寸裏遐筭外服食凌古乃謙冲斯道苟不蕪耕
衛當誰功沉淪知夜光鴻鵠高天風枉矢射彭
城逸勁飲石梁誰謂漢裁廣墨餽航扶桑竦息

太華顛羣途杳茫茫

四懷詩

懷元美

瑯琊山上越王臺
秋色高臨海色開
莫向中原省落日
浮雲萬里為君來

懷明卿

豫章西望彩雲間
九派長江九疊山
高卧不須窺石鏡
秋風憔悴待臣顏

懷子相

越王城上點銷魂，萬里秋風動薊門。
君自平生稱國士，南遷豈負信陵恩。

懷子輿

青山忽送七閩秋，大海遙連百粵流。
落日孤城風雨至，塞帷何處不堪愁。

懷于鱗

渭水秦關天上迴，使君持節馭風雷。
不妨萬里無書寄，紫氣常從西極來。

懷元美

六月提兵大海東書生亦作萬夫雄匣中雙劍
無顏色倒吸天河吐白虹

懷子相

九曲溪流繞幔亭峰前海色晝冥冥故人無限
中原思撫劍歌來祇自聽

懷子與

風塵策馬路俱迷爾得汀江似武漢花落案頭
無一事尋仙時過玉華西

懷子鱗

黃鵠秋翔太華顛坐攀僂掌撲青天乘風忽傍
東溟轉矯首扶桑帝日懸

懷明卿

鴻歸重枉豫章書不向釣天夢帝居若使府公
誇束帶便携妻子入匡廬

懷子相

越王山擁七閩秋天入東南大海收雨後虹霓
初不見何人截作釣鼈鉤

懷子與

武平之山勝武夷汀江如巴學字移但道江山
多氣色不知新著謝公詩

七子小像篇

大雅芳踪寧易追藝林寥寂人其誰一時七子
集華躅清韻珍珍萃鳳池瑯琊自晉簪纓久元
英尤稱作者手天才卓秀駕長虹武庫充充高
北斗茂秦邁迹自臨清短棹孤鋏入燕京吐咳
成攷動青紫敢持頽石擅詞盟太湖佳氣鍾琳
杰徐君子與冠西浙振藻新腴膾人口屈指瓊

璉云奇絕子相江淮一卧龍玄珠在握玉芙蓉
英丰俊骨嗣仙采土圃今法鉅宗歷下人豪
首東土代有名流綽堪數特立于麟擬泰山儼
然共戴一詞主梁君少小似璉瑚挾策看看薦
俊圖南海月明珠有淚婵娟夜夜泣羅浮更有
鍾山碩格才明卿鳴鳳剡門臺清紅傲世出塵
伍伯介羣公愉快哉吁嗟乎七子今繼追當年
締嘉會文章節氣都為瑞忘者偏繁作者驕風
頓起憑升墜信古高標率臧軻憎茲多口奈

人何春秋忽漫成往跡慷慨同心發浩歌歌誰
為為憐名况傳人世此丹青丹青易落名不落
炳炳中原萬古聲

廣陵宗原子培南撰

宗子相集文部卷之十三

明人

林朝聘
黃中

黃才敏
朱應遇
陳汝揚

在望棟
謝符

同校刊

袁尹傳

袁君名濱字興之別號海東人則稱海東子云
尹之先有稱成甫者自大梁徙泰元季宇內兵
起倉卒避兵於通遂為通人傳四世至榆岡有
隱行葺宇江干縱心泉石性熹義絮寒鋪餒即
不自給亦給人有司高峻其行具冠服迎之謝

不顧曰我何媿媿拘志束形哉生四子叔即尹
尹生蚤慧殊恒見人不敢兒畜之僅髻遂儒業
年十七乃下帷授戴氏禮補州弟子員督學者
試輒上第又綜其行又輒上第於是學士大夫
嘆曰此為報榆岡哉尹有濟世才往年江寇寇
通有司策尹卒用尹策走江寇比部郎朱君論
貳通見尹文亟亟讚曰鄉書即舉一子必舉袁
子也既而尹果舉庚子捷來於是失文益喜
甲上春官罷歸愈益肆志於學顧數大奇至庚

成凡四上春官

不第於是怒投策起曰丈夫

結髮受書即不得

一第豈顧亡可行吾志哉必

躡齋擔簞再游上

國斯華髮翩翩已且又何以

慰母竟謁選授

寧客有策馬過尹若憐惜尹

才者尹正襟端誼

曰君以今之垂纓結綬高揖

青雲者豈皆有金

於蒼生哉使令一邑而有念

於蒼生則不以此

易彼甚明也於是謝客登車

而去撫寧者故邊

瘁邑父老子弟日操戈候厲

尹至則下令曰父

老子弟且休矣於是擇驍勇

人界較予倉窖也。虛則又厚集芻餉以待猝變。又其俗近胡多祭少暴行墟舍尹詘以法於是野無私鬪者興利除病即項納亡不竭精僅六閱月而持節當塗。有凡四下檄以弊衆勞尹勞苦秋八月胡兵斬關入逼撫寧撫寧人惶急走莫知委命尹亦驚。姑曰毋懼毋懼於是符登城望盡召城外入內之城中又親持策整戎馬環城三匝民猶惴惴懼也尹則頓却步前庭裴回仰天嘆曰夫撫寧一邑耳即陷亡入係而京

者天下之根本帝王豪雋之所總萃也今急矣
獨柰何於是鍛甲砥劍累車疊轅決策內鄉報
天子戎事亡何虜遊尹且病病五日疽矣當是
時撫寧人家號巷哭攀樹望庭 匄大呼曰天
乎天乎胡喪我君即虜再來又胡得我君坐城
上拒虜不懼我也計至通通之學士大夫罔不
蘇蘇隕涕曰非特榆岡德也即海東子者抑何
長厚也仕而令令而且死此何說焉尹性至孝
友榆岡公疾再逾寒燠恒冠衣侍前醫來立與

參虛實陰陽定乃製劑顧又手持盃盞烹淚未嘗不簌簌落盃盞中也既而執匙以嘗器進几席上退則檢讀古方書日夜望榆岡公愈也顧不愈比卒毀哀骨立若不幾生者彊為母媪起既事母媪又益孝即死惟獨念母媪老在堂也鄉人誦其語悲傷之尹兄弟四人而尹居中策友愛每間輒陳樽俎共坐笑樂召諸子諸從子來東西鄉立訓誡之顧其在外和內實耿介立節操自家食時有司已不敢妄遺筐篚見富兒

大賈謝不與通即諸昆季咸豐橐厚儲持梁刺
肥炳誇里閭而尹食芋衣敝閉門著書洋洋然
樂也為撫寧時愈益苦勵篆畢鑰局內外肅肅
至所需蔬米反貽書報家人治米邑中老人相
謂曰自老人為兒時固希觀此君矣海內經生
徃徃畏戴氏禮難讀乃尹則更易讀更得其遂
者至勒成一書及仲尼鄒軻參役諸書又各各
有說說成付其門人子弟

一				
二				
三				
四				
五				

王夫人傳

灌纓王子以詞賦才馳聲人人重王子又因以重王子母而曰王夫人王夫人云蓋鴻臚公既壯而不舉子名再娉于顧得夫人人謂孫夫人于夫人乖也顧不乖反獨為女視夫人夫人事孫夫人愈益謹又其性至孝敬侍其姑夫人疾凡九月不歸室易衣姑夫人為孫夫人言顧婦事我勤也比逝則視諸婦又特哀以此人輒稱夫人孝云夫人先舉女孫夫人即取女女之已

何濯纓子生孫夫人意夫人自子也乃夫人不
自子輒又請子于孫夫人孫夫人喜曰吾固當
作是兒母當是時鴻臚公出為河西令治裝且
行而孫夫人適病病革乃抱濯纓子而執夫人
手流涕言曰是兒王六代宗子鄉不女子者懼
女少也今我不能待是兒成是兒在女乃泣夫
人亦泣泣數行下比孫夫人逝則夫人悲痛若
姑夫人濯纓子稍長人或謂君母顧母也請于
大人夫人曰兒亡須問第亡忘兒孫母恩每歲

時蒸嘗奠則夫人祝曰孫夫人兒今被儒服供
蒸嘗矣於是濯纓子亦涕下沾衣亡何鴻臚公
謝事歸他室日披綃綺整環佩曳金玉錯鏘行
而夫人一簪一縷不得著膚髮相室者忿曰夫
人柰何而孱若是夫人笑曰我孱哉我孱哉我
得寶竒矣意蓋謂濯纓子云乃濯纓子則欲甘
心於其人而夫人輒牽裾止之曰兒其柰何為
母而傷父之志濯纓子負異才鄉人日冀其第
也乃累舉累不第夫人輒慰之曰自古高才之

士徃徃不偶于時兒之才所竊造化者多矣兒
寧之顧安知不雲蒸龍變哉又濯纓子性至孝
即因必日謀甘膳膳夫人說其心即夫人亦亡
其子困而夫人八十時濯纓子百拜奉觴為壽
夫人前夫人大喜已乃顧顧曰自我結髮事女
父以至白首艱困累千苦環戟而立豈知今日
得稱八十老婦又見女顯其才又見女金家婦
抱兒也彼其綺綃環佩金王銷鏘行者安在哉
於是罷酒宗子曰嗟乎以余觀于世人嫡庶子

母之間則益嘆夫人之難焉彼其上以分猜下以子挾相怨相謀終其身不解者天下一室也乃夫人獨不以有子挾其上又忍其下夫古今以聞行著聞炳蔚史冊者要之不離乎處常非若夫以身介二者之間至危變也乃夫人善處其變又能成其子才然則夫人者誠難哉誠難哉

Page

100-1

20

重修城隍廟碑

夫城隍之義垂之往牘郡邑立宇崇祀赫然稱
靈其所由來長遠矣興邑舊宇在邑之西稍南
歲積日就圯蓋其堂故宏直即又重檻其前有
司月展謁楹下役胥焚楮上香輒逼神衣又其
門鑰損即博徒市豎往往羣嬉其側守宇黃冠
且取道堂上出入蚤暮視若通塗矣兩廡故列
諸鬼神幽恠之象象又損歌金碧土木日簌簌
下羣嬉者時過而易之會后洲陳君以駕部郎

謫興謁神則裴回四顧太息曰嗟乎夫神道貴
嚴嚴斯畏畏斯感堂中謁堂中走何畏何感哉
於是下令度材鳩工新其堂又鑰其堂而移其
重楹于堂之西別闢一道以通守宇者出入兩
廡諸鬼神率新其土木而金碧之於是展謁者
率于楹下仰視堂上若有神者在焉博徒市豎
既不得羣嬉堂上即覩其旁又皆矯然怒目如
視其人輒心悚色動閉目久走斯其于神道至
嚴矣亡何陳君遷太平遂南未及勒石紀斯役

螺泉曾君拜興令至興睹茲新宇大喜已乃詰
吏柰何無石吏言狀則曰是責在我於是周視
宇中增所未備因命記于宗子宗子曰嗟乎二
君勤心于斯後者誠當哉誠當哉夫明則禮樂
幽則鬼神昔談尚之矣二者相濟然後可以常
行于世世人固有肆然於禮樂之化者顧其於
鬼神又何其悚悚獨著也世人機詐相命一事
稍屈其志輒仰天大呼具楮散髮蒲伏百拜詣
神宇訴其人其人即亦皇懼戰慄氣結汗流不

敢出一語而山氓野嬾歲時行游神宇中相顧
驚嘆誦說曰某善應某惡應輒歸語其鄉之人
鄉之人有為不善者則相恐誠曰亟止亟止毋
遂為諸鬼神所苦也斯見匹夫匹婦之心哉夫
匹夫匹婦其畏人畏神者紛紛一情也顧其畏
人以貌而其畏神以心臨民者夏楚撻笞日加
其人顧其欺益甚神無一言以告即至狡抗者
猶不敢欺何故哉豈非在神者有所不可測在
人者猶有所可入乎即其不可測趨善避惡以

不詭于禮樂則神道者固所以濟人道之所不及也小人覩其象以思其理君子欲存其理不得不崇諸象二君斯役其于幽明之際深乎深乎計工自嘉靖壬子正月至甲寅三月曾君名梅癸丑進士泰和人陳君名時霖辛丑進士長樂人

刻文訓敘

臣未髫則家君已遣從塾師游矣每暮歸侍家君家君稍心器之於是謝去塾師日坐草堂中編出所藏古先聖人諸書命讀讀三載乃益以今時所稱舉子文即已知時時竊擬構焉最後構一目置家君几上起自避空室中家君歸詰侍子誰為侍子云郎君於是顧侍子呼郎君來已至則益慙自驚不敢仰視家君家君則起以手撫背笑曰兒何避兒所作者文可教也歸語

母大喜於是日試三日至五月七日後有司稍
稍以文見知家君更日夜望有成立於是召一
二同志與舍弟原月凡六試七日每先期一日
家君自擬目函授箒中夜起備髮整衣坐草堂
候家君來命侍子持鑰閉門啓函示目禁不得
共一語日中誅草漏下二三已畢書家君始起
還內明晨召侍詳加評駁焉既而曰文華大困
矣可少休於是治醑燕譚蓋日始罷當是時最
愛讀司馬遷莊周所為文詞徃徃發之篇章空

疎莽蕩家君大患之於是作文訓文訓成日諷
夕維漸悟浮華轉闕精奧矣癸丙相繼罷歸家
君太息曰嗟乎母論汝苦即余安所用訓哉明
年丁未家君已五上春官竟不第愈益厭怒其
文遂謁選分符東土而去臣以己庚兩歲薄售
有司後役風塵時檢舊笥得文訓而讀焉輒獨
立裴回喟然長嘆夫家君僅以文博一令即臣
又復不大售於有司何言文哉顧獨有感於家
君之教子者深也抱痾南還夏子輩從滯日以

文請不得已則以文訓授之既而請梓以公其
傳所不能辭者匪欲公其傳也 見人世父子
之情焉

贈沈太醫敘

余鄉最以為盛德長者則孰逾沈公哉公以今年七十鄉中人轉相驩說無不人人喜也於是鄉大夫學士先生類徵幣譔詞雲縉星繁矣顧余獨有感於公之所為心者厚也余少時謁公公之庭庭中負瘵者曲席而坐公束帶走出人臍而人劑之即人又來即公又人脉而人劑之庭空無人始得酬他客語乃此心何心哉公性既長者又其業甚精江淮間地足千里近公者

率頓首。靳公至其家，家人大恐，公之不羣也。公輒至，則喜。公言毋懼，則又大喜。其遠且微者，即不得致。公亦致其人於公之家。其家人日夜彷徨，行望沈先生一言以慰也。乃持節當塗者，又徃。徃下檄郡邑，命有司整輿，飭轡迎公。公至，又輒起，則嘆曰：「若先生者，誠難哉！誠難哉！」以故公之名遂大重於世。云：公性孝友，厚倫義，鄉父老聞居，則具言。公少時事其兄，至恭謹，終其身不。大蓋若今時所稱兄弟者，公失配，僅壯，即有子。

不再聘入使內一二媵婢受斃理擲豈恃哉乃
固不內遂空幄半世語具胡柱史所為公義夫
傳中公姪東橋君舉壬午刺史莒州行誼政事
勤諸金石公視之猶公子也而莒州亦父事公
公又遣方石君造太學結內天下士人言即公
出奚殊矣公二千長逝太學次即苓田君苓田
君通籍太醫業公業並公縉紳先生類愛之而
互為言詞贈之公諸孫俱英秀玉立衣冠門第
甲於江海而公益以忠厚和祥遠值豐培即今

合食六世矣傳稱張公藝以忍合九世即公後
豈論九世哉余於是益有感於公之所為心者
厚也公雖老髮僅華白頰色復潤好躡冠迎客
步翩翩然舉不重也斯神氣蓄而精意不漓豁
此以至百年奚憊焉昔人有以身倚天下安危
三四十一年者言其人所以急也江淮人以安危托
公計時且久課廣狹雖殊其為人所急鈞也人
人思其所急則無不願其長久以成吾私即公
百年豈厭人望哉鄉大夫學士先生徵祝于余

余則請以尺之望公者以爲公祝諸大夫學士
先生起席曰信可祝哉於是命書之以俟拜公
中堂而襲采以進焉

贈董先生之考城序

余憶往歲計偕嚮道時則猶及見先生驅二僕擁氈策馬翩翩然自西北來也一接先生語輒心自念曰先生者誠師哉誠師哉後時時治書報余長安邸中余善其書輒遺書先生謝先生書乃余以抱疴還則先生猶儼然在宮舍察其色不大恨第曰幸偃蹇不去得待先生未無何考城命下人人為先生喜乃先生不之喜也顧曰即考城奚殊興矣又奚擢也余稍恠其語會

先生門人徐劉王胡諸君以陶李二先生命來
徵別言則問曰先生之不遷不怒遷不喜何故
哉於是諸君相視言曰君不識先生之心乎先
生性既長者又慷慨負奇氣日起燕坐堂中召
門人弟子侍商榷文藻闡揚性命隆恩篤義決
于衆心稍稍涉事端不厭其意則忿然振色推
席起曰某直某曲某非某是豈得拚于所私而
以汶汶決事哉或事關釁序大者則持之更急
杭言峻議不少孫其人人以為言輒掀髯大笑

曰子以擁氈策馬為仙游乎歸藝松蘿一觴一
咏吾志也子休矣吾亡所冀于人矣先生性顧
又喜賓客客至輒留客輒大觴客即無客即亦
具酒自觴得杯問月中夜露垂垂下始命罷酒
斯東方朔陶潛者流也豈欣戚于遷不遷哉余
乃太息曰嗟乎鄉睹先生之容茲識其心矣考
城去大梁不百里先生時過大梁登夷門采信
陵公子侯生故實睹宋遺宮俱散為荒榛野草
也徘徊俯仰擊節悲歌愈益長其廖廓之思則

考城固愈于興執先生又何得亡喜也先生聞
之更歛歔曰即考城為喜矣柰何去吾僚柰何
去吾門人弟子先生先是任蜀在興更互載蓋
始擢今官

杏莊贈言錄敘

杏莊贈言錄者錄諸君子所為贈杏莊公之言也公抱德精藝積春累秋博澤隱脩該于纖巨乃其壯不再聘篤夫婦存仁之心則猶足振頹淳漓贊翊人紀爰有休祥徵諸草木語具李太史所為嘉祿記中是時胡柱史謫鹽米大義公遂為公勒義夫傳海內縉紳先生每讀義夫傳每綴數語函以報公而公之六十七十時邑之學士大夫靡不誦詞奉觴上壽七十時視六十

時加多焉於是諸君子之言充竒溢筐雲叢靈
聚彬彬燁燁備矣公則日探篚筥而環揭中堂
每登公堂者率倚柱停盃四顧讀咨焉慨焉低
回焉徃徃至道上猶憶公堂中語即不能憶其
語即又自悔責不能再讀語也於是公之姪若
子聚譚曰亡論不能以一日盡揭諸君子之言
即能以一日盡揭諸君子之言獨奈何使客倚
柱停盃四顧讀或不能憶其讀為客病也且諸
君子之言豈卒亡楮凋墨漫哉即公之義何損

焉迺謀類梓而人眩之而因世藏之而以其序
屬宗子宗子則取讀諸君子之言已畢讀迺授
翰起曰嗟乎嗟乎尹字之贈人以言與人之受
言於君子豈輕哉迺睹于茲帙則重嘆公之難
焉夫閭里者近矣迺其人遠而千里又遠而萬
里未嘗與公接盃酒通殷勤之驩斯何比於公
也則亦為之言則亦詳為之言統觀其言雖言
人殊要之敷揚盛美而歸總倫彝固若聯几
秉筆合構合藻也何故哉何故哉余聞之名不

虛立士不虛俯諸君子竭精馳說靡所靳惜于公者是自公之大義感悚其心矣鄉使公僅如世俗抱咫尺之善不能感悚其心即日要諸君子而祈其一言又胡可得也天下後世讀諸君子之言以見公且求其仁愧于公則公之風不與江河並遠哉先是邑大夫類以義表其第且議以狀上聞而公輒翼翼遂遂儼容却席固起辭曰何有于我何有於我杖藜種杏其斯為已斯言也又敦實遺名者也吁茲益見公哉吁茲益見公哉

寅氏公則命子寅氏商而子心氏者公又命之
儒視子隆子公既稱大家已又子隆子顯即朋
戚者靡不分華割榮以自夸于人曰某朋某戚
乃公愈益謙容孫度謹薦其身非歲時伏獵未
嘗被華衣列絲管召賓客每每誠家人毋得以
門第迂人以此鄉父老閒居具言鄉之有貴子
弟而色不驕如公者豈易哉公以今年齒六十
矣邑之縉紳學士先生靡不展采上壽余亦得
以隨縉紳學士先生後拜公于庭輒自嘆曰異

我即余少時從子隆子游睹公容今奚殊也世人年未及公往往鬢星髮霜者此又何說焉客曰人情靡不重年而貴有子公得年矣又見其子才且顯又煦煦膝上弄孫也公樂哉余曰何哉斯言子隆子負金馬才出而結授垂纓上佐明主取封章以報公公於是華舄高冠被錦對客且齒固金石霜露莫侵飛仁揚義頌聲遍宇斯公之樂哉中橋養珍諸君子聞余言則起曰子之言予之言也余倦言則請以子言為親以介于子隆子

贈顧母宋孺人八表序

余登楚陽望西湖其上蓋有武陵溪云溪上人
往往好讀書被儒服代有薰名文華之士樵峙
其間又皆顧姓大奇矣余友純一子讀書溪上
時從溪上過余夜與擁衾道家園事徃徃及其
大母宋孺人賢余輒太息曰嗟乎君之才獨藉
溪哉蓋顧子大父述菴公性朴茂良直人人稱
長者顧不問家人生產及孺人歸公公謂孺人
閨質也乃孺人有丈夫才輒謂公曰公長者第

安坐吾當為公作家顧故業農孺人即理農事
至脫釧整廬易穀闢畝日勅羣庸負耜雜作畝
上又孺人性智善防人秋中稼穗盈畦即夜佃
不敢竊一穗即竊一穗輒自恐棄去曰亡乃孺
人知也孺人又時時勅羣庸下湖中舉網負罇
取魚鴈菰蒲日致之家以此窖藏雉溪上矣亡
何舉二子長即西莊公公稍長大類孺人才則
孺人喜曰吾苦女父長者今得女見女勃勃然
奇志也後數年述菴公逝孺人泣謂西莊公曰

女不女待吾且寡女其亡忘吾志哉於是西
莊公愈益勤心拓業見腴畝豐陂輒增其直或
倍其直又高其宮室奕奕稱大家而孺人居常
嘆曰家屢世農恨亡稱儒者純一子生早慧孺
人喜拊其背曰儒乃在是兒僅髻則遣從經師
游每暮歸則孺人張燈手自績紡伴純一子讀
稍倦輒命婢烹茗茗來夜半畧休輒又呼起坐
把書讀至旦也以此純一子工文輯藻卒為時
雋儒而純一子弟純佐氏者孺人又命之讀視

純一子亡何西莊公又逝孺人撫純一子泣曰
吾哭女祖撫女父吾復撫女哭女父也孺人身
撫三世而處其慈即廣畝高居一一皆孺人耳
目手足所及又兩傷夫子苦慘其情宜早耗也
乃孺人以今年齒八十傳稱八十曰耄余意孺
人耄矣而純一子則謂余曰余秋中蓋構一堂
云然皆稟命大母大母則以杖畫地曰某楹某
階而羣士持斧尺鳩集堂上大母輒晨起呼婢
作糜人餒之或人酒之即夜亦秉燭至工所曰

視恐工竊不以去也余曰嗟乎八十而猶不耄
又健視事如孺人者豈易哉昔李密慮其祖母
劉耄不及養遂上表陳情古今稱孝焉是時劉
甫七十耳且其創業詒密者或又不及孺人勞
也純一子兄弟負麟鳳才出而受知

明主則君之年尚未及密而孺人之勞且壽又
過于劉其急于報孺人者宜何如哉純一子聞
余言則仰天嘆曰宗子之言命我矣

贈許籛之海寧

予少侍家君家君每言鄉長者必曰許先生云
蓋家君自束髮已從先生游先生年長家君數
歲而家君兄事之後予被服游士大夫間始得
見先生每見每嘆先生誠長者也而鄉中人又
徃徃重敬先生歲壬子夏予為郎司功而先生
適躡履執策來謁選予迎謂先生曰丈者茫然
乃遠至此甚勞矣先生曰予徃歲遊學太學侍
大司成凡二歲長安塵久已上衣袍矣今來乃

更夫快吾志何勞哉後時時過我則為治醕滴
蔬酌先生先生故不喜酌顧侍子停酌惟啜果
啜饌弄匙孟道家園疇昔事款款至不能休更
與步庭下裴回待月而去秋予抱痾散髮梳上
先生更時時問我坐漫語無所不浸予特稱先
生善儉先生曰天生財非私一人安敢侈泰持
其身所著青纁謂予曰予衣此衣十年矣疆前
視之僅減新紉焉乃太息曰此愈鍼予病哉後
予疏歸問醫而先生以今年六月授寧海簿道

便還家携家子為祖道道上把先生袂曰先生
行哉吾知不難於寧海矣零曰言何易言何易
夫簿秩泰卑即出一令且折躬請其堂尹監司
御史擁旌行縣即稍尊者已惶急奔走蒲伏跪
謁稍不當即大怒數責伏庭階免冠頓首嬾惕
不持莫敢出一語奚論薄也奚云不難哉子曰
嗟乎嗟乎豈官負人顧人負官也予見世所稱
有司者初謁選即切切有冀善地心選家揚名
於朝善者博帶高冠洋洋道路其所與游亟持

酒賀曰此行萬金可致也乃不得善者至僂首
吁氣含淚向人而人亦姑慰之曰縱不得萬金
數百金可必何至作凄惻狀哉此已不能洗滌
其心甫至則目攝筐篋厚薄而口抑揚之左右
闕其意旨輒以賂進矣於是日夜籌筭金色驕
妻子乃妻子又益日夜相與謀攘金之策稍不
稱則撻笞其人至糜爛無可擊者家忿人怒不
顧也斯即尊官大郡獨奈何不畏休人哉先生
家故饒至都下客亦有風先生如世俗內賄求

地者先生整襟危坐謝客曰予非力不能內顧
吾耻不為也斯見先生之心哉且先生一衣十
載顯何貴多金先生性又慈仁長者即使稅訟
最急施笞朴且慘目怵心矣况借刑攘金哉即
監司御史擁旌行縣先生且恭容儼貌翱翔行
何畏焉而監司御史者將曰是夫也必其廉愛
者也先生且自是翹舉矣又安在其為難也先
生起拜謝曰亦甚矣宗子知予哉於是長揖編
謝客策馬而去

贈房隱君敘

予束髮時則識房子舜隆於武陵之墟心竊嘆其長者後也後時時與舜隆氏游舜隆氏繩履矩蹈每事事必曰家君戒我乃隱君者方栖翔震外畏與士大夫交往歲始得揖君子道中因太息曰此舜隆氏所為兢惕念戒者哉君之先有稱求寧者敢以植緒雄一邑傳至遺安公稍督君為遺安公長子生而朴茂少即急于農事每語家人曰此吾家世所自殖者即不樂其苦

獨奈何不念吾父祖累積貽謀之心乎於是開
畦闢畝廢沐失飧不倦于勞上豐極腴烟雲相
雜歲課出入視永寧時顧反振奕矣乃君性益
檢束即黜需于財者亦必重念曰得母以修病
財也君弟三人咸業君業君孝友天植待諸弟
可準共被者凡大家勢難萃合君總百口異同
咸翕然推服君退仁戾語君外遜內直侃侃切
切不作佞色里有忿者亟里于君君立數言不
假多岐援喻各愧解去至持牛酒相勞曰不得

隱君我輩何得如是君少無子人大慮君君逾
壯乃舉舜隆氏稍長則立之庭以手摩其背訓
之曰汝母負予言予不得從士大夫游其計無
以近之耳丈夫當雲蒸龍變豈以桑麻蘿薜結
其心迹哉僅鬢則具饒蔬浴楮帙請學名儒乃
舜隆氏愈益綜緝詞章亡間涼燠聲名蔚起與
一時穎雅之士燕福並驅人或以誇慰君君長
揖不顧乃更自號漁隱子云無所冀于世也春
秋積序以今年年高七袞矣矣為壽展來上壽危

饌紛紜舜龍氏王立庭階照暎几席他日垂纓
結駟取封章以報君君且耳目聰明白髮蕭散
洋洋灑灑自得也斯不稱大樂事哉諸君徵祝
言于予予何所祝君而特三嘆于房氏之盛焉

贈趙公敘

余束髮出遊外傳蓋與子隆子同舍云傳嚴視
諸子諸子尚竊時時嬉疆子隆子嬉乃子隆子
不之嬉也獨抱書危坐終日讀羣詰則太息曰
嗟乎余獨嚴師哉蓋有嚴君焉當是時文橋公
方壯歲精于料事于諸子中獨奇子隆子才曰
是可儒竟儒子隆子子隆子每暮歸謁公公輒
命侍詰朝所綴輯者幾已乃命殮已殮輒讀夜
半倦休枕上甫寐則侍子已持燧叩門華鷄鳴

輒又整衣把卷起矣子隆子既才又公速成其
才遂以其文雜視一世亡何與余同舉南畿已
酉子隆子歸謁進鄉書于公拜公公大喜曰斯
不負十年勤訓哉公性至孝友勤儉蚤歲失怙
恃已乃其兄氏又逝即孑立顧善治生產與時
盈縮徃徃當于時又其性朴直不侵為然諾浮
譎僂巧之徒懼公不見公即公召之輒反走交
公者得公一語如持符握璽云以此家計用詩
庭宇區畝星羅雲列赫赫盛矣子隆子弟為子

贈曾公敘

余讀漢書所稱循吏傳未嘗不投翰而嘆也曰嗟乎斯不負民哉以今睹于近事則古今亦何殊焉與在揚稱困乃數十年稱大困蓋其地東亢西汙歲一值水旱則耕者委羊坐長蓬蒿顧又供稅內租慘被夏楚於是壞垣負簷携妻子去至野虛無人於是邑之父老子弟日夜焚香告天願早得仁人君子來拯茲水火乃曾君以名進士拜令興則邑父老子弟又輒日夜焚香

告天以為果得仁人君子求求茲水火也癸丑
十月君至邑父老子弟除道揚旌導君君車至
市中市中人從戶窺君靡不灑然驚喜相顧嘆
息曰誠我君哉誠我君哉蓋自是可安釜鬲矣
君則下令曰吾聞弊不剔則利不興於是收一
二慆循于法邑人大喜是歲饑吳中丞下檄郡
邑賑郡邑饑人君則下令飭里胥毋得報籍溢
名以要雞酒又毋得俾村饑人携老幼蒲伏行
百里來城中至益困也於是以身親就諸饑人

村舍中每至村則召諸饑人來前面覈狀有狀者給之狀甚者厚給之里胥臨侍莫不出一語於是諸饑人負糶于背竊相語曰大恩大恩當是時島夷寇海上海上人倉皇携家西來傳言夷且西來君曰是可亡備哉乃閉關謹爍勒邑子弟勇有力者日坐武亭較射角矛士咸奮然有鬪志夜則誡邑兵嚴刀斗環城大呼人言即寇至何虞也甲寅春二月至夏五月不雨邑人大恐君曰毋恐吾當為父老子弟取雨君於是

齋三日率僚備禮樂恭禱百神前夜則整冠束帶焚香于庭再拜以萬民請命于皇天越二日不雨君繞柱彷徨行自念曰何不雨也頃之雨又二日又大雨邑人驩說曰即歲有穡非公賜哉凡此皆君精意于民視其利病若在肌體間也先是吳中丞廉君政嗟嗟異焉亡何總憲南臺去則下檄展采勞君而彭大夫治水淮南則亦下縣勞君如吳中丞檄也於是君之僚請言于宗子宗子則采輯君之荅民望者以見二公

所以勞君之意焉。客曰：邑之困，賴公以蘇。顧顛
賴流離尚充充然，盈塗巷，是所望于公者更多
也。宗子曰：嗟乎！夫兵荒者繫之天者也，繫之天
者誰不委之天？乃君獨任之身，防禦感格有成
蹟焉。即其取必於己，可以解民困者，其于民又
何愛也？子毋言其滌慮以袞可矣。

何孺人傳

余讀古所稱列女傳至敦節立孤者未嘗不竦
意動容此曰嗟乎茲非性靈卓粹有偉丈夫識
者易談哉易談哉乃鄉父老閑居論閭節必曰
何孺人何孺人余從孺人子惟忠氏游則又聞
孺人評則又嘆孺人之難也孺人蚤歸淳菴公
無論淳菴公稱孺人賢即舅姑下至臧獲又靡
不人人稱孺人賢亡何淳菴公逝孺人毀至欲
淳菴公復疆為二三子起曰豈不能借地下

人哉誠不忍二三子焚焚之且使地下人復恨也於是盡謝去絲縠綺縠惟闔戶垂幌日夜望三三子有成立乃惟忠氏稍知學則具楮帙遣就學經師每暮歸則孺人已治飧秉燭俟堂上已殮輒命讀朝所讀書孺人又手自績紡弄女紅惟忠氏讀也嘗太息曰兒母厭若吾寡不怨者恃兒二三子也兒即厭苦獨奈何不念兒母哉於是惟忠氏愈益攻文輯藻卒為時高第顯其心又恭謹不以才自負靡不人人愛重又

靡不人人稱孺人善教子也曰即察父哲兄日
臨其子弟豈及孺人哉而惟忠弟氏三人者孺
人則不命之儒命之農命之商也即又善于農
商歲課租入閭閻稱雄焉乃孺人者愈益勤儉
日戒家人毋得以侈病財至崇蒸嘗秩賓客俎
豆筐苞卮盃醕移則又事事虔潔中禮也惟忠
氏及其弟既才入至孝友每日孺人坐上坐而
四子者東西鄉立上膳問衣道家庭今昔事不
忍離歸室而諸孫總角者又循筵繞膝行也於

走孺人大喜已喜復彷徨曰即吾所自期豈知今日哉恨不令汝父見也孺人以今年二月年六十矣惟忠氏及其弟具章服百拜上壽孺人前而宗黨戚友咸喜孺人壽咸祝孺人更壽也於是諸君乃徵予所以祝孺人者余惟孺人敦節立孤天所孚動壽無事禱也惟忠氏抱異才他日策名天路以報孺人俾孺人翠翹霞帔表其節于天下後世豈非孺人願幸哉請以祝孺人諸君亦曰請以祝孺人遂稍綴其事作祝語

贈陳大夫之太平敘

陳大夫以駕部郎左遷興邑者三年不得調人或謂大夫困大夫不困也乃癸丑冬始調節推太平大夫已聞命即裝為去顧邑之民難於去大夫也於是邑薦紳學士先生儼然造余徵別詞焉余曰邑之不忍去大夫者何也則相顧而嘆宣言曰若大夫者去誠不可忍我今世所稱士大夫類抑外崇中或以事外移則負怨含恚怏怏出語盈道路甚則高卧冀遷不一至其地

即至其地即又視其地如郵也日對賓客弄冠
孟接壺理局吏人懇請視篆輒怒目攝之輒遠
巡去矣即去且不識其民民何不忍哉大夫者
起進士拜官中書舍人調夏官司駕固奕奕顯
矣驟適與人畏不敢仰視大夫而大夫則顧怡
貌恭容日束帶坐庭中視事數數進父老子弟
問勞疾苦當是時河決餘波浸興歲穡大虛市
靡糶粒民至空腹環城大呼即富有糶粒者
故不糶於是大夫下令曰有不糶者吾得以法

中之富人懼始糶民大喜大夫又坐視糶又自平其直民又益大告邑故給需驛傳不以人給也時當道者議以人給而鳳軍稅者時更稱急當道者日夜使使求督內稅大夫亦日夜使使報父老子弟毋懼學內稅也於是立起以身請當道者前具言與民大貧不可給稅狀至免冠頓首當道者大感其言兩報罷之此即萬民所繫命矣故事催科以簿簿策日理催則里胥設入量內之又加糶粒量之上大溢始報曰可內

者元元怒不敢發一語也大夫至則曰是弊豈
細哉則定一量以準出內又槩其量不加糶粒
焉至於均後易里收疆抑豪又毅行之毋忌撓
也於是邑之父老子弟家傳巷誦驩類更生每
朔則焚香膝行望庭下拜曰非明公安有今日
哉今大夫乃舍吾民去矣父老子弟聞大夫去
靡不顧妻子感疇昔靡不淚簌簌下也顧獨奈何
去大夫哉余因太息曰嗟乎吾邑之不忍去
大夫者是欲以一邑私大夫之才也顧大夫者

天下才也方今西北有匈奴之憂而中原之民困於征輸盜賊

主上屢心宵旰微異登竒則太平當不得久留大夫况一邑乎太平之民日夜幸大夫至豈知吾民以大夫去太平為悲也大夫思慰其幸又不忍其悲則大夫之情亦難哉諸薦紳學士先生愈不能釋然於大夫則命采綴斯語以志不忍去大夫之意焉

贈查大夫報績敘

皇制凡外內臣工服官三載則上功考功考功考其第達之率以進于

天子而加黜陟焉甚盛典也查大夫以庚戌夏奉除書守郵至今年秋七月乃三移紀曆矣於是大夫請其事於當塗者當塗者輒報曰大夫牧茲土三年蓋大勤苦其令身自上功

闕庭於是大夫進州之父老子弟轉相驩說若更新覲旌旄矣大夫共寮事者高君黃君揚君

從事蔡君使使祈言于楚陽宗子宗子曰嗟乎
余於是蓋嘆息大夫之難也夫言治者豈以郵
為易易哉夫郵南江北淮舟輿津要又其俗虛
中華外即窶人下產無兼辰之業亦庭宇相襲
楚飭可觀以故談地江淮間者必曰郵云郵云
纓弁之徒執符乘傳報書前驅有司治稟整從
迎謁道左稍稍不稱即大出忿語曰郵豈他比
哉而慢我若是取道者仁論宵晝雨晴暹至迭
居舍無停軌有司幸謁容畢馳歸坐堂中召里

萌計徒吏未及一二語而驛史持書倉皇奔入
則又束帶躍馬去矣乃當塗者或論報稍失期
則又讓之曰豈可以奔走而忘厥事事哉以故
世之君子交病焉往歲予初客長安揖大夫王
中丞席上被服陳詞心竊嘆長者問其官氏則
曰新除郵牧余即拜之大夫荅拜余既而卮俎
酬酢甚驩相與嘆守郵之難也大夫既至郵則
展采宣獻亟於民事失飧廢沐殆無勅色厭容
又大夫性簡直不撓即勢族名家一罹于憲則

持之更急人或言大夫宜少徇時人情大夫謝
不顧也自信者傲乃大夫愈益嚴和協度不失
往來尊官責人心即當塗者又莫不嗟嗟亟稱
大夫善為理也侍御黃君成君咸上疏論推而
微勸崇者紛紛于路古稱獲上治民觀之大
夫誠有味乎其言也乃今三年報績上考矣
予為郎考功蓋與大夫仲氏同舍云夫危論殿
最者論其功不論其至與不至也其不至者顧
多有茂異之政不可一日去於其官故不至者

尤異焉

主上北憂狂虜思得茂才大夫以功上聞徵書
且旦夕下綰章垂綬從客廟謨斯稱報守郵之
勞哉四君母今賀行將謀別大夫矣

桐鄉縣城記代作

余讀秦漢以下諸書未嘗不嘆戎狄之為中國
憂至長也乃東西諸夷錯居海島中亦足自給
其稱持戈內嚮者則世未覩焉我

皇祖神聖慮周千古既北逐胡元走之已又慮
群夷萬一有他志於是詔沿海諸群邑悉置戍
設屯分遣諸所有功者後世食其地提精銳防
之至密矣

列聖道化隆洽垂二百年吳越之間家綺戶繡

湛于華靡無論萌庶即號稱戎籍者亦日弄卮
蒲博至終其身不識干戈識治者恒病焉嘉靖
壬子群夷乃大舉徑寇吳越父老子弟猝驚起
惶急四走匿菰蒲葦葭中茹藻僅活稍後者輒
魚肉之而群夷日據高室大宇擊鼓吹竽啖大
肉美酒相顧咲樂以為入寇晚於是益肆志焚
掠吳越遂大亂當是時都御史王公御史趙君
潘臬某相與仰天長呼共几而謀曰嗟乎古
稱高城深池國可以守寇之所為肆志亦由城

缺備弛何准焉於是檄諸郡議築城事嘉興守
劉君亦以是請遂大計諸郡邑凡缺城者城之而
桐鄉令金君初至既奉諸公檄則下令曰城貴
高貴深貴堅貴廣不者吾不能保此父老子弟
於是甲寅秋九月始事而尹日策馬環走見
下者稍怠輒怒曰若不急力寇至若且為虜越
明年乙卯正月城成城週一千二百丈高二丈
八尺厚二丈六尺塹廣六丈深一丈五尺城門
八水四陸四門各有樓敵臺八窩舖四十二固

翼翼山峙矣而城工之費則二萬九千有奇云
尹迺登城四顧太息曰即寇至何虞哉明年丙
辰五月寇徑薄城下日夜攻城急而都御史阮
公提孤軍入援遂入城閉門拒寇寇幾二萬環
城而壘凡四十餘日最後架樓船繫大木數撞
城城堅故不可壞而父老子弟亦日夜負亂石
飛擊寇寇知城卒不可拔遂各解去於是父老
子弟焚香呼天匍匐稽首望尹之庭而泣曰吾
屬之不即魚肉者疇功哉疇功哉已又寓書于

遊燕子磯記

余讀金陵諸紀其東北蓋有燕子磯云今年丁巳家君入為南北部即余出叅閩省道金陵展謁太醫沈君潤甫來家君觴之邸中因談佳山水亟道茲磯家君曰沈君有意哉見其後馬則以明日並輿而北蓋二十里至觀音門門者列戟已出稍北道市橋又折而西登清江道院少憇院人啓漢壽亭侯祠由右扉入至水雲亭亭揭天空海濶蓋前尚書湛公筆云已前俯攬則

長江浸瀟矣又北登祠謁侯裴回漢曰此地非
此君誰當哉稍北則所謂燕子磯者在焉磯上
有亭更上又有亭揭曰俯江亭中羣賢禱計四
風惡之輒走與沈君解衣坐磯上是日西風稍
稍微矣白雲掃空萬里一碧西眺荆楚東望海
門蒼茫執把酒臨流相顧太息時有破履黃冠
者突過磯下因呼訊焉對數語稍解命坐酒之
因言大冊之桑唯人元地元天元外是者悉荆
榛邪亂也余曰三者同乎曰得人得地得地得

余祈記余惟桐鄉嘉湖之上游也桐鄉不守二
郡且爲之後何者其勢順也寇既不得于桐鄉
則勢阻勢阻則脅從者且日以解散是二郡之
不被寇者寔桐鄉爲之障也豈惟父老子弟賴
之抑予亦有言諸大夫之爲諸父老子弟謀者
至矣而父老子弟有不恃槌礪刃以守此城以
爲諸大夫憂則亦非余之所敢聞也余鄉人也
故敢以告鄉之人且以示後之守茲土者又當
有以結民之心焉是役也都御史胡公御史李

君趙君王君藩臬潘君鮑君郭君謝君陳君孫
君董君劉君凌君王君劉君李君威先後主議
而同知張君通判林君知縣萬君亦與有勞云

天何以得之曰師何以遇之曰分非分非師何
言仙乎余大恠其語曰嗟乎斯何異陸生譚執
蓋長庚與余譚未嘗不嘆息斯旨也又酒之遺
以答核投之囊長揖而去沈君曰公誤矣天下
豈有仙人哉唯齒齒蓄精逍遙林壑酒翰賦詩
闔慕嗜躑斯翩翩全樂已公見夫駕雲乘龍者
何人哉余因仰天嘆曰仙乎仙乎吾將捨女且
即文乎侍者進餐已餐各披衣起由水雲亭出
祠下稍南至河舟于操舫渡之既入洞狹峻沿

江至弘濟寺寺凡三門後益峻最後大宮面江
背山蓋即所謂觀音山云稍南有亭蓋懸江而
構下臨不測仰瞻其背則絕壁萬仞勢若倒垂
人過其下動魄驚骨斯天下之筵觀也是日秋
氣苦人復憇大宮宮峻深暑氣稍解各困則徵
簞枕于僧僧貧僅具二枕無簞堂故有席蓋待
客謁者余命侍子側屏施席沈君則展大帳卧
馬既蘇沈君求沐僧室還嘆曰貧甚貧甚詰僧
幾曰十二何業曰有田二十畝共之且稅且苦

唐調余嘆曰嚮者羨僧今乃若是已又開酌
與人告暮公等且休矣於是披衣沿洞出既登
輿問曰梅花水安在曰越此五里暮難至矣徵
其狀曰有池有亭有梅花乎曰無之余顧沈君
咲曰梅哉梅哉何取於水也既入城余留沈君
家吾邸中不可遂別去太醫名露與余髻好又
世講姻其人深沈好讀書精岐黃已又工書工
詩時以韓駕部召問疾漫遊白下

武進白公集叙

余嘗往讀抽繹千祀睹于群才未嘗不喟然太
息也昔所稱左馬李杜者無庸談已即如我

明李何徐鄭王康者流非不矯然英聲龍翔鳳
舉也迺卒流落偃蹇不諧于世以死即使後世
誦其言而欣艷之何貴哉宗子曰余讀白公所
為文詞則吟吟嗟焉夫白公者世之所謂儒人
也太保之孫中丞之子又能以其才致青雲步
紫庭周旋天下之士唯與其賢豪長者相結即

諸賢豪長者亦靡不嚮意于公公雖翱翔文史
乎顧獨喜談天下大事每及兵戎輒振纓高論
勃勃英氣逼人無不悚容而起者至晚年更
喜騎射馳騁上下志在萬里此豈可與曲士道
也使稍稍大用之則上之對揚

帝謨下之經綸世業必有雲流霞布表著耳目
者顧廼累訕累信卒汶汶悶悶以沒也斯其志
不可傷心流涕哉君子所謂才者非徒榮華其
言將以經世而表業也勳業未彰筆墨焉能空

文以自見此班生興投筆之嘆而阮藉有窮途
之哭也天乎天乎既畀之才復厄之乎公之子
祠部君與余同舉進士當是時九三謁公會公
病竟不得覲公公既卒而祠部君復與余談藝
長安邸中則日視余以公所撰述者余章章讀
已章章嘆也誠傷之矣誠傷之矣祠部君因函
帙歸余命余精焉而叙之以傳稍間輒盡發其
所為詞類精之得賦

首五言古詩

首七言古詩

首五言律詩

首五言雜律 首七言律詩 首五七言絕句
首序記贊跋頌啟共 首因言言殊矣摠之詩
不離唐五言者最乎序記漢唐之軌也啓類左
國者數矣靈雪諸賦則庶幾哉與梁園並藻也
嗟乎公之所傳于世如此哉

陸長庚母夫人敘

余往在草莽時則長庚時時共余治博士家語
顧非其好也輒太息罷去乃獨亟稱司馬子長
社少陵當是時聞其言者相與共目笑之而

獨嗟嗟異焉於是時時過長庚草堂長庚輒與
余几而談細剖深語已命侍子摘園蔬飯余或
酒余不夜不別即別復相與握手竟談塗中常
是時余負長庚更大貧至不能張燭落塗往往
錯足溝穢不恨也而太夫人張頗怪長庚暮歸

輒問曰見所從朝夕者誰子哉而殷殷亟亟焉
長庚進曰見讀天下之書見天下之士者至
衰矣乃亡逾斯人者淵停岳峙矣非見不能友
之亡何又與二三子共談藝事則太夫入又時
時出酒肴佐談長庚得以翱翔文史馳騁今昔
雖自其雄才乎要太孺人賢有教矣后長庚與
余次第應有司辟已乃次第罷歸則仰天嘆息
曰嗟乎余豪士豈困一第哉顧獨念母夫人教
我者勤也且何以慰先君子地下蓋長庚尊君

以易學名世卒乃蘿荔其身以老以故長庚之
念深焉余先長庚舉進士為郎無何以病免歸
長庚時時孤艇米訊停盃曼嘯抗志霞表

然未嘗不中夜而嘆余曰何嘆則嘆母夫人老
在堂也後數年余以叅藩過里長庚凡五觴余
館舍時島寇急人倉皇走長庚獨 嘆曰天

乎天乎即不念其家獨奈何不念吾母哉俄而
寇遁而太夫人以今年六袞矣太夫人雖蕭然
荆布乎顧長庚者天下才也用之則夔龍稷契

不用則班馬杜李辟之雲馬即乘郎雨郎結郎
霞終日而徧于宇內鈞之炳然大觀也余又聞
夫人中子約之能詩能書能畫又能精岐黃家
言余未交其人知其豪也斯何愧機雲矣后世
觀機雲者欣艷其子孰不念其親哉當時顯約
又何論也即使太夫人翟冠翠翹揚帔曳裾終
日聽絲箏而弄金玉非不嘖嘖樂也乃其子或
不足振藻清時流采千祀則浮世榮華辭之飄
風落葉倏起倏滅也太夫人宜何取焉長庚聞

余言躍然起曰即微子言吾終不能以世俗事
吾母長庚故喜為玄言與余言言終夜不罷去
誠如其言則啖桃飢芝鍊形久視長庚又有別
事其母者也余則安能知哉余則安能知哉

跋高文義公與顧氏手帖

嗟乎此文義為其兄弟丐塾師於顧氏帖也當是時公蓋侍講稱貴顯矣乃不能庇一兄弟齟從村中子弟丐糶我而公之言曰歲不有秋嗟乎即歲不有秋奈何困一貴人兄弟吾覩世人見其父兄稍稍貴顯輒棄堅刺肥千金裘馬日以意氣凌其鄉人其鄉之人即素與游者美飲食以召之猶懼不往也乃顧肯從村中子弟丐糶我無論公賢即公之兄弟不媿公矣而邑父

老至謂公是時蓋親作贊傳於村中云其歲時
伏臘而謁之家其主人輒具鷄米稻秫以歸之
公即亦受其鷄米稻秫以歸而不辭也嗟乎公為天
子之貴臣使稍稍念其我而頻謁其有司即有
司孰不怵怵共命者乃公寧丐鷄米稻秫於村
中子弟而不有司謁也斯古人所難矣是時公
蓋奉其母夫人諱以歸且一年矣而頌公兄弟
又素與之游乃不一謁公公之詩曰芙蓉秋水
隔長嘒蓋言近也近而不謁又素與之游無論

公及公之兄弟賢即顧公者可少哉

贈徐文徵授良醫序

徐子既以其醫名一國矣。迺時時被儒衣而遊于學士大夫間。即學士大夫亦無不願內交徐子者。顛徐子愈益謹。斯稱彬彬君子。哉。會有

詔九精岐黃業。不官者得內貲。為官比于藩王。邱中良醫有遂為良醫者。聽於是。徐子之蔣諷徐子。徐子迺上貲。稱良醫云。先是徐子儒者衣也。乃今遂冠其冠衣其華服。垂大帶于要。又躡履其鮮也。楚楚翼翼。顛顛儼儼。稱官者流。夫學

士大夫好徐子者見徐子輒沾沾喜拊掌曰美哉鄉也儒今也官故嘗所從徐子丐劑者則瞿然驚已怵然畏也相顧言曰嗟徐先生官矣即有病又何可從官人丐劑也乃徐子則顧時時儒其衣不官其衣非歲時伏臘展謁長老不冠不帶不華履也於是學士大夫愈益稱徐子徐子云宗子之南過里也蓋徐子冠履謁焉而學士大夫陸子徐子舒子張子子培因微言以贈徐子嗟乎徐子於余父子兄弟之間深矣往余

母夫人病，日在長安，意忡忡憂也。則治書報弟，請藥。徐子及徐子子培書來報太夫人亡恙，輒大喜。而家夫八比部公木一指十年矣。周游齊魯蜀粵之墟，輒藥輒木，則亦移書徐子徵劑焉。又余聲姪時被病，所為動徐子手足耳目者，至數也。徐子等人于書無所不讀，以精業聞里中。今老矣，白髮校邠，猶時時過閭巷，閭巷人則稱壽。泉先生云：徐子蓋從其父所授書也。業既精，又其心多長者，其所從療治，即予微賤不足

往徐子輒往即大雪雨暑寒又在半擁衾卧也
輒亦往斯徐子之行已余何以徐子哉余嘗
精意神仙之學同余好者僅得長庚陸子已又
得徐子徐子之與余談丹也蓋累夕累卮云又
大夏夜待子揮大扇至困失扇不去也徐子誠
不負斯談哉余將與子登崑崙闕扶桑着九華
之冠披赤霜之袍曳雲和之履携綠玉之杖乘
青雲而美紫霞翩翩丹內樂也若徒高冠大帶
華服鮮唇馬則何贈哉則何贈哉

墀石劉夫像贊

并序

夫劉夫者豈不彬彬君子哉既洽六經矣
又多所博觀百家者言矢之文詞秦漢韓
柳者類也乃其人又仁蹈義履敦禮而哲
其視人善若渴覲之漿而飢覲之饋也蓋
與家大人比部公四十年游矣余之孩也
夫置之膝矣焉輒嘆曰是見勃勃英氣稍
長觀余詞則又以國工顧余時時為人誦
說宗生宗生云后余幸遭時厠下大夫之

列廼夫猶儼然岩樓也今覩夫之像蓋翻
翻儒而隱者嗟乎天下國家不可以無才
也有才如夫廼顧使之儒而隱哉於是宗
之養以俟肖形而至者需焉

於維先生翼翼容玉立山停肅肅厥心目白
天青孰不有文維公則經孰不有行維公則醇
胡然而服薜荔其衣鳳伏鷗舞知我者希匪窮
則威匪達則嬉或盛之眉蒼生之思慎哉維言
維章談彼有善睢臣恐弗揚培之舍之惟恐

弗臧弗藏弗揚厥心旁皇手何以恭拯溺扶危
足之躡之中矩中規誰謂蜀險維公平之誰謂
漢廣維公濟之大壑厥詞如圭如璋我儀而之
為龍為光舍則鴻舉用則雲翔胡不凌煙系之

草堂

贈金君序

余嘗往來齊魯燕薊之墟及眺舊疆歷阡陌采
故老事實則靡眉黃髮矯矯者接疇而語也然
其人率皆戴笠負耜飯牛牧豕舉綱拾薪者流
至貧苦矣而世之人有乘堅策肥據高宇大廈
徵絲竹挾妓樂出則放鷹逐犬為樂者廼不得
永年稱老也此其故何哉余聞盈虛消息維天
之經損益盛衰維人之紀貧苦而長年者補其
所不足者也富逸而不長其年者奪其所有餘

者也故夫不貧而長年者罕矣即不貧矣長年
矣乃其子或不肖放蕩佚肆以廢墜其家聲鄉
之人日指其人而竊罵之即使富而長年未嘗
不咄咄悲也何樂焉故夫不貧而長年而又有
子者尤罕矣乃今睹於里閭所稱金公者則何
說焉公年且七十矣余誠未見其人而獨見其
弟靜菴公靜菴公蓋苦志篤學者云竟得貢遊
太學具章服歸稍稍貴矣迺愈益畏謹足盤盥
如退里人稱長者必曰金先生金先生云而長

老具言長公之與次公不殊也余再展謁桑梓
邑父老長者咸杖屨而辱之而公竟不余覲豈
真靜菴其人哉公不甚富顧倉庾實矣公之子
某某耕商雜作益用不匱子姪如子良者以儒
起家歲時伏臘具卮酒上壽而公亦得以抱孫
而嬉者實有子也或曰貧富壽夭子之賢不肖
天矣乃生財之道立命之學義方之訓又何聖
人亶亶談之而著之經也曰嗟乎此又盡人而
聽之天者也金公者安知其不盡人哉假使公

不長者而又不勤不儉不教其子即不貧而長
年何述焉王子之於余至戚也而與公之子某
媾姻事因微言以祝公夫即使齊魯燕薊之墟
有如公者余猶函稱道之也矧吾邑矧又在吾
戚於是為之言以貽王子而因以贈公亦使親
之者務盡人以聽天而毋徒欣艷于公之盛焉

贈陶先生之封川令叙

余讀漢書所稱循吏傳至勤天子璽書讚誦錫
采章庸當是時天下之人靡不惺然驚已洒然
喜也此其人必有英風殊畧表著耳目之外者
何至所狀卓魯諸臣汶汶闕闕哉曰嗟乎余於
是知古道之所以興隆也世曆彌隆學士大夫
不譚隆古一結綬臨民則壹志刑名期會而緩
廢民圖其下則更武遇其民日魚肉之即家咨
人吁餒殍不給迺其橐金靡不巍然隆高也斯

何稱吏治哉采峰先生視興庠三年矣今年夏
擢為封川令以去余讀粵紀其邑蓋多稱徭患
云徭故盤錯嶺巖時負戈書游大掠邑人吏俱
不敢置問家人往視其郡未嘗不深意動容
焉而先生又為余具言茲地去家廬闕梁蒸逼
也羣徭往往伏弩道左俟有過舩輒格磔之即
尊官貴人擁旄行亦必提精銳持干矛操數十
艇周環四顧廼敢問渡不爾者危也則封川之
難先生蓋已孰計之余聞徭之為害粵中歲祀

綿邈矣總戎貴臣時督大兵糜百萬進勦稍輯
復叛何問一令我惟令施德宣惠撫我元元俾
內治敦龐協于至理則尺挺可撻外侮何惧焉
我

明御世久遠寰宇恬熙頃者島夷肆殘大寇吳
越已又寇揚揚人久不覩兵猝言寇至輒大呼
惶急走如覲神鬼魍魎也乃徭固封川所習者
封川即難不甚于興矣先生負異才又其性明
闇朗曾在興三載大著作人功當塗者咸辟然

嗟異下檄褒焉且又目攝興政也先生行矣則
余所謂天子璽書讚誦而人亦靡不瞿然驚洒
然喜者其在斯行乎其在斯行乎先生之僚瑞
峰黃君東岩趙君偕其門人弟子祖道南疇燈
燧盈酒因徵別言余則亟談封川戎事者蓋時
乎蓋時乎

贈解公借其夫人六袞叙

家大人比部公東髮就學時則已從恕菴公游矣後四十年而公輒時時與余道家大人東髮時從公游狀也公之子應堅子蓋後家大人授詩云余是時齒卑矣及長則家大人日召應堅朝夕草堂與余談藝畫蓋通家兩世矣方公從家大人游時勃勃英氣又綴文甚精以為必第也顧乃屢舉屢不第則仰天長吁曰丈夫豈必一第哉而今人汶汶悶悶白首沾畢乎且古今

豪杰其長嘯譁蘿高樓若石者豈少也遂怒謝
之去而雅閉門教應堅以經世之業於是應堅
綜輯千古采其英華敷藻抽文蔚然霞麗乃又
屢舉屢不第也則公愈益自信曰天下豈有如
吾兒文者乃不第哉而余之兩謁桑梓也輒謁
公公又以應堅所為文詞觀余余未嘗不握牘
而嘆蓋嘆才也已又命諸孫出謁余固森然王
立矣公則起語某夫人此所來謁者兒翁好也
其亨茗市醕以勞之既出與語輒又談家大人

束髮時後游狀也公既隱居寡營不逐逐家人
生產乃應堅又失厥配撫其諸孫而育之室中
又內外祭祀賓客危區酒漿咸井井綸綸儼儼
肅肅四十年間無一簡缺者夫孰非夫人力也
公與夫人雖六十乎顧健善飯又應堅負金馬
才稍用之雲蒸龍變炳然宇宙其所錫公及夫
人德者何問哉而公之仲子應者精岐黃家
業舉壬子應儒子者公之姪也公樂之猶子焉
乃諸孫又亭亭昂昂起矣豈不稱吉祥盛事哉

往歲余謝病歸湖上也公命應堅携筇有孟酒
而訊之又貽之詩諷其旨蓋以古人所稱韓蘇
李杜者期余也余心知其非常顧至感矣今睹
公之盛則安能無言以報公會應堅之友陸子
潘子來徵所以祝公者余於是彊文焉然視公
之所期我者則遠矣

送梓河顧子之洛陽序

顧子昔遊黌序時與今學士李公稱並璧也余當是時僅髫髻後群少治博士家語顧子一覩余語輒投牘嘆曰是夫者即髻吾將友焉於是時時持牘以游於顧子顧子時覩時漢也有司辟茂才顧子與余常次第往已乃次第罷歸則携余登江門燕子磯俯長江太息曰嗟乎即余不售則諸先公何賴焉蓋顧子之先有惟學公者嘗從高皇帝北伐大將軍達特奇之已乃稱

病免歸 帝念其勞詔賜湯沐四十戶而惟賢
公者為眉縣令天龍之變戰死 帝悼而帛祭
之其餘勲名文學被儒服者代有稱聞也余因
辭之曰即君之才豈下諸先公哉而奚謝焉後
學士公與余相繼登朝乃顧子猶儼然違款心
竊悲之歲乙卯夏顧子遺書報余盛稱其志意
君當問長安酒樓待我九月既望南鄉書至是
夜從諸省郎齋居省中也啓帙觀顧子則頓足
起幾不自持諸省郎詰其狀靡不嗟嘆異焉余

於是為賦武陵之歌武陵者顧子別業也顧子
既至則把袂交惟傳危浮白窮日夜不休因戲
曰尚憶俯江之談乎乃顧子又能春官不舉則
喟然太息曰嗟乎豈余困未甚哉余且歸武陵
枕蘿石卧松雲而嬉焉以待天下之事如何余
曰否否志士不違時以立功哲人恒因機以表
業當是時而得一郡邑博日與二三子佔畢其
間則藝精不勞也不然蘿松之奪章服易矣勿
歸便李公亦以是日夜諷顧子顧子遂出乃得

河南之洛陽洛陽者天下之中而古今豪俊之所總萃也昔賈生負異才當文帝至聖海內又安而上疏言天下事至痛哭流涕絳灌之徒日目攝之遂謫長沙然世之論才者不益絳灌益生也君其為我過賈生之里而弔焉古今人何相遠哉即洛之二三子其亦無類買者乎顧子曰吾聞士不養則不敬吾將請於當塗祈其一二疇畝以助士之續學而奪於貧者其更貧而不能行經師脩則群之學宮而日迪之庶幾哉

其有賈生之才乎。余因太息曰：嗟乎！信斯言也。則豈洛士賴之而顧子業日益精，綴其餘以拾上第為國家作人稱天下師，謂不自洛陽始乎？即諸先生德業孰多焉？於是顧子起席辭曰：某也不佞，敢不夙夜以無忝吾子之嘉命。

縉雲令王易山公墓誌銘

嘉靖庚戌夏六月易山王先生卒於家以癸丑
冬十二月葬易山之麓其子方子德氏再拜
泣請銘于宗子宗子太息曰嗟嗟悲乎子忍銘
先生哉先生姓王氏莖字蔭民幼讀書易山中
遂稱易山人云王故籍孟水至仲銘者始抵興
遂為與人仲銘生槐軒樂易為槐軒子先生大
父也世世習隱樂易子是為繼顯公公出不喜
隱乃喜儒遂以其學貢太學晚年又更喜隱也

遂上其事得

詔畀即秩云生四子次即先生先生生稍長儀
采王立偉然丈夫心獨喜自負顧其性又喜讀
書即書易讀先生更苦讀即大寒暑亡間也當
是時繼顯公遊學江南先生從之南乃遂從閩
張中丞游盡得中丞文讀之固彬彬乎稱鴻儒
矣繼顯公尋逝先生既除則以賞北游太學歲
在戊子先捷一日則命具甕醪筮丞以待勞捷
者夜起候捷捷不米家人目笑之且竊言曰限

承亡為也先生聞之怒自念曰豈文難憑哉且
捷來則分醪剖承人勞之人人喜召家人前曰
女謂醪承亡為正恨少耳先生益喜自負以為
上春官必第也乃不第罷歸明年又上春官又
不第先是太夫人溫諭先主曰女第大喜即不
第即毋歸吾猶恨女先人不行其志以逝吾且
老復不見女躍馬垂纓也何情哉先生既不第
則謁選拜令承城承城在北郡中最褊鄙又其
俗慄悍猾賊稍逆其心則慷慨負氣羅織虛詭

輒走監司御史交疏相中害又逼及素因疾者
輒至數百人事既虛詭又人人異詞即監司御
史亦不能以其威時月平決其事於是柳之無
籍子借役監司御史使下縣督人見令長揖令
令又畏監司御史威亦答揖而禮遣之令既畏
不敢抗下至里胥亦無不人人畏輒奉金祈免
也先生途聞其狀已久之及下車揖僚上坐而
無籍子借役監司御史使者揚履道直上北
鄉長揖先生心知其人也坐受之問曰何人哉

則盛氣言曰我監司御史使也故事令不坐受
揖令坐受揖何為令者於是先生怒推席起命
左右共手縛之廢其衣笞擊數十更詰得真類
三四十人即具列狀報監司御史監司御史輒
驚曰有是哉即檄令按治即又嘆令多才也以
是邑之慄悍猾賊者靡不畏怵於先生而蔣淵
者不受令約束既十年至是匍匐膝行垂泣自
請棄於胡貂之地先生大義淵釋淵竟不叛
邑故豪者田千萬不給租貧無田顧又給租於

是先生履畝量畦鈞其租於諸所受田者當是時邑有貴人勢最盛及其豪舉夏受又藉貴人受田千萬不入租與貴人均也乃先生持愈益急貴人受遂出其田千萬租顧目側心嫉之矣故事持節取道水者類苦稟徒數日坐今日策馬倉皇走道上不能具稟整徒取道者率大怒而去先生至則豫勒稟徒候取道者至輒上之取道者輒嘆先生才而曰王尹王尹云末故陋黨文科錄未覩末士也先生則嘆曰末士非士

執遂時進諸士於庭而文策之展采楮以勸其
能文者於是士蒸蒸然競死摛藻稱文儒明年
丁酉遂舉二子當是時高寵起寇北地逼永永
震先生則下令築堡飭儲整予礪戈身督戎事
七何寵禽人言即寵未禽抑何怵也由是當塗
者輒又嘆先生才以永不可留先生也遂以內
闈得調縉雲先是夏受惧先生繩以法乃構先
生於中丞府中丞知先生才即笞受即又檄先
生理受先生乃不理受乃展儀采坐受馬上而

迎之家而以義民額其門受愈益倉皇日夜對
妻子泣則識者夙其再構因而再構於中丞府
中中丞子方索金于先生乃先生固不與金而
受則又予中丞子金以報中丞乃中丞遂欲其
心於先生既聞縉雲命則亦有釋去先生者先
生仰天長嘆曰嗟乎嗟乎士君子用世絕奸乃
反為奸所繩即縉雲亦永也欲行其志何待執
遂挂冠歸閉門謝賓客卜築平湖之上植桑謂
豐灌芑分竹時孤舟往來于蒹葭楊柳間洋洋

洒洒自樂也先生負雄才慷慨大度不屑鑽末
即家食構第闢宇開畦培畛既已赫赫宏遠矣
乃其性又喜施予濟人之困徃年夜獲盜燭之
知其閭子也憐而縱之即咫尺之義亦可見其
大者云先生故無病偶庚戌病病亡何遂卒年
僅五十有七卒之日鄉父老靡不蘇蘇墮涕曰
王君才乃死哉按狀先生配魏氏魏蘄州女側
室三為蕭為樂為羅生五男子曰維教子方氏
績業培緒偉然稱能次曰維化子德氏績學搞

詞負時望次曰維法維言維則咸服農商稱良
子也女二長適張邑博子宿次聘蕭國子子一
躍孫男四應元應魁應時善讀祖書後可大成
應文孫女五長聘劉不私次聘龐時餘尚幼銘
曰 維山則龍 維立則崇 胡備而才 胡
壽而功 吁嗟乎王公

宗子相集文部卷之三

門人

趙秉忠
王同謙
陳學詩

鄭應隆
蕭時中
黃其澤

謝廷璠
王葵

同校刊

明甌寧縣令胡公德政碑

增城胡公在

孝廟時知甌寧九九年既去六十年而公之孫
督學君行部至則甌之父老垂白而杖者數百
人逆之于郊嘆曰此我胡令公之子之子也已
乃跪而持督學君衣泣曰老人自兒時事令公

今六十年矣而令公之變之著於諸老人猶一日也今得見公猶見令公焉於是督學君亦泣而邑之學士大夫因上書請專祠祀公督學君起辭曰諸大夫其毋以予故而私予先人諸大夫遂狀其事曰謹按禮九有功烈於民者則祀之古之道也公之廉之明之勤之惠姑不論論其大者即其革焚屍而示之孝禁溺子而示之慈法淫者而示之儉察田屍而示之法舉釋奠而示之禮則何者非功哉今甌之民雍雍而綸

綸斤斤而井井以惠于家而不墜其身者是誰
之遺也即不祠何以解諸父老悲思敢固以請
以附於古者有功而祀之義督學君嘆曰諸大
夫既以先君子為無罪於百姓敢不從大夫之
請以慰諸父老之心於是以其月某日附公於
名宦祠秩祀如故事而因命余采其實以詔來
者余則安能知公顧獨觀於公而有感於古今
治道人心之幾也夫天下之治繫民民繫令所
從來長遠矣余讀漢書循吏傳所稱述咸守與

令而卓魯諸君最著跡其政蓋若慈母之於赤
子寒而絮餒而哺蹶而持痛而撫非夫文章之
飭而禮樂之華也然當時為之君者至下墮書
勞苦錫之章服即萬世之下亦莫不握牘而嗟
何故哉則其政之感人心深也夫感而至於心
斯古今一美今公去甌六十年而父老悲思而
祀之則安知萬世之下不以卓魯並公哉故曰
吾觀於公而知古今治道人心之幾也夫公既
以政而繫甌之父老之思督學君又以教而率

之

於善事有令德照于八閩炳炳

如日也斯又漢臣所缺者督學君則又具言公
之持身肅也其儼而居家人莫敢闕焉遇鄉之
子弟輒教之而公之門人由公之教以儒起家
者如林矣嗟夫然則公之可紀獨政哉獨政哉
公名璋字資禮鄉進士督學君名庭蘭字伯賢
則與余同舉庚戌進士

西門記

戊午四月既望余至自汀是時都御史阮公被
逮北去烏寇直犯閩安省中人惶急走而諸大
夫日議守城事遂以余守西門城凡七門而西
門者平原橫塘南臺之所取道也先是有司悉
部勒諸父老子弟守陴余登陴則悉罷諸所貧
者疾者孤而懦者留其壯與之約曰晝則家夜
則陴擊柝鳴銃而懸火陴外不知約者以軍法
從事會明日報寇將至六門咸閉矣而城外人

數十萬大呼祈入余遂日闢西門入之晨起輒
坐城上列健兒數十于門人詰而入而牛馬鷄
豕群薄吾坐不問也客有言闢門誠善獨柰
何不虞奸人哉余曰客休矣余辨此矣即有奸
人者吾任之於是為檄召城外百里所蓄薪穀
悉徙之城中不徙者吾縱亂兵焚之而壯夫有
不肩薪穀而入吾門者不得入於是城外薪穀
日以萬石塞門矣城外人食城中者不下十萬
城守九三而斗米不增一錢蓋以多故而

議者謂城外民廬逼城者恐賊至焚之以攻吾
門於是凡有廬而近者輒命焚之烟裊裊四起
廬者還泣不止也余則止西門之外之廬不焚
下檄曰寇至五十里爾其自焚吾不忍為爾焚
也其有樹于城側者議者恐寇至登樹闕我於
是下伐木之令護戎者持斧環城伐之至西門
余偕護戎出視棗百株梨百株垂垂實矣護戎
請斧余止之曰毋伐即寇至何能登此柔幹哉
凡城不屋其上而闔城則屋蓋其城故於沙不

屋則雨浸善壞而議者謂城而屋不便擊寇也
於是每楹輒毀其一路寇至則立之屋上擊寇
余咲曰兵不能雄之行間而能雄之屋上哉且
一雨而千楹何恃也遂止不毀而外郡以援兵
至凡二千人咸余所部兵也余令護戎日督之
野習射夜則分屯之堞間五人一爨十人一人
下堞取薪不取薪而下堞者以軍法論以是兵
戰不擾而邵武部兵之出守西夾江也至則感
病卧村墟中余命楊生急馳而人劑之遂起是

時寇已陷福清福清人携孥息至者日以千計而鎮東之於福清近也寇既去復攻鎮東鎮東人善守以故不可拔別分一寇寇興繼援會當事者提兵至遂解興之圍而寇之寇泉也巡臺被戎督守遂解去徃徃出游兵伏擊有所俘獲以歸當是時興泉之寇已南而鎮東者尚屯海上意揚揚甚也會督府馳至則檄兵數千連數十大艖要擊之寇輕我輒駕大艖逆我而我兵奮怒擊斃亂發乘風大呼寇艖反出其下遂大

肆擒獲餘者沉之海中捷至悉罷諸所守降之
率與外兵入援者余亦解榻還署而父老群然
別余泪下霑衣焉時五月二十三日也余懼往
事放失無以詔來遂書而存之

七月西征記

戊午五月海寇既平於是悉罷諸所入戍者先是粵兵三千以丁巳十月徵至戍省中督府至亟下米金牛酒勞之已而寇至檄其往不往也匿之民間而督府既已檄閩兵勦賊歸矣於是粵兵慙會其酋長以千金為其二子取婦欲去遂日夜請之督府督府業已厭之因請上罷去而檄余督之西時七月六日也故事客兵餉金咸頒之酋長酋長輒匿其半而半給之以故任

其掠不問余於是召其酋長恐之庭誠之曰而
提三千人食我四萬未聞其逐一賊也若後匿
群酋金任其掠者吾且縛而千金婦致之闕下
於是酋長大懼出則嚴戢其群毋掠余至延平
聞其不掠也輒又厚遺其酋長牛酒是時汀守
徐君使使來問粵兵狀余報以尺牘其詞曰歸
自建安則有護軍之檄矣其人咸虎而戰日夜
繩之董不掠塗然亦其塗之人徙其鷄犬孺
而內之他所故免足下幸傳檄塗居者毋縱

犬不收母不能一時去其孳孺以為護軍使者
憂也再二日至將樂群酋之至也咸舟至將樂
則陸是時秋炎群酋畏炎不日馳而夜馳余與
之共馳輿不鷄鳴不停也蓋十日而至石牛石
牛去汀百里其地故有塾云塾師聞群酋至輒
匿之山中而獨留其學子而髻者守笥酋曉其
笥不知其書笥也持刃劈之見其為書則又碎
其書於是學子頓足而泣亡何酋又網其池魚
學子者業不知畏酋也既已忿已又闕其網魚

輒大呼曰客兵作賊因裂其網投之於是酋大怒即手縛之而訴之酋長曰是子竊吾刀也酋長信之既已縛之一夕明日驛史入言杖拿怒命從事往讓酋長酋長懼而詰人安在則已繫而去之三十里矣於是追釋之又二日至汀徐君又大勞其酋長及群酋以去自省抵汀蓋千里而二旬始至其所經雖少焚劫然鷄鴨魚蟹門屏廬灶蕭然笑出瑞金遂益大掠而余間從突中問父老父老輒為余泣曰吾民之苦各兵

甚於盜也夫當事者走千里召外兵擊賊豈不
至急民哉及其至乃不肯發一矢徒櫻金而歸
也歲費帑金數萬卽道塗牛酒又半之矣卒乃
使其民憂嗟怨嘆若覩賊焉嗟乎後之談客兵
者慎念哉

九月西征記

余以八月二十八日出關則泰寧報粵賊急余
即下檄邵延各郡邑兵夾勦而身與數騎星馳
而西至延則賊已殺泰寧簿又擄其衛使楊余
曰事迫矣於是檄歸化兵截其西邵武兵防其
北將樂兵阻其東而謝倅時視事永安則檄謝
督兵截其南馳至將樂會顏使君顏使君留將
樂防賊之東而余督數百騎徑趨歸化至白蓮
驛則賊已遁紫雲臺矣臺去白蓮六十里歸化

乘安沙縣各百里而歸化又賊入江歸粵之要
塗也余以是夜馳至檄其邑兵五百粵兵二百
付李丞蘇簿及豐從事馳之紫雲真急不及餐
而余取邑父老米三十石令健兒數十有隨之
賊是時已據紫雲數日延平衛使劉周率其衆
與賊戰賊佯敗衆逐之賊伏起環戰遂殺我兵
數十人已乃聞歸化兵至輒驚走先是賊過歸
化歸化人善弩輒射殺數人賊遂遁至語人曰
吾遇延平兵卧而戰過永安兵坐而戰過歸化

兵立而戰蓋懼之也賊既遁而歸化兵追之遂
逼永安永安在萬山中而積穀寮人最悍於是
謝倅檄積穀寮兵三百出戰擒數十賊獲大旗
追至百里不及而歸而賊遂夜從上杭歸粵會
上杭兵又追擒之謝倅馳報余於是勒四所遣
歸化兵罷豐從事還郡明日遂發歸化至白蓮
其丞廣陵人也老而被創覲余流涕余詰其狀
則曰賊從泰寧來乃徑至驛云其誠而登堂而
朱衣者蓋少年美丈夫也是時驛中人惶急走

而丞負廩金匿之暗室中少年問丞安在於是
群賊四索曳出之欲鞭之而少年止之曰丞老
矣速取金來宥女於是驅而之賊中少年獨坐
上坐見丞噤輒以手扶之起曰此官人也遂呼
之官人與之坐而列所掠諸婦于旁諸婦而抱
兒者輒自乳其兒其兒啼少年輒啖之果代抱
之而諸婦如對其寧人不懼也少年謾言曰公
以我為賊乎我非賊聊與二三兄弟訪故舊此
中不免取牛酒為諸父老費而何當事者以我

為賊而勒官兵捕我也公不聞秦寧簿與衛使
之事乎即口不畏兵然時時遣其從外瞭聞兵
至輒錯愕耳語起矣余曰安奚策而歸曰賊既
已解去腰間鏢金而丞之子復以卜金覬進遂
釋丞然初索之暗中時已被三創矣而諸婦之
家亦各進金放去余因大息曰嗟乎世言賊難
圖者豈不惑哉大丞卑官耳而畏不敢縛止利
其數金此其志甚雄桀可知矣且賊號千人實
不滿二百又多老穉其間方初入寇時使有司

者僅得中智之士率健兒善射者數百人扼其
要而伏以待之可一鼓而擒也乃張簿以輕進
斃楊帥以貪功縛劉周以失險潰此何說哉此
何說哉余又聞賊之初至泰寧也泰寧故無賊
而簿遂率諸健兒出戰簿亦衣健兒衣賊不知
其簿也已殺始知其簿遂駭而走而楊善之逐
賊也會有部兵獲一賊級善奪之兵噪而散而
賊遂禽善以去然則楊之罪甚矣甚矣世人觀
賊殺簿禽使以為桀不可禦是豈賊桀共余還

將樂與頹使君大恠之而因米揔其事以見賊
不足慮而當慮所以禦賊者嗟乎是亦余之罪
也夫

遊滴水巖記

余讀汀記歸化東北五里蓋有滴水巖云往徐君日與余談茲巖大奇也戊午九月余督兵西征馳之歸化而揭君謁余曰君將出師紫雲乎則請於滴水駐餐焉於是明日以數騎東行踰嶺稍折而北已又折而東九三折至巖巖壁陡絕外墜逕而上揭君遲之逕既有字故名迎仙余曰遲仙不愈迎仙哉堂後有亭亭題余惟其腐語而因與揭君解於其中遂易之曰振衣

已乃聞垂垂而雨則滴水巖在焉其水有三一出垂石如蓮者二從石隙中下盛之石盃揭君曰巖人咸飲此於是嘗之其已烹為茶充其足曰蓋天漿乎蓋天漿乎其石乃蜿蜒而曲若龍足戲雲中而則隱則見者余恠焉稍前斗石下垂類蓮而華者因名之垂蓮水石亦蓮不名者從水也又俯而睇其右偶僧在焉其爐烟陰陰上也余曰何僧揭君曰此記所稱賴僧者也其既化而坐數日矣乃巖人始知之則大異之而因

繪其軀以祀之此昭其軀也旱而禱輒雨身之
而禱更大雨則嘆曰有道哉有道哉夫人者宜
顯者也佛者宜幽者也今暴其身於明白匹達
之區而使豎商牧子拊其面目而嬉焉即僮而
靈罔殷發怒也於是命藏諸幽者幽之者神之
也洞戶三門其中而豎者類柱遂名之曰天柱
而柱有三則又名之曰中天柱左天柱右天柱
云右天柱有石類獅而門者其上更有石如斗
外懸中繫甚微若蒂焉故名蜂窩又眺而左有

二門左者逕右者乃橋斷石橫其上而又虛其上如電馬遂名之電梁電梁之左而上巖巖若珠又若垂楊之裊裊條條而冰者仰睇其石片石突而下久之嘆曰此墮猿也其左右五色為祥雲雲之下為虛明二洞簪擊輒應虛谷對鳴也又一洞挾險旁曰天鼓簪擊之彭彭鼓聲焉余訝之又有冷然磬而幽者余曰此何聲也揭君曰所謂石磬者也在右洞洞又有床火乃入不火不入者床而擊磬若履禪室焉余益駭

而揭君已命余觴乃令侍子左鼓右磬颯然天
籟滿山也有巨石整而偉依余右睨之不得其
名久之曰冕哉遂呼為冕石冕石者即磬而康
者洞門也其洞最邃名曰鴻濛又起而環視鯉
石鷹石龜石螯石翔躍肘腋矣神奇哉神奇哉
變化總萃幻鱗綿錯煌煌磷磷潭潭亭亭則駭
名之曰小崆峒云余於是仰而嘆曰嗟乎余恨
不與徐君同游哉揭君曰何徐君思也曰余往
歲與徐君蓋游華陽洞云洞自陶隱居來赫赫

盛矣乃宋帝又丹書之其洞故不可入即入無
竒也使隱居而觀此宜何以稱焉且茲巖之竒
天竒之也既竒之矣乃置諸荒山僻壤亂莽野
草中不以竒稱也世之以片石假山稱竒耳目
者何限嗟乎巖嗟乎巖余又安知其解乎焉君
曰華陽顯以陶故安知茲巖不自今華陽並名
於於是罷酒徐君各巾行汀守與余友善先余
三日游遺余書揭君名鴻則與余同蔗畿中者

登平遠臺記

平遠臺在省城中東南閩志三山此即所謂鰲
峰山也山故竒在城中尤竒宗子八閩十朔未
登也蓋以戎故而客有好宗子者乃召宗子登
焉九幾折始上又折而東登鰲石亭天風高揚
萬象蕭瑟宗子於是仰而思已俯而嘆也客曰
大夫何嘆宗子曰嗟客乎嗟客乎客聞其說奈
恐客之投觴于地而莫余飲也夫閩者豈非記
所稱東南巨麗哉家纓弁人詩禮農嬉于疇而

商歌于塗也當是時而登厭臺焉高山大川遊
雲芳草罔弗觸吾目也則罔弗快吾心也今何
時也吾見茲臺三駐軍矣客亦東眺大海乎樓
船組練隱隱起也南睇於江故里嬾日濯錦纒
絮其中者今健兒飲馬矣西瞻烏石蓋有鐵甲
礪刃鼓笳鏡吹之聲焉北闕問并則父老子弟
被戎執戈者怨讟盈道也且千里之內亡者未
塹瘡者未起流者未歸繫者未釋吾念之吾不
知汗之滢滢至于踵也昔何以驩今何以悲昔

何以靖今何以據斯其故難言哉難言哉夫君
子之謀人國也上憂主憂而下憂民憂者也今
帝心常在萬里而民瘼克克之在吾前也方請
纓枕戈不暇餐沐矣客乃欲吾觀高山大川游
雲芳草而嬉乎此吾所為嘆也昔元臣據閩之
險以抗我旅 皇祖乃命樓船將軍從大海徑
搗其穴空之 帝謨殫赫日月同炳也乃今策
事之臣顧不能設一奇制敵而使醜夷往往截
海關我此視 皇祖諸臣何如哉吾嘆之實懼

之也客於是起辭曰吾不能辭大夫之嘆而大
夫又安能飲吾之酒請大夫為客記之以示後
之登斯臺者毋徒嬉此高山大川游雲芳草而
忘厥民憂也宗子於是衆客之言以為之記

二曾夜談記

督儲曾君以戊午十二月二十三日至延平分
巡顏君與余夜觴之而余因問君曰君自天津
禾則聞諸相君談南事哉君曰諸相君言不聞
其他則聞厭客兵云余曰天津故稱北兵者亦
畏兵乎君曰何畏顧其心驩甚矣蓋有鬻其婦
而南者人曰婦而鬻歸安取婦則曰去鬻一婦
耳歸尚獲二婦柰何不鬻哉余曰唐太史奉命
視江南戎事也何談君曰蓋嘗揖太史西湖之

上矣則言言客兵不宜調宜罷也會有客兵過
江西之洪路白日櫻市市人逐之遂殺市人
數十人而有司懼亂至不敢問則太史之不予
客兵也有見哉有見哉君既去而余因與顏君
累嘆蓋是時閩已往檄湖兵四千故云而侍御
曾君奉其尊公諱歸泉也道出延余與顏君謁
慰而君衰麻悲戚問之他事不談獨談兵事至
揮涕而問曰湖兵至未吾懼閩人之被禍深也
余曰何曰余之至玉山也蓋遇粵兵云粵兵屯

玉山者六日家掠戶殘會有嫁其女於人者其夕將遣而粵兵聞其有女而遣也則持刀闖門昇其女以去及他闕有少婦輒昇之而又囑之曰塗遇為誰則曰兵所携來粵婦也有敢言狀者殺而興中人嬰嬰泣覓之人聞而悲之不敢問也而玉山簿流涕言曰兵再一日屯此吾將逸矣而闕之塗中血盈盈滿路其戎戎若絲而黑者蓋人髮也而鷄豕牛馬皮毛被道矣余與顏君因太息曰天乎天乎何蒼生多難至此乎

是日建寧舒君遺余書慮所以防客兵者余為
書以報其詞曰曾侍御至具言粵兵狀可為隕
涕來諭更詳仁人君子之用情殷矣嘗謂客兵
之禍甚於盜寇何者寇之害猶有方也客兵者
無不及之矣寇之至也人猶得持械逐之客兵
者殺人而人不敢怒而訴也即有訴者反益之
禍矣今之論者輒云客兵客兵而不知數千里
聞父哭其子夫哭其妻母哭其女主哭其僕者
耳不忍聞也血塗野草四體毀殘鷄犬牛馬戶

痛門屏俄然一空者目不忍見也然有聞言客
兵之禍則反勃勃怒其言者斯何心哉斯何心
哉今已無可柰何則其策莫急於清野矣近者
檄其城中預稅一廬稍遠者檄其三十里之外
預稅一廬客兵訊至則徙其妻孥老穉而避之
庶幾其可免乎不然持刃大呼若群虎而翼即
號令何施也區區之愚敢再拜以獻既緘書以
授使者而因米綴所聞作二曾夜談記以俟後
之談客兵者觀焉時己未正月十四日也督儲

君名干拱號文泉泰和人侍御君名承芳號龍
山泉州人分巡君名嘉會號衡厓長沙人建寧
君名春芳號健菴鄰陽人

明封承德郎刑部山東司主事東舉徐公

墓志銘

嘉靖戊午十月二十日長興東舉徐公卒於家
先是八月汀州君時為余言心怔怔怦怦動也
面炎炎赤乃其夜又夢公騎而西馳已又雪滿
塗也徵何哉余恠之亡何汀州君北覲既逾月
貽余書曰先君遂棄不肖鄉者之夢蓋徵乎蓋
徵乎敢乞不朽於足下已俞氏狀來余持牘為
泣曰嗟乎不一覲公而銘公哉公名東字敬之

其先鳳陽人洪武初詔徙淮西豪杰江南而進
五公者遂長興家焉至亨六公九四世俱微不
著及農隱公始以高義聞里中農隱者亨六公
子也里人有負租售畝而易其金簪珥歸者醉
遺之塗農隱公夜獲之則俟其人旦來委之而
走其人倉卒起謝公不及公乃仰天嘆曰厚德
厚德農隱公故貧已又生五子愈益貧而東舉
公在五子中最少又盡讓其兄產而獨以其身
依姑錢氏居間則盡發錢氏書讀又喜為文訓

蔚然駿茂矣而里父許有女二十未嫁間從錢氏觀公嘆公才遂以女妻公公是時年三十矣客有風公應有司辟公咲曰吾已稱入父顧柰何執簡躡從群豎游乎於是構草堂茗水之東自稱東壘隱者然時時下帷授諸生經諸生執經候門者屨常滿矣居頃之許夫人蓋夢日墮懷中也於是汀州君生公大意僅髻則走會省盡購六經百子秦漢以下書歸草堂命汀州君讀又時時為誦說賢豪高士孝廉異行者流

輒嘆曰嗟乎吾乃不得與斯人同游哉至有不
快其人者則怒髮隱隱上指冠投書起矣汀州
君才又公成其才以故卓犖博偉尤敦高節云
汀州君既舉進士居長安則為書請公及許夫
人來長安公謝不往汀州君日夜念公既已補
司寇尚書郎乃上書曰臣中行頓首頓首死罪
死罪臣有父東在江南年七十有六不得視臣
郎中臣又為 陛下守囹圄不得歸省父
陛下如以臣為亡辜則請徙臣留曹冀得只尺

家廬慰臣區區書入不報公聞之怒曰而翁尚
健善飯柰何以家語溷 上甲寅汀州君上功
考功 上封公視其子是時汀州君會有使淮
之役於是製冠袍帶烏珮鞅各一具貯以華笥
誠蒼頭負之先趨既至淮則又身自負 制勅
而並馳之君上邑令以下郊迎謁公公於是出
笥中冠袍帶烏珮鞅服之北鄉稽首已揖令入
盡召邑之賢豪長者與飲而令以下咸起為公
壽公驩既已謝客還內召汀州君前勞之曰女

衣錦矣乃老人亦復被此主恩哉鄉者讀女
疏不益我顧令我憂稍洗沐休矣趣入侍上
已顧許夫人取吾褐衣來即又褐衣而行游市
中市中人喧言徐封君至已窺其衣褐也則竊
嘆曰徐公不錦而褐哉汀州君既還朝明年丙
辰上又勅郎中中行充江南恤刑使者公聞
之則移書誡汀州君毋歸而汀州君業已取間
道急還謁公公訝曰女歸耶夫使者奉簡書而
南而諸所纍纍械繫者日夜望使者至且吳越

相去不百里而女獨奈何不念衆人耳目乎女
亟行矣不竣使不訊於是汀州君宵發而公遂
稱病甚謝絕賓客誡門下蒼頭有敢為通一刺
者鞭之百客有謁者竟歲不得見公遂去亡何
汀州君奉檄出守矣歸謁色稍因公曰小子薄
二千石不為乎老人自束髮諸所觀記二千石
及邑令以下無慮數十百人吾不憶其他而貪
者吾不能置之懷也 皇祖時手戮貪吏甚衆
以故吏畏不貪已又著為大誥今貪者即不戮

獨柰何不盡其賄沒入之而使之魚肉其民揚揚盈橐歸也諺云守俸如泉小子識之即他日立枯茗水之上吾甘之矣以此汀州君治汀一年苦節最著而公聞之嘆曰是稱吾兒也公故長者然遇事輒勃勃英氣少時蓋從許夫人元弟居云夫人兄弟以貴雒里中故巽儒里中少年日謹其門也公怒立起即少年數之少年懼蒲伏請罪不敢出一語又亭長暴里中人人憚也公又面詰之遂畏不敢暴交驩而去公雖隱

顧善畫天下大計時為邑長吏言長興至重至
重者不水利哉歲水暴至走數百里田而山者
立涸其下者又壞堤決阜無已時也胡不多其
陂池而厚其隄隄高二丈廣十之長百之又多
植桑柘橘柚竹梧陰陰叢叢其上也歲且獲木
千章橘千籠笋萬箇蚕萬頭絲千兩魚千石何
間曠潦哉長吏畏隄繇衆議格不行然自是窺
公才時時咨觀矣客被構求解於公公謝不應
而心悲之私為長吏言不令知也公雅好神仙

黃老家言老愈甚日誠家人毋殺觀携魚筍者必市而投之湖中也間從黃冠得精方輒欣欣藏之故人病即千里必具藥餌果脯遣訊里中疫作輒煮膏數十斤人給之已又揭其精方於里門以故里中負病而起者咸曰徐公徐公云公即家徒四壁立歲時必誠許夫人手為羹召所與游大醉道故舊咲樂而公晚年尤好鼓琴每携斗酒從二三舊游過湖上為一再鼓琴冷楚絕從者若涉殊庭焉公七十五六時頭骨

隆隆起公故長髯盡白矣已又生黑鬚數下莖
雜其中乃更氈氈斑也里人異之而汀州君之
郡時裝回不忍別公公嘆曰女念吾老而獨不
見吾骨及吾鬚乎而女何慮焉汀州君日為余
言乃今竟未百年而歿悲哉歿之日公猶晨興
與舊游驩語頃之疇作公自脉之顧家人曰吾
去矣其為我寇即逝公起布衣經學才行岳立
鳳舉摧強濟困十里誦義而忠孝大訓克成名
世之子此其聲聲大者至於晚歲沉陸玄言又

超然遠舉矣可不謂有德仁人善始善終者哉
公生於成化乙未三月初七日至卒之日得壽
八十四配許夫人少公一歲同公封子三人長
中孚娶高氏先卒次中和娶殷氏繼娶錢氏次
中行即汀州君娶楊氏女二一適姜一適楊孫
男二人詠邑諸生談孫女四一適錢一適一
適許一聘周一聘蔡汀州將以 月 日卜
塋於 麓云銘曰

徐氏之宗肇自濠梁林麓疇畝累世乃昌英

英公載載芬載揚義固金石才匹瓊璜產異
彪華日燦星芒天目嶺嶺若水湯湯魏而脩
阡龍峙鸞翔嗟公室斯以永以藏以引以繩
以莫不藏玄石率如闕矣無疆

吳叟傳

叟蓋吉安人忘其名其里中有大猾家徒數百
暴行里中里中人大患之然不敢上其狀于有
司即上狀者有司亦怵怵焉恐變不敢問會流
賊逼里中而叟遂問諸其廬說曰公之暴行上
下之所知也即有司懼不敢問假令部使者督
千人捕公公能終拒之乎曰不能叟曰吾固知
公之不能也公既不能何不因事自解亡論自
解且令里人德公其人聽曰唯父命之叟因執

其手曰方今流賊四劫誠危急存亡之秋也公當此時誠能率其子弟擊賊賊必潰則聖中莫不驩公公得以長豪里中無懼矣其人遂掀髯而起曰公無言吾嘗為公擊賊於是勒其子弟最強者百人人持杖急馳之而叟騎一驢從二蒼頭往贊一遇賊輒奮聞自己至未久數戰殺數十人猾者稍倦矣輒命左右取水而叟心計賊既已殺數十人可無慮賊矣獨念此猾暴里中無已時也不若因其機滅之遂從旁大呼我

兵且退賊遂乘勝逐之悉殺猶之父子兄弟更
乃跨驢從二蒼頭楊揚歸也宗子曰嗟乎若更
者奇士哉奇士哉夫賊內外應至變也更不用
一兵不費有司一米調三寸舌取二賊若探之
囊假令更得時雲變設奇制敵豈復測識哉而
顧巖數老焉惜矣惜矣郭黃門與余言余惧其
逸故為之傳

福建鄉試錄序

嘉靖戊午秋八月天下復大比登雋維福建巡按御史某飭憲揚紀貞度章教奎崇厥典悚息而臨焉先是馳書函采聘四方文學之官既至則以教諭某某總試事以學正某某教諭某某分試事提調則左布政使某左叅議某監試則按察使某副使某御史既已率百執事而羣之闈中慄慄惕惕相誠也於是進提學僉事某所遺士三千七百有奇三試之得九十人焉已又

錄其文之可傳者以獻故事有序某宜序序
曰某嘗讀閩記采故事其以儒術相業著名者
何其表表星列哉乃今眺其疆得徧觀人士所
爲文詞則又未嘗不倚席而嘆也蓋可以徵聖
化焉唯我皇上道洽三才被萬類文明
之治炳朗照融以故薄海內外罔不仰慕聖
人之光華而竊其一二以自表見於世猶之日
月在上萬物象明非疆之也今觀諸士所為文
詞其論天人性命禮樂刑政財賦兵戎之繇罔

各井井綸綸枚枚秩秩至章矣諸生何以得是語而稱之某固知其泳濡於聖化者深也雖然某之亟讀而亟收之瞿然喜也已乃憮然以懼則何懼也士之論政也猶農之論耕也主人而田者則必取其善論耕者問焉耕者以其言言之主人以其言信之而遽厚其直而畀之以田然求其所謂耜耨之類則茫然無具也其主有不厭而去之者乎士之執空文以應世也何以異於是故某懼諸生之以空文而見厭於世也

且諸生束髮受書負郭窮巷食芋菽而處蒿萊
至微細矣乃今一日而登其名於天府薦紳
大夫贊之於朝其鄉之人相與欣艷誦說於
野由是而被章服秉笏垂纓乘良剌肥袞然顯
也則何莫非上恩哉故某願諸生之重念之
也某等被聘而來也守臣郊勞御史諸大夫咸
盛儀而須之其所授館具徒獻餼致饗陳芻監
燎者又皆諸生鄉之父老子弟也夫以諸生之
故至使御史諸大夫率其父老子弟以隆某等

某等且不能有以召諸生諸生又何可以受
上恩而不知報哉 皇上神聖文武千載一遇
頃者島夷不逞闕爾閩疆 皇威振肅一鼓而
殲之此固忠臣義士所願負戟而先驅者也諸
生徵時無不勃勃英氣喜談天下大事今且事
事矣何不及其鋒而用焉上之翊贊 帝猷下
之彌綸世業內之保釐勤恤外之振厲廓清庶
幾哉與先達之儒術相業星列者並軫爭塗也
斯稱報 主之忠乎天下之人將指是錄而亟

稱之曰得人得人則某所為憮然以懼者釋之
矣不然執空文以應世而一或不酬某之懼將
日甚焉而不可解也諸生者重念之哉重念之
哉是舉也總督軍務右都御史某耀武靖氛崇
文綏化巡撫右僉都御史某武功丕振文教彌
光提督南贛汀漳右副都御史某化理維新士
風胥賴監察御史某觀風弭節敷訓作人右布
政使某左叅政某副使某某右叅議某某事某
某某署都指揮僉事某咸贊襄于外弼成盛典

右叅政某僉事某署都指揮僉事某則以表
賀行副使某則以遷秩行雖不與其事與聞其
事者也例得書書之

嘉靖戊午十月巡按福建監察御史樊公既已
登武之偶五十人錄之矣先是文而錄者輒又
私序其齒勒之書於是武諸生亦以是請公嘆
曰嗟乎文武等之士耳文則齒武則不齒哉則
檄齒諸生且梓其上第者文於末簡毋令章縫
者竊笑其人以為挾矢者流也公且為諸生辨
文武之樞申經緯之略勤浮靡之誠篤忠貞之
執固疊疊煌煌日燦霞列矣諸生乃復委予以

言予又何言則嘆公之致望諸生者至深而諸
生不宜自負且負公也方諸生翔集轅門而布
鷁其中也戎繡裴錯統鼓震疊公賭之嘆曰盛
美哉已乃睹其馳而射射而中則喜立而數中
則尤喜已又讀其文曰豈屈章縫語哉故事有
讌既讌而導之市市人不譁也其明日則仍衣
其敝衣躡敝履而群趨市中市中人至目笑之
曰是昨讌者公則下擲曰讌宜樂宜采諸生其
人給一衣且給之騎五日於是諸生始騎而游

而市者嘆息武華矣今且為諸生紀其年為鄉
閭而諸生之父母兄弟妻子即至微細不足稱
述者咸炳然並列也公所為勤意諸生者豈徒
以微枝片語足采哉予聞之方冬而灸火非愛
火也謂其驅寒也盛夏而飲冰非愛冰也謂其
奪暑也夫火為寒謀也或因以剝指冰為暑謀
也或因以損中則寧寒暑甘焉而不敢水火之
近何者畏之也天下之畏武甚矣今此諸生果
能投筆請纓靖氛捍難南標銅柱北勒燕然則

誠無負於公之期者天下之人亦將指是編欣
艷之曰某某之子也某某之弟也或某之兄也
而某之子弟不及之矣不然而或執綺寡識甲
冑鮮功甚者急私緩公以遺天下之禍則無論
公之怒之即天下之人且將執是編而竊罵其
父母兄弟妻子是使天下之益畏武不談也然
則諸生睹於是繙其能以無懼乎懼則思思則
奮奮則決如風之馳如雲之沛無所不之美嗟
乎諸生誠不欲負公則懼之我則懼之我

福建巴未貢士齒錄序

余讀周紀至諸侯貢士天子而天子因以行賞
罰焉則嘆王者重士哉漢制二千石歲選文學
謁太常充博士弟子通一藝以上者得補文學
掌故唐制蓋微而宋太學生則時時伏闕上書
陳說時政人至比之御史臺云然鮮以功業著
者其從他科取士又紛然多塗矣我 祖宗取
士詔罷唐宋以下諸科唯進士與太學生並重
而太學生徃徃致位臺垣藩臬上者列六卿參

大政稱名臣焉蓋諸所游太學者無論幼而讀天下之書即其目涉天下之民情國俗人才政治臧否美惡邪正得失之際又洋洋纒纒能心憶而口宣之也以故起而任之政輒達而上之人亦委心嚮用云百年来稍狎矣然上者猶得除郡別駕邑長吏下者不失簿丞而不願太學游者則徑得除郡邑博士為學者師上之人不以恒吏視之也此亦何負士哉而今之士不得從進士選則咨咨而吟咄咄而嗟以為壹屈其

才不售則何所復表見於世於是舉其生平而
悉之筐筥田廬孫子計焉輒又自解曰即我能
苦節峻行而天下之人誰知之而誰任之柰何
徒自矜飾而適以取笑為也嗟乎士束髮受書
而翔奮君子之林者非忠與孝哉事親者不以
家之厚薄異心事君者不以位之屈伸易節蓋
性為之也性之必孝必忠也辟之夏之必暑冬
之必寒山之必峙江之必流而豈以風雨愆度
胡越殊狀哉今讀諸生所為文者雖言人人殊

然其炳炳於聖人忠孝之訓而必不肯遜往哲
而後之者群詞一指也今諸生且持其言上名
尚書奏之 天子廷試之高第者輒補郡邑博
士即太學游者稍稍數歲輒得補郡別駕邑長
吏以下其上者乃更射策從進士授官矣夫上
者無論即使博士者能以其所讀古書教二三
子忠孝大節奮業佐時即不必身為之國我貽
之也其郡邑者即未必垂組曳紳燁而稱貴然
取聖人所謂廉仁者以提身蒞政焉彼其聽我

之上而不庶不仁者未嘗不對我汗下也方今
學者湛淨華而詭於古學而南倭北虜烽燧瘡
痍又充滿耳目矣誠使博士皆教郡邑吏皆政
即所報上者豈微哉由是而徵召顯貴非人
所能足也即不顯而引年賜歸衣冠几杖詩禮
圖書而使鄉之人稱有道仁人長者豈不彬彬
儒雅善始善終哉若博士不教郡邑不政即使
幸而作尊官稱貴人吾不欲目遺之矣諸生慎
念乎諸生慎念乎諸生故有序齒錄錄成請序

余惟齒之義孰不解者以故不談而惟致余之
所以責望諸生者如此嗟夫諸生誠自念所與
並學而游者蓋多章莽麋鹿居也如諸生者十
人一人耳則益有味余言哉

重刊大學衍義合註序

宋端平中翰林學士真公德秀上所著大學衍義一書當是時其君理宗方急戎事不之讀也後三百年而國子祭酒立公濬當我孝宗皇帝時又著衍義補一書上之帝讀其書大喜賜黃金米穀詔大宗伯頒祭酒書於天下已又召拜尚書無何拜其書入相孝皇至聖公亦稱名輔云二書故列在學官薦申先生類能誦之而前侍御吉公摠閱撮合梓二書以便誦者

侍御斗山樊公繼至讀其書則遺臣手校而序
焉序曰予讀故牒而得二氏之書則嘆聖學之
關乎天下者至切也今天不能自理則以天
下國家之責付之君君亦不能獨理則以天
下國家之責分之臣故君者代天者也臣者承君
者也天之生才也上之則君下之則臣無一人
無責焉者也則亦無一人不學焉者也其說蓋
莫詳於大學之篇予嘗視于耕織而有感焉夫
所謂格致誠正者不循田而耕機而織哉所謂

齊治均平者不猶耕而得食織而得衣哉故夫
耕者所以為食謀也耕而不食則無所事耕矣
織者所以為衣謀也織而不衣則無所事織矣
學者所以為天下國家謀也學而無補於天下
國家則無所事學矣後之儒者有三弊焉其曰
吾惟求之身心而天下國家非吾責也則是耕
石田織空機而不知其饑與寒之且不免也其
曰吾惟求之身心而天下國家將自理也則是
談耕以療人之饑談織以禦人之寒而不知穀

與絲之猶未覩也三代而下天下國家豈盡不
齊不治不平哉而又指其齊治平者病之曰不
聞道則是食其食衣其衣而又追論其耕與織
之有未善也皆非聖人之論也今觀二氏之為
是書上來唐虞二代之隆下及春秋戰國漢晉
唐宋六朝五代之際凡英君賢相謀臣策士所
以經理天下者人之崇言宏議小之片詞隻語
無遺善焉即聖人而覩是編不易之矣且大學
之篇不云楚書秦誓哉曷嘗以其秦楚之語而

乘之以此見聖人之論學不若後世之固也二
氏之書蓋庶幾窺聖人之心哉獨真氏書嚴於
格心畧於議治而立氏書則紀綱法度財賦兵
戎禮樂刑政之具靡不井然若布燦然星列也
其視四海之內石家至而人覲之矣此兩公之
別也然其為天下國家慮則無兩心嗟夫真氏
不能以其書售 君至我 皇祖始揭其書於
壁屢顧而嘆立氏書無論 孝皇異之即如我
皇上中興神化益茂謀國者凡有大典禮大征

伐大興作輒取是書斟酌焉豈兩公之書有切
有不切哉何用之者殊也方今北構胡南構倭
主上之念未嘗一日不在萬里為之臣者所宜
請纓投筆負弩枕戈日夜謀所以安攘之策以
上報明主顧李何博衣緩帶深坐微吟日談
寂感動靜以為名高也則所以揀時之弊者丘
氏一書尤切矣夫山公之按閩也貞憲揚紀遼
貪緝豪毅然以天下自任其於無庸之談唯恐
接之獨二書則聲譽懃懃不置也意蓋深乎意

蓋深乎予故具論二書之可傳者如此以俟後
之君子得以取裁焉

讀太史公社工部李空同三書序

余采藝林抽繹千古蓋史遷其至哉詩則工部
余束髮而讀二書今五十矣寒可無衣饑可
無食陸可無車水可無楫而二書不可以一時
廢也辟之手足耳目焉余誠何心哉怒讀之則
喜愁讀之則驩困讀之則蘇悲讀之則平徐而
讀之則萬慮以澄百節以融耳日以通臍肺以
清急而讀之則蘭桂條馨雲霞條生鳳鳥條翔
蛟龍條鳴遠而讀之則天以之青日以之明江

以之流海以之停光洋洋總鱗鱗二書何
書哉余讀李獻吉書蓋次二書焉夫周則左立
明楚則屈宋漢則董賈蘇李長卿枚叔班固揚
雄魏則曹劉應徐六朝則潘陸江鮑唐則太白
長吉陳杜沈宋盧駱韓柳非不采厥英華而日
誦之顧不若三書者時餐與餐時櫛與櫛時几
與几時榻與榻寒暑風雨南北飄零未嘗一時
去吾之手也字究句研積歲累月楮凋墨故大
類童子時所受書矣余為吏部郎蓋與張君助

甫同舍云張君好余絕甚余故置三書小笥命
侍吏日挾之行一日張君兒余笥意其有竒也
迫而察之果得杜李二集即携去讀連日夜不
休貽余書曰足下所讀兩公書無論數千萬言
乃言為之筆筆又精蓋千載竒觀矣即兩公復
生寧不比面為足下稱謝者輒命其吏數十人
錄成二書而以原書歸余時丙辰冬十一月既
望也已未余在閩而余君德甫以臬副至余君
余故好也夜召余君酒酒酣余君請觀余所讀

者余嘆曰子長不可得見矣即李亦難唯杜乎
唯杜乎遂出杜集觀余君余君且讀且嘆蓋類
張君語云夫余以十五年之心而讀三書未嘗
以觀世人也兩君一觀而咨嗟嘆息有同詞焉
則所謂知己者豈在古今遠近哉千載神交對
面萬里蓋自昔嘆之矣雖然余於三子何有哉
張君名九一上蔡人余君名應舉豫章人

重刊中庸一助叙

中庸一助者余曾大父別駕公為諸生時所著書也公幼有雋名身長八尺雙目炯灼蓋勃勃英氣矣年二十游邑諸生間則諸生靡不望其光避之獨司徒楊公者與公同舍驩甚楊文有奇氣而說書則讓公精每御史行部視學則諸博士輒舉公說書公說書人既偉秀又議論清辨文理御史以下靡不洒然動容者輒嘆曰宗主宗生云後督學御史視學命諸生說書而楊

當說書於是楊跽請曰果故不能說書而說書
無逾宗生者御史乃命宗生代楊生說書於是
公又代楊說書而御史以下又靡不洒然嘆也
後楊舉進士第二為選郎擢南僕卿歸而公遇
之塗也則避之道院中拊膺呼曰天乎天乎揚
生今若此矣獨不憶聽宗生說書時乎公既
久伏草莽則時時下帷授諸生經諸生顯者甚
衆而余叔祖福寧公家君此部公皆束髮授業
魚外傳云公後被選入京師尋授山東登州別

駕公念既以其才不售而復不忍以其生平懷
之官則以苦節著中丞徐公間得公中庸一助
讀之嘆曰理精而詞簡有見我有見我遂序而
梓之以傳今二十年矣家君聞居則嘆今學子
莽莽華言安得如我別駕公精義者小子識之
他日苟有所就則無忘吾祖矣余既懼先人之
業不彰而且無以為二三子先也則復梓而與
二三子共之亦使敦本崇實無湛浮華云

贈督臺王公平倭序

代巡臺嚴

余讀往牒至夷狄內闕鮮有能奮長策而制其命者未嘗不投牘而嘆也曰嗟乎豈夷狄視華顧維我質生云匈奴雖疆不足以當漢之一縣而匈奴猶其大者也乃今島夷者史絕不書其旅且不及匈奴什一而數年以來持戈內寇當事者至糜千萬走千萬里徵四方精兵屯之海上組練垂雲勢至盛也乃夷以數騎薄之輒惶駭棄戈而走轉相枕藉以赴鋒鏑而夷遂大呼

長驅墮名城殺長吏虜士女焚宮室而吳越淮揚蹶閩之間大困矣此其視匈奴何如哉余誠不解其事每談之未嘗不髮上指冠也歲丁巳余以上命按閩先是夷入閩大掠而去曾以午春夷又來上采言官言乃以方潮王公代督閩戎事余是時行部汀州也夷寇泉即馳之泉走之而夷既已陷福清空其城鎮東莆田之間急矣余方決策北鄉會公至則撥兵數千要擊之海中沉其大鵬數十擒斬俘獲無一東還

者余聞之則嘆公之斯捷也有四美焉 主上

神明英武忿師久無功卒無一戰可當 上心

皆時時督責詔捕更置師帥至急民也公走一

騎奏書 闕下 上覽書大悅群臣稽首奉觴

上壽豈不愉快哉是公以一戰而解 主上數

千里南顧之懷何其忠也且夷之來也殺人之

父兄虜人之子弟辱人之妻孥毀人之廬塚不

下千萬其野哭巷呼者蓋聲塞天地也一朝而

懸其首於塗令世之孝子慈孫孤寡弱維咸日

攝而手碎之且泣且罵且悲且喜以為亦足以
報其地下人無恨矣是公以一戰而解十萬人
幽明之憤何其仁也自有夷變以來我兵即號
稱精銳者未嘗得志於一戰無論夷之笑之即
華人亦其之矣今乃一朝而擒其數千以歸鳴
銃擊鼓揚揚入國門即皆前日之惶駭棄戈而
走者也鄉也何怯今也何勇謂不自公倡之我
天下之人且將曰吾華無不可勇者也而猛氣
英風勃勃雲起矣是公以一戰而振中國之氣

何其義也無論夷恃其悍以易我即我之覲之
蓋如神鬼魍魎焉鄉也不敢覲其面而今則手
縛其驅鄉也不敢聞其聲而今則刃碎其骨天
下之人由是知夷之不足畏也即夷且將轉相
誠語不敢問渡矣是公以一戰而挫夷方張之
志何其武也故曰公之斯捷也有四美焉漢臣
云將不識兵以其卒予敵也公之初至乃能以
其未識之卒而成厥偉功難倍之矣公且不以
為功日勤勤講武以待夷之再至夷不至大善

即至公功當益竒且天下之大患惟南夷北虜
夷虜類也南可以挫夷北不可以却胡哉余所
謂奮長策而能制其命者其在公乎其在公乎
余樂公之功故為一言以紀其事且以天下之
大計俟公蓋握管待之矣

贈憲長菴匡周公入粵叙

郵周公往以 上命來督閩儲無何謁 上上
以公當返閩而粵於閩最近會粵憲使奏缺
上遂以公為粵憲使命至閩而方伯楊公嘆曰
公何復出即出何粵也以謂宗子宗子曰斯
上意哉楊公曰 上意何者宗子曰余讀秦漢
之際而知粵之難治也乃無逾今者昔之難在
有莫粵者也而不在粵也今之難在粵矣而尤
在乎使其粵者也當漢滅時呂嘉背王太后之

議持粵之強不內鄉一夫耳而天子至命伏波
樓船戈船三將軍統數十萬下蒼梧牂牁討
然而君臣上下之盡戮然毋抗者則以呂之故
而無與於粵也今烏夷者何為者也乃能以其
一朝異域之人而與我粵人賭粵人曰驟美酒
烹大肉以待其至即不至且操大艦載酒肉及
絮繒遺之有司稍稍詰問輒走夷中令其持刀
大呼攻城野掠率格殺數百人而去有司上書
言狀 上非不欲命大將軍統百萬盡誅殺諸

所昵夷者顧念此皆吾赤子也與其亟而兵也
不若且飭而憲故以三尺付公上意深矣楊曰
公之奉上帝以往則嚴乎宗子曰余知公之不
欲嚴也夫三尺者法也天下未有法而不嚴者
也公獨奈何不嚴也嗟乎粵人之昵夷也豈真
其父子兄弟姊妹亦夷持其所以生之之具而
福之而治粵者輒又嚴刑酷罰以趣之死夫好
生而惡死者情也生之而不趨死之而不避天
下無之為今之計不若緩其所以死之之具而

漸示其所以生之之路寧使之稍肆於其內以
玩吾之法而不使之法密而不勝以求快於其
外而至於絕吾之法則其視吾之所以生之者
不殊於彼也彼又安得而奪之斯弭亂之術也
若朝論殺一人焉暮論殺一人焉則其心愈駭
駭則疑疑則亂即遣使人將軍統數百萬盡捕
殺之何忍哉故曰公者不嚴者也其亦上之
意也公念之矣故事同承諸公遷去輒有贈言
是時公徑趨粵而書來問所以贈者楊公因命

宗子言宗子於是以其與楊公言者報公公
上首所擢士為御史忤貴臣斥去已又為縣官
為藩臬臣今四十年矣
上念粵甚豈復令
公南哉今且召公矣

贈方伯楊公廣東叙

胥江楊公事 今上幾三十年始來為閩藩右
使又一年擢左使於粵且去諸大夫不忍別公
取祖道焉於是宗子仰而嘆曰嗟乎予觀公之
治閩而知天下之政也諸大夫曰則何說也宗
子曰夫天下之患莫大乎兵冗而食匱民已困
而盜不止是閩粵共之矣公蓋從戈戟中至閩
也閩藏故虛自夷來鬪我而三軍之士坐而虎
餐金盡矣當事者非不知金盡而亦不能令戰

者饑則時時下檄曰某子之百某子之千某子
之萬而護我將軍日率諸所部兵遮道索餉公
歸索之餉無餉也則嘆曰是安從得金哉吾誠
不能以三軍之故而令此瘡痍者復出一錢也
於是起而之藏中盡計其所積出之庭已又取
諸郡邑之故積者計之日是可餉數月輒喜曰
是可餉一年輒又大喜辟之十金之家一朝而
召百客其主之兄弟惧主之無以驩客也乃至
質衣貫鬻脫劍買鮮焉苦心哉苦心哉夫不忍

加賦於已困之民何其仁也既不使其民困而
又不使其兵饑何其智也無論兵即諸部使者
日奉王命而臨之其館宇非厨舟航薪米公
靡不日親口畫悉當其念且日率諸大夫而群
禮之無間缺焉間則解帶坐堂上命群吏抱牘
來握筆而散之如馳也已覲之堦空無人乃始
還內餐沐何其勤也藩政故稱瓊屑是在出納
之間美公則下檄曰毋重而入毋輕而出吏有
故為高下手者輒鞭之甚者逐之以故納餉者

靡不人人喜而公方湛然匡坐其間辟則石之必堅而王之必粹也何其潔也且一日之間情偽紛錯巨者如輪微者如髮高者如天深者如淵公則心維利害而毅然于奪出入之老吏大猾兀兀不敢出一語也何其明也公既長者又重拂人故凡具衣冠而來謁者靡不恭而遣之即不甚當其請不怒也即萌諫胥徒至微賤者公亦不忍輒以惡語相詬厲以故君子感其愛小人懷其惠辟則鳳翔于郊麟游于野而天下

之人靡不欣欣子觀之也何其德也斯古之所
謂大臣者也公而入柄天下之政與天下之人
感公也蓋類閩矣夫何有于粵故曰子觀於公
之治閩而知天下之政也諸大夫曰公之又粵
也無乃勞乎宗子曰公之必粵者乃公之必握
天下之政也夫公蓋嘗展采豫章衡岳齊魯河
洛之墟矣然而其冗食墮民困盜熾為上所
最急者則無踰閩粵故俾公閩復俾公粵非勞
之蓋嘗之也 上知公之嘗閩粵且又嘗豫章

商
卷一
衡兵齊魯河洛之墟也則必召公而容之政斯
授之矣公而握政則閭粵者不急于允急乎諸
大夫謂宗子之言知公遂書其言以為公贈且
謂公曰公行矣幸毋忘宗子之言公瑛而收之
曰即志宗子之言獨柰何不命諸大夫哉

贈大參劉公之浙江敘

夫今時所最稱難治者則孰逾閩越哉閩越故稱難天下而庶鮮先生仕官其地者靡不沾沾喜蓋簿書期會之外高卧矣自島夷內鬪而二藩諸郡邑遂大購戎事當事者日棘棘焉徵兵集餉雲湧風馳甚者被戎而壘提戈而逐日驅手足耳目以從之蓋髮不違擲而垢不澣沐矣以故官其地者日冀代去而從他方調至者靡不悚然動容誠畏之也嗟乎君子之所責於才

者嘗其急時也時易而易時難而難時勞而勞
時逸而逸誠畏之則勞與難者何待也乃今
於又洲劉公則嘆才焉方公之初至國也堯華
遭創去而當事者懼其復來則無逾會城至重
者於是下築臺之議而又以諸所調客兵集者
中不別之營廬則擾於是議郊外創之二營是
時內外戍兵數千日遮道索餉而當事者以為
餉而不練徒餉也口觀公才遂一以厲公而有
司內外允以戎事至者輒曰劉大夫劉大夫云

公是時既已攝臬憲矣日晨起坐堂上群吏以
憲牒至者已散之輒勸諸有司環城而計曰若
何而臺若何而營若何而廬若何而石若何而
木悉畫而附之有司而日趣之而又勅內外成
卒間日練之射所教之以擊刺進退左右竒正
之節而銑鼓之聲日發發彭彭聞城中也頃之
當事者召諸大夫登階則諸臺山峙矣觀之營
廬楚楚而翼翼矣闔之兵鄉也不能持戈今縱
橫矣鄉也執弓而射矢飄飄數步止也今八十

步中矣。鄉也。手持礲色顛也。今弄而廢之。如持
杵矣。於是當事者輒目公而嘆曰。斯大夫功哉。
斯大夫功哉。無何。越藩叅政之命至。而諸大夫
相與私言曰。閩方恃公長城矣。公而越如閩。何
宗子曰。不然。公之才。辟則袞絮之可以禦寒。而
體飭之可以療饑也。一室而寒且饑者。既瘳之
矣。即外而又有寒且饑者。亦何忍私其袞絮。體
飭而不急之也。然則閩安能私公子。竊有聞天
下之事。以其耳聞之。不若以其目觀之。以其目

觀之不若以其心經之以其心經之不若以其
身營之公舉進士餘二十年矣始為邑已而為
郎署已又為郎為滿泉臣天下之大政靡不身
營之也與日百公入而登樞履要贊翊 聖主
經綸區宇何殊幽越哉越且不得私公何況閩
也諸大夫曰宗子知公哉宗子曰何哉斯言予
之嘆公之才者觀公之外也乃其內則皇皇於
仁禮之塗而斤斤於義命之防其心之慎也辟
之履深焉其守之潔也辟之懷冰焉其性之謙

而度之邈也辟之抱繩焉此又公所以居才而
出政者也才則安能盡公諸大夫不知其言之
尚不足以盡公也公之入越也而遂以其言為
贈宗子於是仰而嘆曰不能知公何以贈公

贈左方伯趙公入覲叙

皇制九三載則天下藩臬郡邑之長咸入覲稽首闕廷因而大計吏治蓋鉅典也歲己未復覲於是閩藩左方伯趙公乃以戊午九月先期戒輶北鄉而右方伯楊公率其僚祖道西疇車馬鞞鞞矣則命余以言余何言則嘆公之處閩者至難而知閩之有以徼福于公也夫藩政之所爲稱難者豈非以其理賦裁辟之家焉則其主倉窖筐筥醕醑縹緲者也饑者需食寒

者需衣一或不應怒目而起是天下之至難也
而况益之兵兵之於食若左右手矣緩則並緩
若也猝而兵紛而食萬變締錯群情

翕忽耳目手足莫能主之而况執其不足當彼
有餘哉徃歲島寇逼關三軍雲集公徵發區畫
卒固其疆乃今歲羽書交馳賊壘千里勢至急
矣公則日夜謀所以守陴之策而授之諸大夫
皇皇數數殷殷惻惻至暴日行輿冒炎書懔汗
未嘗不垂垂下也斯不謂難哉斯不謂難哉然

而公甘心焉且以著績則何也余聞公之舉進士也蓋讀中秘書云其於天下大政大計固炳炳其中矣已而展事滇越蜀閩之間視學視兵視憲視賦其所建立表著固盡天下之政也夫天下之政即多端孰逾禮樂人材刑政財賦兵戎事公既事履之而事精之且公闕博端雅英朗卓爍固世之所稱名賢也且今入佐 聖主握樞履要垂紳締治影纓展謨則四海之人咸賴焉又何問閩哉公之在閩按察矣右使矣已

乃左使其於閩之利病休戚險易因革固家論
而戶察之也而今之所最急者莫如兵賦則公
其能忘情於閩哉以公之不能忘情於閩知閩
之有徼福於公也楊公曰子之言其小者也
公者福天下者也奚以公私閩也子之言其小
小者也嗟乎余誠不能知公然公之心則閩哉
則閩哉

贈徐子與入討叙

子與既以比部郎中出治汀矣亡何余亦出為
叅議乃又守汀豈不數哉余以戎至汀子與蓋
三觴余碧雲朝斗之上其秋余與子與從事闈
中則又擁余而談者俠旬也是時子與治汀已
一年而明年當 覲於是以前十月戒塗余乃臨
岐而嘆曰嗟乎子與余二人何以別哉往余與
子與為郎時鳴珂投簡翱翔古道一何盛也一
歲之間咸拔茅出矣世言恒難外吏李王二君

並臬余乃藩吳至微為徒事而守者獨子與也
夫郡提封千里乃其兵戎財賦禮樂教化咸紛
然總於守之一身口一束帶坐則飯者凍者繇
者租者甲者羽者餉者纓者牒者檄者雜立其
庭蓋蟻附蠅集也而乃又以一人之心知耳目
緯錯其間因難裁固難茂子與始至汀會粵寇
犯汀關吏告急于與則提戈躍馬督精銳三千
走之而賊至逃匿深山中竊相誠毋出恐為徐
使君所苦汀故事貧者匿其賦以售曰而富者

恒收其田不收其賦以故富者不賦賦者不田
而子與乃下令曰其有不賦而田者吾收之民
遂不敢不賦而民之有控者子與立召之前與
語輒遣去而一日之間牘隆隆山起子與溼管
而散之如馳焉而老吏大猾不能得一錢也間
則召郡諸生談大事而子與乃又闢碧雲朝斗
二巖讀書其中余登厥臺裴回焉子與無論精
意政事即其溫恭德容懃懃煦煦靡不感人之
心以故郡父老輒語其季息至泣下曰彼徐君

何愛我也且又不費我一疏自老人為兒時希
觀之矣而闕之學士大夫亦靡不慕子與光采
輒曰徐使君徐使君云余讀漢書其更有治行
則其君下墮書勞苦今子與之政何如漢者今
且北謂 帝帝顛其狀必大異子與子與奉璽
書披章服出都門揚揚行使觀者咸嗟曰若輩
不可以外吏困豈不愉快哉子與歸且過齊魯
吳越之墟李君耕矣而王吳二子吾知其不用
於吏也政使為吏所困

奚言困二子哉 千與不
信予言一則請問諸耕者

贈巡臺斗山樊公序 代督臺譔

斗山樊公在臺中及觀風畿甸時諸所上封事
余讀之嘆曰是古之所稱理輪攬轡者流也無
何公以 上命按閩乃予亦撫命至予之至蓋
後公六月也觀公所為治閩者乃益悚然而嗟
焉鄉也吏斯者輒武視其民而魚肉之金錢綺
縠靡不巍然高也今也吏競競慄慄不敢需
民矣即需弗予矣何也則公之遂之者嚴也鄉
也邑而勢者暴其邑郡而勢者暴其郡視人之

便利田宅輒恐奪之至榜笞其人于庭而甚遂
殺之也且田而不賦租吏莫敢闖其門焉今也
巨者帖首小者潛跡田宅者稍稍還其人矣即
不還亦酬之直矣其逋而內也少者百金多者
千金何也則公之鋤之者嚴也鄉也囹圄纍纍
然人辟未論報者戍未籍者徒未遣者贖亡金
者稅亡租者骨立其間也今也獄空無人矣即
有之桎梏簡鮮矣獄吏不能索一錢也何也則
公之論訊之疏滌之者嚴也鄉也市人以其繁

繒米益而鬻之市也官市之則半其直市人怒而譁甚者則思以其絮繒米益而售之夷也今也官之直等民矣即不等不鬻矣市人驩洽魚夷心笑何也則公之繩之者嚴也鄉也諸貴人至傳舍既已大餐而輿馬筐筭去矣已又索傳舍長金不予則鞭予之而埋賦者又破其所予貴人金不報傳舍長日啼而逸也今也諸貴人不敢索金矣即索金傳舍長目攝之矣何也則公之約之者嚴也鄉也監司二千石以下時時

走道路供帳飲食至勞民也今也上下顯精于簿牘非行部不出矣即出不費矣何也則公之誠之者嚴也鄉也里父老之後於官也官者百索之胥者十索之徒者五索之蓋日繫之百金也至不任輒棄其家而走今也祭祀飲射之外不用一蔬矣胥徒至有空腹而立者何也則公之察之者嚴也蓋公之明之罔不洞也公之感之罔不摧也公之澤之罔不周也即古之理輪攬轡者董董焉若空名於天下比功而推何能

及公也閩父老閒居對其孥息誦公者輒蘇蘇
隕涕愍公代於是率其子弟數百人詣闕上
書固請留公天子覽其書異焉詔下御史臺
議而臺臣以為故事無久巡者又重遣民請於
是故遲其代二載始代父老子弟罔不驩語若
更生也斯見民心哉斯見民心哉雖然予之心
盖甚于民焉夫盜賊之起莫不由於吏貪而豪
肆獄寃而市擾事繁而財匱今吏廉矣豪繩矣
獄平矣市理矣傳舍清矣里甲節矣則民又安

肯以其父母妻子所仰賴之身而棄之於盜則
今日盜之所以漸弭者非公之功而誰也方公
與予共事戎馬之際也兵而予調也餉而予
也公不以為忤也何者予之心公之心也兵而
公或莫之調也餉而公或莫之予也予不以為
異也何者公之心予之心也心一則事比志合
則勳彰以故群枝雲翔三軍虎視兩平大寇如
射隼焉然則盜之所以平者非公之功而誰也
故曰予之心蓋有甚於民焉雖然公之入也簪

筆侍 上北而遼代南而甌粵公以其目觀之
者從容為 上言俾封疆之臣得以仰承廟謨
而展采錯事天下之民將靡不受公之賜何況
閩也海上之捷公惠之言且以南北大計期予
意至厚也予則以為今日大計蓋在公矣即古
之所稱埋輪攢轡者誠不能盡公哉誠不能盡
公哉

胡公生祠記

興化在揚東北去海僅百里奇地瘠民虛自古
號稱難治然來令茲土者往往崇祀焉何故哉
有功烈于民者皆在祀典採興往政如范仲淹
詹士龍諸公皆著功表業深入民心則然也繼
胡侯來令興甫三年

上廉異之擢南畿司

馬即去之日興之士大夫凡民謀建生祠祀侯
走幣徵宗子紀其盛宗子則奉書起曰嗟乎侯
之德政駕倅往昔宜祀哉宜祀哉循良傳所稱

卓魯龔黃陳言也又人人能言之予厭不談祇
捨予所親聞者為侯記之嘉靖丁巳春予時為
天脚郎鄉中士大夫輒書報予願得仁人君子
來為養亦主又父老子弟率焚香告天願欲之
意視來書予乃詣之冢宰冢宰精遠得侯焉

命下之日予即翼而接之意沾沾喜謂興之保
障在侯矣及予外補寧家而侯已任興三月無
何倭寇逼秦抵鄒及應薄鹽城興居其中城且
已危中人惶急狀如釜魚侯乃下令曰毋懼母

妻子感疇昔仰天呼曰即寇至城下奚虞哉哉
君所謂後世利今已見之斯不稱侯之有功於
異至大至大者歟若天速嫁娶而示之倫禁久
傳而示之孝節浮費而示之禮緩科稅而示之
仁抑兼并而地利以均省刑罰而民耻以尚清
野而外戶不閉恤孤養老而顛連無告者各獲
其所種種色色大都重念興民哉夫以念民而
功立侯之心苦矣苦矣三年來非兵戎則水旱
謂侯苦者人人一詞也侯乃揭髯長嘯曰以興

治興何苦哉蓋侯之立心本廉而才尤長于治
事廉則無私長於治事則又明而不至於可罔
如是治一邑也何有予向謂興之保障在侯其
有徵乎今侯去矣興人祠而祀之表不忍去侯
之思焉祠在文明門內門首有題門後左右有
亭中有堂後有正堂堂中即侯像在焉像惟金
碧衆猶懼弗堅也最後更構堂更鑄銅像之光
儀儼然夫興之人所切切于侯如此願侯之心
遽舍興耶他年興之人或苦于刑罰或迫于微

求者必奉香泣訴于侯之庭甚者又走侯前而
遙訴之則侯安忍不假手一援也嗟乎然則是
祠也豈但歲時伏臘祀侯哉將于侯重有望焉
侯名順華字積之龍岡其號也丙辰進士湖廣
武陵人

懼當有方略安爾于是積薪粟精械噐募邑中
人幾千時時督練之爲戰守計又自登城衣戎
帶劔氣揚揚肅肅暨暨英英環四隅視每夜分
方罷漏下五鼓則又束帶坐堂上理簿書吏持
盈案一一發之如流若是者幾兩月即督府兵
司調之兵不得而兵也調之餉不得而餉也興
之人恃侯比長城云未幾寇退侯則呼邑之父
老子第至庭下愀然太息曰曩寇不來畏爾城
高池深哉亦幸耳寇再至將安恃也于是父老

子弟咸忻懽鼓舞匍匐上言願從事是日命工
區畫富者出金壯者出力貧而弱者聽其綜理
又皆邑人之有行者工之作也侯日來省之每
來每出俸金市牛酒勞之勤者厚勞之又多溫
言以勸勵之故人人飡德風馳雲集未屆期而
告成成之日侯乃偕士大夫門人登城上樂觀
其成顧父老子弟曰爾心謂今日費或我怨尤
即遺利後世怨當少休矣後一年倭復寇通及
揚聲勢視昔爲甚乃邑中人安堵如昨且日對

贈袁憲長之雲南右方伯叙

夏四月閩省被寇而立山袁公奉掌憲命至不
得入駐邵武則檄邵武兵數千入援也是時省
城被圍已四十日而外援之兵乃無先邵武者
則公慮遠哉公慮遠哉寇既解去公始至至則
訊俘清贖鋤奸繩豪如電之迅如飈之馳日皇
皇焉思以起百年之弊而新之老吏大猾心悚
色顫也未浹旬滇藩之命至矣客謂閩數被兵
法紀稍弛如公者正宜久持三尺以衛蒼生何

遷去又何滇哉宗子曰嗟乎聖人之防患也
微而知者之慮事也遠公之滇命蓋廟謨乎蓋
廟謨乎方今西北急胡馬而淮揚吳越閩粵之
間禦倭日嚴民稍稍安枕者僅晉洛楚蜀之墟
而滇者又楚蜀之外障也其地錯夷而居罵訟
好閹一言不相中則持刃而起輒相斃殪所謂
寬之則治急之則亂者也今距京師且萬里而
法綱日益疎濶貪官污吏徃徃暴征橫斂以怒
其民是可懼也公今奉 主上德意而徃臨之

緩而征薄而賦輕而絲勸而耕咨而疾苦瘳而
瘡痍裨貪官污吏不得暴行其間則夷心益附
夷心益附則西北之障益嚴楚蜀之間如金湯
而四維之矣故夫公之滇命非故緩閩而急滇
也所謂防患於微而忌事於遠者也當漢時蓋
獲擁衆據滇而孔明五月渡瀘七縱而七擒之
豈兵力哉蓋南人稱天威焉今其營壘固隱隱
在也公試披荆而問之其神畧秘謀不可得闕
矣而江山川谷草木風雲尚有可以心悟其經

畫之幾者今海內日講戈戎而公又孔明故所
治蜀人也才高而識卓譽洽而望隆他日秉鉞
建旄立功萬里何愧蜀相哉何愧蜀相哉公昔
守秦郵時嘗有惠政流於下邑今江淮之間苦
兵矣而重有冀於公之復臨之也故於公之往
也又言戎焉

移郡邑學官弟子文一首

竊惟天下之治繫才才繫學學繫教自晉隆之
矣我 國家饗序星布雋又雲興治化昭明炳
焉與黃虞並茂則教然哉職不學 上米銓臣
言被以豸繡 賜之璽書命督爾八閩學事豈
不甚幸甚幸者與乃職之拜 命也則悚容而
懼何也 上之所急諸生者非文也將求其才
而用之也使職之所教諸生異日者稱 上任
使不用者亦不失為文儒則何用懼萬一 上

需之無以應之用之無以酬之則將數職以不
能養之罪職矣請而擇焉用是上釋 皇綸下
程聖訓遠采昔典近稽物情作闕學約言集約
八篇分約參拾柒條大約之為言誠也又審省
也士不可縱則誠之又不可以厲詞碎語奪其
耳目則省之是故稱約焉既約之矣其或有下
遵吾約者則憲章炳炳在也學實弟子及二三
大夫其亦思所以共守之慎念哉慎念哉末到
至下所屬毋忽

再移郡邑學官弟子文一首

職惟拜 命以未未嘗一日釋念於二三子亦
以二三子有歧予之心焉將以旦夕戒與上堂
巡行郡邑以宣教事顧念世偽日滋人性易者
不嚴制而大為之防則不才者得闖竊以掩其
陋而才者反無以自見其美夫試者將使才而
美者用勸不才而陋者用懲也今或使才不不
混而勸懲之道微則安用試故今所為試規者
至嚴然惟求無負於二三子非有他也文劉有

司壘下之學官學官丞以日教諸生而益應以
候焉夫法之行也如金如石如江如河教爾布
告惟百執事寔共圖之

總約八篇

遵 帝第一我

聖祖高皇帝何為而作卧碑哉誠念學者之禁
焚綸綸而無以一之於正也是故師長而戒
恥視以崇敬也有司而戒其挾制以敦厚也公
門而戒其輕入以培節也戒勿建言戒勿訟

戒勿訐過以養恥也保身惜行以遠禍也含情
忍性以却咎也大哉 皇言其示天下以教學
之大綱也 皇上賜以璽書則視碑尤著焉曰
心曰敬則學之本也忠信禮義孝弟庶恥則學
之實也毋尚浮誕則文之規也夫膳而復其身
家之繇則學之資也選其賢而退其不肖者則
學之紀也諸司不得預學事則顯其柄也貪酷
利病得以封事具聞則重其權也大哉 皇言
其示天下以教學之全功也故天有所繫訓於

諸生者非實也。帝訓詳矣不可得而遺也。有所切飭於諸生者非刺也。帝訓嚴矣不可得而縱也。才則進之非私也。帝之所予不可得而靳也。不才則退之非忍也。帝之所奪不可得而庇也。然而奉法者則常患於不明不公。夫不明者辟之日不知夜月不知晝猶可言也。不公者則是廢權而手為之輕重廢度而口為之短長不可言也。奉法者不敢不公矣不敢不明矣。乃或撓之則將奉。墨書而從事。又撓之則

將題尺疏上請 明主而委綬去之以謝諸安
能局促懼蹇而徒擁空名於二三子之上為也
且窮達人之所必有也而惟上不負 帝下不
負諸生一任之矣

辨學第二

夫學難言哉夫學難言哉非學之難言而學之
難辨也聖人作六經以明道辟之日月並耀江
河並流萬世之所共睹也今之學者乃惛惛切
切然容對掌而嗟嘆斯道之不明則是以六經

為矇也。自諸儒表章六經以詔天下，辟之披溥雲而覩青天，決隄障而走大海，群心之所共快也。今之學者，乃猶懃懃憂懃，撰異標奇而自稱發千載之秘，則是以諸儒為妄也。自昔名卿儒人，賢豪高士，功被宇宙，名垂竹帛，忠貫日月，義動鬼神，乃所謂天下不可一日無此人者也。今之學者，乃鄙之曰不聞道，則是以道外有功也。自昔宏言崇議，嘉謨宏謀，上紓主憂，下闡民瘼，近持國是，遠垂世經，乃所謂天下不可一日無

此言者也。今之學者，乃鄙之曰：不聞道，則是以道外有文也。嗟乎！學術之不明也，豈惟裂道哉？道裂，則士志惑；士志惑，則士習乖。士習乖，則人才迂僻，靡駁而無當。故吾輩諸生之慎辨之也。六經以經之群，儒以緯之百子，以廣之史傳，以徵之母，異而冠母，緩而帶母，迂而談母，闊而行母，瞿瞿而視母，陰陰而吟母，徐徐而號母，罔罔而動以子，則孝以臣，則忠以士，則脩之家，以官則脩之國，以庠序則教以郡邑，則政以禮樂，則

文以兵戎則武以邊疆則坐銷敵人之氣不敢
南嚮而牧馬以朝廷則目營四海之安危而身
負宗社之休戚此學之正也亦道之正也諸子
慎念哉聖人曰惡莠恐其亂苗也夫雜學之亂
道甚于莠故願諸生之力鋤之而毋俾為苗害
也

宏志第三

夫功崇惟志昔談尚之矣蓋志之於人也譬之
於木則根焉譬之於田則穀焉譬之於射則的

焉蓋一時立之而一世成之者也故天下未有
不志而成者也孔子尼山之布衣也而其言曰
老者安之朋友信之少者懷之何其大也伊尹
有莘之耕氓也而其心曰匹夫匹婦有不被克
葬之澤者若已推而納之溝中也何其偉也禹
稷唐虞之群工也而其心曰天下有溺者由已
溺之也天下有饑者由已饑之也何其急也且
尚父以漁釣興周傳說以版築隆商管仲以權
車匡齊孔明以躬耕佐漢數公者接之萬人之

下置之萬人之上而崇功令名遂爾顯著者非一朝一夕之故也彼其初固嘗忘之也今天觀之家而或臧獲餒凍則必立謀所以起之天下之人之顛連而莫之告也亦何以異於家也今夫人之一身而或手足沴結則必立謀所以蘇之天下之人之危苦充充吾目也亦何以異於身也主德何以宣之民故何以達之外患何以弭之內瘼何以瘳之國賦何以充之戎備何以飭之天時何以若之地利何以闢之凡此皆經

緯其宜整齊其緒而需用焉固以治吾之家而
理吾之身也故曰天下一家中國一人者非意
之也彼其竭一心之知慮而萃之於繁華利達
是自卑其志者也白首宿單而斤斤然自附於
古之儒者之流是自窮其志者也溺神握管異
志抽詞而徒以華言亮語誇天下後世之耳目
是自隘其志者也嗟乎天之與人以才也將責
之以天下國家之任也吾之志而僅以三者卑
焉窮焉隘焉其如天下國家何哉諸生誠有天

下國家之志而日講之庶不稱腐儒且治天下亦安用腐儒為也

慎履第四

余聞之蘇子辨天下之大事者有天下之大節者也則斯語豈不誠甚當哉是故吾未見夫居則憤憤出則炳炳者也吾亦未見夫居則井井出則汶汶者也是故古之君子其持已也辟之持璧焉全則璧不全則瓦矣其戒慾也辟之防川焉一決則潰敗四出而不可收拾矣其忍性

也辟之滅火焉不以水沃之則炎炎而上其勢
將至於燎原矣是故君子慎之也今夫上書公
府獻策當塗稽首乞恩掃門求謁非高士之風
也陰心側目日伺有司之短而持之而因以行
其私不得則肆言訕謗轉相煽惑非元吉之履
也假借名器遺賦侵畝儒服踞立雜之胥徒甚
或代書訟牒以需賄食其視有司之署若履其
家焉非大雅之觀也狎暱徵逐卮酒歡噓朝醪
夕酌蒲博大呼而或游戲倡優淪溺奢瑀非端

人之習也日夕衢市凌雜米蓋一言不相中款
張目攘臂折支敗面怪楛圉固且其心焉非居
身之珍也歲暮途窮壹忘苟得儻稟出納飲祀
擯相需賄里胥代庖而竊非長厚之道也多士
戒之哉今有言麟鳳之游于郊也人靡不爭觀
之騶騶之鳴而聞之者揜耳而走客之山行也
松栢則敬之桃李則悅之荆棘則思以鋤之矣
夫闕不稱彬彬鄒魯哉諸生生其間而日有感
於先達大儒名卿之爲者其爲麟鳳松栢之儔

見爾之先達長者一惡而鋤之者在也

勤業第五

夫天下之事未有不勤而成者也是故理之在人而不學不明不勤不獲也辟之泉之在山不鑿不流也辟之絲之在蠶不抽不見也時之在天而勤者得之惰者失之也辟之人之老而不可復少也辟之水之東而不可復西也是故古之君子之貴時也貴時者貴勤也竊懷鉛筆寤

誦詩書何其篤也讀書五行俱下何其敏也採
薪負販投閒百遍何其切也織牛衣以自給而
好學不倦何其誠也帶經而鋤下帷而誦流麥
而編蒲焯掌和穿膝何其勇也若而人者居則
鴻士出則名卿古今共嗟焉然猶中庸之士也
夫孔子者非所謂至聖至聖者哉即使不勤猶
當萬倍於學者然而發憤忘食何其切也好古
敏求何其銳也韋編三絕何其文也而予也晝
寢求也自畫賜也願息則毅然以言擢之不少

假焉是聖人之惡夫不勤者如此其甚也今此諸生方其始也結髮束脩誦詩讀書何嘗不彬彬稱才哉其卒也乃有大繆不然者其上也乃有翱翔六藝之圃縱橫百氏之林而著書立言萬世稱萬者乃有讎懟墳典茫昧訓詁即試以常言庸語至曳白不能對者其次也乃有抱圭璋之才奮金碧之文而結綬影纓致其身於青雲之上者乃有歲晏途遙髮興衣白悲嘆窮閭落莫舊廬而艾母妻子不克饑而啼者又其次

也乃有淵岳其心麟鳳其采而名章鉅篇為學
士大夫之所贊嘆欣慕者乃有身被夏楚奪其
衣衿而垂涕潛歸慙見其鄉之父老兄弟者何
故哉則勤與不勤之驗也今夫耕者不勤則饑
織者不勤則寒學者不勤則困饑寒者猶可貸
而起之困者不可以請而解也諸生急學哉毋
以百慮自勞毋以群動自撓苟至於困而後有
省於吾言則六

夫六經而卜文豈勝談哉左馬之古也董賈之
渾也班楊之嚴也韓柳之粹也蘇曾之暢也咸
炳炳朗朗千載之所共嗟也然其文馬不襲左
而班不襲楊也柳不襲韓而曾不襲蘇也何也
不得不同者文之精也不得不異者文之迹也
論文而至於舉業其視文旣已遠矣文而襲者
舛也况拾世俗之陳言庸語而掇以成文又舛
之舛者也今夫人性之有文也不猶天之雲霞
地之草木哉雲霞之麗於天也是日日生焉者

也非以昔日之斷雲殘霞而布之今日也草木
之麗於地也是歲歲生焉者也非以今歲之萎
葉枯株而布之來歲也人性之有文也是時時
生焉者也非以他人之陳言庸語而借之於我
也是故古之言文者得之心而發之文也其理
之瑩也如金之精知王之粹而天下之人莫之
敢損益也其詞之溢也如長江如大河魚龍鼉
鼉縱橫出沒而不可拚也其清通也如月之秋
如江之澄如潭之寒而千里一碧泠然內徹也

其古雅也如太羹如玄酒如周之彝如商之鼎
令人觀之而裴回太息棲神千載之上也其明
達也如青天如白日而有目者之所共覩也其
飄逸也如珮玉鳴琚乘風御空可望而不可即
也其鏗鏘也如金石相宣絲竹並奏而聽之者
靡靡忘倦也其葩麗也如芙蓉秋水之上而真
色充燦不假雕飾也其嚴正也如達官貴人端
冕而立乎朝廷之上見之者慄然動容也其雄
渾也如鉅鹿之戰以一當百人人戰伏不敢仰

視也斯文之極也以之闡經則道德性命之精
章矣以之論史則治亂興衰之繇達矣以之辨
事則得失安危之機判矣辟之天之雲霞地之
草木無所假焉者也左馬諸子之所不能易也
尚何以陳言庸語為哉文賦云謝朝華之已披
啓夕秀於未振諸生其舍爾糟粕茂爾精華吾
將悚而覽焉

端範第七

夫師儒者士之範也故曰師嚴然後道尊道尊

然後民知敬學所謂嚴者非特自嚴之而人亦嚴之之謂也余觀世之有司類以勢自崇而士或頑教不恭其命而爲之師者方且上畏有司下畏士日惕惕焉惟恐遭之而不能安於其位也是可嘆也辟之父兄之教子弟既已召塾傳傳之矣顧乃不恭其傳子弟又從而侮之而傳且求以自容於父兄子弟惟恐棄之也則子弟之不淑何恠哉余求其故則非父兄子弟之過而師之過也今夫非其義也非其道也一介不

以取諸人師嘗誦之以教士矣而規其自爲乃夫諸君皆文學高第誦說先生翱翔禮樂之區出入仁義之途爲日久矣安至如若所爲者而子不得不舉而言之亦即耳目所覩記者而懼諸君之萬一也假令萬一有之亦何面目以立二三子之上亦何恠乎有司之輕之而二三子之侮之也諸君慎之哉誠能以禮自持以義自固敦學而動誨嚴規而貞度若是則有司悚然恭之二三子有不慄慄受命且侮之者吾得以

法繩之矣吁師難哉

誠俗第八

夫禮者所以維俗也而俗之所趨一往而不可復則反至於廢禮嗟夫禮不能維俗而反爲俗所廢可畏哉可畏哉其他不論論莫大者今夫冠而字之聖人教天下以成人之道也今髻而學者輒字矣頃之號矣未及勝衣而已巍然大人長者之稱矣及其冠也父旣無以命子甚至竊仕者之冠冠之何謂乎昏禮者聖人教人以

人道之始也。今也不擇德，不論才，富則昏之，貴而富者，亟昏之。鬻田婢婦，殫家遣女，佩環盈路，繒綈滿車。不然者，夫厭其妻，而舅姑輒怒罵其婦。昏姻論財，古之君子，夷之而今。乃甘心焉。喪禮者，聖人教人以厚終之孝也。今也，芒屨未視，布筵勞賓，飲食相藉，破涕爲笑，召僧共佛，吹竽伐鼓，衰絰而居，展采姻娉，富有貲者，泥堪輿之說，而暴露其親，以求利。後人貧者，至以其親骸而付之水火，滅之。是仁人孝子之所驚悼而不

忍言者也而今之人何心哉祭禮者聖人教人以追遠之孝也今也大廈廣室高臺曲池少者千金多者萬金而爲之先者乃不得只尺之地而受享焉貴人之臨供帳治具烹羊包羔羞醢雲縟而爲之先者則尋常美豆之設而無所加意焉且歲時墓祭又多男女之戲而耳目之觀也何視其先不若其身與客哉文中子曰冠禮廢天下無成人矣昏禮廢天下無家道矣喪禮廢天下遺其親矣祭禮廢天下忘其祖矣蓋傷

乎蓋傷乎世俗者而爲之非也諸生者而亦復
爲之非之非者也且諸生之所最尊隆效法者
非朱子哉其所輯家禮固天下信之而萬世傳
之者也諸生內以諭其父兄外以諭其鄉之長
老子弟而稍稍習其說行之雍雍磷磷斐斐翼
翼而遠近觀則焉則古禮雖不可盡復其禁俗
之不至於廢禮也有餘矣是在二子哉是在
二子哉

宗子相傳 書部卷之十四

門人

林朝聘
黃中

黃才敏
朱應遇
陳汝揚

杜望棟
謝符

同校刊

鄭克曾

報阮督學

鄉在長安幸從明公游意益蒸厚也病免歸則
又視我邸令申饒發且得其長公朝夕甚幸甚
幸憲旄颺越而山中人不得遽訊以書時見越
士以邑中子弟召授經來則往往迷明公視學
事以為明公兩究近世希觀觀也僕誠私心快

之會嚴博以職事赴越當首謁明公遂托一書
謝昔侬蕙布鄙意于下執事唯明公財察夫皇
夷入寇吳越終戮焚掠數百里為墟今古至變
謀臣策士徵兵集餉非不風馳雲湧至盛也相
持四載曾不得志于一戰乃反損軍折將重為
岳夷觀笑何故哉僕則以為不上兵而容兵之
偏也往歲吳越守臣初上夷變主上覽書大
怒下策度臣持議者以為夷入如風雨飄忽吳
越人懦弱不能持戈不足恃惟調他方勁兵協

剿可期而禽遂使侍御史南陽出選山東兵八
千往授司馬司馬渡江送兵廣陵二千石以下
朝夕供帳真散牛酒命帛勞士僅三日糜二萬
矣夫揚一郡耳自齊抵越涉三千里凡經幾大
郡則所糜何計哉既抵越一接戰輒墮夷計中
枕藉如山餘者望颺潰走當是時僕在海上見
潰卒幾千人徃徃從海上意氣而北不惧也是
安取客兵哉夫蟲夷與中原之寇異徃歲師寇
起河南大軍一出輒剿已剿即勒部散去此宜

下客兵者也。廼曷夷者如魚鳥之在江湖林木
出沒聚散一瞬千狀其勢難以盡勦唯未則禦
之上則守之是為至計即使客兵盡勁可恃亦
豈能常使之操戈萬里之外為我禦夷哉護戎
將軍勸千萬人日夜走萬里山谷間抵越其所
糜不知其幾矣而吳越連歲苦餉既已竭江南
租帑不足給之且田疇罷耕者什五有司急餉
苛征徒為夷益眾亡益也昔項羽勸吳中子弟
八千渡江長驅天下彼豈非間關編氓而與今

其異稟於士亡論強弱唯其練敵亡論衆寡唯其氣為今計者唯練士倡氣之策總戎責之監司監司責之二千石二千石責之邑史鍛戈矛嚴行伍信賞罰行之而士不勁者一世無之誠得海郡士盡勁亡論今變可彌即他時夷來亦何恐也且又亡大費越中人徃徃言夷畏寧紹不敢闕疆蓋寧紹人各各家海上不聞則失其居夷來輒併力持刀格夷夷輒敗去夫嘉湖寧紹相去不數百里豈強弱頓殊哉邇者

主上念師久無功詔捕總戎司馬罷謫大中丞以下數人諸臣受大托而徒擁烏合之衆以冀成功僕固內知有今也此中傳言各道兵日益解散走護戎者懼不敢問彼其暴露草莽久矣且腹空無糈又安能留之故僕以為罷各道兵而日夜練吳越者甚便今楊公新拜命且明公雖總文事慷慨戎機當得朝夕見胡不以此陳說楊公之前而贊翊之僕蓄此衷長速矣睹于近事益忿不敢以聞楊公而為明公一陳者知明

公者楊公之所取信故假明公以信鄙言也亦
唯明公有以教之

報張範中

鄙人結髮學語時則家君具言江上張先生者
特學工古文詞即已時時嚮往後間從諸集中
得讀足下一二大篇則固翩翩漢魏唐宋以後
希觀此語矣抱痾湖海妄有志於作述之塗以
為揚在昔稱雄天下而文采未著私心病之劉

子來拜翰言且得讀重鄉諸叙則喟然太息深
愧之下博識公心又幸諸君子得以托其文於
不朽他日海內談文獻者以揚為稱誰之功也
書中獎借歛焉俱愧鄙人之心至為文義公輯
文托梓則又柰梓百世華艷豈鄙人可致私謝
于足下者文義公勲名久著藝采特湮僅有所
傳家梓詩亦日就損壞難讀至其自序中所稱
文百篇者即祈一字片語不可見聞蓋其中祚
求微不能護守筐笥至皇綸箋札徃徃流散村

家况遺章散帙何望哉及書來乃云得文至百
大喜輒以告鄉之父老又大喜靡不感嘆足下
用心勤厚使文義有知即可以報足下也文義
之文托足下是垂久遠何事鄙人之言碩既有
重命且莘生文義公後則亦不敢不勉綴一言
以報然非盡得文義文詳讀之則亦不能妄為
之綴以遺懸于下執事敢于記室析其副錄已
中讀廼封還不竟留也文義公後有楊司徒公
胡督學公楊以才胡以節俱籍籍負重名邇山

居寡務採掇邑乘求之二公之家各出其詩文
百首畧為收整繁蕪約取精要稍井井矣意欲
足下各惠一言置之重鄉末帙則豈惟往者佩
恩哉二公履歷畧具維揚新志中足下有憐才
至意當不厭斯談矣南北相距不數百里迺不
得乘月問舟與足下共坐江磯之石折言叩隱
廓我塵蒙言之抱勞而已劉子有江干之役敬
附一言為文義謝情兼致私悰于左右亦惟左
右賜教焉佳剡之惠侑用增感

再報張範中

日劉生去草卒勅一書二詩是日有客携卮見
過抵暮劉生秉燭侍書書旣已不工而客復停
卮促起遂漫爾放筆不復檢省輒命投函詞翰
惡鄙誠所甘心若復謬訛愈不可矣劉生已歎
乃大追恨及生回則已辱足下賜荅函持翰
太息彌襟真志華綃種種盛念至得文義手稿
二帙尤動百年俯仰之感讀書中語周環不能
釋去詞高旨遠渺浩難闕重鄉錄序植義秉公

彪彰隱采甄序百世藻品群言真鄉國之奇觀
而藝圃之上選也文義一序尤為詳典公去今
百年矣世事日新前修愈泯茲春中丞鄭公下
檄郡邑為文義整立廩嗣作傳登石又得足下
輯文候梓闡發幽華裨文義生平慮心東慮沉
鬱百年者一旦昭彰時人耳目此其為益視鄭
更鉅矣僕于今世最稱鄙陋乃妄心詞藝以托
於君子之林若臨清謝山人榛濟南李郎中攀
龍湖州徐比部中行南海梁比部有譽吳人王

所以世貞楚人吳舍人國倫數子者皆海內一
時公林之極雋也僕亦得以奉陪末論共勵斯
盟淺積弱培卒乏奇思近復僻居湖海朋友星
疎芝朮在謀斯理蠲慮向來一二小譏亦漁樵
松月之間偶寄以抱耳苦不自知乃以請于足
下更下下責其愚頽漫為好語至重重其詞碩
當之者何其心慙貌悚也楊胡二公辱一言便
可長聞于世其集稍有銓次即馳以請茲不能
申敬于左右臨蒞當別緘遂不繁詞

三報張範中

客冬維檝湖干則劉生芒然奉書還報兼之佳
梓三種辱之時迫霜雪日夜走逐未有以復茲
宜復書中所采當時諸大貴人語意旨甚厚嗟
乎僕何人哉足下乃以為可語則亦不敢鑰口
替布區區夫聖人未嘗顯精文章之學而六經
炳蔚萬世共嗟左馬曹劉李杜者流相繼興起
即難較聖文後之言文者亟稱道之也千載榛
蕪李何再闢俾海內學士大夫重觀古昔譬則

鳳麟在郊群心快之且鳳麟之為天下瑞也求
其耕疇而駕遠也則謝牛馬而世卒不屈鳳麟
于其下者以其文也以其文非以其用也而世
之論文者乃責其亡用于世則何以責鳳麟乎
謂鳳麟之文而亡用可也謂鳳麟之文而亡用
而不及牛馬也即婦人孺子而笑之文選者鳳
麟之迹也而鄙之以為不足讀是謂鳳麟之不
能耕駕而鄙之者也非忌則愚李何之則古以
綴文是李何之所以為天下重也而乃誚其奔

走奴僕之不暇然則述黃虞姬孔而談仁義道
德者亦將為奔走奴僕乎悲哉諸貴人之言之
疵也諸貴人亦豈能必是物遂見棄于世乎適
足取笑而自黜耳聊取足下所教我者以復足
下足下其亟釋然于鄙人之言毋為諸貴人所
惑而且以惑人也有便再托報音

報王元美

昨至淮則江使君持足下書來僕發書讀輒淚
數行下是夜寢復起徬徨行無所寄其悵悵已
歸而楊州人送足下至江南者復持足下書來
敬問足下起居也恙讀書中語知足下以不得

僕書為恨，願僕即欲裁一書問足下，又何可得也。是日謝客，讀足下詩，僕與足下別僅數月耳。足下詩至百章，亡論不減長安時語，而格力音調精工，願反過之。廣五子者，取類甚富，而詩甚精。願五子者，一何厚幸也。於上虞生三致意焉。有味哉，有味哉。七言者，雄整；五言者，精麗。要之，不離乎英氣，非敢諛足下，亦足下所自知也。僕七月與足下別，數日即病，病甚，遂上書于鱗子，與強僕起，僕不起。行時三子夜携酒視我，邸舍

中惟是下不在相碩動顏色明日遂別諸子行
計時謂至淮得是下一會至淮是下已去纔四
五日耳一歸草堂父老故舊日相過問途中殊
殊困一為好語謝之則又相視而嘻謂無故人
情昔所抱痼以此愈益之矣行將迓草澤中累
理芝朮俟稍稍善飯則欲問醫江南登虎丘而
召是下尊君東伐奏凱有期曾無一言以及節
餓甚恨甚恨斯道窳窳上下千載是下自愛小
詩數章用當面請

再報元美

揚州使來時值歲暮乃云歸且供椒柏罷燈市
即領報書入吳矣日望其來不來也至三月暮
始來且曰歸楊一病病不果來音書迢滯斯人
之責深也之下遂吳值春耳目一觀經緯百彙
錯綜萬象秘思研詞精耀華燭當與三吳之勝
千古並垂寧止洗百年之恥哉僕病肺日甚逃
遯蓬蘆採藥種芝漸與世隔每一馳神足下遙
思紆結不知危涕之橫集也于鱗子與昨以書

乘欵欵前盟大業並厲僕即不肖豈敢重負諸
君昨得于鱗順德之報雖于鱗宿心願處之者
壹何不當也蕭艾重筇屢裹服箱自昔嘆之矣
南宮校文誰過于鱗者而竟斥不與吾道可慮
然予與落落風塵即得明卿終孤立耳是下當
七月還 朝約我金焦之上謀信宿之談多病
相牽石湖之約恐付空虛矣春來諸什當不減
塗示我慰茲離抱

報梁公實

去夏與足下握別寺上心旌共往九兩得途中
手牘把誦沾衣足下別去一月又為別元美元
美旣去僕病十月上書幸主上恩賜俾得就
醫故國今高枕草蘆已暮春矣憶昔並馬長安
鳴珂授簡一時騷壇直追漢魏真千載奇觀也
嘉會不常盛圖難再謝以春歸子以夏去元美
與僕相繼出都獨于鱗子與明卿落落京邑海
內豪傑能復幾人一歲之間萍分雲散良可念
也于鱗五馬之請當在暮秋而子與上疏分言

留中不報豈惟聚散多端岐途偃蹇彼此固且
甘之矣是下本以煙霞之徒得遂初服採芝鍊
石何所不成矢為文詞益復凌虛駕空不可羈
縲僕常言人世祇有二道上焉者乘青雲美紫
霞而次則宏詞麗句照耀今古名並日月莫得
而掩焉是下將無兩得之耶僕之為心是下所
知謝客巖居不敢自棄于斯道以負知己近日
採藥深山遇異人授以大還之術意將文詞之
業大就然後躡屨而從焉山中偶值貴鄉人附

此往訊用申前盟茂秦南來則僕有浪游五岳
之興羅浮雖遠幸為我選石相待也臨風悵悵
不知所云

報元美

三月驛書草草不盡後數日聞海寇寇吳中太
倉急僕披衣中夜立為是下徬徨行累遣奴往
訊奴惧不敢問舟未嘗不對客歎歎也昨護戎
回知吳中大定使持手書又至大慰新詩佳帛
厚我厚我進使者問知是下戒期北上一郵書已

去米諭乃欲僕一會者甚厚念也謹勅小奴澤
君江許聞足下已納吳姬復有廣陵之娉向詩
曾聽王人簫者真聽之矣君當重謝我詩識也
而廣陵人乃頑不得聽焉大恨大恨

報袁二丈

東去海上咫尺耳况與丈又經年別也迺不得
乘月放舸一奉顏色願辱再遣使來佳篇枉惠
把讀淒然離緒交情轉加勲薦海內相知愛孰
逾丈裁更讀諸律詞調精工妙非言及郎使拾

遺手綴何加焉所諭東土菑瘼備見仁人君子
所為心者月借州貳移楫湖東蓬蒿蔽空舍無
遺穗父老環舟呼泣舟中者無不人人隕涕罷
酒也州貳移書于府府亦有報言及僕力所能
及豈敢有愛也使旋附謝近卜墅頗佳十月旣
望翹佇仙槎摘蔬治醢細譚欵昵耳

報徐子與

子與足下僕與足下交至驩天下莫不聞也別
足下一年矣迺不能馳一价奉訊足下吳鄉移

書謙僕謂僕以山林自驕足下豈亦有此誚乎
秋中辱使惠之以書萬里長思頓解復結矣僕
以今夏卜築湖南羽扇葛巾高卧明月客善長
簫被以采蓮之曲極恨不與足下同之也元美
秋中過我草堂把盞狂呼猶作長安中態四顧
諸君不在重自傷念于鱗竟以守出廼得關園
讀書元美言于鱗于僕謂其長揖不拜官長也
斯鱗哉斯鱗哉梁鄉落莫山中竟無音耗僕深
思之常蘇蘇墮涕茂秦近復何狀吾輩尚壯此

君白髮種種矣吳鄉還楚過廣陵迺不顧我祇
以詩寄我又大讓我可恨足下以書去為僕一
謝焉進使者問知兄嫂諸息俱亡恙尊公起居
健更為足下大喜使復至甚勞具言奉報用謝
踈闊歲暮在客霜雪凌其幸謝故人努力自愛

報碩國子

凌江來拜手書無能承發書讀知足下之慮是
君深也慮晏君即慮鄙人又聞有重貶於晏君
又即重貶於鄙人也鄙人所感於足下豈下晏

君晏君固辭遣使者三以身者再士之義也碩
未可驟却以逆於下執事鄙人謂晏君彊留晏
君始強留以待報命於他日少江手為鄙人言
夏下近讀遷史此得指嚮矣鄙人嘗有言外史
記言文外盛唐言詩即言學者外孔孟何適哉
鄙事何敢辱規附謝言於少江手更圖頡使致
意焉

報唐丈

鄉者一奉顏色頓隔兩秋歲序不停軫念彌篤

春間聞公恙兼夷警俱宜馳一介東訊會鄉園
多殺心跡並煩申楮輒蠲命人屢罷彌年抱耿
竟坐虛無幸長者猶能俯諒其心不然者僕何
辭焉使來錫命愈益驚悼儀厚情豐無所仰籍
教言欵篤申之以規僕雖不肖敢忘長者之愛
哉佩以周旋感戰無已茲行例不敢辱脫然以
長者百里遠愛又難以他貺並也謹拜海品之
惠餘者輒因便迓弁附一言以謝相違益遠臨
楮增情

報姜使君

侍燕彌日豁我神情輒飄然有凌雲氣視世之
束纓梏冕顛顛其形者星淵矣重使夜臨奉教
增悚我公期我于風塵之外復講人世縲文何
故哉臚謝拜命以稱君意若塗役則群公有貺
命矣復受茲直將安置之乎輒因使者反報其
感愛與受鈞也

又報姜使君

公之德在郵郵之尊居帖食者俱公賜也公且

不忍費其孟疏斗醪僕鄉之鄙人也自竊章服
後士大夫將曾未綵髮以報父老子第乃儼然
而受其數金何安也則遂反報命于下執事以
不敢重已之過以毋負我公不忍以孟疏斗醪
累民之心不意我公過于用情切申前命奉諭
數過愧汗沾衣終受則負鄙志終辭則大負公
既而思之與其負公字負鄙志於是東鄉再拜
而受之尚思終遂鄙志則公必有以許我矣

報徐子與

客塗一聚兩夕作社幾失天地矣王程各迫遂
今分袂後夜對俗客輒欲掩耳當是時恩君更
切也自郵抵淮束帶拱揖連日夜不休尊君詩
奔鄙謨竟不得一間書之贈冊遺几上付鄭使
君前所云者至濟絃報討之下尚在淮也舟中
臺上二作努力相聞

報何侍御

世道日趨士節愈墮縉紳先生高冠華舄乘良
刺肥雍容雲霄坐期鼎鼐其視國家利害大計

若罔聞知不當其事者委之分有所拘即當其
事者又委之勢有所制惟取夫不切利害之端
亡闕身家之策者稍稍補綴便已赫然稱才雄
視流輩矣是下獨為國家思十萬年長遠之圖
即又毅以身任此豈與前者同軫並轡哉鄉諺
大疏令我飛揚孤楫北來會憲旌西騫雄心
抱披拂也遺登高作賦系楮揮毫閣中鬼神至
今颯然動色誠百年嘉勝矣辰別東行衣抵夏
津形神困頓僕馭顛顛行路之難令人興嗟高

卧西晨方得束帶正擬命筆譏理鄙語以侍將
命將命乃今晨叩門至久起奉華牘展閱數過
深用慰喜次于面侍也使去附致耿耿兼謝宿
擾

再復何侍御

野刺犀駕再挹清揚高閣停危長空飛翰珠垂
玉燦霞爛雲流真可並峙江山永標日月而僕
以疎狂羈旅階陪盛游深愧雕蟲尤欣附驥更
辱浮傾意氣大擴鄙矇海內相知鮮見匹儔矣

握別山門念車馬有勞色恨不得以身當之邑
吏西歸傳命相訊張然用慰又辱重使馳翰遠
問寂寞塔函涉旬厚念累紙襪以周環益增悚
結僕別後即取讀黃帝岐伯諸書命老醫選方
蒼頭煉木今幸次第成劑矣昨從山僧至巖經
殿盡發其所藏佛經讀之篇目浩蕩意義深邈
耳目外駭心志內灼忽悟浮生如寄真空可依
形骸為紕聲利為桎何時拂衣長往窺此禪關
米論謂讀檀經有悟兩心如契誠有味乎其言

也數日韻理芝石遂罷吟索無以復命有愧高
旨別諭感情受教兩不敢忘使旋謹申鄙款以
致謝于下執事至於賓筵再叨重以釀釀則來
諭所謂感在言外者也僕已卜望日戒輶北鄉
深謝慰留忝忝在南遙切瞻企

報吳明卿

與足下別長遠矣去夏真承送一書握讀數過
怡然增情偃卧空山函報亡路及元美至奉一
書一詩乃知使節還楚過門不入祇有愧嘆洞

庭浩渺音書益難計今秋使節過揚必得一觀
遣使江滸往遲前驅元美書來乃謂足下擁二
姬從西北徑趨上國令我惆悵彌時潸然泪下
關山迢遞羽翼參差足下讓僕以山中自驕寬
矣寬矣射陽湖上遇子與謂足下詩思益雄張
不能即夕見足下握手大呼命楚妃烹鮮進醴
為荆高飲也今已整輿上塗即可北鄉思君
詩往省足下亦必有相懷者

報徐子與

渡淮報前驅且至不得再握手是造物忌之矣
抵燕見二生攘臂累夕以言相詛僕謂掄才計
笑諸君必不得久住人間諸君事當並以累僕
也舍人因起屢幾折吾齒束帶投刺甚怨見二
生則喜每聚必談足下足下雖遠左右呼之恒
若狂奴在側也攜拳兵亂足下歸值之足下自
愛母為諸夷所苦舍人則有喜色奈此狂者何
塗間得舟中一首附去餘不得書近稿雖為鄭
生竊去尚憶書寄我

報何侍御

客塗誨眷銘在心肺不以詞謝歲暮登輿獻春
覲闕回瞻海岱故人在望每用依依趨竚疏報
久之乃聞停役之說令人喟然長嘆功雖不就
足下所為宗社長遠之謀固已白於天丁矣馬
上遇舊使呼而訊之口授數語代述願言端茲
慰我饑渴

報陳駕部

客冬理楫上塗曾授數語于慈人陳生代訊

亡浮沉不塵坳一接江湖驟遠每憶故人捫蘿
停庖之興輒悵然動色使來錫教則用歡喜四
千里授繁直當珠視豈比恒貺也山中成習一
馳馬挾刺便自生悔公比藁館于壺嶠僕心甚
矣進使者問起居亡恙束帶俯仰自是人世恒
跡不足為公若顧公之才詎非體也使回絃謝
允極草草

報李于鱗

與足下推別真莢積砌矣既別之春聞之下出

刺尺書在袖竟阻北羽諸子書來則許道足下
為郡事抵燕見王吳二日夕攘臂獨頌足下在
遠茫然心折頌足下不離數子語也元美日謂
使來已而使果米啓函發紙欲喜無量寄贈三
詩七言更絕一字一嘆至夜色樓臺雪萬家即
王中丞雨中春樹何加焉僕乃獲之千古生色
太行諸篇奇鬱悲壯雄視今古即拾遺集中未
得多觀贈懷諸篇鏗鏗金石統之難繼矣憶昔
五子結盟義掩白日風波中起羽翼相乘謝接

以白髮負心梁生以青髮長往俯仰人事但可
悲嘆吳生之賴耳目縱橫意常駕僕僕髮短心
甚頗得意于此生以生矯厲非僕當之幾廢矣

足下以

為如何謝生老至負足下路人罵之讀絕棒書
棒之羞萬世矣長篇十絕即當綴報使徃短楮
申臆兼致謝于下執事

報劉一丈

還里累暮幸從長者朝夕長者愛我不殊東壘
授經時也洲上携尊嘯歌中夜自謂長住薜蘿
求奉杖屨不意世網未捐倉皇告別又辱長者
飭饌命我贈序長歌琅然金玉當分斯貺于中
洲萬象豈僕敢專承之孤楫渡淮霜雪被道馳
驅問合薊門報春矣一接世氛眼矍失度群吏
執牘一瞬十麾回首昔游茫然悵結遠來忽已
春暮鄉園愁色如何一念相縣日夕千里長者

何以策之
併歸寸牘
代謝塵塗
易泊初抱
難解
不靳
誨言
振我
朦惑

報徐吏

還廬累歲
數承顏色
高樓賜讌
欵洽中宵
別時
復以酒食
相召長者
之愛僕何
勲也鼓袵
長淮
便隔千里
言念高誼
渺若河山
一行作吏
百苦
相攻遠憶
青門行吟
軫慨鄉公
語我以年
少功名不
可坐擲用
是愴然乃
今轉覺巖
棲獨勝耳
併歸寸楮
代謝春氣
將落懣暑
乘之強殫
自愛

遠人增慰

報陳文

故園參侍寵碩隆溼携卮問渡灑酒極別懷德
北轅關川共遠贈言在麓每一念至落而讀之
至蘆荻秋陰之句鄉心離思飛越萬里矣作歸
尺書展謝楚雲在望抱情如何春氣殷流最矣
自愛

簡沈丈

還里得奉長者兄杖每承大論輒灑然發心寶

慈再叨重之佳編芳醕耳目口腹俱被愛矣孤
棹渡淮霜雪間阻新春方得抵燕遙聞起居遠
和尋知即復昔健甚慰車馬稍閒謹遣价問安
兼布謝悰于下執事公年既高且鄉中人靡不
人人賴公者強為加殮

報沈二丈

僕之歸樵湖上至寂窳也乃公儼繪中薜裳
而日臨之月下分題雲霞共麗花前作劇魚鳥
爭趨至於片語相雕千載同奮寸心披豁彼此

獨照矣別時辱公自箋而萃之群采且又以賤
遺我幅幅而情即幅幅而感也排律一章惜別
二章每一歌之便生點慘攬芳草以增愁把桂
枝而嘆息公之念我與我之念公何殊哉洲上
草堂得子培當不令穢第白鷗怨侶青蘿失色
寒江聽雨徒勤夢思一抵薊門便與秦牘作程
稍得王吳二子一破之春中聞公渡姑孰訪陳
使君使君奇興近復如何澄江憶謝朓石懷李
飛翰雄篇當令令古並峙矣車馬已定雅思稍

整十記諸牋行當致之間讀鄉中集令人內
選梓恐未易談郭集已得不公春來佳句可使
遠人得聞乎

簡彖二丈

東髮侍遊誨憂所被歲月共速歸漁湖上寒夜
停橈三錫名章薜蘿生色只尺一水竟阻展覲
別時奉華贖瓊品牙局燦然盈苕每召賓陳樂
未嘗不嘆雅愛之殷源也首春抵燕便與簿書
作伍滄江白石抵有永嘆長者龍岡累暮蒼生

繫望雲蒸雷動區宇駭者雖欲長為東海主人
詎可得乎南中躡報新夷日來且不能忘情吾
揚天下事大可憂豈桑梓塵念而已長者目怵
心計以為如何

報袁子敬

歸樵浹歲再辱枉檝驛倍昔好行時百里亢塗
特騎別我金石有銷此情難滅海看雲履朝夕
需之啓口躡足恍然勅念一別已涉冬春薊門

塵事如舊田疇舊疆關川悠邈時憶同心但有
長慨足下璀璨中涵雲霞外溢江上秋風桂枝
盪把英雄颺起萬里長驅僕將分華割榮而快
焉幸甚幸甚併歸十緒代謝旣已煩心目且病
口授草草握手有期南雲頻注便翔如雨惠我
德音

報素四子隆

負瘵江干故人辱再訊之別時特使珍品兼以
華絹情鈞推食義切解衣感結在心罔有捐替

足下種績典述淵停霞爛耀華炳采即可長奮
扶搖竊快平生以效鼓舞僕一抵薊門塵埃盈
抱青山舊業徒切夢想故人何以教之

報系文學

客冬塗得尊公新命遂具刺於鄉卒往報計不
至遺也行時辱特駕豐齎心則內之抱佩無已
足下殊采峻拔華譽雲翔寥廓萬里秋風可待
世德重炳照耀江海矣尊公當久視事新畧家

報南去幸為寄此翹情俾歸寸楮謝情長詞簡
臨風增結

報唐丈

負痾還里未得東從長者游長者則頽儼然辱
訊行時又百里命便而遺之贖品稱滿筐也此
其情不既殷殷薦厚哉乃僕何以報焉增南中
近疏知島寇益肆環大江南北而樓之則東海
不能無恐長者桑梓之念定復如何俾歸寸楮
代謝節候方邈遙不起居七恙更祈加愛以慰

流想臨風不勝悵記

報唐子晉

往者臥疴疇隴辱故人進艇來訊披草盤教俯
仰在念理檝問道載辱錫言竒品珠乘遠情充
溢僕將口接心藏歲月同積矣一別有憶應冬春
改序震石易拋風幾難洗言念同心喟焉傷念
足下手握璫玖采注華流行為天下大觀而觀
者稱快席藉輝艷同志者可諒也伴歸華勒甲
謝長安日近北翔有期佇承德音以慰饑渴

報徐二丈

山中數辱問舟一酌一咏江山共遠非鄙心頗
也賓筵再侍錫以華章每誦明月百花之句
遙情飛越登輶北郊便涉冬春一作行吏舊抱
頓遠我公疑真擬不山峙淵停出而躍馬垂纓
目不塵縑其素莽奔如僕者去住俱荒矣歲序
殷流計階甚迫懸心風義切于饑渴尺牘布謝
詞不宣展楚天長望不任翹挹

報趙子隆

鄉者臥病山居屈我故人頻問弄危落日握手
春雲至於兩侍華筵重頒盛品愛被于身江湖
共深矣夜別遂不得再奉顏色北涉累月始得
問舍一作塵容視立壑星淵也足下春來綜
緝日燦雲流蒸雲飛揚當令海內快日向來未
得披拂今更悔之看花之期僅違咫尺燕樓一
榻俟整舊歡耳片楮申謝鄙衷不及繡綾

報解應取

歸樵再春足下厚我重厯尊祖之情狂謔雜文
深談中夜十年舊愛加懃轉篤矣孤棹渡淮關
川頓隔歲序不停忽焉春暮懷人望遠含悵如
何足下淵識俊才流雲耀日秋風只尺翔奮有
期慰藉慰藉

報解應儒

林棲寂寞辱故人時一放艇為我破之長嘯雄
談颯然立壑兩抱擾庖人情文楚楚此其感愛

豈顯卮豆哉。握別而北。一瞬經春。江山悠闊。遙
然流想。春來雄譟。銷金鏗玉。布華舒采。一耀萬
里矣。寸楮致謝詞。短緒長北。翔有期。不任延結。

報陸子和

鄙人初過里也。足下海樓既歸。始得時時奉顏
色。洲前蘿薜。頗辱停舟。遵渚長吟。美化曼嘯。擁
衾中夜。倚醉雄談。斟酌千載。悚怵萬象。矣世緇
相牽。忽焉展別。故人不忍別。我命我草堂。出解
肴而飲食之意。黯然相照也。復遺石菜。餼品長。

塗朝膳皆需之矣客舟寒月時後詩中出所
佳序讀之一讀一嘆才峰峻整霞布雲流所談
左馬李杜俱鄙人蓄之意而難于詞者得足下
數語今可投筆矣春抵薊門便為世事所迫據
案治牘長辭素懷思托寸楮展書輒廢揚陳君
至則拜遠書于庭大憙 函放讀恍若參侍復
繫之儀悚矣足下殊采絕調卓立群倫會時龍
變當以文章主盟區宇青紫浮榮僅高人之緒
非鄙人內所相急也鄙人即日坐塵埃中寄心

持遠詩與王吳二子握坐深語共策不刊外是
者迹與之游心去之矣竒人偉夫宇宙窠窠言
念同心渺然東海去住不愜關山增怨伴歸口
牧代謝詞簡緒多江國春深強飯自愛

報陸長庚

溪上結廬幽樓咫尺頻辱進艇叩我石門對落
花之續紛坐明月以嘆息玄言獨契華藻時袖
取是寸心便擬千古秋夜深談河山頰隔一水
盈盈竟阻握手是造物忌之矣既渡淮稍得謝

客乃素篋中佳序竦意而讀焉一讀十起頓足
長嘆自束髮內交茫茫日遠足下以數語紀撥
往跡恍然昔驩意氣不殊容髮漸改因之傷念
及讀洲上語則又洒然快心足慰離索矣一抵
燕便作案牘中人群吏環趨如對魍魎百苦攻
人肌骨欲痛此狀不能縷報恐百花樵客聞而
笑之足下龍卧滄江雲深霧遠丹經在握白日
難欺間以其餘綜緝昔米伴左馬曹杜相頽失
色吾人之上計也頃者春水漸深魚蝦可網足

下箕踞獨嚼散髮長吟亦有一念以及遠人乎
奈何其亡妬也併歸寸楮申謝時散客燒燭目
且病命吏書之

報李伯章

迂耕湖上得時時徒足下游明月携卮寒花捐
佩酒醑作賦四壁琳瑯風雨笑談中夜攘臂譁
蘿搖颯鷗鷺驚呼此人生之極驩也幽思方發
離歌忽起足下念我召二三同志為別草堂太
夫人手調羹而食之贈言二章慷慨莽恰如何

梁語即千載一情也孟城枉別乃百里特駕此
情真與江流北遠鄙人將滄滴而歲之雨雪渡
淮離情慘黯長路驅馳獻春始得問舍躍馬投
刺束帶理牘外煩中快孤坐含嗟洲上百花續
紛春色胡為乎來哉鳴鴈未稀尺書難緘乃辱
飛翰雲墜握之嘆息足下偉才淵識湛于奩華
高步藝林以快天下耳目秋風得意何俟筮決
乎鄙人將抗首矯足以待

報高子明

卧病江干頻得故人來訊
雨中連榻花下飛觴
進艇長波散髮弄月
紫簫玉笛颯起中流
白露可殮天河在袖
此人間至勝而僕得與
故人共之屢待賓筵大
擾侍子臨別夜召酣洽
萬端至於遠別淮陰踟
躕中路江之永矣不可
方思故入之情曷有窮
已渡淮而北忽接飛翰
一慰舟中稍燕輒取十
二絕儼席歌之翩翩乎
若乘浮雲而上征抱明
月以遠遊擬采古昔蓋
唐太白

者流也王子有語躑躅不敢前一出萬象驚其
語殆足下者一抵薊門便折股從吏然時從王
吳二生尋深松茂林而樂之恍對百花春色四
顧同心渺焉千里輒自傷念足下時過洲前懷
人望遠為情如何幸為我寄謝薜蘿當不久相
負也足下抱朱鳳之文懷白雪之才自當高翔
翥宇以快天下浦上烟霞不得久弄矣併歸口
授代謝故國春深江山懸隔梅花有使莫靳報

音

報徐養浩

握別俯仰芳草搖綠春華如此客思何堪憶昨
歸樵幸從足下朝夕花前解佩湖上停橈美月
放歌採蓮高醉晴雲微鳥漁笛滄浪華句一垂
江山共峙高樓兩召危豆如雲瑤琴獨遺山水
在聽釣之足下之情猶渥矣循已雖堪寸心如
結足下高才精思卓絕群品朝華夕秀紛紛凡
席恨道遠不能披拂之江上桂枝秋風獨把送
藉餘馨以蘇病肺伴歸寸楮代謝東帶草草不

既所含北羽如林莫惜一言報我

報頌二文

歸且累暮未得乘月蕩棹訪足下武陵溪上恐
桃花流水相與咲之乃足下不棄其鄙時來問
渡烹鮮酌醕停庖待月酒酣耳熱箕踞放歌至
於白雪彈暮青燈對榻款談深語寸心相照矣
別時扇履之惠手足知情牋上華篇雲流霞爍
時一披拂差解相思一別俯仰倏焉春暮冗缺
裁報忽接遠書把讀千周祇增嘆息雜文一帙

尤見不棄至意卒其三章驚未絕艷悚人耳
目才既疏宅理復精絕藝家如林恐望塵而遁
矣扶搖萬里為足下決之佇承佳音以助鼓舞
平歸尺牘代謝束帶草勒不旣所抱

報碩純一

臥疴湖海幸足下時辱問之鷄黍之携頻勞侍
子洲前聽雨花下飛觴情款懃深百倍舊好世
事相迫遂令分袂中宵握別黯然千里入春抵

憇便覺塵埃盈追念昔惟茫然軫心足下詞華
整麗益之精粹鵬搏鳳翔一息寡廊僕將遙承
光采以慰翹私僕以麋鹿之性久曠頓羈雅思
日鬱太夫人文尚未能一問筆石亦冀足下諒
我也价歸寸楮代謝武陵春暮花滿石門長望
不見豈勝悵惘

報舒惟弘

中宵握別頗隔河山芳草生春愁心共發兩秋
歸臥數年故人之私賓席屢叨停盃款治別筵

再侍把袂踟躕十年束髮之情轉加勤篤矣既
渡淮孤舟稍燕輒取贈言讀之雅思高才統用
太息間從箱篋索得鄙稿再觀故人獎語喟然
長嗟僕生平雕慮勤心厚擬薄售未嘗不痛知
已之難今乃復有知僕如足下者筆花所及舊
思頓驚即僕之自知何加焉第借譽太隆見采
特過又復含慙矣足下高才絕識卓立群流向
來雄譔未得披拂心每恨之只尺扶搖宇內驚
觀文采流播僕得竊覲而評焉當不讓足下之

知漢也伴歸寸楮代謝江山無極悵裏神馳別
時重談行當緘報

報許性之

零霜揜別條已殘春歲序殷流離心超忽憶昨
滄洲聚首風雨停庖譚語雄談千古一快紅塵
忽接青山頰速言念昔遊茫然興嘆祖筵一酌
情共盃深載錫之言金聲滿楮鞞舟遠情彼此
同之矣春波正深芙蓉漸綠足下鄉所擬賦可
得遽聞乎延結延結

報房舜隆

歸釣舊磯欣陪昔侶
孤艇頻繫鴈魚滿筐情
愜矣情愜矣中宵握別
相看黯然一渡長淮便
隔千里燕中車馬倍昔
苦攻求如洲上把盃箕
踞長嘯難也足下種績
日富譔述愈精散燿兼
華以光一世僅其緒耳
倅歸寸楮代謝對牘草
勒詞短緒長江湖浩渺
遙思如結

報楊國子子確

湖上臥痾屢枉携尊問渡臨流一酌情寄松蘿
別時召我中堂賜之飲食重危累豆歎愛雲稠
矣霜雪登舟賓旅稍謝輒從箱笥奉令先公集
焚香讀之考詞就班據文審奪殆才鎔唐漢采
割蘇曾句嘆字嗟茫然心折他時托梓僕或得
以自叙其今日求見之乘而綴語才簡 附驥
千里矣若選校之責僕何知馬行命意事小吏
書其副帙即以原還報不敢留珍也併歸寸楮
代謝江湖天遠把袂何時

報盧子明

歸卧湖南辱足下携尊夜訊酒酣作賦白雪滿
天聽鴻鴈之杳茫把梅花而嘆息竒篇佳藻江
山共留贈別一章鏘乎金石比采而論重逾萬
鎰矣忝歸寸楮代謝秋風只尺翔奮有期佇承
光采以慰長憶

報施子南

鄙人束髮侍遊歲月深長矣今先公私愛在僕
江流比深一念未酬頓成隔世深惟昔誼但有

悲惋足下高才精詣心切鄉慕頻登龍門大遂
披拂至今恨之抱藝高棲雲蒸霞爛乘時龍變
豈復測識哉

報潘子欽

湖上幽棲辱足下狐槎問渡坐把卮酒而樂之
白雪放歌青燈作賦雲深鼓角霜落蕪葭斯語
一出夜色難收矣展別贈章尤驚偉麗七言排
者唐集稀覯何足下之多才博度如此乎嘆息

彌襟感悚益切俾歸寸楮代謝秋江天遠佇看
朔奮以快鄙私

報陸從周

卧痾湖干間奉笑語更得雄篇握讀金聲玉振
鏘乎驚耳也別時又辱長歌贈我車馬稍燕倚
席歌之足慰遙想足下奇文鬱起殊米日流萬
里扶搖佇看朔奮鄙人亦何幸遙分光采而快
焉

報張子韶

歸廬間奉玄論便令爽心行時辱贖即未拜命
頽心內之矣足下高才古思卓絕流品向來披
拂竒文至今結念乘時龍變才鋒所摧當令群
采靡靡矣也

報卜子定

歸樵三暑足下不忘昔好時携一卮而問之頽
僕所以報之者尋來寸莛也歲暮告別又辱走
書召我而賜之飲食停盃深語髣髴昔遊意氣

不殊客髮各變彼此黯然矣握手容言足仍
至情足下高才偉識敢請停講如更有圖亦幸
報我

報胡文學

三千里外得一握手大幸晨馳夕驅無間深談
昔款中庭數語攝衣迎客客散請公則吏報西
趨矣遠路風塵一蹇未能相贈故人意義肩愧
則深束鹿既留久留則公此時已與故園舊好

把酒話遠也便羽附致鄙私冗中草略公定能
諒我

報王子仁

鄉者過里幸從君子游君子不棄其素時
過溪上弄盃而樂之此情與流水共長也孤騎
北驚修塗驅阻塵塗荏苒忽已暮春感日月之
不停慨舊游之縣隔靡蕪在望千里軫懷矣寸
楮口授代謝高情秋風不速翹佇飛翔以藉光
采

報成國子

抱痾湖上辱公過情不憚頻涉把盃論款動及
寸心別時願愛愈至令人增悚我公高簡絕俗
乃獨累意于僕者豈亦有取于僕乎此僕所為
撫心長嘆也展別北馳雨雪滿道抵燕春色矣
一行作吏便與案牘為侶薜蘿之念屢動屢嗟
高卧石湖者其將移文讓我乎謹遣一介持尺
牘馳謝湖上春深萬象爭媚行吟有什努力相

聞

報沈潤甫

巖棲頻歲故人不棄時辱問之對月携尊折花
綴語所承寵于吏者數也別時讌賜高情益薦
矣一逸青山便苦吏役回首昔驩頓成悵望吾
丈時望南洲豈亦為遠人流想乎弄璋之期近
則如何价去片言致謝江雲在望悵矣心飛

報鄒翊明

還里三秋樽俎筐籠所辱愛于足下者頻也告
別訂侍華筵情欸優渥感愛念舊轉覺依依一

去江關河山便遠車馬日馳忽焉春暮聞馱歲
北遊束鹿只尺不得握手恨矣

報李珣文

還里累晷幸得數奉顏色山房賜召把酒論心
便宛然如束髮侍遊時也中路擇別知足下
繾綣情再晨上道河山遂遠言念高誼茫然軫懷
矣登前密託謹結于心鄙力所及定于足下無
交仵歸代謝束帶草草

報王一文

歸樵湖海幸後長者游長者不棄時辱問之叨
侍華筵重頒盛品石楛之貺義釣推食高情略
渥絲髮未酬也展別北鄉獻春始得抵燕正謀
裁報乃得奉歲暮手書握讀慘然仰天太息足
下高才偃蹇萬為指訣相別俯仰乃遭此留此
卞和有抱王之悲阮籍有窮塗之泣也願高人
偉士一往不偶于時即論其至又豈必重視軒
冕而輕遇蘿薜乎足下素有霞外之心必有以

慶此矣左子性天渾朴外誘難移鄙人極心愛
之來諭云云尤嘆公之深遠也伴歸代謝兼問
起居

報王先生

臣之受恩蓋自執紼之年至今矣歸樵兩歲未
得朝夕門屏乃辱我師命之中堂賜以華宴魚
龍雜劇庖豆紛紜目接心藏江山共結我師形
容如舊臣也齒髮已強歲月殷流往踪在念俯
仰身世何可為報我師在四時朱霞大兄

頌

才白雪隱見出處之樂可以兼之矣俾歸寸楮
代謝江國春深願言加愛

報徐中丞

歸且三暮竟未得一奉几烏乃兩承顙使賜訊
私懷悚結比于陵阜矣行時期馳一介報別緣
間中父老念游子遠出時以酒食相召卒卒無
聞坐此負心獻春抵燕即謀托楮寄踪驟無南
羽郎君至又得奉遠書于庭再拜啓函竦容環
讀古詞霞麗歎意淵深繆當重獎若負荆棘載

披重錦雲霓滿握仰慨高情徒增太息而已郎
君華除南園雅稱世德別諭枉及僅有包慙茲
者結綬還里奉觴上壽明公其無樂乎梓裁尺
牘代申謝忱懾暑畏人強殮自愛皇慎皇慎

報趙山人

公老矣猶能時時過我溪上採蓮賦詩此非恒
遊乖感也歲暮別公公不忍別我乃又冒霜雪
而馳之淮淮波浩甚北之公情淺小矣倉卒分
袂二殮未留念公涉心旌共往春居何

似倚杖行吟麓中詩，當與靡蕪共深也。佳稿在，僕即為公精之。公可止慮，奴歸寄此區區。

報于鱗

日辱使使來遺書，倉卒裁報未盡所懷。案牘之
魚時發，所教詩三帙，快讀之一讀，一嘆，更讀鄉
長安中語近者七言，愈益渾涵雄深得之象象，
不能求出之意，意不能解，即杜尤難之况其靡
靡者乎？可謂千古一步矣。七言絕句唯李王可

以近之清夜放歌輒翩然高舉如聽羽衣霓裳也五言古不多見律精詩七言古者則又可敵杜云揔之包統群才會以神解俯仰寥寥何哉斯才乎淺鑒妄評助足下一咲耳鄙言塵案或一涉之必有定議

削其最鄙

者還報


豈不可也明鄉已拜青瓊吾道

生色足下古心淵識卓絕人倫二三知己撫心長嘆豈必取信朦瞶哉相去千里便翔頗衆登高有賦不惜嗣音

中塗啓謝詞多冗瀆悚又未已使來奉教乃知
明公篤念蒼生委曲揆揀固甚于其鄉之人矣
及覩蠲租留吏二疏備見明公深猷遠策下濟
民生上培國脉危言切論充足以感悟 明主
會司農公極言其狀非不仰體德意第以邊儲
為辭謀其所急遂置其所緩題復之疏亦彊言
之唯在明公曲圖仁術以遍及諸苦則幸矣使
旋敬此申復

報陶明府

京國追隨所辱愛左右者至數也吾丈擁旄西
騫弟抱痾南歸江山逖阻尺疏難問心恨之矣
使至則拜遠書于庭啓函涉旬厚念盈楮稍慰
離悰復增悚灼吾丈治楚長遠矣即華名止不
人人誦之東南兵急主上思得竒茂以飭中
外徵書且旦夕下也慰藉慰藉使歸徃報瀟湘
天遠悵矣神馳



10

11

12

13

報朱職方

往歲幸得一奉顏色歸卧蓬蒿中遂與世事頽
遠旌於往來南北至不能馳一介出省罪矣罪
美客冬重覲龍門大兄以篋篋辱之只尺

江山翹佇增悵使來錫命悚灼亡已再拜啓
遠情雲綺繁之華幣義溢解衣統之寸心如結
美僕常謂我明英人鴻筆日燦霞芬而吾揚獨

案案百載幸令先公虎視何李之間而我公
復大擴之佳什名箋照耀 耳目豈唯江山

借色而分華割榮僕之得公者更數也公之南
徙特論靡不詘之碩澄江憶謝鳳其思李竒思
綺語今古並發豈至落莫哉僕至不才乃妄有
意于作述之塗時唯稽度瑤篇以當私淑敬上
祖牋十幅敢祈惠書一二遙寄僕當懸之上座
朝夕整容環讀而取軌焉拙言一帙求正門下
蓋俗所云以瓦博珠也公 其能慨然許我乎

甚幸甚幸

報鮑山人

累暮歸卧則長者時時以杖屨來燈下談昔宗
歷歷四世公乃大父行而折節求髮者相款也
德盛矣德盛矣携贖賜吉一念千載臨別而祝
兼遺之約書事未卜諧意則何遑哉佩抱北轅
關川共遠也我公負高才屈蓬荜中誰不念旣
頽古之奇人才旣不售則必寄之絕伎以成名

茂公精意天地之紀而推之隱培博濟無論自
耀其名邨后之食公報者赫赫起也公老矣山
中風日宜自愛聞春暎尚亟則秉耒之策何如
雨田石湖二公接疇而談大是樂事有翼幸托
報音

報王保宥

一分袂便涉五碁鄉以書累御人至使千里馳
蜀意甚厚乃以途 禾能亟尺書謝愈嗛矣愈
嗛矣開府只尺無間寄悰願及以書既辱之奉

命感悚足下負駿茂華實殷彰以例誦外案誰
不太息第幾向氓困甚矣為主上發德意以
起之用不沐浴膏澤千里頌義稱良二千石又
奚取振珂道遙計足下必辨此聊一質之使
歸寸楮布謝于下執事殘暑尚虐人唯為蒼生
加慶

報王侍郎

蕪詞澈毅聊布下悰乃枉賜書獎借隆重祇奉
周環不任悚灼又辱重使授命綺采羝醜充爍

庭階下惊未内高情復解辭受兼難感忤交念
僕受明公之愛與所朝夕于大兄者即墮越旬
報執使歸率爾勒狀敬致謝于下執事臨楮皇
恐

報沈二丈

春暮遣奴持尺疏歸謝而訓術君至則我公既
以書來開函讀涉旬便令悵情卒牋又惓然慰
喜也公之讀我書想同之耳五月子培報家困
大有麥秋則北疇定得豐獲及六月得家大人

報又駭夏涑公之歲計竟復何如又念我百花洲上蕩然鷗鷺遊也遠心萬折矣

鄙人素歷

世氣一頻歲烟霞野性益薦一行作吏萬苦丈人每晨出驅馬經荒園草棘中蟋蟀振響白露拂袖則恍然憶我洲前秋色黯然內靖不知為心也公將何以謀之我公高卧紫雲當自不廢吟美竒篇俊語可使遠人得一握觀乎近世王

其二子徵逐稍有數語。初付草胥侍已亂錯。發
笥中行當手理之。寄請也。訓術君歸附此。右其
區區時坐省中治牘。從群胥旁歌斜書之。公閱
居又時時有閭人米當頰治一書報我。諸牋十
記歲暮為期也。

報朱職方

日辱重使使南鄉。還報題尺。疏以謝附之。無言
已發。乃悔也。追矣。長者負金馬。才久淹。戎署秉
軸者。時時言雍容禮樂稱也。遂以主客。上請

命下薦紳先生靡不華艷而玉道之僕又何問
焉劉藝有白下之役輒此布悃其人褻騎而去
不能有以將賀尚容顯遣一介徑叩門下鄉者
祖笈計登蘭藻臨楮不任翹跂

報萬按察

秋刺登庭者數矣竟未得奉顏色展慙款乃今
憲旄漸遠所馳情于左右者真與江湖共流也
赤炎方烈客塗幸自愛小吏遣歸問訊老父冀
托將命之列倘容執轅南徙幸甚矣幸甚矣倉
卒布悰臨楮增悵

報劉一丈

數千里外得長者時賜一書以慰長想即亦甚

幸矣何至更辱饋遺則不才益將何以報焉書
中情意甚殷即長者之不忘老父知老父之念
長者深也至以上下相孚才德稱位語不才則
不才有深感焉夫才德不稱固自知之矣至於
不孚之病則尤不才為甚且今世之所謂孚者
何哉日夕策馬候權者之門門者故不入則甘
言媚詞作婦人妝袖金以私之即門者持刺入
而主者又不即出見立廳中僕馬之間惡氣籠
衣袖即飢寒毒熱不可忍不去也抵暮則前所

受贈金者出報客曰相公倦謝客矣客請明日
來耶明日又不敢不來夜披衣坐聞鷄鳴即起
盥櫛走馬抵門門者怒曰為誰則曰昨日之客
來則又怒曰何客之勤也豈有相公此時出見
客乎客心恥之強忍而與言曰亡柰何矣姑容
我入門者又得所贈金則起而入之又立向所
且厩中幸主者出南面召見則驚走漏匍匐下
主者曰進則再拜故遲不起起則上所上壽金
主者故不受則固請主者故固不受則又固請

然後命吏內之則又再拜又故違不起起則五六揖始出出揖門者曰官人幸顧我他日來幸也阻我也門者答揖大喜奔出馬上遇所交識耶揚鞭語曰適自相公家來相公厚我厚我且虛言狀耶所交識亦心畏相公厚之矣相公又稍稍語人曰某也賢某也賢聞者亦心計交贊之此世所謂上下相孚也長者謂僕能之乎前所謂權門者自歲時伏臘一刺之外即經年不往也間道經其門則亦掩耳閉目躍馬疾走過

之若有所追逐者斯則僕之褊哉以此常不見
悅于長吏僕則愈益不頽也每大言曰人生有
命吾惟守分爾矣長者聞此得無厭其為迂乎
鄉園多故不能不動客子之愁至於長者之抱
才而困則又令我愴然有感天之與先生者甚
厚亡論長者不欲輕棄之即天意亦不欲長者
之輕棄之也幸寧心哉

報孫子升

鄉者卧病湖干故人念我兩進艇而辱訊之搢

手坐芙蓉館中停卮譚昔便宛然如執經待遊
時也一行作吏便日與案牘為伍已逾寒暑且
不得間裁一書南謝故人耶故人不責僕僕之
渴饑何解焉邵生米乃儼然持華牘貽之僕驚
起握讀厚念盈楮既歡然喜已黯然內銷也蓋
離別誠難矣足下負異才久詎蓬蒿中大抱英
雄之恨決意天人無逾茲秋者獨把柱枝飄飄
天路恨不令僕見之乃投竿秉樞釋簾襲紱又
僕于足下內卜無疑也邵生趣歸急屬微衲遂

猝裁徃報疇承消息心目共南僕已為足下至
長安酒樓買胡奴勒馬俟矣

報陸長庚

暮春一為緘報使又深秋望足下片楮心目斷
絕豈忘之或遂棄之也家大人書報六月大雨
至使鷺鷗棲我芙蓉館中則足下南墅當不能
拒波浪浸几矣細君諸郎君豈安水居即水中
拾一二穗穧歲計何恃大為足下稱苦足下既
苦窮乃禹君又竟長逝又何也徃歲僕走別禹

君則禹君尚挾刺訪客僕意既能挾刺訪客又
安有病即病亡慮也不謂遂已夏中方對客殮
聞之輒棄殮泣數行下此君負竒使氣口期期
又好文致其詞此俱可書足下宜書書成報我
當不使此君遂泯也其孤發抱影何恃為命足
下及伯章諸君負高義當後已而先之檢笥中
得糶直二金以道遠不能買隻鷄斗酒而哭之
足下其為我遺諸其孤時夜直省中秉燭書此
朋好星疎存歿關念投筆長歎不能為心想足

之百

報劉校察子成

鄉者僕負瘵歸公為之賦八章歸我此義便金
石共垂也山中睹朝籍知足下持節萬里則大
喜再入燕從諸子游輒口足下義使來辱既命
握牘太息即足下不忍棄僕僕則何當焉吳越
兵闕海內煽煽計數豪杰屬足下者多秉旄靖
氛書麟垂帛片詞雙譜增色江山者安能為偉
人願之前使投書不再至昨在王中郎邸中見

後使始得口授數語往報。

報顯國子

山中雖不得數見一命駕再投牘情深矣往歲
聞島寇寇通知足下坐燈燧干戟間亟欲馳一
介往候因循北轅遂至自負怪訝者數也陳公
入賀則為致足下所賜書于庭輒啓函讀知尚
苦家難大多忿鬱不得意之詞豈天道人情卒
情情哉何以故何以故再握新梓董讀之率多

涉目者新詞一二更大佳此便可垂世範物省
錄云者謙矣陳公歸輒口授數語往報致其區
區秋氣漸高行矣自愛

報凌文學

往歲山中辱足下再訊此情一著于心難解也
後聞島夷寇通急則豈不欲遣一介慰足下憂
恐顧猝無健夫可任者及聞寇退則遂因循北
裝無間矣陳公來問足下則謂足下之恨夷最
甚稍言狀令我怒髮上指冠恨不手縛夷啗之

領自兵閔以來松楸廬舍蕩然燼爛者家怨人
忿矣寧獨足下哉足下不以僕言為然則請問
諸吳越陳公歸對牘布此用申下悰唯足下釋
然於僕之言毋沉憂自累則僕亦甚幸矣

報管明府

山中幸供芻秣別家時又以遠命辱之日策馬
塵中缺然訊報乃又辱使命遂使愧汗浹衣矣
吳越連寇頃且甚矣九江南北騷然震恐
者危也海宇多故方

賴一二豪杰揆拯卽不寧其家而蒼生恃焉固
大賢之所甘也使去口授布謝于下執事

報趙山人

趙先生來辱幸賜書又賜詩詩七言凡五首誦
之鏗鏗何其詞之粹麗也卽情又忝厚乃不能
綴數語奉酬山人山人其信我冗冗矣山人老
矣頽益賦詩寄遠作少年語卽山人少年時何
如又恨不能以身當之也風塵中事不可聞于

山人山人善自愛即今世求如山人頽然稱八十
老矣而猶作詩若此者固已歸矣

報憚按察

鄉者幸從足下西署遊也則時時教之此其情
深至矣及足下擁旄西驚僕亦負齋南歸閬川
憊隔尺書難報祇以長嘆足下不棄惠然幸以
書來握讀增感足下東鉞治楚聲稱炳蔚存心
快之興作繁苦肆然底績非足下貞憲節冗公
私不幾困乎即非足下之大者亦微之矣冗中

口授數語往謝秋氣漸搖落唯為國事加憂

報劉按察

竊誦名德而心嚮之長遠矣人事參差已錄望
履寫奉末光心則甚焉海內多故征輸盜賊蒼
赤大困魯齊之墟非復昔日隆甚矣非明公以
干旄臨之則何恃為濟乎此鄙人者所為欣欣
誦說太息德業之光也便羽敬以一言布下悃
餘唯執事者諒焉

再報孫子升

邵君罷棘校則負笈去已函尺書足來往報其
尊君既在蕪城中當不至浮沉也有司上北轅
賢書則邵君已炳炳高列耶其徒則師何疑焉
日夜望佳音心目已斷恨不併日首見足下名
為足下頓足起舞浮白稱快也舍弟倘幸執轡
斯稱世好矣人歸附致耿耿昨者鄉國故人遺
我數醕甚佳未敢開也謹命侍僮藏之以待足

報陸子初

暮春題尺疏遣奴歸謝亡何子培書來則報大
夫人渡江南足下已薊蓐往江南治喪歸也是
日為足下頓足起仰天長歎潸然泣數行下夫
足下負才文詘時人翕喬以快一戰而又以太
夫人之故奪之且太夫人三十年勤苦以成子
才中道棄去又令尊若日坐邸舍中啜啜慙也
僕誠私心痛之僕又聞之古聖人慮賢者過情
嚴防之曰毀不滅性足下束髮讀禮豈亡親于

此言且足下一身亡論繫關至重即太夫人所
不瞑于地下者猶日夜急也足下其善自愛足
下儼然衰經而廬悲懷之燕時召二三子與之
采掇千古經緯群藻勃一家之言藏之名山傳
之同好則所報太夫人者固遠也古稱斷機截
髮者豈必以簪紒期子哉况簪紒又足下有也
沈訓術歸僭布一言以效區區緒長詞簡臨風
悵結

報宗夫

音具尺牘往謝及二兄抵燕則知我公已揚
家廣陵矣烏夷未息則海上居者特特憂恐我
公審勢度變急去其危而先就其安若虜至而
為之圖無及矣家大人心揚已久今且惕寇則
鄙心亦急之城中倘有潔宇公其為我置舍耶
得比隣大奇也大兄旣以失期免校而少兄藝
帙精甚復爾暫詘南歸以僕闕于人事則屈甚
者神大二兄之屈甚矣公毋戚戚焉以待其
伸未暮也謹附

言奉候

報陳使君

日策馬逐群吏走不得一間其牘往訊誠恨之
矣乃公不棄惠然函書粲而遺之僕則何堪焉
邑長老時時治書來則皆睹今追昔恨不得再
挹我公顏色而控馬訴之髻白一詞也邑困甚
矣稍稍得保其父母妻子而河伯又以一水魚
驚之天乎天乎我公其將謂何始孰之聲藉甚
也日去之則此地於公又何異興也以僕觀于

當世之後事斯民者如公難矣難矣寸心久結
輒因使者布其區區高秋搖落行矣自愛

報頌文

日遲南音心目幾絕是月旣望齋居省中從諸
省郎夜集吏報南音至矣輒命吏啓鑰出徑趨
徐學士家取鄉書來衆檢之一檢便見公名則
抱書大叫頓首撫掌幾不能持衆詰其狀則具
言我公負高才屈蓬荻中幾三十年而一朝信

之且言公之於我骨肉交也則其心如身當之矣是夜又命吏啓鑰出報李太史孫光祿二公披衣驚喜明日會于朝相與大咲誠快之也誠快之也屬有便羽南歸草布一言以賀其人孤騎不能有所將更數日有舟者歸更圖之

報于鱗

秋來不得足下一紙甚恨及書來乃又爽然懽喜也哭梁詩精絕所謂風雷不可開者神來哉神來哉懷諸子僕句更奇吳生乃以足下後僕

于生遂為信抑恐足下不然也足下諸體各極
至七言者高雅奇秀卓絕今古更百千萬世愈
益難耳而僕近頗得意茲塗雖不得仰同足下
蓋亦庶幾焉聊寄一二足下讀之以為如何徐
生再來頗為吳生所苦要之皆十壁中人也握
手不遠聊布區區歲寒加愛

報劉明府

憶與足下握別僅俯仰耳而歲月忽五更也則
豈不欲走一書往訊顧又以人事扼束罷之足

下不罪其疎乃使使馳數千里來辱手書慰籍
意沾沾原也上來名畫則非所堪之矣每倍薦
紳先生未議每言江南賢守令則必首足下僕
誠私心快之至覩諸監司語于足下者言言爲
也則又喟然太息嘆我同志之盛焉第吳越困
兵火中又勞大賢區畫 國家計勞以酬則何
以處足下時坐薄牒中草勅不盡鄙臆

報袁使君

節旄抵燕辱長者不棄枉佳幣以臨之在僕若
宜朝夕侍而此身在車馬塵氛中竟不過取一
二間奉接顏色廼其行也又不能取祖道以勞
輿人此其愧着於心難辭矣惟長者或有以諒
我不然者僕誠懼焉家報一通敢累使者以致
家君書不能悉鄙悰諒長者能道之也萬望長
途惟長者不忘情於家君則豈惟家君之幸實
僕之幸

報鄉中父老

家大人憑恃諸父老之寵靈而以並耆稱則既
已受貺矣乃長者不棄其舊而又儼然辱之少
言登之楹宇星辰並麗也則豈惟家大人賴之
其目臣以下皆拜長者之賜舍弟以報書來乃
在歲之十月而臣是時方陪諸大夫末議計吏
省中嚴不得接家人語今年春二月休沐歸邸
始得把書始悉長者所為錫言於家大人狀也
則命侍子焚香南鄉再拜而謝之仍遣一介以
申于下執事其不能上壽長者之前以效其區

區亦惟長者諒焉

報王司馬

十月使者以幣既來辱又有所辱賜於家大人當是時臣以職事省直中嚴不得裁一言出報使者茲大兄大夫奉使三輔當首觀節鉞謹寸楮于下執事其所感於明公及大兄者即寸楮不盡也

報沈二丈

去冬再奉手書時以吏役日夜急不得具一

往報心則甚矣春事方新楚天日遠湖上主人
生事如何孤艇白頭明月萬里懷人寄遠鄙人
得分一二乎鄙人自秋九月以至春正月省樓
也耳目心志俱兀兀牒牘中及歸邱休沐則上
計諸君接而苦之束帶執刺日紛紛道上時念
宿采則孟氏所謂予旣已忘之矣諸箋十記歲
暮為期若何以酬斯語乎每一念至輒用太息
我公為樓湖上執筆臨池稚子侯門落笔滿砌
則奚啻壺嶠哉公得之母輕棄之也海大歸布

五代訊其時事自詳之

報陸子和

歲之十月足下惠然幸以書來啓函讀上以悲
太夫人之不幸以悼尊君中自悲其窮而後辱
一言以及不肖以其為言累千矣言言而讀言
言而泪也惧駭侍子輒命收之是時方陪諸會
郎計吏省中日夜急不得為一書南報足下會
頃二夫至問足下則云近已家城之中闔而朝
夕者仍北郊別業別業事事幽矣則鄙人所謂

綜緝千古者其在斯乎其在斯乎鄙人負萍蘆
之性彊遊塵中時時怨之近復同志窳落世變
駭觀倘得長往漁樵以與足下遊幸矣幸矣叔
氏南敬以一言問足下其足下錫言於家大人
者別楮申謝矣

報高子明

僕之不得從足下湖上遊再省春色矣故人念
我時時治書枉訊微言款語骨肉同之願游子
日坐簿牒中且歲時有計吏之役紛紛焉竟不

得具一言往報所恃自解者幸故人或有以諒
我不然者僕誠懼馬足下之諛甚矣日望其信
不信也豈天之信人易於其小而難於其大哉
則何故則何故僕之能悲兄之諛而不無揀于
諛是僕之負足下深也穀氏云名譽不彰朋友
之過則僕之過矣以請而釋之太夫人起居亡
恙嫂氏新姬消息如何其所為慮我二人同之
矣鄙人在野成習一涉世氛日增怨悔觀於近
事則愈嘆薛蘿之難馬足下高卧江湖勿以用

世之念坐而失之徒令他日生悔如僕也故
歸敬此奉候起居春分方望願言自愛以慰耿
耿

報願總

湖上之為別者再春矣則豈不欲時奉一言往
訊願以氛累妨之其自秋十月以至春正月晝
宵省樓也更難耳秋捷之望入心翕歸竟又報
屈深用太息然梓夫開之足下橫之武陵溪上
霞續星燦矣太夫人無恙諸郎君日頽此便足

言音 三
為樂春疇告急未耜交作足下携二三子執卷
談經時過阡陌而嬉焉則其靜心整念真足綜
千古而采其精華大業所就便當長駕一世豈
但章黻小小者耳叔氏歸具言往候北翔有便
惠我德音

報李伯章

與足下別湖上而來日月長遠矣廼僅得一書
問足下耶足下亦僅以一書來既以計吏之役
日驅手足耳目以從之耶足下巖棲者亦或參

差羽翼之便耶而有念其誰達焉每一軫情輒
用太息秋間日矜佳音復爾報屈何哉天意乎
抱璞而泣昔者甚之以觀于近事亡怪其然已
第其璞者終售且受上賞則足下又何慮焉太
夫人起居無恙郎君日駸駸有凌雲氣足下俯
仰為心其樂如何鄙人別老母而北且與家君
六年別也今又不能使之不萬里遊又自顧鄙
人之身才矣則益嘆足下難耳舍弟罷歸書來
頗憤尚幸得從長者游是用釋然於鄙衷足下

向與僕言甚有念於漢魏夫詩至漢魏上矣李杜稱聖於選則視二代愧焉既善選矣則律也難者猶探源而可必之委也別來有述一一教我叔氏歸已附一言以謝足下之錫言于家大人者更言之以見鄙悰其示報言慰其行軸

報于鱗

足下之以諸子來辱也不能效吳黃門所為勞御吏者謹獻家鳧之子二百而餘為佐太夫人朝膳足下倘以為不辱則命饗八內焉

報于鱗

走下東道長安則携二三子時時辱焉一觴一
爵星河倒流天忌其盛一朝而去兩生已乃吳
主罷為從事徐生且以使事並吳生南僕歌立
矣則鄉謫且更得志日驅徐生醉我邸舍中而
三郎亦時時以郵書來獨不得足下一書為恨
乃使者則儼然函書來而臨之手日啓函讀泪
淫淫下也太夫人起居無恙幸甚足下為郡苟
止尺帛有如一日振衣去則太夫人何賴焉足

下之念太夫人深也又不欲以一郡為太夫人
憂則去住誠難矣

來詩八章神才奇秀意興慷慨天地間安得此
語讀之止悼今日窮也鄙言二帙辱足下有至
言九所點綴我者欣然有當於鄙心知我者龜
子也即使僕裂冠毀冕放之江南而沉之復何
恨哉二生欲會足下于漳水之南其所語足下

者即僕語不殊也使者回騎聊題短楮往報目
兩日來病甚稍思則火焱焱起凡所贈足下者
尚錯麓草中稍不病即手書之付二子來也前
所辱後者既勤矣又何辭衣我乎足下善飯

報王司馬

臣之辱愛於明公者勤矣即抱區區不敢輒有
以及節鉞誠懼之也乃明公不棄其愚又使使
以書辱之而重之名醜臣也仰辱明公之寵命
敢不祇承謹北鄉再拜而受之仍以分飲于二

三子之同志者以昭明公之賜明公開府北塞
累控大虜俾之投戈棄騎而走勲名發茂麟閣
其先臣竊家大人世請之餘亦何幸遙分光華
而快焉大兄大夫名德絕米卓冠人倫不以臣
為不肖而收之二三子之後而辱與之游以義
金石罔刊矣使者北騎敬具一言以謝明公臨
楮皇懼

報于鱗

使者歸自司馬帳中乃竟主下面元美元美蕭弱

言於僕為其尊君索言於足下足下遣使時曾
已有言乎有則命僕書之金軸在僕也南檄日
至島寇既已寇揚唐觀隋樓俱燼則僕之室廬
粉粹可知已日謀歸謀即歸安棲乎且太夫人
老在堂僅一弱弟何恃僕之方寸亂矣足下雖
困得借寸祿供太夫人朝夕無恙甚幸且足下
亦何所不得也使者西敬為致候日下赫暑足
下自愛

報元美

既別九兩得手書及詩二幅西山詩奇古可並
鱗謨新絕奇甚矣則靡千古走之足下也僅句
耳目日駭吳遂罷給事為丞猶丞焉尚得謗其
二婦糊口不然者立枯耳僕日夜求吳不得昨
已移書舍弟緝我芙蓉即得與吳並南尚及大
醉花下徐使江南日者掌曾大負其素吳邢州
君謀大不諧僕自謂負此子則散髮入山僕愛
李終不負僕也我兄弟三四人當俱不能殊吳
獨足下以司馬公故或什一可脫洛憲極力于

劉劉意已甚已竟充獲之則足下奈何司馬公
移書于僕意不獲前請則從其常者但在齊洛
之間恐非所以處足下新銓日攝僕者數矣即
言之止益僕負季又負足下然使僕當是時而
能不負二子則僕之辱二子者更大也日與諸
子別蘭若泪洒洒不休足下惟之乃徵之矣僕
即得逐吳生轅則請足下移節于通為永夜語
吾三人聯危浮白者恐遂難數也數時不欲握
筆聊是短楮往報足下其自愛慰其區區

報元美

使來再辱書言言泪也是夜與徐生把讀吳生
邸舍中又讀二生書黯然相照已乃命酒酒醉
起舞且歌且泣索筆賦詩各得一章以報足下
乃更相與大醉而去吳生自謫日過我兩生醉
肴幾盡子與郎不以謫且得並吳生南獨僕抱
憤孤棲日對豺豹忍之不堪避之不能其視書
宵永于春秋矣足下去三子觀楚囚且重愁交
錯其心不得見三子一語大為足下稱苦願不

若僕心甚也。見贈一章，慘淡難讀，味懷群什，奇
鬱悲慨，並軫離騷。我輩遭此險畏，顧于斯道深
矣。二子將南，足下又遠，晷日頻睨，娥眉難毀，薛
蘿重念，烈是成任。嚮蜀四顧，我勞如何，使歸口
授，往報鄉書，毋惜續。

報元美

使者函書抵明卿，明卿已讀報，僕方坐愁檜，
大喜已讀，則又黯然悲也。外論甚訝，即策馬
吳矣。述詳其說相對失色，遂罷觴，味矣。我輩已

鷹諸貴人大怒李與足下幸遠吳又謫獨日夜
急者僕也僕已又置冠冕獨不肯弄其身置之
一瞬千念焚焉如絲已謀乞外即不得往也去
耳尊君詩當勉為之足下日夕屬龍驤書斬遠
二生且數日登途四顧蹙蹙為情如何足下欲
以湘纍視僕僕心甚矣予鱗使者亦以是日至
書中言言悲懷決策自効東歸足下書去疆之
畝為太夫人饋粥計且其折腰下郡政名偃蹇
非其所急也所急者乃在我二人我二人豈

恨罷官者執念卒布恟足下

報王司馬

自大兄出使遂不敢以一言輒上千旋顧所為
感明公之愛而深念大兄遠遣者其情山積也
秋高馬肥胡騎不敢南嚮明威所及萬里生寒
明公之巨勳茂勲遂於日月矣國家計功而酬
別如明公者宜何如處焉公快私忻式之
人便激上起居唯明公為國事加雙

報子鱗

使者既西遂不得再通一訊日謂二子必會足
下漳水之南不謂遂鼓棹去我輩蓬瀛而散黑
逸河山二子何得亡情長者儘不可忍幸弱至
僅亦能道足下繼使來則只得手書春時明月
時一握之可助狂奴一笑耳足下抱鬱陵郡中
僕如以身當之不則掛冠而去以謝足下焉
丞為于侍御言足下文學政事占者流于乃有
深意即亡裨足下其藉以徵福于太夫人亦

足下所急也僕雖被章服後諸貴人游都無
意足下與元美握手太行僕即不能奮飛以從
二子二子太行相我將亦為可耳使者且東報
司馬先托言於健兒以歸未尉使者且西僕當
有后言

報于鱗

昨健兒西題尺牘免報詳矣朱尉感厚適見報
問足下得除目未且能言足下東歸心僕甚愧
乎其人也其人甚苦道一遠輒糜數金空矣

唯足下哀憐之懼
託之使者三四日可西
尚
有嗣往

報元美

鄉者與足下別至悲也
昨夜聚兩生解之今酌
生乃相繼去良更悲
更亡以解及使來奉扎
乃又爽然若足下為我
解兩生悲也
諸品之惠念我念我見懷一
查慘然難目酒狂詩
態摠為諸君頌
減耳若畏之而除豈
稱鄙人且外此二者
更復何名乎
夷志賦傳
遠奇辯大類
騷經七言

一幅雄渾卓絕如千峰北嶺祁連色峰排紫劍
沖胡天當與崆峒盤山並峙矣足下窮愁出塞
乃更自雄於文即便放逐足下江南者又當何
如漢不能自必其必足下亡恙請以身質焉明
卿六日雨子與行乃在十二日竟天其子灑淚
而去僕一病幾作永別近復稍稍健食然日遊
諸衆人不得措一語出則不知所之以此憤憤
眠耳使者歸速烹草具復其奉贈諸篇病惡稍
起即為之

報明卿

日真二三子燕市遊手足耳目也昨悲王堂去
尚得二子破之今二子又去矣僕即悵然安所
措語乎前視足下燈中一上騎便覺寒氣射人
至省則百骸如火狂惑昏憤時作夢中語方其
憤時不知是下土也稍定乃知之則心痛常割
耳再一日疆視公
不樂輒又
淚登輅去住增
昨者馳馬西城忽欲殺刺足

下既而念足下已東輒浹浹下掩面及走足
下日就江湖形骸漸放鄙人孤遊棘莽踪跡可
憐握手何時傷心無已昨已移書舍弟誠其出
還干旄射陽之湖西三君共棹而東醉我百花
洲上則薜蘿楊柳將分華割榮而快馬病中據
案甲悃展筆屢投凄悵無極前途自愛時惠德

音

報黎惟教

鄙人之間足下若二三子心甚也一見足下蘭

若便令灑然再醉二三子邨中則一日千載矣
我二三兄弟一朝舍我而去之邨又不能留足
下是天之欲廢吾手足耳目也又何言哉又何
言哉方足下東時鄙人憤憤伏枕遂不能看以
效芻秣二君垂舟而南邨盍簾譟大是樂事昨
已誠舍弟遲三君湖上倘不過我洲爾大醉者
恐桃花流水相與笑之草草布帛願言自愛君
歸羅浮其伐木結廬以待鄙人鄙人將携足下
拾芙蓉以觀滄海耳

報子與

便采旣疆起書卷題短札與之投筆危坐今昔
並起懷我二三兄弟惓惓狂語佳話奇篇一一
盡為涕泪我輩情深蓋自天地以來一遵耳一
吾日遠猶得蚤暮半途忘其離索獨使我日折
腰諸貴人前鬱鬱之懷誰與為語生非金石堪
此段鏢足下念我至甚何以策我稱病掛冠長
袂短笠訪足下於天目之東因而西遊白鹿而
與矣生業之上也其次則外補一一言為妻婦

體計又不然則仲連有蹈海之節將躡屣
而從焉情長塗短輒為足下效其區區足下其
憐察之

再報明卿

子與行倚病題數字往報投筆淚灑不知所云
及使歸奉七日手書落封黥淡至不能卒讀足
下以郊行不見僕為恨豈知僕當是時乃憤憤
不知足下去也足下去尚得子與一二晤言今
子與又去矣孤坐而悲萬念並起羸馬出署竟

復何之或有美饌名醜藏之誰待鄰抱日起甕
為宣之驚人佳句其誰誦而歌焉俯仰傷懷寸
心萬折跖而自解借使僕與二三子隔千百世
而生如左馬李杜者則亦何得二三子以為懽
乎且長安中貴人不少吾疆以二三子視之亦
胡不得而惟二三子是思也則輒自覺其欺為
悲更甚耳足下與子與並醉而南離情日損獨
子與念吾病恨足下不見之也所為贈足下行
者文一長歌一絕四二君共之稍得病思佳耶

為報何敢忘之乎足下亦何得亡言也我章
既不得握手則時時治書相報度慰長饑

報元美

白雲握手恍若夢若晨驅草露中不復嘗作何
語既別彌月不得足下起居消息甚念時遇舊
交于塗立馬訊之及持疏人未得手書始知久
滯河間讀也觀中三詩極壯極苦好龍屐似底
馬遂具可動千秋之感南冠日急吾揚已體今

復闕郵則東之百花洲易耳僕即歸耕何也

且快意老作

大解僕語即不得百花洲

載之五湖靡不得也足下謂以十年盡人間游
展吾不能從吾

卧游耳那使君既已報續

以薦剡未數不得之太夫人恩除書消息全未
其使謂其主已函塞其而東豈遂有拂之念足
下幸疆留之為太夫人鹽粥計也且人生五馬
日記書卧齋閣中何苦哉一生鬱鬱兵革間吳
已從陸入楚徐鄠尚裴回江淮耳僕近頗厭近

禮專精漢魏所贈足下者姑俟把袂時致之七月之末可得返轅否僕將焚香白雲以待焉白刺之惠何辱塵念乎

報于鱗

吳吏至奉五月四日手書知足下會二子於清源道中二日始別又讀所為贈明卿諸詩即此語豈不令鬼神妬也吳生之譎固足下波及矣王郎昨至碧雲召我我不得出邀會于白雲觀中握手悲歡恍若隔世其所不諧于除目者其

深也我輩他日當不減吳徐卿差薄耳日與
足下續書不得乃先得手書大慰南檄日急群
夷無狀乃燼我楊百花洲上鷺鷥薜蘿恐為戈
鋌所苦矣即去安歸乎太夫人亡恙即君日有
文且蔡姬日奉卮飲帳中也足下自愛

報于鱗

使者上殿最既待書又辱之既足下何勤念我
也使者為僕言足下已函寒具而東意不能須
更待僕心折此語矣僕之遊諸貴人也諸貴人

目攝之日謀中僕并中僕之游僕則甘心二三
子何罪焉足下之不遷累言之則姑累應之已
乃竟不遷也每一念至輒怒髮上指冠唯有裂
冕而逃以謝足下耳元美語我七月當與足下
登太行白雲莽互山川飄搖二子懷之徐吳二
君塗中累札慰我寇大入懼未渡江也蔡姬亡
恙曠甚加以風雨一咲一咲

報于鱗

使者來讀十二禮詩怒髮指冠兩君何得乃爾

是夜命楚姬奉卮展褚章章綴之星辰亂落題
曰獨酌卒不使丙生獨擅千載也元美遺僕書
謂僕當決漳河灌襄國欣然有當於鄙心太行
久為足下所苦今西而秦則二華更復生愁日
者地坼山裂黃河人立得非足下消息先傳乎
僕當為足下賦太行二華兩篇以報之恐風電
起輿中驚恐使者使者且留先馳一騎往報足
下當屢觀桑梓則欲遵足下西湖之上能為我
迂囂乎采消之辱吾已命楚姬佩之顧何以報

蔡夫人也

報元美

先數日于鱗遺我十二體詩讀之血氣俱動不
意二君相逢作此奇事及使來又讀佳篇則章
章甚也直須決滄海黃河波濤人立令足下不
得東于鱗不得西始為快耳僕即不得從兩君
遊亦賦十二體命曰獨立詩成舉白命美人歌
之不減兩君並危也于鱗竟得代新入秦即
黨不假此始重顧此物非吾黨得不可耳足下

既已完牘則除書當繼李而下二君且得漫遊
獨使僕折腰群貴人無佳思足下何以教之

又報元美

昨具報言以待使者使者不來遣問史鴻臚家
乃知已去是下謂我何哉大恨大恨使者後至
則足下既已抵通輒擬匹馬而東則又裴回中
輟相去四十里耳而乃不得握手則復令何時
乎聞諸道路則有謂足下可復命闕下以審內
次者極知非足下意足下何以應之謹遣一介

言音
之使敬問起居既離邇則當謁大司馬錄門蓋
三姬醉眠耳昨為羅生一啓尊公足下莫為我
謝不敏也

報王司馬

明公久勞節鉞臣宜時遣一介以問起居乃以
隔府嚴肅恨不敢遣顧其心甚矣會大兄新拜

憲命方欲介此以上壽明公嚴裝未發乃明公
先龍命辱之蕭伏啓函慰諭於篤念常摧灼祗
以驚悚明公念家大人世講之誼而儼然有錫
于賤子賤子敢不拜命謹北鄉再拜而受之先
附一言於使者以謝別有恭申唯明公諒焉皇
懼

報元美

長安中大雪憶吾與明卿並馬衝泥從足下飲
也真夢中事耳足下僊間旅臺北不得問安尊

公西不得舊侶則足下之情奈何書來把讀泪
潑潑下也此中見足不不遷日口我輩不知當
竟作何狀然五嶽之興日益勃勃不大苦也家
君昨得新命此僕所日夜急者今即掛冠已恨
矣尊公得足下為子反累乎明卿既已赴白鹿
子與至姑孰稍有二書北來詩思大強又得肖
甫書知入閩即返公實應軸竟至浮沉九原其
將謂何其集簡常集奇覽使者昨方持尊公軸
來一二日間即書之足卜九驛寄我至望至望

報元美

自與足下別白雲中憤懷竒思若碣石崑崙嵒
隆高也決意得足下一面為足下剖破之盈盈
滿頰而晨得足下書迺知為尊君峻辭得去天
乎天乎失此不晤更得何時握手也是日走馬
向人遂憫憫不能作酬答語助東者郎九一氏
其人已不肯作邊齋酒釀放筆頗自雜竒索居
以來得此甚慰連日讀足下詩沾沾喜也馬上
撥數語健兒以歸既相見無期則時時治書寄

民使我，握書聊慰饑渴，歲寒自愛，投筆軫情。

報元美

僕聞古者有遠行，則其與游，咸有贈賄，以結未
好。足下被繡擁旄，提兵千里，其為故人光寵甚
厚，不可亡贈。夫足下所督戎者，故齊地也。其俗
僇悍，滑賊，惟埋作姦，群邪藪澤。譚王道者，病之
足下往矣，得以憲章從事，取象于物，惟彘性為
能觸邪，故贈君彘衣一襲。夫群邪所自，邪也。亦
自上之約束為之不束之，而遽收之，是謂不教。

而殺非聖謨所貴君子之東人也必先自束其身故贈君腰帶一束自束東人矣猶有不若者則付之三尺以彰國威以著足下之明信故贈君古劍一口明有射豹豨有翹翹無不靡之矣此數物者不足以當足下顧于鄙人之心抱區區區焉敢再拜以獻足下唯足下圖之

報元美

日夜遲足下報章及使來則足下乃以絨金遺我即感足下之愛顧不及一語深也足下豈為

又斬一語或以庭權奪之上東門時得一歌之
未遲也日所云某某者所謂異方之樂令人切
怛蓋悲之非喜之也上蔡張君九一其人大奇
昨讀我古劍二華篇遂作數十奇語令人留目
說得斯人差慰寂寞渠知足下取道東城約我
聯騎出訪足下浪有以待之連夕為諸子彊去
作篋酒間所得數幅足下讀之訪足下東城時
意發興足下刻燭作數百佳語始別第恐別有
纓弁者來奈何鄙人湖上雜言二十首足下昔

曾見否張君乃能為我和之茲寄覽為渠作贊
使者立趣短題往謝餘悰千萬統俟握手

梁子相集

之十五

謝應徽

謝公齊

書畫

蕭時中

魏廷言同校刊

黃其傑

王 恭

報肖甫

鄉携二三十游足下至驪也足下而去實勞我
心春中至徐各使吳且羅為從事以爾長安中
遂不錄出片語矣憶足下登武夷羅浮南窺大
海弔梁生之廬而綴其遺文以歸時時快之不
意足下乃奉尊君諱返蜀也則吾數人者劬窮

途矣足下讀禮之暇上綜千古采其英華特復
濯錦江之波登岷峽之巔揖杜南草堂而俯仰
焉則與二三子鼓蕪市中何殊也王生述遷齊
憲視戎事徐邈留滯江南而明卿雖適乃能日
抱白鹿卧獨使僕解蹇時氛鬱已賴行將拂衣
長往南游吳楚西窺巴蜀訪足下之廬為十日
之飲足下其備危而待焉使者歸因授一言以
道遠情長臨楮軫結

懷子真

別來半載僅得足下二紙每啓函輒淚滂滂下
七月間緘一書數詩松江舊吏往候足下雖在
姑孰計亦能西來相見矣讀足下諸篇恚仁奇
爽大快人意每一相思輒為披弄則亦稍慰于
鱗竟得關中祿王生大不愜于貴臣幾禍已乃
差解得戎使去足下雖困刀筆乎孰與明卿困
每一念至則欲裂冠而走我輩數人大不理于
貴臣之口恐足下與僕俱不免作吳生狀也其
說頗長不欲為足下誦之恐足下大恐昨為足

下賦金山大自奇持古劍二華匡廬諸篇僕之
為諸君作語至矣非諸君顧不足當僕語也足
下登金山月明酒酣取僕語歌之當為山靈夜
泣孫張諸豎子敢以庸詞辱此山乎

報元美

足下駐通只尺耳乃不得車騎往候千里命駕
其人如何愧矣愧矣粵掾決意足下乃更他得
之黯然心折我輩本不宜復預人間事即干鱗
猶伸已不免忌者之口直須散髮漁樵庶人已

亡病耳昨得明鄉八月二日書既已抵家一月
其新詩慘淡殊可念也足下以詩為司馬公憂
恐司馬公見我輩詩生怒是以屢作復輟今方
入構即寄足下置之足下在通更得幾書謹遣
一介往候不腆之儀幸命膳者收之

報元美

冬間得足下一書知東事甚悉使者竟不至未
有以報僕已遂為闕矣僕遂不難拂衣第以
大江以南天台武夷素履意想者亦何可不自

尚有餐霞茹芝者乎即脫屣而逝耳昨會太宰
公稱足下非謂一豸袍愿也行間辱尋公賜訊
兼惠之夫廩愧負長者幸為我謝焉今已放舟
南下秋中方得渡江足下向負我詩云武夷者
亦何辞也川塗逾遠音告頗艱願為斯道自愛
于鱗慶倘有便札其致區區冗極不盡辭悰東
望於邑

報姜使君

在歲幸奉干旄足下暢我西湖之上一日論心

便足千古使僕耳目駭嘆如登崑崙閬風從群
仙遊也含嘆而北未幾即聞拂衣僕往從無繇
日增太息每與縉紳先生談人倫之高致必首
足下至於吾黨猶數數焉自王道陵夷士風日
隳世之學士大夫命視簪組仇遇泉石一聞足
下之風不啻其迂輒議其狂然未嘗不瞿然驚
赧然愧也則足下所為拂衣高蹈雖若恣然于
天下之蒼生其足以愧夫沉溺于富貴而不知
返者功偉矣功偉矣昔潛恥折腰五斗賦歸去

來詞萬古嗟誦焉即足下所為文辭詩歌何莫
非歸去辭也則潛以來足下一人而已嘗欲為
足下賦繼潛之篇第以身游塵中乃作塵外語
是以展筆心愧握翰屢投又以佳稿三帙金石
罔渝恐托非其人有所遺悞日月云邁遂至於
今顧所耿耿于足下者未嘗一日去念也貴鄉
人來輒問起居咸云足下謝客高卧經歲閉門
僕則以為足下將上采千古旁綜百家玄草時
油丹書日握俯仰宇宙何所不得哉鄙人慙負

足下不能先時掛剝今逐為閩吏矣鄙人不難
長往獨念大江以南名山大川賢人隱士神仙
靈異皆生平神遊未覩者亦欲假此以酌宿抱
行當泛西湖登會稽窺禹穴入天台鴈蕩以及
武夷順江而下則先訪足下之廬因與足下尋
匡廬之白鹿撫洞處之蒼梧南泛瀟湘西窺巫
峽然後傍帝子之高閣訪彭澤之故墟結廬而
隱以畢愚志胡不可也足下其有以許我乎今
當發舟而南因緘數語托禹考功轉訊情長詞

簡不盡區區碩言自愛以慰饑渴臨楮無任悵
結

報子與

郵使歸允再題尺疏往報重之片詞書來乃責
我踈遠豈使者俱化為殷生耶母惟足下怨苦
也僕昨移書武夷君日遣白雲候我當事者重
遠其意乃出僕叅議閩藩明月南呼黃鶴來問
思山中之環珮珊瑚矣朝覩朝牒足下乃又出
守汀州豈亦武夷君意哉名山久埋沒群公句

中萬古精靈待我二子足下八月遲我茗雪之
上登天目泛西湖然後聯舸而進豈不可也李
王絕無消息明卿時有書來乃得高卧白鹿奇
矣奇矣僕已勒馬待筵口授數字往報握手有
期不盡觀縷

報明卿

所往訊尺書足下已讀之不僕今遂為聞更矣
所不能拂衣者不分足下獨擅匡廬亦欲登武
夷之巔庶其有餐霞茹芝者乎則吾將脫屣而

從焉為裝將發任司理携足下書來開函讀知
足下果坐五老家日騎白鹿走也既而讀諸篇
雜渾悲壯當與廬山爭高已又會宋柱史大稱
足下吏隱雅度不為此官所苦足下豈僕所稱
東方先生哉僕已放舟東下秋未渡江若越氣
未靖則當徑赴九江與足下踐烹鹿之約足下
須豫作武夷之衆以待我不然我當驅五老而
南今足下落莫無主也此行得足下高篇復得
子與屬文之差足快意舟次數語托劉武庫轉

致握手有期願言自變

報吳峻伯

自王吳諸子去國耳目久廢得足下再至為我
趨之握手以來無間日夕停盃展翰投筆高歌
金石琳琅紛然四座奇句險語驚絕今古萬象
爭趨三才失色風雅以還鮮見其儔矣造物忌
盛鄙夫當之故人憐我時時召我為別偃蹇流
落之人無所比數然而神遊八極心雄千古此
足下所知即使重之放逐愈益助我長往耳將

發之夕寸心欲裂展筆數十韻皆從滌洞中來
他人讀之靡不悲絕况我兩人哉花下俯觴便
成萬里含凄東馳瀟目搖落回睇金莖白雲障
之數日即聞東魯之命輒為慰喜非一學掾便
足為足下重得假此聚首廣陵天目之間殊一
大快耳刻下解纜更歸投數語往謝足下既出
助甫益狹其將謂何祈為斯道自愛臨楮於

報張助甫

鄉者從二三子游以為大快矣不謂又得足下

山陵數語便足千古握手以來胡霜朔雪青山
白雲日日候吾几席一呼不至輒怒目而叱咤
之得之亂趨倒走蓋自風人以來上下數千年
所未覩紀者今日之別蓋造化忌之矣武夷之
命下雖不得足下日談之知足下日日念我也
紫荊握手別遂隔河山言念懽悰徒有悲嘆鄙人
紫霞念切紅塵計疎歸請家君倘遂五岳之志
則武夷天台之上有丹竈在焉朝握黃庭暮餐
綠雪足下能早遂初服則僕將遣白龍而候之

浮世紛華已盡耳目即使白頭于此亦何佳况
草木同腐壯士恥之故人知我當不訝其言之
迂也吏歸尺楮往報不盡區區世路風塵強飯
自愛

報伯倫

僕海上之鄙夫也足下忘其鄙而俯意交之其
所與朝夕者即手足亡殊矣外逐之人無所比
數足下且儼然有骨肉之憂乃又自忘其憂而
塵念鄙人者至數也匹馬臨坡花前斗酒語目

別塗漸遠言念歡悵確有悲嘆寸楮代謝聊布
區區

報白伯倫

潞河授數語使者往報不盡區區解纜而南春
水正綠蒹葭楊柳夾道相迎散髮高歌舉觴自
快恨不與故人同之又念高誼輒又黯然罷歡
笑幾兩旬始達清源開水甚溢而家君適有書
來日夜候僕一面始之留都以此孤騎先馳小
舟賤眷徐往令僕二人馴謹勤篤屢以刀剪之

役勞之蓋如事其主矣尊公佳稿袖之輿中讀
之至徐可得卒業踈淺不能深窺然不敢不效
其愚也魏生善書馴謹事僕一年未嘗聞其一
語僕真不能置之兄既留用幸賜寬惠如何臨
發草草布俟

報元美

鄙人發京時留一書數詩史鴻臚轉報當不至
作廢生狀也方渡淮島夷環至自戈戟中一觀
老母即日夜從諸父老負矢石坐睨睥而賊從

揚寇郵已又寇寶應縱火燒千萬家風烟亘天連
十日不滅孤城只尺如坐甕中此其抱怍怍怔怔
難制矣賊幸入掠徑東方問枕簟而律鬼乃又持
足下手書來啓函大笑樂已又讀放歌行辟則太
華諸山突起几席蛟龍大呼風雨驟至非鄙人當
之幾至顛倒是下別後乃作如此奇怪而感懷諸
篇悲壯慷慨一言一淚使後世讀之其謂此時何
也塗聞北鄙警甚為尊君作苦北自百年恒跡乃
致峻責固足下遺之矣昨覩突詔令人驚恐誰其

召之獨遺主上之憂孤臣萬淚無地可着闔吏至
為言春三月勁夷二千直抵閩省焚卞家滿載而
去乾坤生事竟作何狀鄙人稍稍可舟即渡江一
覲家君便束衣南下川塗隔絕音告漸疎所幸者
朝夕子與及武夷諸君不大落莫紫鱗稍寤自慰
明卿久卧白鹿洞中書來意氣更可憐耳使者促
歸且方寸中俱為群盜所據不得出片語往報聽
附此申謝放逐之人何可稱賀遠謝故人祗增大

息

報白伯倫

暮春握別便迫深秋言念舊游祇有悲嘆數月
閭里舍僅與鳥寇周旋燧燧戈戟日悚耳目入
秋移疾江上心稍稍定矣始得奉令先公集環
讀之辟則涉瀟湘對明月泠泠灑灑暢心也輒
用點綴志之其不可讀者數矣已綴數語何有
于先公顧於鄙人憐才之心稍致區區焉原草
四帙謹函付使者以歸秋風高厲強飯自愛赴
閩意甚蕭瑟家大人疆之理棹南矣故人亦有

念遠人則時賜片語訊焉

報施員外

春別幾何便暮秋矣每憶故人省署遊朝夕煦
煦也則柰何不悵情哉五月返廬羣盜環鷲之
入秋始得理楫南渡意蕭瑟甚也非知己如我
兄者不敢聞以此言江上幸晤黃帥舊役王經
者北附尺楮以訊經慎人也用之當不負委託
躬行矣奔走所不敢辭唯兄丈念之北望金甌
無任馳結

報顧一丈

畫髮侍誨誼並金石長安繫馬芳草醉人握手
胡床舉白引滿便宛然如從公武陵遊也自公
挈毡而南多_遲數月惘惘昨奉手書大用懽慰
我公負金馬才暫屈之此且得與群豪共研大
業出而眺中嶽俯大河悲伊洛之長往慨北邙
之多以則寄之雄詞以忘偉勝斯司馬之壯遊
而古今之極盛也我公何戚焉鄙人縻祿恒抱
忤時之慨故人知我何以為教梁明府將南鄙

人親詣其家備述我公德業刺刺不休知此公
不負斯語矣

又報顧一丈

冬初具寸楮托梁明府報入省遣發而梁之車
馬晨馳矣吏復持歸令我悵息浮沉筭篋中竟
無便羽顧所為抱悵者若靡燕被春日日長也
我公不棄又以手書辱之而重之以詞啓封涉
句感愧彌抱書中意旨勤厚佳篇詞逸情真統

之可爲隕涕至於諸篇之雄渾清麗則尤詞壇
之上構也我公高才絕德人世鳳麟固群情快
覩鄙人何力焉家君稍遷南曹鄙人尚竊微祿
鈞辱遠念何可爲報第迂俗之狀益多拂衣之
念益切恐武陵春色暫當爲我公作主耳內人
全無消息薄命固宜非我公通家至愛何以時
厯筆石乎雨田旬間方到抱袂悵然念歲月之
不留慨容鬢之各變每念我公未嘗徘徊長想
也

報子與

華陽一眺千古失色白雲迷人風雨颯搖山靈
見妬遂令分袂別後即稅駕白露洲上兩朔足
下既去無可措語惟明月高雲青楓白鴈勸我
開尊耳至采石得懷白十歌使白起而聽之未
必戢心黃雀也蕪湖過鳴野山人山人極道足
下其人風采談咲殊可人意酒間立綴二章贈
之此生狂生乃膽落矣道新安登暈嶺萬峰亂
插大快耳目出嚴陵為嚴陵一賦今且至武夷

矣不得與足下尋九曲而醉焉奈何哉半載江山遂有鴻鵠之志今又逐逐折腰矣當今華陽諸君為我輩何人也明當謁武夷君謀焉輿中草絨餘悰待面

報元美

夏中蓬萊之使既歸則子與召我有華陽之役相與高醉白雲中凡三四日各得詩二十餘章蓋自貞白先生以來稱竒遺矣每一傳盃放歌何嘗不念足下及李吳二生也既別子與即展

書齋
謁家大人於金陵稅駕白鷺洲者兩朔燕磯牛
首雨花諸臺時以斗酒臨之天風北來念足下
方飲馬東海耳九日始得整輿向閩采石懷李
青山憶謝望齊雲登釣臺十月入武夷夢足下
握手謹贈覺而悲之一視吏事便亟亟折腰生
平意氣蕭瑟都盡每不自堪輒欲掛冠去闔去
齊幾六七千里亡論握手即欲一書何可得哉
昨有齋周督儲 璽書者自稱足下之使進問
亦稍能言之謹附尺牘往訊斷事君來謁尚憶

足下與我談之此即我兩人郵也使去急不得
作于鱗書足下為我致聲何可負我二華不酬
也開府公小札幸托之健兒

報李子藩

暮春握別便迫歲殘日月如馳良可軫慨秋杪
渡江訪華陽登采石望謝眺之青山睇嚴陵之
釣臺既而入延平眺武夷則諸高人之遺跡在
焉便欲掃石餐霞闢茅結宇長住白雲畢此玄
業北望同心渺在萬里滿目江山秋生嘆恨小

吏回足下幸然以華牘珍貺辱遺之開亟涉句
黷然心折且備聞陳情之舉豈以山公雅度亦
慕中散哉足下跡繫纓冕心在烟霞不特僕知
之即天下之人信之矣茲請未遂豈羅浮武夷
之間猶有宿業未洗也載披名篇章章驚嘆腥
膾烏鳶痛哉言乎鴟夷魯連之懷彼此同之矣
感興三章寄心高遠末章古健詞不渝心歌律
諸什則並雲流霞布至所謂真心卧崑丘寂照
觀無始誠有悚乎其言也所幸者大人見諒者

不以纓冕束其子有間即欲掛冠近則華陽遠
則鴈蕩雖不能著書立言藏之名山以待後世
至於枕席白雲几杖明月歌淮南之桂叢佩湘
江之蘭蒨則猶愈於逐逐折腰向人而不知止
者也知足下之蓄此念久矣寥廓之期幸毋相
負

報徐中丞

夏中還廬一意展覲干戈烽燧環起厄之頃之
又謁家大人于金陵江上淹留遂迫南邁登龍

之願既孤尺鯉之書復缺長者其將謂何願僕
之念深矣入閩莽莽幸令公子日教之且無念
通家意殷殷厚也清才雅度欣然有當於諸大
夫之心僕則何為唯不忘明公之盛德而使諸
大夫知明公之有子也庶慚鄙心矣謹貢素牘
因令公子以聞倉猝未有以效尺寸唯明公為
蒼生加愛

報子與

崇安之使歸授之數語昨又小緘置郵牒中也

數時折腰意氣都盡方咄咄齋閣中又讀足下
語黯然而折昔我二三兄弟在長安時得孟賦
詩何曾有一日別乃今飄零偃蹇散之四方李
吳經歲未通一書王生消息又半載斷矣即足
下與僕又幸從事于茲且不得一圖握手也何
問數子哉情難矣情難矣汀賊起督府且檄僕
統戎而西今又遣僕便返檄足下何時東乎極
令人飢渴別後豈無一語可寄案牘中何可著
此等語也幸早出之毋令兀兀不腆之儀非所

以酬足下聊寄耿耿唯侍史內焉

報子與

累札郵中計次第可通掌記從事來又辱達書
開函涉句輒欲飛動何時與足下散髮大王之
峰濯足九曲之溪一傑倒也會

高卧郡齋且得郡中

佳山水主之名章奇句乃不使鄙人一聞豈懼
我顛倒哉即此後甚追郵書風雨胡不一示令
我飢渴至今也折屐之燕月滿庭梧憶我二三

兄弟寸心如割且荆嬪久病室中寥寥俯仰鬱
悵輒欲裂冠耳尊嫂亡恙美人中亦有麟兆者
否昨托足下爲我覓一楷史果得精者愛我多
矣鄙草統容楷史至書之

報子與

歲晏迫歸竟阻握手計足下方驛馬臨戎何嘗
不西望塵念也入春得郵緘知冠被創去足下
英氣哉護軍來又辱二札兼以大賚念厚矣念
厚矣顧歲時例不敢內饋極不欲負足下高義

又不能不爲衆人耳目慮也輒歸之顧心藏之
矣其二臺約議亦當寇起時語今遁矣而督府
又方急海鯨何暇西轅哉足下趨郡即手千鈞
且國貧苦征調僕時爲督府譚之督府爲言何
不便宜從事此確語也而督府亦時時丞稱足
下所論當更爲轉語天涯歲時大有江河之感
白雲在吳公等又復散處秦齊汀楚之墟也亦
何不令兀兀哉巡臺行有廷汀之役而僕以職
事共西暮春三月定得與足下高醉齋閣中

此積恨耳

報明卿

四月出薊留尺牘荒詞劉武庫邸中計楚辭日
南可扣白鹿也今歲暮矣足下曾無片言隻字
訊我豈忘我哉夏中還廬幾為島奴所苦秋渡
江遇子與共醉華陽三日已又登燕磯眺鳳臺
稅駕白鷺之洲呼月采石之巔西睇楚雲心神
飛越十月抵武夷掃石門蘿放歌長嘯青楓萬
里白雲滿衣苦憶狂奴寸心如墜耳子與日坐

烽火中却有佳句元美贈我長語奇麗動人足
下久負武夷詩不報何也吾將遣白龍而問之
江上聞足下量移南康大令人生妬豈白鹿遂
作君家物也昨有人言足下與王督學縮廬山
游二美並藻江山生色可使遠人得聞乎貴鄉
姚文學奉其蓋人北歸便訊起居更數日僕與
子與有巖使於足下其束笥草而待

報子與

數日兩奉手書懽喜無量兼得大篇二幅讀之

見懷二章奇偉卓絕元美峻伯德甫諸篇更
上采矣足下方日手戈戟安得作此奇語昨從
摠臺西征羽書稍緩傳輶劍水之上西望汀雲
有懷萬結所諭戎事日為摠臺談之亟稱足下
善爲理也繕城練兵二者莫先之矣書史至稍
稍熟亦得顧所爲勞足下慮至深也持牒者歸
先此附謝鄙言一幅聊答來美

報曹明府

公之南也僕蓋渡江有華陽之役矣及之金陵

乃知公曾以使來取吳書也兩念俱負悵不可
言公非百里才也且星子又百里下其治蹟當
炳炳蒼赤矣吳公知公于僕爲先輩行則必異
目焉

報明卿

別足下日月顛遠顧時時念之至於登眺江山
雲霞莽互不得足下楚歌放之爲念更深矣然
足下坐廬山中即得五老白鹿日相酬酢恐未
盡解足下語也則足下之念如何僕之入闕也

日手戈戟從健兒游然坐卧青山差極快意予
與相隔千里雖阻面譚郵書甚勤足慰離索獨
足下與李王二子經年不得片言然二三君子
豈容一日忘我哉昨貴鄉姚文學歸附尺牘荒
詞往訊茲遣乃子與及僕顓使也敬問楚客楚
妃楚公子起居亡恙其洞中詩自春以往者悉
函授使者歸也即與足下枕石而醉不殊矣王
華一篇用寄遠臆武夷片碣遲君久矣

報子與

西抵歸化去汀只尺耳乃以家念迫歸竟阻握手謂何哉謂何哉足下解戎衣持杯酒與徐夫人醉齋閣中也豈復有念鄙人鄙人顧不能忘情足下耳吳生之使先在順昌遣之歸昨途又值遂留以待勒啓到即可遣矣篋管片石聊寄遠臆足下倚醉而歌恐白雲莽互驚擾諸姬也督府公心最打治口亦時時言之軍書微詰時僕正議事府中聊亦爾爾非有他念此公豁達

持大體即有急先發後聞可也待命而後從事
晏矣聞前盜俱已歸穴春中謀大舉一空之何
如哉

報阮中丞

奔走以來凡所受至眷者心藏之矣日者抱關
報急及馳至鄙則公已揚舡而去北望流涕余
襟浪浪時炎兼急驅恨不得身代之 聖明在
上當遂表白利害禍福惟所命之臣之誼也公
之講此舊矣又何俟乎僕之言僕之必言之者

亦憂公之深也餘者僕難言之矣

報子與

塗中累札往報望日抵省即島寇揮蕩四野破
福清圍鎮東大將且南冠北去日從諸大夫抱
關思足下碧雲洞真在天上正仗策臨戎使者
持緘書至開讀之冷然濯我清風我鎮東之圍
益急而福清長樂惠安同安之間無非賊壘溫
州之賊七千餘今且逼福寧矣省中止廣兵二
千驕不可使禦戎者強則黨賊弱者萎薛天下

事不知作何狀耳汀雖有盜當不廢足下肅致
使歸附報明冊書致上廬山之使歸未

報子死

前二日平子之使使將訊起居健兒奉軍書至
乃知足下之勞於戎事甚矣且足下空國而來
使山賊猝起何以應之前督府下檄時急不可
以請今稍靖矣當具言汀不可亡兵狀請罷其
聽調二千如何昨所擒賊者威闕卒也乃廣兵
二千餘人日食省中驗不可制白日櫻市 婦

女稍詰之則袖刃相向乃賊至又不肯罷一天
也僕談斯事怒髮上指冠乃今觀圖卒成功首
稍稍垂矣而歲費帑金蓋三萬可恨哉僕意言
之督府請罷去廣兵而歲指萬金練精兵二千
人戍者其可恃蓋不下廣兵且延邵之間吳悍
夫猛士盡可兵也足下其以爲如何

報手與

累奉遠牘知足下之爲國慮至深也前使者以

軍書至僕即進言督府即傳檄汀兵還汀矣督
府雖罷遣歸猶欲立之帥長亡事則農有警即
舍耒而刃僕因極言汀不可一日亡兵兵餉復
匱乃云非即欲餉之姑羈之耳且言二千石善
爲理也足下其竟如何哉武平報山寇復起信
有之則汀何待焉吾輩既不能長驅中原歛焉
河洛乃使持戈負矢周旋群醜羞談之矣海寇
大都多華人華人狡善詭夷福清之陷也蓋華
人先其夷於晚裨間守裨者覲其夷也遂驚而

逸既陷華人乃又先之詒夷以獄此帑藏也夷
遂呼其類數千人闢門以入見其囊纒然繫者
以爲守帑卒也詰帑金何在不得則縛而刃之
乃華人已群入藏中負其數萬金走矣夷竄亡
獲遂環山而掠即販絮腐糶亦喜而內之囊中
人言此何窶而貪也不知華人負之矣及其敗
也其俘咸夷華無一夫被創者華人亡論有其
國乃又負夷今且各持其金贖其妻子沽酒吹
肉嬉遊閭巷矣此何稱編氓爲今之策先策

華人夷可不策而定不爾者亂無已時也而策
華人即僕亦罔知策所從出足下謂勿詰其漁
商者誠是也但今之漁商者有司何能詰之詰
亦亂不詰亦亂其意以爲漁商者猶勞且費也
不漁不商不勞不費持大刀走數十里便可得
黃金數斤狎美婦人數十揚揚而去我兵畏晚
豈不愉快得意哉此華入之心即蘇張復出不
能移易之矣而欲一有司履鏡之僕固知其難
也假使諸葛司馬諸君復出不知亦作何狀足

下所使代謁督府者僕命之察之群屬咸無一人至者惟足下裁之吳生何詩寄我一讀

報太僕黃公

仲夏既望尺牘薄將托宣城麻戶部寄候計尺
尺渡江矣夷亂甚千里塗絕幸天滅之乃我卒
得以裂其船沉之海中其獻俘者日紛紛也省
城闔門僕輩始得去矢石休符矣知太夫人諸
公子大恐急不得訊茲乃得謀一介之使少致
區區我公南顧之懷得無日殷殷乎請今釋之

矣黃先生之便素絨申候客塗曠甚唯公自愛
不勝大願

報李于鱗

自鄙人去之閩闕去秦萬里亡論尺疏難題即
有夢思亦荒荒沒沒迷不識二華峰嶂也日親
亡廣知有代足下者乃足下遂謝病去則投牘
而起太息彌日僕故有去志聞足下去即起還
內誠婦理裝會島冠急日夜負戈逐寇不得請
然此心已落海岱間矣足下歸携王郎登日觀

坐天門東闕滄渤南眺閩楚悵仙人之後期
蓬
逐臣之未返則蕭然有風雨之心哉明卿日卧
白鹿不大落莫子與視郡戎馬者乎矣鄙人明
春幸不罷即亦上書自罷三四月間定得與足
下握手長嘯醉蔡夫人酒耳會君以徵兵入齊
敬謁足下其歸也請束秦草遺我向所贈足下
二華之篇不可讀則已可讀則足下何能忘情
於武夷哉太夫人公子忘恙謹再拜以問

報吳督學峻伯

自與足下握別紫微而南也日逢足下廣陵消息斷絕乃遂赴子與華陽之約然未嘗不談足下高雅至惆悵罷酒也足下停車泰岱觀周孔之故墟采管晏之遺事且得近携王季遠睇蓬渤壯遊哉鄙人以然歲十月入閩即歷山海之役夏中負矢抱閔之兩越月不休衙矣今且護蒼梧軍三千以歸足下視鄙人何人哉而今乃若是鄙人即非忘情人世者顧觀此五斗寔不勝其身稍過計吏之期則題尺疏上求明主乞

湖上扁舟以去二子其坐日觀之峰待我相與
大醉十日作千百佳語因之短筇五岳不返矣
足下以爲斯事何如折腰奉懷數言聊以代面

報王元美

入閩十朔矣僅得足下一書北風雙泪時時欲
盡春中會子與汀州而明卿亦時以郵書至獨
足下與于鱗相隔萬里言之痛心耳北塞烽高
司馬公蓋大憂若足下提兵東海千里盜息願
不能亡北顧之憂也于鱗乃遂掛冠竒士哉竒

士哉僕爲鄉人疆之南至則日夜悔是日聞于
隣去輒勃勃誠裝待發會烏寇急負矢拖闕不
可請今可請又迫計吏矣春罷亦去不罷亦去
足下幸坐日觀諸峰掃片石待我也曾君選兵
入齊幸足下曲賜周旋即部下健兒亦幸分之
以解闕急使僕得以從容携二頰出武夷無塗
警者非足下明哉鄙言一章用寄遠情

報李吏部一元

往歲公上書言事時鄙人方竊伏草莽中也則
已知時時嘆息之矣後鄙人爲郎居長安而公
乃留滯兩越已又聞賦歸去詞焉世路多岐竟
不得奉明公顏色而承其緒論固命哉國命哉
儼寒閩南遇曾子愛其奇氣疎節而深交之其
以戎事行也因託鄙言以寄遠臆鄙人不諧于
世甚矣乃爲五斗不即去今且去嵩山之陽能
容我小築乎唯公有教言

報子與

歸自建安則有護軍之檄矣足下乃又以使來
足下文顧不文乃令不文文哉重幣兼之策臺
又何說焉休沐信宿冒暑而馳宜怨不者寔以
足下故奪之我二人握手碧雲洞時以爲斯地
無復會理今三月耳乃又得坐崑崙片石嘯咏
也豈不尺作之合哉鄙人督蒼梧軍西也其人
威虎而戰日夜憂之亡策唯厚勞其酋長酋長
喜遂戢其下不敢涼塗然亦其塗之人徙其鷄
犬孳孳而內之他所故免足下幸傳檄塗居者

母縱鷄犬不收母不能一時去其孥孺以爲護
軍使者憂也今將樂矣再五日入汀足丁其勅
徐夫人煮天目茗芽待我寄明卿二詩奇哉奇
哉每讀足下寄吳生詩且佳且多恨不得作白
鹿逐客也足下上計事歸問之趙伯趙伯云業
已議汀大夫入計矣悔不早言之贛府漳道咸
有留詞便湏上書以請不得之此則得之彼僕
亦以爲免上計便蕭生幸即命之恐生他端為
僕累也只尺不悉言

報子與

先是二日二健兒歸付之尺牘是時群酋敢不
掠已發書乃聞其在順昌道中要葉氏姬於輿
中而群辱之已又掠其髻金以去其姬名家女
也媿觸石而斃僕聞之怒髮上指冠已檄從事
廉狀以請其酋長亦恐恐待罪僕誠不能愛此
一官而令匹夫匹婦之仇不報也為此星馳而
西五鼓抵歸化日不交睫者兩夕矣蓋恐塗泥
不即徙其孥孺鷄犬故家至而坐徙之蕭生及

從事來兩辱書知足下之遲我深也僕即不念
碧雲獨不念足下哉且群酋不出瑞金僕之轅
未可東也其勞軍諸例已具公牒中西報十日
矣只尺握手心神飛越

報顏使君

夜月聯舟秋雲登閣寸心獨結片語相雕金石
有銷此誼難泯矣足下奇氣凌節鄙人何幸得
以挹其光采而欣艷之而足下視我又骨肉而
加焉則何報哉則何報哉王華一別曷暑西馳

古驛夜蛩孤笳蕪發四顧寂寞誰與為歡是時
足下巴捨舟劍江之濱飲馬金陵之渚矣奈之
何其亡妬也今已幸遇清流群酋頗戢再五日
抵汀月朔還轅矣宅署竹空可無斗酒待我乎

報子與

屢屢使命禪將來又辱書抱讀臨風碧雲秋色
侵人矣足下須命毛穎先生數百坐石上待我
二人題石也群酋數日頗戢又費郡中牛酒以

為父老憂使君有罪我漳南君既未到于旌便
不勞遠出遲我碧雲可矣

報黃黃門

自足下釋承明之歡而鄙人遂亦南播窮塗之
嘆彼此鈞之矣在遠日結于衷乃今咫尺顧未
及貢一言往訊者征輶輒亂繁嶺關山寔奪之
非敢忘之也足下不加謙責顧惠我好言重之
采綺其感其愧紛然交錯何以請而解焉足下
金馬上彥抑之雲霞無以論蒼生不能釋之即所

誤述炳炳千古無疑也。鄙人鄙不肖，可使竊聞
萬一乎。謹因使者以請。

報阮中丞

自公北行，泪未嘗一日不垂垂下也。道塗遠，遠
驛使希濶，日遲北音不得時，時軫結道經樵川
得報乃知。聖明果察公之寃而薄遣之歸矣。
是夜徙倚嘆慰營營至曙，我公辛苦戎衣日月
長矣。乃得暫卧東山一蘇息之。是聖主之恩
深也。謹遣一介恭訊起居。

報顏使君

別公一月矣在闈中日會徐使君則未嘗不日
口足下高誼至竟其酒也心搖搖嘗依劍津之
上即廣陵明月及疎之矣此其故何哉督臺還
轅而足下尚未議事則九月烏石之會可破積
積惘昨出手足耳目俱紛紛矣燈下扶困具數
語惟公諒之

又報顏使君

昨題尺牘往訊待發矣乃公幸愍然遣使辱之
瑤札累函情意深厚俯仰人世父如我輩者誠
難哉誠難哉即出示徐使君未嘗不嘆息彌日
也余殺華履愛我愛我敢不求佩微躬以表長
者之賜使旋謚北鄉再拜寓言奉謝督臺談城
事冀公速臨惟公留意焉

報查太常

僕之南也即去我公萬里且暑寒兩易衣矣
公愛之著於鄙心猶一日也日對唐公即對我

公而公之書來輒目召而竊觀之未嘗不齒我
而骨肉我也則公之於僕乃亦不一日忘哉僕
自入閩日因戎事櫛蓐闕山餐沐風露孟未決
旬休衙也以此耳目手足靡不被病髮亦稍稍
短矣偃蹇不自得輒欲裂纓走公何惜片語而
不使麋鹿之性得望豐草而嬉乎昨讀越書知
令姪高列因嘆公家之德澤長也二公子試燕
闈當更得意恨不得燕書讀之徐使君得致區

區北望軫結

報汪水部

別而南再授衣矣北暝金莖白雲茫茫念諸
人並馬鳴珂聽席捲涼句營壺嶠也萬里之外
日睹戈戟林闕山蒸之風露漸成病子矣子
與入燕巒公聚首故人亦有遐心乎州州附訊
遙遙緒長臨風悵惘

報諸吏部

客冬奉報牘便宛然猶公游也顧此萬里之外
又黯然增結矣夔龍並列榮問日新宇內賴之

何問僕者入闕以來櫛沐風露且時時負戢矣
天上知已曾有遐心乎歲事漸搖落附訊起居
唯爲蒼生加愛

報李明府

臣東髮學語時則嘆公之於家君何驩也雖未
得執經几杖亦辱庭教之矣公雖去散邑日遠
顧其遺教猶炳炳在目也則臣之幸竊章服非
公遺哉人事參差缺然訊問客秋道左又未獲
展覲龍門公不棄乃以遺書厚賜辱之啓函拜

命意沾沾喜也。已而把讀廻環。撫焉興念。公今
白髮僕亦狀夫二十年間。宛然陳跡矣。因與叔
氏道舊談往。俯仰長嘆。公起居勝矣。郎又有諸
公子奮翼青雲。豈不悅快得意哉。僕偃蹇車時
不即引去。耻爲公談之地。日卜築西湖。幸有公
作主。當不大落嘆也。家祖家叔薄遊名邦。朝夕
於公者至深矣。叔歸附此具謝。兼佈積悃。會有
遠役。詞不宣心。

報學士李公

徐從事回閩暴札蕙之雲綺再拜后為油然晉
肉之念至過辭止而有懷則知公之於僕未嘗
一日不置諸念也感激裝回潜然墮涕矣自惟
幸侍長者之側辱忘年俯交微言駢語動及心
腑獨愧僕踈愚鄙拙自諒無他然有負長者
之愛至多也而我公稱委曲成全垂情僻遠草
木尚可德感况愚父子亦嘗聞長者一日之教
乎此僕之所為拊心而增結也曠者上春日隆
異苗有新綸詞林盛美區宇被華何問桑梓哉

遠方小吏日就沉淪唯公餘光拂之甚幸甚幸

報學士董公

一別載離寒暑雖天上金莖高遠廖廓鄙陋之心則固日依依焉蓋唯知公之念我不自知其分之卑也張使至我公不棄辱以緘書文采巨麗厚念盈楮三復長嗟蘇隕涕夫薛高諸子所爲偃蹇流落卒或其名者以其才也無其才而有其累世莫不咲之而公何取焉公又以漢時諸公莫不外歷藩郡其意若以喻臣者益令人

惻惻愧心也然而公之委曲念我至矣至矣苟
被齒髮何能一日忘我公哉公以命世才受知
聖主寵綸日新繁錫雲縉天下之士莫不快之
辟則鳳翔于郊而百鳥振羽各欣其類也然則
臣之僵蹇流落而得幸覩詞林之盛歌頌鼓舞
亦足以自樂矣唯公終念之

報余德甫

僕之登釣臺而南也問足下方視牘天台只尺
缺靚固數哉足下何日復之長安昔者素衣今

復何似知五陵氣垢不能上足下衣袍也之子
沉淪時時爲人誦之足下他之矣子與入燕夜
談時倘念二三子萍散也得無長噓罷酒乎僕
之狀子與盈抱矣足下毋須問之恐益令足下
嘆也便訊起居歲寒自愛

報方武庫

別公而南歲月豈尠哉顧自入闕戎韜日棘郎
手足耳目靡不從之尺牘難題寸心獨結公不
棄我二遺我書七言二章情詞兩絕令我讀之

三音
二ノ
三三三
小三
泪淫淫下矣。郎欲具一書謝公會。無入燕者。耶
有之僕。且以戎事日驅萬山中。不相當也。顧此
心何曾一日不念公乎。八月。郎君顯我翩翩青
雲之器也。欣握之如覩我公焉。且携四絲遺我
出公書。裒中意。悚悚甚也。僕自十月視事。郎入
江。歲除還邸。過元旦。則又從御史行部。五月還
邸。島夷苦之。七月復入江。一歲之間。征衣不可
解矣。以此不能爲訊。尊公非忘之也。今且遣一
介。二壽唯公憐察。

報何中丞

僕不才每不敢自棄於當時之賢人君子如明公者既幸竊省署之誼得奉履烏之光明公不棄其愚而時時教之斯稱竒進矣世路多歧未能卒教關山魚極嘆仰徒勞明公不棄逖儼然辱之以書三嘆高深天之海嶽日台垣出鎮闕府西江風采謨猷沛然雲布大業炳蔚豈不與日月並垂哉竊在下風何勝鄉慕僕之碌碌偃蹇無所比數不足爲明公言之獨南康司理吳

君者僕之同志交也其人高雅取息唯明公留意焉

報顏使君

日來雖時奉教談終爲俗格所泥者心恨之矣
昨意公必謁院晚出項之門卒報千旌出城矣
乃益悵然公急金陵之約乃棄我哉連苦夜譙
今意汶汶不快計公是時方醉美酒抱郎夜嬉
也使來奉牘知公念我見懷一章情詞精絕即
老杜暮雲著樹之句何加焉行當奉和以申遠

用吏諾因院牒促先公行二月進矣

報顏使君

昨往二緘方以疎訊爲懼果奉手牘果言言讓
我矣興少府一牘更急宜遂棄我哉令人手競
競不能持也兩歲盜發而他藩悉委之閩即其
言行遂吾官耳方當再拜謝賜公僅當今歲之
盜聞他藩報軍書不似往急也公又何勤勤切
切乎萬生所闕寂無耗或難僕言之定下其毋

苦責

報子與

鄙人之再西也豈不甚幸哉名山片語便垂千
祀至於深夜握手不忍鄙人之即去而曲計全
之其誼骨肉爲淺矣獨畏左右耳目未展兒嫂
之恭此我兩人之外內罔無所不至也但以鄙
人之來令足下病至蹙容而去鄙人有罪盡焉
首漸衰孤懷欲結四首汀雲魚任悵惘

報薛刑部

曩者觀家君金陵之墟則具言足下與游至驢
即骨肉無易之也令人仰屋竄嘆以爲高誼知
足下者宜何所稱報乃以外吏不敢進謁諸京
卿長者即夜移棹去而不得蒲伏門屏一布下
棕顧所耿耿深矣入闕日提戈逐賊餐泳萬山
中遂欲爲一書北訊不得秋會象南君以華牘
辱之握而談如覲足下焉已乃讀足下所賜書
言言振我也即至不自敢不夙夜象南君出其
文詞示僕第爲一誦輒動色而起旣已大奇之

時時爲人誦說此金馬才也今果上第矣亡論
足下之快之即僕之快不減足下也足下懷瑾
握瑜摘詞談道爲一時表重乃今又得象南君
繼起益章顯覩于今世同難哉固難哉象南君
當覲足下邸中骨肉榮華樂何可支也謹附小
狀申悃唯足下不棄有教言

報子與

已發石牛得手書知足下恙且甚令僕意忡忡
而東也此乃夜坐積困稍卧閣蘇之當可勿藥

矣漳南意勲僕何以當之謝書幸遣護戎速訊
前途再爲具述足下語往謝也軍儲所費幸耶
具牒一投僕可藉手歸省邵廷之間倘得握手
三顧恐無此奇也朝斗一章足下和之

報子與

燕川遣健兒入汀後二日抵順昌聞足下棘關
之據此何足云顧沾沾喜者以握手之難也故
事轉博士至關則守臣護入之既已廷平而巡
臺復檄往杉關入諸博士馬蹄不穿難矣如此

宦情奈何令鄙人甘之足下建寧之役不必特
馳月晦便謁過朔趨圍至順也前議倘諸所措
借使其抵省僕當具楮待之鄙事大勞足下然
非我兄弟一體者安可措片語也李司勳書幸
付長汀君其護吏回仍取報書寄我

報子與

別足下十日方得抵省風雨泥塗備嘗之矣蓬
想茂陵肺病未嘗西望增結也金陵書到始知
足下賜訊大人大人且作且感亡論大人耶僕

役何當之哉謹西鄉再拜因使者以謝入棘近
矣謹誠小奴理疏煮醪以待足下周宋督府迎
送二牒幸命一護戎急馳之大人有家報二函
附使者蚤寄幸甚鄙侁前緘已詳唯足下圖之

報子與

二使次第遣歸有報言矣宋督府視事例有賀
且上之吏語鈞以托之長汀黃君蓋足下旣東
捨斯人不可金陵使者至未已遣一介遲于旄
至華足下旣至則請留使者一二日待僕與足

下面遣之未晏也

報子與

抵省遣健兒西歸寓之訊言已又三健兒至奉
手書知足下時時念我深也碧雲一章稍易數
字更稱竒絕周中丞歸山二章精麗俊偉逸氣
翻翻薄雲矣周幸哉周幸哉知嫂東歸使者取
道北鄉鄙心炎炎如火第歸後日屋棘闈之後
柰何哉胡從事受足下重命歸即請之趙伯伯
云督府已有成命難中奪之而楊伯佳大夫也

乃云徐使君既有公牒請以易胡生者易之便
與顧使君又亟言胡使事乃王黃門姻也因起
請再三趙伯者乃拂袖不答趙幸有役棘院楊
伯署司僕當極力周旋之可矣

四懷詩併王生者奇哉奇哉我二人亦胡可少
此詩也嫂歸矣聊爲內侍者易數衣而不腆之
儀因以獻諸伯翁

護子與

前是二日具訊一役歸矣二役尚留意款有所
遣一役病茲復遣之聞是下二十日同嫂夫人
東也則大喜計是時于菴已指九龍矣楊伯顏
憲時念足下僕更時時遣足下感仰情胡從事
不能以一日遣諸懷日言之楊伯楊伯遂具牒
建臺易其人牒今日且下楊伯者佳伯哉佳伯
哉幸報胡從事毋罔也更一二日則顯遣一介
之使候足下創津之上矣

報子與

足下之枉辱敝署也。郎如崑崙之上，遇羨門焉。
駐馬數卮，竟爲衙官促去。何物浮名，乃能籠人。
如此意，辛然甚也。已乃從臺史廟謁，遂留齋沐。
庠中能祀鷄鳴矣。晨起輒入從諸大夫折腰。
也。欲啓鑰展謁，足下則足下能一出乎左國二。
種偶涉，歸筆辛足下藏之左逸其一。錯篋中當
携是之也。

報子與

胡床衾語寔平生所缺一卮便別乃令心搖盪

並西矣居數日即以戎事復出途中得王華二
書讀之淚下僕念足下豈殊足下哉願使君大
自意氣其爲我道足下高義口澤澤不收也又
得讀黃花素秋之篇華年而歌颯然風雨豈足
下登碧雲時乎盜屯紫雲臺上僕因鼓行而西
駐馬歸化者五日矣健兒持刀書至大誇我滴
水之奇遂不能夜營營至霽則携揚生往眺惟
奇哉惟奇哉不知天地間乃有此揚君謂足下
大醉洞中一日不能去則何不令我二人共處

使君謀馳之延平而同友報夷艇至矣計足下
嘗以望日發江恐遂不能出觀絳鉞徒令此心
萬折也且足下既去而僕之鬱鬱竟誰與語言
之涕淚滿衣矣足下過九龍而不見僕得無感
感動念乎謹遣一介代候于郊萬里長塗兼以
霜雪唯足下慎表與自愛鄙人心搖搖而此無
已特也酒淚投函莫知所云

嚴子與

問足下北轅十日矣長安車馬雲翔而舉目無

一知己者足下得亡短氣乎昔顧華玉以開封
謁帝獻吉諸公祖道陳詩而朱芥之報績還
亦有章園別紀足下何人哉乃不待並二子游
也萬里之外令人怏怏耳臺伎便附訊願言加
飯以慰遠臆

報周憲長

八朔奉陪末議明公折節而心交之持盃罷論
動則顧我令鄙人顛倒如醉若涉殊庭從安則
先生啖棗遊也豈不甚幸甚幸哉荷亭笑別益

心旌飄搖與公共翔燕薊之墟矣從諸公時誦
春闈王伯之句未嘗不拊掌大噓如公在筵也
知公已謁 帝歸郵日遲音告乃百粵掌憲之
訊至矣羅浮先生日夜望公至豈知武夷使者
乃大怨別也異日者公持大中丞節來督八閩
戎事鄙人蒲伏轅門公毋恐我哉敝司有不腆
之將敢附一言以賀

報尤憲長

別足下久矣每念足下高誼私心如渴也秋中

令公子貽書知足下北謁 帝不敢報言冀得
迴轅展晤不知足下乃枕苫而廬也伯翁何故
哉驚惻驚惻遵岩東臺二公狀故聞之足下之
言尤詳矣第何能為不敢辱命草此先復顛遣
奉慰不任區區

報德甫

吏回奉手書知足下念我深也即闔越只尺未
通一訊何妨長憶茲萬寇環省城焚劫者今六
十日矣昨稍殲之海上餘者尚屯山南轅門奉

校專探甲勒馬以待足下幸足下蚤至以長繩繫而鞭之以謝蒼生豈不可也明卿亦通一問否門隸再進草此代候客塗滯留願言加愛

報方武庫

十月之望既已奉訊言北鄉矣則又以爲公之念我勤而僕之報公疎也無乃門者嗔不內乎然僕非敢疎也長安中書蓋自昔難之矣恃公諒我不然者僕何解焉公爲郎久胡不調以公之不調知僕之折腰魚已時也幸計吏萬一罷

去爲快即不罷亦上書自罷耳他日五岳志成
公其就我百花洲上讀之昨具不腆之儀起若
尊公長者夏官大夫之類俟僕登龍而揭焉

報莊吏部

仰山君至再辱賜書環讀累嗟公之念我何深
也夢我諸篇詞翰奇絕蓋雲霞亂墜矣我明稱
名吏部則無逾蘇門西原少海諸君顧其詩可
得而言也公謂高詩玄淡而乏風骨佳談哉佳
談哉方公與高游時何不以言振之令後世有

詞也然諸君俱奇寒淪落不俯諧于世足稱名
派矣公雅意鄙人期之華地甚幸甚幸顧不敬
負諸君豈負公哉仰山君看花長安大君三君
飭羽待奮公之樂甚也尊公名德高處鄙人宜
有言顧願得平生而綴誦為公其教之

報白伯倫

去冬辱遠書憶懽嘆別並見情悰把讀迴環不
知涕泪之浪浪余襟也每睇北雲便歎心折征
輶軋軋缺然問訊顧其心何嘗一日不殷殷哉

足下影組仙署，獨亮彝典，功名盛美，貽寵遐僻，甚幸甚幸。鄙人南徙日屢，山海之役，羶餐櫛沐，半在風露間矣。足下雍容鸚鷺，曾復流念遠人乎？閩使奉鄉書入都，事在足下，唯含容而速遣之，即鄙人之願也。吉夫念我厚宜，詎恐以不遍取罪，且爲我謝之。子與至當，致耿耿耳。外錄二帙，裁教。

報子與

自足下出關，口忡忡怦怦，不能一日釋足下意。

獨恠之不知足下乃奉尊公諱痛哭歸越也書
木把讀一泪盈裾矣諸大夫靡不喟然興嘆即
臺史且亟亟言斯人夫是汀之厄也尊公何恙
何竟不起太夫人得亡過痛乎是皆助足下悲
也第尊公八十餘老矣又得被章服游里中數
暮不愈焚麻松丘哉足下可無恨足下杖而讀
禮上奉太夫人高年以其餘掇采千古卒成大
業是又報尊公地下無已時也僕擬春暮拂衣
闕鴈蕩訪天台解笈天目之墟濯手茗雲之上

展謁尊公之墓上壽太夫人於堂而因與足下
探禹穴歷西湖弔閭閻之舊宮采種蠶之遺事
斯僕之上願也足下其掃徑而待之頃以職事
從臺史行部駐節延平日飲顏公之廬未嘗不
談足下至顏顛罷酒也不腆之奠敢聞左右唯
足下疆為大夫人加殮臨楮於邑

報周憲長

別後九三拜華牘則黯然悵情哉春中事碎之
驚颺迅發而江山草木靡不改色者及其定也

則江者自江山者自山草者自草木者自木礎
不得終持之矣公之遺之亦公之未定之天也
及其定也公者自公文章政事峻節雅度誰得
而終拊之也公之濯粵也胥江公命僕言綉錯
而函之自歲暮淹留至今矣蓋以戎故公其諒
焉叔言文思當亦駿發恨道遠不得讀而快之
公當何日出山所馳情於左右者如饑如渴也
唯惠然有教言

報顏使君

公去闕三月乃僕之心累暮矣蓋骨肉之情然
哉公何日至楚何日發楚何日渡江何日渡淮
何日抵燕也風雨朝夕若僕任之矣門者一言
吏者一書咸戈戟中語今亦不記云何要之皆
歷歷寸心也自公去僕不復措一語公至長安
當即拜新命斗酒相藉何地何年哉言之悲嘆
諸所舊從纍纍如雲僕目之未嘗不黯然悵情
也健足入都 附數語代訊三郎君近有音至
否僕念之絕 何問公也

春中九辱書委我尊公志豈以僕亦能不辱命
哉四月奉部檄視事臬臺時夷大舉入寇集省
城者萬也又屯掠六十日始去數百里白骨山
起林廬一空父老泣曰自有閩以來無若茲慘
者僕守西陲乃賊即日日攻西陲僕遣精銳數
千走之奪得巨螺二隻五采爛然絕可作觥他
日五湖當與足下大醉此君一咲耳足下教言
教諸生古語諸生遇害者五六十人其爲虜未
歸即歸而折支敗面者又纍纍也此自僕命哉

卧俾上與賊終始昨方解戎衣休沐正理前章
便者復至不敢辱命謹下惟三日勒成鄙言一
采足下實錄唯少年嬰金亭長四十斤鐵椎
僕削焉夫尊公儒者也郎有之亦少年事不足
重公况直書朱亥郭解語槩公生平也二子自
奇顧與公無當政如左馬李杜並佳然不可以
左即杜也足下以為如何

報子與

紹生去附志序二首書一首計中元抵越矣顏
生來又奉手書沾沾喜顏生不遠千里訪足下
足下乃又深愛而極念之也兩難哉顏生才又
深沉有度汀館徐圖之不敢負委也家大人書
來具言足下馳特使於金陵且有厚賚焉足下
於我父子之間深矣顧安所報顧安所報唯心
藏而口占之無已時也昨謂蕭生遂遣此訊元

美會其病且僕亦日苦憲牘不得一閒為書聞
元美尚在青州何也其於去就苦矣吏有事越
臺附此往訊秋矣甚想天目亦如之捐痛自愛

報光祿黃公

春中聞勳輔之召竊意師必歸謁封極月日日
比佇也後會戎事急冉冉至六月而都運公來
奉師彭城書乃知節旄徑自滌陽北也悵深矣
書中念不肖絕甚而別論勳切尤見師骨肉慈
已之情環讀之不知泪垂垂下也今世愛我急

我者孰逾師哉使者又辱賜賀感德愈深謹此
鄉稽首附言申謝不肖鄙陋叨此重任悚灼久
之蓋恐無以副師知己之明也唯師益教之有
至望焉

報趙太僕

春初附尺疏黃公子具訊未盡區區入夏夷亂
急矣遂久缺音告我公不棄乃惠然以遠書華
幣辱之啓函奉教厚念盈楮抱佩悚灼罔所措

之滁陽天下之勝而今古名賢之所萃止也我
公名章麗藻雲霞並流耶所列會編中者鄙人
言言窺靡不洒然而快也公謂心力可到齊驅
古人者盖自謂乎蓋自謂乎江山詞賦並峙乎
古鄙人願得請益而卒業焉唯公諒之使者北
歸謹裁具謝臨發數語聊布下悵公毋以詩讀
之也秋氣漸高公其為蒼生加愛北鄉無任馳
情

報明卿

曾參戍二月來致足下書知官舍寥寂日惟營
師語也蓋黯然矣讀足下詩又沾沾喜昔謂詩
必窮而後工有味哉有味哉三月朔觀計吏牘
則足下乃又有謫命矣是日為足下頓足旁皇
泣數行下天乎足下何罪而再遭之也即欲走
一介訊足下武昌會倭遽至而環之蓋三月道
塗始闢遂冉冉至今也顧此心何嘗一日不念
足下足下再謫子與苦居元美近遂家居乃李
生又父耕矣而獨僕折腰五斗不即去豈理哉

日夜謀所以去狀不得則移病耳陳大參公入
楚附此一訊

報方駕部

往歲九月具尺牘付徐汀州代訊已而聞其奉
諱歸吳也訝而恨者久之乃使鄙人別來感佩
私悰竟不能一布之左右謂何哉謂何哉嗣是
又值夷亂其狀難言之矣而道塗阻絕比使希
闊遂不能脩一詞道此恨恨尊公遣使接之三
緘啓封而讀言言感言言愧也時事一書亦足

遠畧行將為二三大夫誦之我公坐籌九邊胡
馬不敢南牧矧茲醜夷固宜其宏策炳炳也鄙
人不學辱諸公以貴鄉二三子付之鄙人何有
哉幸公遠惠至教敢不夙夜尊公復有厚資於
鄙人鄙人雖不敢拜命願心藏之矣郎君鶴朗
固麟鳳之儔也鄙人何敢以諸生視之謹附數
語奉謝鄉者一書併致以見區區唯公諒焉

報謝山人

一別八年矣人生幾何堪此睽隔每與二三子
持盃對月未嘗不念我公即公高名獨吟當亦
不能忘情二三子也于鱗久辨明鄉再謫于五
元美並奉家諱南歸時已逾數暮矣獨僕以五
斗不即去然念念漁樵恨不旦暮往也近家君
卜築金陵之墟將遂家焉公能渡江而南而僕
因解纜從公闕天台眺鴈蕩下西湖登席丘西
第匡廬南浮瀟湘以盡平生之所外游而未覩
者何如哉公既老僕之髮亦猶如此矣嘉時

再唯公圖之樞亭李公與公有傾蓋之雅謹附
尺牘代訊懷公之情一見之詞惟公一一為我
酬焉

報子與

隔旬臬史有事于越附尺牘命之天目訊足下
書及家大人訊語啓函讀乃知足下有顯使於
金陵而家大人數數感足下高誼無已時也足
下念我戎旃戎旃即苦顧不若二三兄弟放逐
驚憂種種甚也每一念之不覺泣下莽莽宇宙

安所投足哉足下以太夫人故不出僕不敢謂
足下語非也家大人以倭故近日買宅感臺之
東將定居焉而二嬪諸所從者行將盡歸之則
僕之進止便也柰何以一學椽而負此千古足
下以為如此元美處日夜念之無一介可任黃
少府疾足謹遣之代訊足下足下如以為可任
則北之且令歸塗東之齊一訊李生也昨觀王
生病蹶痛心哉痛心哉百凡足下裁之

查得書部內數葉字句多訛因在闕中倉卒騰
刻未經對校且原稿門生收去無從改正恐訛
以傳訛因削之謹

告

宗子相文集卷終

2

No.	Name	Rank	Age	Service	Pay	Status	Remarks
1	John Doe	Private	24	Infantry	\$12.00	Active	
2	James Smith	Private	22	Infantry	\$12.00	Active	
3	Robert Brown	Private	21	Infantry	\$12.00	Active	
4	Thomas White	Private	23	Infantry	\$12.00	Active	
5	Charles Black	Private	25	Infantry	\$12.00	Active	
6	William Green	Private	26	Infantry	\$12.00	Active	
7	Richard King	Private	27	Infantry	\$12.00	Active	
8	David Lee	Private	28	Infantry	\$12.00	Active	
9	George Taylor	Private	29	Infantry	\$12.00	Active	
10	Henry Wilson	Private	30	Infantry	\$12.00	Active	

1120

宗子相傳

宗臣字子相興化人廣陵在漢時吳王濞招致天下
娛游子弟枚乘鄒陽又辭並發大山小山之作奮自
淮南蓋彬彬盛哉 明興百八十年廣陵多文學之
士乃今始有宗臣云 以童年就邑中試馬令奇其文
延為子弟師嘗贈劄數十謝不受治博士家最勤
又喜讀莊周屈原司馬遷所為書守長及督學使者
試輒首列名籍 起諸生明嘉靖己酉以戴氏禮舉
於鄉庚戌登進士第授刑部主事辛亥調吏部考功
主事門無雜賓心淡如水不染華要恒有思存之志

壬子冬上既養病歸講求藥餌遊覽山海家人生產
不之問也客有勸為田園計者曰吾志寧此哉即志
此又媿囊中蕭然不似官人耳日与二三子吟嘯百
花洲上每心語即論述千古成一家之言偃仰山中
奚不可耶病瘥節使者強之起臺省諸鄉更書來懇
強之始於甲寅秋赴闕陳丞贖之二百金再却不受
曰恤我鄉中民視贖我意倍萬也待闕下三月仍
補考功又三月調文選守文選一年所陞稽勳負外
郎時宰欲一見之竟不往楊太僕繼盛論劾嚴嵩觸
上怒嚴黨羅織成獄以寃死臣率諸同舍郎之克即

扶義者為文以祭之萬不悅丁巳春外補臣福建奏
議次有身倭夷直犯福州城中噉、都御史阮鶚被
逮已去三司大夫曰議守城事臣監西門西門者宇
原橫城南臺之所取道也先是有司悉部勒諸父老
子孺守陴臣登西陴則罷諸貧者疾者幼而懦者留
其壯与之約曰晝則家夜則陴擊柝鳴鏡而懸火牌
睨上不知約者以軍法從事會報寇至六門咸閉矣
而城外人數十萬大呼祈入臣開西門坐話而入之
復為檄召城外百里所蓄新穀悉徙之城中不徙者
縱兵焚之而壯夫有不肩新穀而久居西門者不得

入於是城外薪穀入城者日以萬計議者謂城邊有
樹恐寇至登樹窺我民廬逼城者恐賊至焚之以攻
吾門於是護戎者持斧環城伐樹六門外輒焚城下
民廬烟裊起臣獨止西門不焚廬不伐樹時又議
毀城上屋以便擊寇臣笑曰兵不能雄之行間而雄
之屋上哉且雨浸城壞柰何遂止不毀寇攻西門急
臣袖中出俸金多製火藥寇被傷者千餘咬指戒不
敢犯西門未幾寇犯興泉而先寇鎮東者尚屯海上
適臣所部兵二千人自外郡入援而督府王公訪馳
至則檄兵數千連數十艘要擊之弩鏃亂發搗斬俘

獲無一東還者沉賊船數十于海中捷至臣悉罷諸
守陴之卒與外兵入援者始歸署中餐沐也是歲八
月奉寧報粵賊急臣即檄邵延各郡邑兵夾剿而身
與數騎星馳赴之以歸化兵截其西邵武兵防其北
將樂兵阻其東永安兵遏其南歸化則賊入汀歸粵
之要塗也夜督數百騎徑趨至白蓮付李丞蘇簿邑
兵五百粵兵二百馳紮雲臺賊聞我歸化兵至輒驚
走遂逼永安永安在萬山中而積穀寮人善弩最悍
乃又檄謝倅以積穀寮兵三百出戰擒數十賊獲大
旗追至百里賊遂夜徙上杭歸粵是役也蒙犯霜露

親擁戈戟籌畫尤無遺筭鎮巡倚仗最多閩省屬鄉
試文武士職主提調所撰海防二三策析主客之利
害究戰守之機宜禦倭振武經畧咸悉海內傳誦莫
不信其為薦紳中之頗牧矣己未春陞按察副使督
閩學益勵躬肅範日飭諸生誦法聖賢及稱古豪傑
所事諸生貧不自給者輒捐學租贍之甚者更贍
之行縣試士則糲飯蔬食時披簡噉茗每吟哦四
顧蕭然立風日下出則整衣拂履遇濁吏必怒自去
之然後已閩有駕部郎陳時霖嘗誦興化丞繼以太
平推官罷歸因朝夕過臣臣或飲其家閩人有弓而

請託者霖曰宗先生為吏部得告時予方承其邑彼未始一事干我我何顏顧有請也其為人所服如此庚申春卒於官越十餘日御史樊獻科率諸司奉木主人祀名宦祠七閩之士遠近慟哭人：憾失良師云臣博經術才高而氣雄自喜甚少與客論詩不勝覆酒盃噉之裂帛而濡思竟日夕至客：嘔血也竟包統羣才會以神能奇鬱悲壯成一家言枚鄒之後寔罕儂已為即時與臨清謝榛濟南李攀龍長興徐中行南海梁有譽吳人王世貞楚人吳國倫結社燕中為一時詞人之冠臣嘗言人世祇有二道上焉者

乘青雲弄紫霞。吹則宏詞麗句照耀千古名。並日月
所為詩文集十五卷。傳於世。其臨終三詩。則在武康
止止菴中。殆仙乎仙乎。鸞鳳不羈。翮之霄漢。孰得為
允竟之哉。

嶺南歐大任撰

公舉呈畧

興化縣儒學廩增附生員成詠李憲章陸鏞等呈為
公舉鄉賢以勵士風事切見本縣已故福建提學副
使宗臣立心正大究意高明摠角趨庭蚤擅時髦之
譽芳齡登第大伸

廷對之言自荆部而改天曹苞苴歛迹由考功而轉

文選水鑑無私義激孤忠祭揚太僕之死而不懼行
能獨立忤嚴閣老之意而不辭直道難容遠參閥省
而政績益著國事自任適當倭警而兵籌如神西門
守禦活水火數十萬之疲民南事陳書閣宗杜億萬
年之至計督學則精校藝而重實行多士仰師模之
端肅辨道則本六經而微實用千古發聖賢之精微
年雖未及四旬心則超乎百代孝友由於天性雖宦
遊而時切望雲和睦洽於宗閭縱囊貧而不厭濟妻
解友人田園之勸治家不愧節侯却陳承餽贖之金
守己奚慚揚震故鑑則得吳冢宰謂當於古人求而

謹蒙若嚴侍卽終不以一見屈青燈黃卷動一生之
苦心麗句宏辭垂千年之文藻觀其學約八章允矣
化民成俗之意讀其閩中之策誠哉文優武備之才
以斯人而在今時不愧

聖朝人物以斯行而質前哲信為後學章程况遺行
在八閩而身死之日即公舉於名宦然邁迹自本邑
而攬歸之後當禮祀於鄉賢生等仰止高風親炙懿
行公是非於三代採輿論於羣情固不敢諛慕以可
私亦不避嫌而汲善呈乞俯從公議祠祀鄉賢匪特
為士人風化之閩抑且見

朝廷崇德之典理合具呈頒至呈者

送子相入鄉賢移文畧節

本縣李 叅云鄉官學憲宗臣才華豪邁事業

輝煌經國文章博習徧乎天下齊

家孝友稱誦孚於淮南身沒而德

愈光時遠而名益重閩中徧祀雖

足酬教育之恩鄉祀未崇尚未愜

閩閩之望今日之請乃天理人情

不容泯者合無俯從庶不負人心與

善之公而士類亦知所矜式矣蒙

撫院方

批仰府後公查行繳

操院吳

批據本縣申前事照得已故鄉宦宗

副使詩文雅有可觀一時名流鄉

賢候

學院批示行此繳

學院鍾

批據本府經歷司申前事既經覆勘

人無間言則奉宦之非不行可知也

仰行縣送入鄉賢祠繳

按院王

批云方城公文行文著本院素仰其

風願聞此舉仰詳該道覆勸以見

崇德垂祀出自輿論之公也速行

速行

鹽院馬

批云方城先生素負時名重協輿望

此舉誠為得之准祔鄉賢以禮崇祀此繳

江院陳

批據本縣申前事宗公鄉評既推於

爰後素行必孚於生前仰縣卜日

祔祀繳

兵道傳

批興化縣已故鄉宦宗副使行誼文

章素協重望於鄉邦氣節勲猷
父負名時於中外身沒而公論咸
惜時遠而德流愈光既經前後查
勘相同相應准議入祀仰以案備批
呈內事理即將本宦送附鄉賢以禮
崇祀庶人心與善之公不泯而

國家崇德之典亦彰矣

本府陳

批云據申讀其詞想見其人盛歎

然猶尚慕願執鞭馬仰候 批行

本州趙

批據申前事宗公德業文章為一時

豪雋誠淮揚之人傑也今茲公舉

允協輿心無容異議候 示行繳

萬曆壬午年為查御賢事蒙

本縣凌

參云看得本宦天才超逸雅志清修

秋臺銓部兩曹並著廉聲督學脩

兵八閩咸推芳績麗藻步達安之

遺響風流信淮海之俊人節蒙

奉院道司府覆勘會批仍舊崇祀

維

隆慶三年歲次己巳壬申朔越十五日丙戌

直隸揚州府知興化縣事李戴率縣丞李一元
主簿田應期典史蔣承爵教諭錢道訓導沈昂
鄭廷選等致奠於

明故中憲大夫福建督學副使前吏部司勳郎
宗方城先生之神位曰側聞古之君子身沒而
人俎豆之者非其德足以正君而善俗則其才

子相墓誌

嘉靖庚申之二月宗君子相卒於闔其遺言曰死葬我金陵而是時太公為南北部郎也則以櫬之金陵栖焉而亡何太公出守蜀久之歸揚之興化則又以櫬往曰金陵去家遠誰能及歲時以一盂粥澆墓也蓋君沒而亡三尺之息也傷哉天乎又久之太公謂其少子培曰葬女兄百花洲百花洲者距邑不一里遠而水環之君故所讀書處也謂世貞通家子女其誌而銘之世貞以讓于鱗未果諾而于鱗亦沒矣海

內諸稱兄弟者若而人而偕去我也傷哉天乎世貞
所為君誌且銘也者則安能文所不為君誌且銘也
者夫安能忍君負也世貞按狀君諱臣子相其字嘗
自稱方城山人其先世居吾吳郡尋遷盱眙最後遷
興化遂為興化人而興化之宗有聞者則自太公周
始也太公娶徐宜人始姓君而輒寢若日星雲霞者
至再三卜人曰是有子也而文已生君君為人秀鬢
眉豐下目光奕奕傍射負氣豪雋自喜非義所不一
枉非義事不一行惟於鄉三物罔弗備而取與尤慎

以是不諧於俗當其逾此時習戴氏禮已竟一日戲
構題而屬文文成多奇語太公異之為益授君業俾
卒焉君遂以時義名十四試諸生第一自是連試輒
第一而又十餘載始成鄉薦明季成進士高第授刑
部廣西司主事太宰李公默見君文而奇之調為其
屬得考功故事吏部郎自相貴絕不復通它曹郎而
君日夜與其舊曹李于鱗徐子與梁公實及不佞世
貞游益相切劘為古文辭考功署中自公全外多不
復酌往而君少季驟貴顯諸曹偶不無目攝之矣君

亦以湛思故咯血謝病歸病良已築室於所謂百花洲者而讀書其中不復問世事居二載李公復入政府移書趣君君不獲已為強起有遷人陳丞者緣又舊出百金裝君不悅曰丞為廉吏惠吾邑吾不啻百金者數也而乃用邑金溷我何也丞謝過罷去自是賸贄俱絕補考功之三月而調文選為文選一年遷稽勳員外郎君強敏於職不廢亦時時佐其長有所推進而其好為古文辭日益甚會李公與相嚴交惡見法而君又嘗躄故楊忠愍公揚亦以糾相嚴坐論

敬恨君甚幾欲用考功令斥之有救者獲免然亦竟
出為福建布政司叅議君取道省太公於金陵游燕
子磯為文記之復偕子與游茅山題詩刻石愀然長
嘯有終焉之志太公趣之任恒改日微之以不辦具
裝故太公笑曰吏部即貧乃爾耶則何以使比部郎
代具裝出月俸三十金予之乃克往君至而旋有倭
難當守西門鄉氓櫛負求入者幾萬人君戒門者內
之或謂賊且近柰何君曰吾在不虞賊也入甫畢賊
至衆懼失色歆下君行求善火具者百人置宴室間

手俸金人為勞且約曰俟吾鼓而俱發不然毋動也
賊輕城無人凌睥睨上魚貫其後君度賊已集鼓之
火且累百發洞中賊死者無算遂以瀆去督府檄君
護狼兵歸兵出省欲縱君令語之曰吾日一酒食痛
若若不歸伍宿吾不止寢也夫法不能貸若矣賊兵
憎君威竟度嶺無敢譁者君兩佐文武試其所善策
論若序傳藝林中以為武久之遷其省按察副使督
學校君每出按部校士坐堂上取試題為程義以
夕及旦日閱卷以又次日進退諸生無不人人厭服

已徐出所為程義示之又無不人人厭服也諸生貧者調學田租贍之不給則為損月俸減供具繼之以為常君既精疆於其職而兩臺使者諸司道大夫用名重故造請文事填委君又以其間刻意騷雅嘔吟非丙夜不已遂寢瘵亟門人乃稍次其生平著述凡十餘卷梓之疾革衣冠坐廳事手書三詩於帙飄飄然有御風凌虛意已擲筆而逝訃聞兩臺使者哭於臺諸司道大夫哭於其署博士弟子哭於學士女哭於巷曰誰為社稷贖宗君也則曰誰為贖宗君

師我也則又曰誰為贖宗君父母我也御史獻科下
諸郡祠君名宦訃聞興化族戚生友哭泣於訃所則
又曰誰睦姻任卹我也提學御史都臺并各道下府
縣祠君鄉賢春秋祭弗絕君於詩好建安及李白杜
甫於文好司馬遷北地李夢陽然自以其才氣勝之
不屑屑取似也其橫放雄厲莫可得而羈斂高者凌
太虛秀者奪萬色務出意象之表以自愉快寧瑕而
壁寧蹶而千里至於論說千古成敗慷慨警節寧為
祥毋寧為頽此豈局躋轅下老土壤者哉乃其孝友

數試於刑二試於吏三試於閩循良首蓋為文
士吐氣矣君得年僅三十六娶於陸無子當求為子
者於子培而未也嗟夫雖然以君大者救之亦壽且
有後哉是宜銘 銘曰有鳥五彩萃於大庭帝發厥
祥千秋一鳴雖麗霄萬羽奪聲遠彼朝陽困於南
征歲蕤其姿從風飄零片羽寸翰攬者稱禎大瑞不
再母胤永傾厥穴何所揚之廣陵汝產汝歸予銘可
徵

吳中王世貞

